

中国古医籍整理丛书

方书—33

国家中医药管理局

中医药古籍保护与利用能力建设项目

# 圣济总录

(第九册)

宋·赵佶 敕编  
王振国 杨金萍 主校





中国古医籍整理丛书

# 圣济总录

(第九册)

宋·赵佶 敕编

主 校 王振国 杨金萍

校注者 (按姓氏笔画排序)

王飞旋	王春燕	田丹枫	刘 鹏	李怀芝
李建业	李绍林	何 永	张丰聪	陈 聪
范 磊	周 扬	金秀梅	孟 玺	郭君双
路明静	臧守虎			

中国中医药出版社

· 北 京 ·

**图书在版编目 ( CIP ) 数据**

圣济总录 / ( 宋 ) 赵佶敕编; 王振国, 杨金萍主校. — 北京: 中国中医药出版社, 2018.12

( 中国古医籍整理丛书 )

ISBN 978 - 7 - 5132 - 3940 - 0

I . ①圣… II . ①赵… ②王… ③杨… III . ①方书 - 中国 - 宋代 IV . ①R289.344

中国版本图书馆 CIP 数据核字 ( 2016 ) 第 312837 号

---

**中国中医药出版社出版**

北京市朝阳区北三环东路 28 号易亨大厦 16 层

邮政编码 100013

传真 010 64405750

保定市中画美凯印刷有限公司印刷

各地新华书店经销

开本 710×1000 1/16 印张 281.5 字数 3005 千字

2018 年 12 月第 1 版 2018 年 12 月第 1 次印刷

书号 ISBN 978 - 7 - 5132 - 3940 - 0

定价 2980.00 元

网址 [www.cptcm.com](http://www.cptcm.com)

**社长热线 010-64405720**

**购书热线 010-89535836**

**侵权打假 010-64405753**

**微信服务号 zgzyycbs**

**微商城网址 <https://kdt.im/LldUGr>**

**官方微博 <http://e.weibo.com/cptcm>**

**天猫旗舰店网址 <https://zgzyycbs.tmall.com>**

如有印装质量问题请与本社出版部联系 ( 010 64405510 )

版权专有 侵权必究

第九册目录

卷第一百六十七

小儿门 .....	三四五一
小儿统论 .....	三四五一
小儿初受气法 .....	三四五二
小儿初生法 .....	三四五二
论小儿初生将护法 .....	三四五三
小儿取吐胸中恶血法 .....	三四五四
初生儿服朱蜜法 .....	三四五四
小儿始哺法 .....	三四五四
拣乳母法 .....	三四五五
乳小儿法 .....	三四五五
乳母忌慎法 .....	三四五五
小儿相法 .....	三四五六
浴儿法 .....	三四五六
小儿口噤 .....	三四五七
小儿撮口 .....	三四五九
小儿蛾口 .....	三四六〇
小儿重腭 .....	三四六二
小儿脐风 .....	三四六三
小儿脐疮 .....	三四六四
小儿解颅 .....	三四六六
小儿囟陷 .....	三四六八
小儿变蒸 .....	三四六九

卷第一百六十八

小儿门 .....	三四七二
小儿温壮 .....	三四七二
小儿壮热 .....	三四七六
小儿潮热 .....	三四七九
小儿风热 .....	三四八二
小儿热渴 .....	三四八八

卷第一百六十九

小儿门 .....	三四九〇
小儿疮疹 .....	三四九〇
小儿惊热 .....	三四九八
小儿急惊风 .....	三五〇五

卷第一百七十

小儿门 .....	三五一三
小儿慢惊风 .....	三五一三
小儿惊悸 .....	三五二〇
小儿惊啼 .....	三五二三
小儿夜啼 .....	三五二六

卷第一百七十一

小儿门 .....	三五三一
小儿羶啼 .....	三五三一
小儿惊痫 .....	三五三二



小儿风痢	三五三九
小儿食痢	三五四五
小儿诸痢	三五四七

卷第一百七十二

小儿门	三五五三
小儿天痢	三五五三
小儿胎风	三五五五
小儿惊疳	三五五八
小儿干疳	三五六三
小儿漏疳	三五六六
小儿脑疳	三五六八
小儿急疳	三五七一
小儿口齿疳	三五七五
小儿无辜疳	三五七八
小儿疳渴不止	三五八二

卷第一百七十三

小儿门	三五八六
小儿疳痢	三五八六
小儿疳痢久不差	三五九四
小儿疳蠹	三五九七
小儿五疳出虫	三五九九
小儿诸疳	三六〇二

卷第一百七十四

小儿门	三六〇九
小儿伤寒	三六〇九
小儿中风	三六一一
小儿发黄	三六一五

小儿疰	三六一七
小儿水气肿满	三六一八
小儿心痛	三六二〇

卷第一百七十五

小儿门	三六二四
小儿宿食不消	三六二四
小儿腹胀	三六二六
小儿哺露	三六二九
小儿丁奚腹大	三六三一
小儿脾胃气不和不能饮食	三六三四
小儿咳嗽	三六三六

卷第一百七十六

小儿门	三六四一
小儿咳逆上气	三六四一
小儿呕吐	三六四三
小儿啰	三六四七
小儿吐衄	三六四九
小儿乳癖	三六五一
小儿癥瘕癖结	三六五六

卷第一百七十七

小儿门	三六五九
小儿骨蒸	三六五九
小儿痰实	三六六一
小儿客忤	三六六三
小儿中恶	三六六五
小儿中蛊	三六六六



小儿尸注 ..... 三六六八  
 小儿胎寒 ..... 三六七一

### 卷第一百七十八

小儿门 ..... 三六七四  
 小儿冷痢 ..... 三六七四  
 小儿热痢 ..... 三六七八  
 小儿赤白痢 ..... 三六八一  
 小儿血痢 ..... 三六八五  
 小儿脓血痢 ..... 三六八八  
 小儿蛊毒痢 ..... 三六九一

### 卷第一百七十九

小儿门 ..... 三六九三  
 小儿下痢烦渴 ..... 三六九三  
 小儿胃风腹胀泄痢  
 ..... 三六九六  
 小儿洞泄注下 ..... 三六九八  
 小儿下痢后脱肛 ..... 三七〇二  
 小儿诸淋 ..... 三七〇四  
 小儿小便不通 ..... 三七〇六  
 小儿大便不通 ..... 三七〇九  
 小儿诸虫 ..... 三七一一  
 小儿盗汗 ..... 三七一六  
 小儿吐血 ..... 三七一八  
 小儿鼻衄 ..... 三七二〇

### 卷第一百八十

小儿门 ..... 三七二一  
 小儿鼻鼈塞 ..... 三七二一

小儿鼻多浊涕 ..... 三七二二  
 小儿脑热鼻干无涕  
 ..... 三七二四  
 小儿多涕 ..... 三七二六  
 小儿喉痹 ..... 三七二七  
 小儿重舌 ..... 三七二九  
 小儿木舌 ..... 三七三〇  
 小儿燕口疮 ..... 三七三一  
 小儿口疮 ..... 三七三二

### 卷第一百八十一

小儿门 ..... 三七三六  
 小儿语迟 ..... 三七三六  
 小儿齿不生 ..... 三七三七  
 小儿咽喉诸病 ..... 三七三七  
 小儿误吞物 ..... 三七四〇  
 小儿紧唇 ..... 三七四一  
 小儿涎液不收 ..... 三七四三  
 小儿胎赤眼 ..... 三七四四  
 小儿斑疮入眼 ..... 三七四六  
 小儿眼生翳膜 ..... 三七四八  
 小儿目赤痛 ..... 三七五一  
 小儿聾耳百虫入耳附  
 ..... 三七五三

### 卷第一百八十二

小儿门 ..... 三七五六  
 小儿诸丹 ..... 三七五六  
 小儿游肿赤痛 ..... 三七六三  
 小儿痈疮 ..... 三七六五



小儿疽疮	三七六七
小儿瘰癧结核	三七七〇
小儿恶疮	三七七二
小儿冻烂疮	三七七四
小儿疥	三七七五
小儿癣	三七七六
小儿风瘙癢疹	三七七八
小儿癰疽	三七八〇

卷第一百八十三

乳石发动门	三七八四
乳石发动统论	三七八四
乳石将适失度	三七八四
乳石发动寒热	三七八六
乳石发渴	三七八八
乳石发动上冲头面及 身体壮热	三七九〇
乳石发动吐血衄血	三七九三
乳石发目昏赤痛	三七九四
乳石发痈疽发背疮肿	

	三七九六
乳石发身体生疮	
	三八〇一
乳石发口舌疮烂	
	三八〇三

卷第一百八十四

乳石发动门	三八〇六
乳石发身体肿	三八〇六
乳石发上气喘嗽	三八〇八
乳石发呕逆	三八一〇
乳石发霍乱转筋	三八一二
乳石发痞结羸瘦	三八一四
乳石发心腹胀满	三八一六
乳石发下利	三八一八
乳石发淋沥	三八二〇
乳石发大小便不通	
	三八二二
服乳石备饮食常法	
	三八二四
乳石发诸药不治者	
	三八二六



## 卷第一百六十七

### 小儿门

小儿统论 小儿初受气法 小儿初生法 论小儿初生将护法 小儿取吐胸中恶血法 初生儿服朱蜜法 小儿始哺法 拣乳母法 乳小儿法 乳母忌慎法 小儿相法 浴儿法 小儿口噤 小儿撮口 小儿蛾口 小儿重腭 小儿脐风 小儿脐疮 小儿解颅 小儿囟陷 小儿变蒸

### 小儿门

#### 小儿统论

论曰：小儿初生，气体稚弱，肤革不能自充，手足不能自卫，保护鞠育，盖有所待。自受气至于胚胎，由血脉至于形体，以至筋骨毛发、腑脏百神，渐有所就，而后有生。盖未生之初，禀受本于父母。既生之后，断脐洗浴，择乳襁褓，皆有常法。谨守其法，无所违误。犹或胎气禀受有强弱，骨骼所具有成亏，而寿数之修短系焉。是以昔人于字乳之法，至纤至悉。初生之时，先去恶血；去血之后，次与丹蜜。恶血在里，则吐利以除之；气有所亏，则灸炳以助之。或呵脐，或卫囟，然后饮乳用哺，无令伤风，无令惊恐，庶几其有成也。苟失其养，疾疢因之，故解颅、重腭、连断、撮口、重舌、癫痫、口噤、偃啼之类，得诸胎中；惊啼、客忤、中恶、魃病之类，得诸感袭。乳哺不节，则有癖结、哺露<sup>①</sup>、丁奚<sup>②</sup>、伤饱之患；肥甘过度，则有诸疳之疾。以至风寒暑湿

① 哺露：因乳哺不调，脾胃伤损，气血不能荣养，而致身体羸瘦、发热。《诸病源候论》卷四十七“小儿杂病诸候·哺露候”：“小儿乳哺不调，伤于脾胃。脾胃衰弱，不能饮食，血气减损，不荣肌肉，而柴辟羸露。其脏腑之不宜，则吸苦热，谓之哺露也。”

② 丁奚：指小儿乳食过度，难以消化，气血不能化生以荣养肌体，以致肌肉羸瘦，表现为腹大、颈细小、黄瘦的病证。《诸病源候论》卷四十七“小儿杂病诸候·大腹丁奚候”：“小儿丁奚病者，由哺食过度，而脾胃尚弱，不能磨消故也。哺食不消，则水谷之精减损，无以荣其气血，致肌肉消瘠，其病腹大、颈小、黄瘦是也。”



致寇于外，五脏六腑感伤于内，无不成病者。今集慈幼之法，自初生至于成童，凡证候可调者，悉著于篇云。

### 小儿初受气法

凡小儿受气在娠，一月胚，二月胎，三月血脉生，四月形体成，五月动，六月筋骨立，七月毛发生，八月脏腑具，九月谷气入胃，十月百神备而生。生后六十日，目瞳子成，能颔笑识人；百日任脉生，能反覆；百八十日，尻骨成，能独坐；二百一十日，掌骨成，能匍匐；三百日髓骨成，能独倚；三百六十日为一期，膝骨成，乃能行<sup>①</sup>。此是定法。若有不依期者，必不寿也。

### 小儿初生法

小儿始生，肌肤未成，不可暖衣，暖即令筋骨缓弱。不可不见风日，不见风日，即令肌肤脆软。衣被宜故絮，勿用新棉。天气和暖，令乳母与之俱戏日中，数见风日，则血凝气刚，肌肉硬密，堪耐寒暑。若常在帟帐，重衣温暖，譬如阴地草木，软脆易伤。又当薄衣。薄衣之法，当从秋习之，勿于春夏卒然减去，恐中风寒，冬月常令衣适，可御寒则佳。爱而暖之，适所以害之也。又当消息，无令汗出，即致虚损。昼夜寤寐，皆宜慎之。

其饮食乳哺，不能无痰癖，常当节适。若微不进，仍当将护。凡不能进乳哺，则宜下之，不致寒热也。又小儿始生，生气尚盛，无有虚劳，微恶即须下之，所损不足言，其益多矣。若不时下，则疾成难治。冬月下之，最难将护。然有疾者，亦不可不下。夏月下后，腹<sup>②</sup>中常小胀满，当节哺乳护之。儿之乳哺，宜令多少有常。儿稍大，食哺自能稍增。若减少者，是腹中已有小不调，便当微与药。勿复哺之，但乳之而已。甚者十余日，轻者五六日，自当如常。若都不食哺而但饮乳者，此是有癖，不可不

① 行：乾隆本、文瑞楼本同，明抄本、日本抄本作“行立”。

② 腹：明抄本、乾隆本、文瑞楼本同，日本抄本作“肠”。



下。不下即致寒热，或吐而发病，或致下痢。若先治其轻，则病速愈矣。

小儿有少病痢者，母怀娠时，役动骨血，即令气强。若侍御多，血气微，胎养弱，即儿软脆易伤，故多病痢。儿须多著项衣，取燥菊花为枕枕之。母乳儿时，摸儿风池。若壮热，即须熨使微汗。微汗不差，便灸两风池，及背第三颡<sup>①</sup>、第五颡、第七颡、第九颡两边各二穴，与风池凡为十穴。一岁儿七壮，儿大者以意增之，可至三十壮。唯风池特宜多，七岁以上，多至百壮。小儿常切慎护风池，风池在颈项筋<sup>②</sup>两边，有病乃治之。寻常不可妄施针灸，亦不可轻于吐下。缘针灸伤经络，吐下动腑脏故也。但当以除热汤浴之，除热散粉之，除热赤膏摩之，又以脐中膏涂之。令儿处凉，时以新水饮之。新生无疾，慎不可逆针灸。逆针灸即忍痛动脉，因而成痢。河洛间土地多寒，儿喜病瘕，其俗生儿三日，多逆灸以防之，又灸其颊以防噤，又决舌下以去血。江东吴蜀地温，无此疾。古方虽传有逆针灸之法，今人不详南北之殊，便案方用之，为害最多。惟田舍小儿，任其自然，皆无此患。

又云春夏不可下。以小儿腑脏软弱，易虚易实，下之则下焦必虚，上焦生热，热即增痰，自非当下之病，不可下也。

### 论小儿初生将护法

小儿新生出胎，便以绵裹指拭口中及舌上青，去其恶血，此谓之玉衔。若不急拭，啼声一发，即入腹，成血病矣。若儿生下不作声者，当取冷水灌之，须臾当啼。又以葱白细细鞭之，即啼。儿之初生，速当举之。举之差晚，则令寒中，腹内雷鸣。仍先浴之，后速断脐。不得用刀，惟令人隔单衣咬断，兼将暖气呵七遍，然后结之。所留脐带，令长至儿足。若短，即令儿腹中不调，常令下痢。若先断脐，然后浴者，则脐中水而发腹痛，其脐断讫，

① 颡(chuí 锤)：日本抄本、文瑞楼本同，明抄本、乾隆本作“椎”。颡，脊椎骨，后作“椎”。《字汇·页部》：“颡，脊骨。”

② 筋：明抄本、乾隆本、文瑞楼本同，日本抄本作“节”。



脐连带中多有虫。宜急去之，不尔，入腹生疾。又尿清者，冷也，与中水同。此当令儿腹痛，大啼呼，面青黑，是中水之过，当灸之至八九十壮。若轻者，但脐肿出汁，时时啼呼，捣当归末傅之，或炙绵絮熨之，有至百日乃愈者。又法，儿初生，宜以父故衣裹之；若生女，宜以母故衣裹之。勿与新帛，切须依法，令儿长寿。

### 小儿取吐胸中恶血法

小儿洗浴断脐棚抱毕，宜取甘草如中指一节许，打碎，以水二合，煮取一合，绵沾与儿吮之。约得一蚬壳许，入腹即止，儿当吐去胸中恶汁。如得吐，余药更不须与。若不得吐，可消息与之。若更与而又不吐者，但稍稍与之，令尽一合止。如得吐，令儿智慧无病。一合尽都不吐者，是儿胸中无恶血耳。勿复与之，乃与朱蜜，以镇心神，定魂魄也。

### 初生儿服朱蜜法

小儿初生三日中，须与朱蜜。只不宜多，多则令儿胃冷腹胀，喜病阴痢气急，变噤则痉而死也。惟以真飞炼丹砂如大豆许，赤蜜一蚬壳和之，绵沾与儿吮之，得三沾止，一日吮尽，连三日与之，则三豆也，勿令过此。与朱蜜讫，可与牛黄如朱蜜多少。牛黄益肝胆，除邪热，定精神，止惊悸，辟恶气，去百病。

### 小儿始哺法

小儿新生三日后，应开肠胃，助谷神。可研米作粥饮，如乳酪厚薄，以大豆许与咽之，频咽三豆许止，日三。满七日方与哺。凡儿生十日，始哺如枣核，又十日倍之，五十日如弹丸，百日如枣，令儿无疾。哺之太早而多者，头面身体生疮，愈而后发，令儿羸弱<sup>①</sup>难长。

<sup>①</sup> 羸（wāng 汪）弱：乾隆本、日本抄本、文瑞楼本同，明抄本作“瘦弱”羸，即瘦弱、瘠病。晋·葛洪《抱朴子·塞难》：“或性随羸弱，或且黑且丑。”



## 拣乳母法

乳母以血气为乳汁，五情善恶，悉血气所生，凡择乳母，欲其喜怒不妄，情性和善而已，他亦不可求备。但形色不恶，相貌稍通，无胡臭、癭瘰、疮痍、疥癣、白秃、疔疡、沉失枕切唇<sup>①</sup>、耳聋、鼾鼻、颠眩等疾，便可饮儿。

## 乳小儿法

凡乳儿，不欲太饱，饱则呕吐。若太饱者，以空乳含之则消。夏不去热，乳令儿呕逆；冬不去寒，乳令儿咳痢。凡欲乳儿，先令乳母捏去乳汁，接散热气，勿令乳汁奔出，奔出即令儿噎。若噎，便出其乳，候气歇定良久，复饮之。又每侵早<sup>②</sup>捏去宿乳，乳母共儿卧，当令儿头与乳齐，乃饮之。若头低乳高，则咽饮不快。又小儿初生一月内，常与猪乳饮为佳。

## 乳母忌慎法

小儿饮乳，则乳母当知禁忌，不尔，令儿百病由之而生。大忌之法，春夏不得冲热与儿乳，令发热疳并呕逆，秋冬不得以冷乳与儿，令腹胀羸瘦。乳母嗔怒，次不得哺儿，令患狂邪。乳母醉，不得哺儿，令患惊痫、天疳、急风等。乳母有孕，不堪哺儿，令患胎黄及脊疳。乳母有疾，不得哺儿，令患癫痫风病。乳母吐后，不得哺儿，令呕逆羸瘦。乳母伤饱，不得哺儿，令多热喘急。乳母忌食诸豆及酱、热面生冷之类。若儿患疳，即不得食羊肉及鱼。凡乳母不得以绵衣盖儿头面，及不得以口鼻吹着儿面。衣服忌着新棉，百日内不得以油腻手褊抱，及不得令火炙襁褓，令儿染热病。若冬中大寒，以火炙干衣被，且置地上少时，熟接令冷暖得所，然后用之。如乳母行房，气息未定便哺儿，亦

① 沉唇：即唇紧。见“口齿门”。

② 侵早：凌晨。清·翟灏《通俗编》卷三：“侵早，即凌晨之谓，作清早者非。”



致多病。未满月内，所驱使人，亦不得令有所犯到儿前，恐恶气触儿。

## 小儿相法

儿生枕骨不成者，能言而死。膝骨不成者，能踞而死。掌骨不成者，匍匐而死。踵骨不成者，能行而死。髌骨不成者，能立而死。又初生头四破者不成，啼声散者不成，汗不流、小便凝如脂者不成。此其大略也。

## 浴儿法

凡新生儿浴法，猪胆一枚，投汤中，令儿终身不患疮疥，汤中勿添生水，浴讫断脐。

### 新生儿三日浴法

桃根 李根 梅根各二两。剉

上三味，以水八升，煮二十沸，去滓，浴之。去不祥，令儿终身无疮疡。一方，煎成去滓后，入麝香末少许。

### 治新生小儿惊，辟恶，浴，金骨汤方

金一斤 虎头骨一枚

上二味，以水一斗，煮取七升，适冷暖浴儿佳。凡浴儿辟除恶气，令儿不惊，不患疮疥。

### 虎头<sup>①</sup>汤方<sup>②</sup>

虎头骨五两 苦参四两 白芷二两<sup>③</sup>

上三味，以水一斗，煮二十沸，入猪胆汁少许，适寒温浴儿。

### 治儿少小身热，李叶汤方

李叶不拘多少

① 虎头：日本抄本、文瑞楼本同，明抄本、乾隆本作“虎头骨”。明抄本此前有“又浴儿，主辟除恶气，兼令儿不惊，不患诸疮疥”句。

② 方：日本抄本旁注“又方下有镇心安神，示无惊风、癫痫、疮疥、癣疥之患，用赤金十两，都四味”。

③ 两：乾隆本、日本抄本、文瑞楼本同，明抄本此后有“赤金十两”。



上一味，以水煮熟，去滓，适寒温浴儿。

又方

白芷<sup>①</sup>根苗，煎汤浴儿，良<sup>②</sup>。

又方

苦参，煎汤浴儿良。

治新生儿卒寒热不住，不能服药，用六物莽草汤浴之方

莽草 丹参 蛇床子 桂各三两 菖蒲半斤 雷丸一斤

上六味，剉碎，以水五升，煮三五沸，适寒温浴儿，避日向阴处。

治小儿卒客忤，吐下乳哺，面青黄色变弦，急浴之方

钱七十文

以水三升，煮令有味，适寒温浴儿。

凡寻常浴儿法

上以汤添水，着少盐，浴儿后，以粉傅之。若无事，勿数浴，恐遇风冷，令儿发惊成痫。

### 小儿口噤

论曰：夫小儿初生，便得口噤，不能饮乳者，此由在胎时，其母腑脏有热，熏蒸胞胎，热气入儿心脾，致初生后，口中忽结热于舌上如黍米大，令儿不能吮乳，名之曰噤也。

治小儿<sup>③</sup>口噤，瓜蒂散方

瓜蒂七枚 全蝎一枚。微炒 赤小豆二七<sup>④</sup>粒

上三味，捣罗为散。每服粥饮调下半钱匕<sup>⑤</sup>，服后以吐为效，量儿大小加减服之。

治<sup>⑥</sup>初生儿口噤不开，舌不能饮乳方

① 白芷：乾隆本、日本抄本、文瑞楼本同，明抄本此前有“苦参”。

② 良：乾隆本、日本抄本、文瑞楼本同，明抄本此后有“无事勿数浴”。

③ 小儿：乾隆本、日本抄本、文瑞楼本同，明抄本此后有“初生”。

④ 二七：乾隆本、日本抄本、文瑞楼本同，明抄本作“二十一”。

⑤ 半钱匕：乾隆本、日本抄本、文瑞楼本同，明抄本作“三五分”。

⑥ 治：乾隆本、日本抄本、文瑞楼本同，明抄本此前有“蜘蛛散”。



蜘蛛一枚。去足及口，炙令焦，细研 猪乳半合  
上二味，将猪乳和蜘蛛末分为三服，徐徐灌之

### 治<sup>①</sup>小儿初生口噤不开方

上取赤足蜈蚣半枚<sup>②</sup>，去足，炙令焦，研为末，以猪乳二合和，  
分三四服与之，差。一方用人乳汁。

治小儿口噤，其病在咽中如麻豆许，令儿吐沫，不能乳哺，  
水银方

上以水银如黍米大，与儿服 觉病，不问早晚，水银下咽  
便愈。以意量之，不过小麻子许为度 百日儿，不可过如小麻  
子许。

### 治小儿口噤体热方

上取竹沥一合令温，分三服，差。

### 又方

上取雀屎一枚为末，着<sup>③</sup>乳头上，与儿饮，差。

### 又方

上取鹿角粉、大豆末各少许相和，涂乳头上，与儿饮，差

### 又方

上取驴乳二盏、猪乳一盏相和，煎得一盏半，时取少许与儿  
服，差。

### 又方

上取牛口𪔐<sup>④</sup>草，绞汁，涂口上，差。

### 又方

上取白牛尿，涂口中，差。

### 又方

上取东行牛口沫，涂口及额，即止。

① 治：乾隆本、日本抄本、文瑞楼本同，明抄本此前有“蜈蚣散”

② 半枚：乾隆本、日本抄本、文瑞楼本同，明抄本作“一条”。

③ 着：原作“看”，形近而误，据乾隆本、日本抄本、文瑞楼本改。明抄本  
无此方

④ 𪔐(chī 痴)：牛反刍。《说文·齿部》：“𪔐，吐而噍也。”《尔雅·释兽》：  
“牛曰𪔐。”郭璞注：“食之已久，复出嚼之。”



又方

上取鸡屎白如豆大三枚，以水下差。

### 小儿撮口

论曰：小儿初生，未满七日，面赤喘促，啼声不出，乳哺艰难，名为撮口。盖因胎中受风挟热，始生之时，气血未定，洗浴当风，襁抱失宜，遂成斯疾。最为急切，宜速治之。

治小儿初生，胎热撮口，麝香散方

麝香研 丹砂研。各一分 蛇蛻皮一尺。炙令赤，为末

上三味，细研如粉 每用半字匕，津唾调，涂儿唇上，日五七次。

治小儿初生撮口，不收乳方

蜈蚣一条。赤足者

上一味，去足，炙微黄，研为细末，以乳汁一合，调半钱匕，分三四服，温灌之。

治初生小儿撮口，不收乳饮，乌蛇散方

乌蛇酒浸，去皮、骨，炙令黄熟。半两 麝香一<sup>①</sup>分。研，去筋、膜

上二味，将乌蛇捣罗为末，同麝香再研匀 每服半钱，煎荆芥汤调灌之。

治小儿撮口及发噤方

晚蚕蛾二枚。炙令黄

上一味，研为末，蜜和，涂儿口唇内。

治小儿初生撮口，钓藤汤方

钓藤 升麻 黄芩去黑心 各半两 蛻螂二<sup>②</sup>枚。去翅、足，微炒

上四味，粗捣筛。每服一钱匕，水一小盏，入芦根半分，煎

① 一：乾隆本、日本抄本、文瑞楼本同，明抄本作“五”。

② 二：乾隆本、日本抄本、文瑞楼本同，明抄本作“一”。



取五分，去滓，放温，徐徐服。量儿大小加减。

治小儿因剪脐伤风致唇青口撮，保生散方

蜈蚣一条。赤足者，炙令干 乌头尖六枚。生用 麝香研一字

上三味，除麝香外，捣为末，同研极细。每服半字匕，煎金银薄荷汤调下。

治小儿撮口方

赤足蜈蚣一条 棘刚子五枚

上二味，烧成灰，饭和为丸如麻子大。每服三丸至五丸，乳汁下。

治小儿脐风撮口，丹砂丸方

丹砂研 麝香研 牛黄研。各一分 半夏汤洗七遍，切，焙 丁香 白附子 铁粉<sup>①</sup>研 天麻 天南星各半两

上九味，捣研为末，用粳米饭丸如麻子大。每服五丸，荆芥汤下，空心午后各一服。量儿大小，以意加减

治小儿胎风热，撮口发噤，牛黄竹沥散方

牛黄研。一分 淡竹沥半合

上二味，每服牛黄一字匕，用淡竹沥调下，一二岁儿服之；三四岁儿，每服半钱<sup>②</sup>，日三服。量儿大小，以意加减。

## 小儿蛾口

论曰：小儿初生，口中有白屑如米粟状，鼻外亦有，乃至舌上生疮，谓之蛾口。此由胎中禀受谷气偏多，既生之后，心脾气热，上熏于口，致成斯疾。盖心主舌，脾之络脉散舌下故也。

治小儿初生，连舌下有膜如石榴子中膈，连其舌下，微微令儿语不发、不转<sup>③</sup>方

① 铁粉：明抄本、乾隆本、文瑞楼本同，日本抄本此后有“一分”。

② 半钱：乾隆本、日本抄本、文瑞楼本同，明抄本作“二字”。

③ 不转：明抄本、乾隆本、文瑞楼本同，日本抄本作“舌不转”。

上以爪摘断，令微有血出，无害。若血不止，可烧发灰作末傅之，止。

### 治小儿蛾口方

上取栗房，以井华水浓煮汁，以绵缠箸头沾拭之。如无栗房，以栗木皮代。

### 治小儿蛾口方

上取柘木根，净洗，细剉，五<sup>①</sup>升。无根，只以弓材亦佳。水一<sup>②</sup>升，煮取五合，去滓，更煎二合，频频拭齿口，即差。

### 治小儿蛾口，不能饮<sup>③</sup>乳，牛黄散方

牛黄一分。为末

上一味，用竹沥调匀，沥在儿口中<sup>④</sup>。

### 治小儿蛾口，不能乳方

上取白鹅粪，以水绞取汁，沥在口中<sup>⑤</sup>。

### 又方

上取黍米，以水研取汁涂拭之。

### 治小儿蛾口并噤<sup>⑥</sup>，白矾散方

白矾烧灰 丹砂研。各一分

上二味，和研极细，傅儿舌上，日三次<sup>⑦</sup>，以乱发揩舌上垢令净，即差。

### 治<sup>⑧</sup>小儿蛾口方<sup>⑨</sup>

上以指缠乱发，以温水掠之，三日忽绝，甚效。

① 五：乾隆本、日本抄本、文瑞楼本同，明抄本作“一”。

② 一：乾隆本、日本抄本、文瑞楼本同，明抄本作“二”。

③ 饮：乾隆本、日本抄本、文瑞楼本同，明抄本作“吮”。

④ 上一味……儿口中：此13字乾隆本、日本抄本、文瑞楼本同，明抄本作“细研，以竹沥和半字，频涂口中并舌下，差”。

⑤ 中：乾隆本、日本抄本、文瑞楼本同，明抄本此后有“舌上下良”。

⑥ 并噤：乾隆本、日本抄本、文瑞楼本同，明抄本作“不能吮乳”。

⑦ 日三次：乾隆本、日本抄本、文瑞楼本同，明抄本作“日二夜一”。

⑧ 治：乾隆本、日本抄本、文瑞楼本同，明抄本此前有“乱发灰散”。

⑨ 方：乾隆本、日本抄本、文瑞楼本同，明抄本作“不能吮乳”。



# 治<sup>①</sup>小儿蛾口方<sup>②</sup>

上以马牙消细研为粉，每用一豆大，涂舌下，日三次。

## 小儿重腭

论曰：小儿初生，上腭有物胀起若悬痛，或如芦箠盛水之状者，名曰重腭。此乃脾胃挟热，血气不能收敛，令口中舌下或在腭颊，如吹小脬。速宜以绵缠长针，微露锋芒，刺肿处，决去恶汁，则其病可消。若再生，亦宜再刺。不尔，则胀满口中，妨害乳食呼吸，不可<sup>③</sup>缓也。

治小儿重腭重断肿痛，口中涎出，牛黄散方

牛黄 龙脑 丹砂各一分 太阴玄精石一两 铅霜半两

上五味，各细研为散，再和研匀。每服半钱匕，先于重舌上以铍针针破出血，用盐汤洗拭口，然后掺药于口中<sup>④</sup>，神效

又方<sup>⑤</sup>

驴乳 猪乳各一<sup>⑥</sup>合

上二味相和，煎至二合，时时与儿服之。

又方

玄明粉 太阴玄精石各一分 铅霜半<sup>⑦</sup>分

上三味，同研令细，少少傅之。

又方

上以蛇蛻皮烧灰，研令细，以少许傅之，效。

又方<sup>⑧</sup>

① 治：乾隆本、日本抄本、文瑞楼本同，明抄本此前有“马牙消涂”。

② 方：乾隆本、日本抄本、文瑞楼本同，明抄本作“不能吮乳”。

③ 可：乾隆本、日本抄本、文瑞楼本同，日本抄本旁注“又可下有少”，明抄本此后有“少”。

④ 口中：乾隆本、日本抄本、文瑞楼本同，明抄本此后有“上下三四次”。

⑤ 又方：乾隆本、日本抄本、文瑞楼本同，明抄本作“乳饮，治小儿重腭”。

⑥ 各一：乾隆本、日本抄本、文瑞楼本同，明抄本作“二”。

⑦ 半：乾隆本、文瑞楼本同，日本抄本作“一”。明抄本无此方。

⑧ 又方：乾隆本、日本抄本、文瑞楼本同，日本抄本旁注“又合蛇蛻、露蜂房二味为一方”，明抄本此方与上方合为一方

上取露蜂房烧灰细研，以水和，涂口中，立愈。

又方

上取灸煤，以水调涂之。

## 小儿脐风

论曰：新生小儿既断脐之后，脐疮未愈，不可外犯风邪及浴水入疮，湿冷褊抱，皆致脐风。其候脐肿多啼，甚则风行百脉，口噤不乳，身体反强，乃至不救。

治小儿初生至七日，脐风发，肿欲落者，锦灰散方

锦帛烧灰，微存性，一钱 雄鼠粪微炒 七枚 大枣去核 三分 麝香研，少许

上四味，捣研为散。看脐欲落不落，即用药封之。切忌外风入。

治小儿初生断脐了，便傅此散，免一腊<sup>①</sup>内脐风，天浆散方

天浆子三枚 乱发烧灰存性 半钱 蜈蚣二寸，烧灰 羚羊角烧灰。一钱 麝香一小豆大

上五味，研令匀细，才割脐了，便用少许傅之。

治小儿脐风，白龙散方

天浆子有虫者。一枚 白僵蚕直者，炒。一枚

上二味，捣罗为散。入膩粉少许，以薄荷自然汁调灌之，取下毒物神效。量儿大小，分作二服，亦得。

治小儿脐风肿，神灰散方

雄鼠粪七枚，两头尖者是 干姜枣大，一块 甌带一团 绯绵<sup>②</sup> 胡粉炒如金色 白石脂各半两

上六味，存性烧为灰，相和细研，加少许麝香为散，看脐欲落不落，即封脐便差。如未患傅之，终不患也。烧药时，不得令有别灰入。

治小儿脐风久不差，肿出汁者，牡蛎散方

① 一腊：宋代民间习俗，生子七日为“一腊”。宋·吴自牧《梦粱录》：“三朝与儿落脐灸肉。七日名一腊，十四日谓之二腊，二十一日名曰三腊。”

② 绵：乾隆本、日本抄本、文瑞楼本同，明抄本作“帛”。



牡蛎<sup>①</sup>一枚 虾蟆一枚

上二味，并烧为灰，细研如粉，每以少许傅脐中，甚验。

治小儿着脐风汁出，当归散方

当归切，焙。半两 甘草炙，剉。一分 铅丹研<sup>②</sup>。半分

上三味，除铅丹外，捣为散，入铅丹合研令匀，以傅脐中，差<sup>③</sup>。

治小儿脐风，汁出不止，黄檗散方

黄檗去粗皮，一两半 釜底黑煤研 三分 乱发灰研 一分

上三味，先捣黄檗为末，入二味合研令匀，傅脐中，差。

又方

当归切，焙

上一味，捣罗为末，时傅之。

治襁褓中小儿脐风撮口法

上视小儿上下断当口中心处，若有白色如豆大，此病发之候也，急以指爪正当中掐之，自外达内，掐令匝，微血出，亦不妨。又于白处两尽头，亦依此掐，令内外断，应手当愈。

## 小儿脐疮

论曰：小儿初生，当先洗浴，然后断其脐。断脐后，便当以熟艾封裹之，或灸数壮，勿令犯湿。若先断脐，后洗浴，揩拭不干，或为邪气所伤，或为水入脐中，皆致脐疮也。疮过百日者，虽差，或风邪入里，则变为痢矣。

治小儿脐不干，白矾散方

矾石烧灰 龙骨<sup>④</sup>各一分

上二味，细研。傅脐中，取差为度。

① 牡蛎：乾隆本、日本抄本、文瑞楼本同，明抄本此后有“童便淬”。

② 研：乾隆本、日本抄本、文瑞楼本同，明抄本作“炒”。

③ 差：乾隆本、日本抄本、文瑞楼本同，明抄本此前有“勿见风”。

④ 龙骨：乾隆本、日本抄本、文瑞楼本同，明抄本此后有“煨”，义胜。

治小儿脐风汁出<sup>①</sup>，甘草散方

甘草炙，剉 蜈蚣炙焦。各一分

上二味，捣罗为散。掺傅脐中，差<sup>②</sup>。

治小儿脐赤肿，汁出不止，白石脂散方

白石脂一两

上一味，研为散，熬<sup>③</sup>令温，扑脐中，日三<sup>④</sup>。

治小儿满月脐不干方

虾蟆五枚

上一味，烧灰扑脐，日三。

治小儿脐中水湿肿，赤汁出，时时啼呼，当归粉方

当归末 胡粉各半两

上二味，相和研匀，傅脐中，仍炙<sup>⑤</sup>絮熨之，以啼呼止为候。

治小儿脐湿熨方

上取盐豉捣作饼子如钱大，于新瓦上熬令热，更互熨之。亦可以黄檗末傅之。一方，用盐二两、豉二合，同捣作饼熨之。

治小儿脐疮久不差方

干虾蟆大者，一枚。烧灰 白矾一<sup>⑥</sup>分。烧灰

上二味，研细，每用少许傅之，以差为度。

治小儿脐疮，汁出不干<sup>⑦</sup>，黄檗散方

黄檗去粗皮，一两半。为末 釜下墨研，三分 乱发灰研。一分

上三味，同研匀细，少少傅之。

① 脐风汁出：乾隆本、日本抄本、文瑞楼本同，明抄本作“脐不干”。

② 差：乾隆本、日本抄本、文瑞楼本同，明抄本作“勿令见风，愈”。

③ 熬：乾隆本、日本抄本、文瑞楼本同，明抄本作“炒”。

④ 日三：乾隆本、日本抄本、文瑞楼本同，明抄本作“二三次差”。

⑤ 炙：文瑞楼本同，明抄本无，乾隆本、日本抄本作“灸”。

⑥ 一：乾隆本、日本抄本、文瑞楼本同，明抄本此前有“皂荚子”。

⑦ 小儿脐疮汁出不干：乾隆本、日本抄本、文瑞楼本同，明抄本作“脐赤肿，出脓水，久不止”。



治小儿脐中汁出<sup>①</sup>，国老散方

甘草炙，剉。一分 当归焙<sup>②</sup> 铅丹研。各半分

上三味，捣罗二味为散，入铅丹，同研匀细，扑脐中，日三

治小儿脐湿，逾月不止，三灰散方

干虾蟆烧 白矾烧 皂荚子烧。各一分

上三味，细研，少傅脐中。

治小儿脐久不干，赤肿，脓出及清水，当归散方

当归焙<sup>③</sup>

上一味，为末极细，少少着脐中，频用之顷。有小儿尝病脐湿五十余日<sup>④</sup>，用此一傅即干，后因尿入疮复病，又一傅愈

## 小儿解颅

论曰：肾主身之骨髓，脑为髓海，肾气和平，则骨髓充足，骨髓充足，则颅囟圆成。若肾气不足，则骨髓不充，年虽长大，头缝尚开，故名解颅，亦名凶解。

治小儿解颅凶大，身有瘤热，头面汗出，腹胀咳嗽，上气肩息，足蹇胫交，三岁不行，钟乳丸方

钟乳研粉 防风去叉 生干地黄焙 牛黄研 甘草炙，剉 漆花各一分

上六味，捣罗为末，以犬脑髓为丸如麻子大，每服二丸至三丸，米饮下，早晨、午时、日晚各一服。更量大小，以意加减。一方以豚脑丸。

治小儿解颅，细辛散方

细辛去苗叶 桂去粗皮 干姜炮。各一分<sup>⑤</sup>

上三味，捣罗为散。以乳汁和，涂颅上。

(1) 脐中汁出：乾隆本、日本抄本、文瑞楼本同，明抄本作“脐赤肿，出脓水，久不止”。

(2) 焙：乾隆本、日本抄本、文瑞楼本同，明抄本作“炒”。

(3) 焙：乾隆本、日本抄本、文瑞楼本同，明抄本作“炒”。

(4) 五十余日：乾隆本、日本抄本、文瑞楼本同，明抄本作“二月”。

(5) 分：乾隆本、日本抄本、文瑞楼本同，明抄本作“两”。

治小儿脑长，喜摇头，解颅，牛黄丸方

牛黄 漆花 甘草炙，剉 白术 防风去叉 钟乳粉 生干地黄焙。各一分

上七味，捣罗为末，用犬脑髓为丸如麻子大。每服二丸至三丸<sup>1</sup>，温水下，早晨、日午、晚后各一服，更量儿大小，以意加减。

治小儿解颅，凶门开解，封凶散方

柏子仁炒 细辛去苗叶 防风去叉 白及各一两 草乌头炮半两

上五味，捣罗为细散。乳汁调，涂凶开处

治小儿解颅不合，蟹足散方

生蟹足骨焙干<sup>2</sup> 白敛各半两

上二味，捣罗为散。乳汁和，涂凶上，以差为度。

治小儿鼻多涕，是脑门为风冷所乘<sup>3</sup>，甘菊花汤方

甘菊花一两 甘草炙，一分<sup>4</sup> 防风去叉 半两 山茱萸七枚<sup>5</sup>

上四味，粗捣筛 每一钱匕，水一盏，煎至六分，去滓，分温三服，早晨、日午、晚后各一 量儿大小，以意加减。

治小儿鼻多涕，是脑门为风冷所客，细辛膏方

细辛去苗叶。半两

上一味，用油一合，同煎令黑色，去滓，下蜡少许，煎化停凝。每日三度，薄涂凶上。

治小儿凶开不合，合凶散方

防风去叉 白及 柏子仁各一两

上三味，捣罗为散。用乳汁调少许，涂凶上，以合为度。

治小儿脑长发大，凶开不合，臂胫小，不能胜头，半夏散方

1 二丸至三丸：乾隆本、日本抄本、文瑞楼本同，明抄本作“三五丸”。

2 干：乾隆本、文瑞楼本同，明抄本作“炙”，日本抄本无。

3 风冷所乘：乾隆本、日本抄本、文瑞楼本同，明抄本作“风所吹”。

4 分：乾隆本、日本抄本、文瑞楼本同，明抄本作“两”。

5 七枚：乾隆本、日本抄本、文瑞楼本同，明抄本作“四钱”。



半夏汤洗去滑，七遍，焙 芎藭 桂去粗皮 各一两 草乌头十枚。炮裂，去皮脐 细辛去苗叶。二两

上五味，细剉，以酒四升，渍一宿，煮令微热，漉出，绵裹温熨囟上，朝暮二三十遍，良。

### 治小儿脑长，囟不合，鸡血涂方

上取丹雄鸡一只，将就小儿囟上，割其冠，使血滴肉讫，以赤芍药末粉血上<sup>①</sup>。

### 治小儿解颅，脑缝开不合，防风丸方

防风去叉 钟乳粉 牛黄研 白术各半两 熟干地黄焙 甘草炙。各三分

上六味，捣罗为末，炼蜜丸如梧桐子大 每服二丸，温水化下，随岁数加减服<sup>②</sup>。

### 治小儿解颅，囟缝不合<sup>③</sup>，涂傅膏方<sup>④</sup>

蛇蛻烧灰 猪颊骨髓各少许

上二味，调和为膏。涂囟上，日再易。

## 小儿囟陷

论曰：人之冲气，内围于胃，上通囟顶，小儿胃气冲和，则脑髓充成，囟顶渐合，若胃热熏蒸腑脏，则渴而引饮，因致泄利，令腑脏血气虚弱，不能上充髓脑<sup>⑤</sup>，所以囟陷也。

治小儿脏腑壅热，气血不荣，致囟陷者，生干地黄散方

生干地黄焙<sup>⑥</sup>。二两 乌鸡骨一两。酥炙黄

① 粉血上：乾隆本、日本抄本、文瑞楼本同，明抄本作“粉之，日二三次差”。

② 每服……加减服：此14字乾隆本、日本抄本、文瑞楼本同，明抄本作“儿下用汤化下十丸，大，加数丸，日二”。

③ 小儿解颅囟缝不合：乾隆本、日本抄本、文瑞楼本同，明抄本作“小儿脑长发大，囟开不合，臂胫小，不能胜头”。

④ 涂傅膏方：乾隆本、日本抄本、文瑞楼本同，明抄本作“蛇蛻膏涂”。

⑤ 髓脑：明抄本、乾隆本、日本抄本同，文瑞楼本作“脑髓”。

⑥ 焙：乾隆本、日本抄本、文瑞楼本同，明抄本作“酒洗”。

上二味，捣细罗为散。粥饮调下半钱匕，不拘时候<sup>①</sup>。

治小儿胃虚，血气不充，凶陷，当归汤方

当归切，焙。白术。人参。黄耆剉。各一两。诃黎勒煨，去核。半两。甘草炙，剉。一分。

上六味，粗捣筛。每一钱匕，水七分，煎至三分，去滓，分温二服，不拘时候。

治小儿气血虚弱，凶陷不平，干地黄丸方

熟干地黄焙。芍药。当归切，焙。白术各半两。桂去粗皮。一分。

上五味，捣罗为细末，炼蜜和丸如黍米大。每服七丸，粥饮下，乳食前。量儿大小加减。

治<sup>②</sup>小儿凶陷方<sup>③</sup>

狗头骨<sup>④</sup>

上一味，炙令黄，捣罗为末，鸡子清调涂之。

又方

天灵盖

上一味，炙令黄，捣罗为末，生油调涂之。

治小儿凶陷方

猪牙车骨髓

上一味，煎如膏，涂凶上。

## 小儿变蒸

论曰：小儿初生，禀受阴阳之气，水为阴，火为阳，水火相逮而后阴阳变革，由胚胎而有血脉，由血脉而成形体，以至腑脏具，精神全，无非阴阳水火之气。故三十二日一变，六十四日再

① 粥饮……不拘时候：此 11 字乾隆本、日本抄本、文瑞楼本同，明抄本作“用米饮下一钱，日二；小者，服三五分，以差为度”。

② 治：乾隆本、日本抄本、文瑞楼本同，明抄本此前有“狗头骨涂”。

③ 凶陷方：乾隆本、文瑞楼本同，明抄本、日本抄本作“胃虚血气不充，凶陷”。

④ 狗头骨：乾隆本、日本抄本、文瑞楼本同，明抄本作“雄狗头骨酥炙黄”。



变且蒸，变即上气，蒸即体热；三百二十日而十变五蒸，是为小蒸毕；又六十四日而一蒸，凡四蒸总五百七十六日，而变蒸足，气血就。每当变蒸，则情态异常，轻者体热微汗，似有惊候，耳骹皆冷；重者壮热脉乱，或汗或否。大率与温壮相似，特耳与骹不热为异尔。此乃血气增长，无用调治，唯忌傍人或致惊动，任之五日以上至十日自定。或热甚连数日者，服黑散；发汗热不止者，服紫双丸。小差便止，勿复服之。亦有或早或晚，不拘日数者；亦有临变蒸时，为寒邪所加者，寒热交争，腹痛夭矫<sup>①</sup>，必啼呼不止。但验其耳与骹，审得其证者，或熨痛处后，兼以治寒邪之药。

治小儿变蒸中挟时行温病，或非变蒸时而得时行者，**黑散方**

麻黄去根节，沸汤掠过。半两 大黄剉，炒。一分 杏仁汤浸，去皮尖、双仁，麸炒黄。半两

上三味，先捣二味为末，别研杏仁如脂，和散，又捣令调匀，内密器中。一月儿服小豆大一粒，以乳汁和服，抱令得汗，汗出温粉粉之，勿使见风；百日儿服如枣核许。

治小儿变蒸，发热不解，**紫双丸方**

代赭捣研如粉 赤石脂捣研如粉，各一两 巴豆三十<sup>②</sup>枚 去心、皮，出油尽 杏仁五十枚。去皮尖、双仁，麸炒黄

上四味，先以巴豆、杏仁等别捣如膏，和代赭二味末，捣二千杵相得，入少蜜捣之，仍须密器中收三十日。儿服如麻子一丸<sup>③</sup>，与少乳汁令下，食顷后与少乳，勿令多，至日中当小下；热若未全除，明旦更与一丸。百日儿服如小豆一丸，量儿大小加减。小儿夏月多热令发疹，二三十日一服，甚佳。代赭须真者，若无，以左顾牡蛎代之。

① 夭矫：亦作“夭娇”，原指屈伸貌或木枝屈曲貌，这里指身体屈曲。《淮南子·修务训》：“木熙者，举梧櫟，据句枉，蟺自纵，好茂叶，龙夭矫。”《汉书·扬雄传上》：“踔夭矫，娑润门。”唐·颜师古注：“夭矫，亦木枝曲也。”

② 三十：乾隆本、日本抄本、文瑞楼本同，明抄本作“二十”。

③ 儿服如麻子一丸：乾隆本、日本抄本、文瑞楼本同，明抄本作“一月儿用乳下一二丸”。

治小儿初生，血脉盛实，寒热温壮，四肢惊掣，发热，大吐  
 哕者。若已能进哺，饮食不消，壮热，及变蒸不解，中客人<sup>①</sup>魅<sup>②</sup>  
 气，并诸惊痫悉疗，**龙胆汤方**

龙胆 钩藤 柴胡去苗 赤茯苓去黑皮 桔梗炒 黄芩去黑  
 心 芍药 大黄剉，炒。各一两 甘草炙，剉 蛭虬去翅、足，  
 炙<sup>③</sup> 当归切，焙 人参各一两

上一十二味，粗捣筛。一二岁儿，每服一钱匕，以水五分，  
 煎至三分，去滓温服；三四岁儿，每服一钱半匕，水一小盏，煎  
 至五分，去滓，连夜三四服。量儿大小，加減服之。

治小儿变蒸，经时不止，挟热心烦，啼叫不歇，骨热<sup>④</sup>面黄，  
**柴胡汤方**

柴胡去苗 甘草炙，剉 人参 玄参各一两 龙胆半两 麦门  
 冬去心，焙。一两半

上六味，粗捣筛。每服一钱匕，水八分盏，煎至四分，去滓  
 温服，不拘时，更量儿大小加減。

治小儿变蒸，热气乘心，烦躁，啼叫不已，及骨蒸烦热，**前  
 胡汤方**

前胡去芦头 龙胆 甘草炙，剉 人参 麦门冬去心，焙。各  
 一两

上五味，粗捣筛。每服一钱匕，水七分，煎至四分，去滓，  
 食后量大小加減温服。

① 人：乾隆本、日本抄本、文瑞楼本同，明抄本作“忤”，义长。

② 魅（jì 技）：乾隆本、日本抄本同，明抄本、文瑞楼本作“魅”。魅，小  
 儿鬼。

③ 炙：乾隆本、文瑞楼本同，明抄本作“炒”，日本抄本无。

④ 骨热：明抄本、日本抄本、文瑞楼本同，乾隆本作“骨蒸”。



# 卷第一百六十八

## 小儿门

小儿温壮 小儿壮热 小儿潮热 小儿风热 小儿热渴

## 小儿门

### 小儿温壮

论曰：足阳明胃之经，主于肌肉。若小儿胃有伏热，或挟宿寒，皆令胃中不和，其气蒸郁，发于肌肉，故令儿体热多睡，名曰温壮。其证大便黄而恶臭者，有伏热也，利下乃愈。若便白而醋臭<sup>①</sup>者，有宿滞也，当微利损谷乃愈。古法去伏热，则用龙胆汤；去宿滞，则用紫双丸，当仿其法而治之<sup>②</sup>。

治<sup>③</sup> 婴儿出腹，血脉盛实，寒热温壮，四肢惊掣，发热，大吐哕者。若已能进哺，食实不消，壮热及变蒸不解，客忤魇气，并诸惊痫，悉治。十岁已下小儿，皆服龙胆汤方第一。此是新出腹婴儿方，若日月长大者，以次依此为例，若知是客忤及有魇气者，可加人参、当归各如龙胆多少，一百日儿加三铢，二百日儿加六铢，一岁儿加半两，余药准此。

龙胆 钓藤皮 柴胡去芦头 黄芩去黑心 桔梗炒 芍药 赤茯苓去黑皮 甘草炙，各一两 蜣螂炒，二枚 大黄剉，炒。一两

上一十味，咀咀如麻豆大，以水一升，煮取五合为剂。儿生一日至七日，分一合为三服；儿生八日至十五日，分一合半为三服；儿生十六日至二十日，分二合为三服；儿生二十日至三十日，

① 醋臭：日本抄本、文瑞楼本同，明抄本、乾隆本作“酸臭”。

② 当仿其法而治之：日本抄本、文瑞楼本同，明抄本、乾隆本作“宜审症施治”。

③ 治：日本抄本、文瑞楼本同，明抄本、乾隆本此前有“龙胆草汤”。

分三合为三服；儿生三十日至四十日尽，以五合为三服，皆得下即止。

治小儿变蒸，发热不解，并挟伤寒温壮，汗后热不歇，及腹中有痰癖，哺乳不进，乳则吐衄，食痢，先寒后热者，紫双丸方

代赭捣研如粉<sup>①</sup> 赤石脂捣研如粉，各一两 巴豆三十枚，去心、皮，出油尽 杏仁五十<sup>②</sup>枚。去皮尖、双仁，炒

上四味，将巴豆、杏仁别研为膏，入二味末相和，更捣令相得，若硬，入少蜜同捣之，密器中收三十日。儿服一丸如麻子<sup>③</sup>大，与少乳汁令下，食顷后再与少乳，当小下热气。若余势未消，明旦更与一丸，百日儿服如小豆一丸。以此准量，增减丸数大小。

治小儿温壮往来，腹内有热<sup>④</sup>，柴胡汤方

柴胡去芦头 三分 黄芩去黑心 人参 甘草炙，剉 赤茯苓去黑皮 麦门冬去心，焙。各半两

上六味，粗捣筛。每用一钱匕，以水一盏，入竹叶数<sup>⑤</sup>片，煎取五分，去滓，放温，量儿大小，分减服之。

治小儿温壮，热不差，若舌宽不含乳，胸中有疾<sup>⑥</sup>，口中疮，兼惊，黄芩汤方

黄芩去黑心。一两一分 钓藤细剉。一分<sup>⑦</sup> 蛇蛻炙。一寸<sup>⑧</sup> 甘草炙，剉。半两 芒消一分 大黄蒸三遍，焙干用。一两<sup>⑨</sup> 牛黄如大豆许，三粒。别研

上七味，粗捣筛。三四岁儿，每服半钱匕，以水半盏，煎至

① 捣研如粉：日本抄本、文瑞楼本同，明抄本、乾隆本作“醋淬七次，研”。

② 五十：日本抄本、文瑞楼本同，明抄本、乾隆本作“四十九”。

③ 麻子：明抄本、乾隆本、文瑞楼本同，日本抄本作“麻豆”。

④ 热：日本抄本、文瑞楼本同，明抄本、乾隆本此后有“并痰，不哺乳”。

⑤ 数：日本抄本、文瑞楼本同，明抄本、乾隆本作“三”。

⑥ 有疾：日本抄本、文瑞楼本同，明抄本、乾隆本作“痰”。

⑦ 黄芩……细剉一分：此15字日本抄本、文瑞楼本同，明抄本、乾隆本作“黄芩 钓藤”，后为“大黄一两”。

⑧ 寸：日本抄本、文瑞楼本同，明抄本、乾隆本作“尺”。

⑨ 一两：明抄本、乾隆本、文瑞楼本同，日本抄本作“三两一分”。



三分，去滓，食后温服，日三。量儿大小，以意增减。

### 治小儿壮热实<sup>①</sup>百病，芍药汤方

芍药 甘草炙，剉。各半两 大黄蒸，焙干，剉<sup>②</sup>。一两

上三味，粗捣筛。五六岁儿，每服一钱匕，以水半盏，煎至三分，去滓温服，食后，日三服。随儿大小，以意加减。

### 治小儿温壮不解，升麻汤方

升麻 柴胡去芦头 麦门冬去心，焙 黄芩去黑心 甘草炙，剉。各半两 黄耆剉<sup>③</sup> 人参各一分

上七味，粗捣筛。每服一钱匕，以水八分，煎取五分，去滓，量儿大小，分减服。

### 治小儿挟实温壮，惕惕微惊，当归汤方

当归切，焙。半两 柴胡去芦头。三分 黄芩去黑心。半两 细辛去苗叶，三分 大黄剉，炒 一两 升麻半两 五味子半两 紫菀去苗、土。一两 牛黄研。一分 杏仁二十枚。汤浸，退去皮尖、双仁，炒，别研

上一十味，粗捣筛。二三岁儿，每一钱匕，以水七分，煎至五分，去滓，分温日三服。随儿大小，以意加减。

### 治小儿有热，服药大下后，温壮不解，胸中结热，五味子汤方

五味子 黄芩去黑心 柴胡去芦头 芒消 麦门冬去心，焙 各半两 黄连去须。一分 甘草炙，剉。一分 当归切，焙。三分 大黄饭上蒸过，暴干。一两 石膏三分。捣碎，再细研入

上一十味，粗捣筛。五六岁儿，每服一钱匕，以水七分，煎至四分，去滓，食后温服，无痰三服；若有痰，即吐之。量儿大小，以意加减。

### 治小儿腹中伏热，温壮往来，柴胡汤方

柴胡去芦头。三分 黄芩去黑心。一两 人参半两 甘草炙。

① 实：日本抄本、文瑞楼本同。明抄本、乾隆本此前有“不止”。

② 焙干剉：日本抄本、文瑞楼本同。明抄本、乾隆本作“三次”。

③ 剉：日本抄本、文瑞楼本同。明抄本、乾隆本作“蜜炙”。

半两 赤茯苓去黑皮。半两 麦门冬去心，焙。半两

上六味，粗捣筛。每服一钱匕，水七分，入小麦五七十粒，竹叶十<sup>①</sup>片，煎至四分，去滓温服，量儿大小，加减服之。

治小儿挟热，痰盛温壮，夜卧不稳，天南星丸方

天南星炮，为末<sup>②</sup> 半夏汤洗七遍，焙，为末<sup>②</sup> 膩粉研 滑石研。各一钱 巴豆二十四枚。去<sup>③</sup>心、膜，以水浸一宿，研细，不出油

上五味，先研巴豆令熟，次下众药末，以糯米粥和丸如绿豆<sup>④</sup>大。每服<sup>⑤</sup>三丸，更量儿大小加减 泻痢，米饮下，取食葱汤下；惊悸，薄荷荆芥汤下<sup>⑥</sup>。

治小儿热疾后，腹中不调，饮食不节，腹满温壮及中客忤，兼乳冷，消滞丸方

雀屎白 牛黄研。各一分 芎藭 芍药 干姜炮 甘草炙。各半两 麝香研 小麦面 大黄剉，炒<sup>⑦</sup> 当归切，焙 人参各三分

上一十一味，捣罗为末，炼蜜丸如麻子大 温熟水<sup>⑧</sup>下三丸；欲令下者，服五丸。

治小儿风邪，温壮发热，压惊，止头痛，化涎，生犀牛黄丸方

犀角屑 一分 牛黄一钱 研 龙脑 麝香各半钱 研 天南星牛胆内柜者，末 藿香叶为末。各二两 甘草末 雄黄末各半两

上八味，合研如粉，炼蜜和丸如鸡头大，每服一丸，不计时候，煎薄荷汤化下。

① 十：日本抄本、文瑞楼本同，明抄本、乾隆本作“三五”。

② 汤洗七遍焙为末：文瑞楼本同，明抄本、乾隆本作“姜汁炒”，日本抄本作“焙”

③ 去：日本抄本、文瑞楼本同，明抄本、乾隆本此后有“皮”

④ 绿豆：日本抄本、文瑞楼本同，明抄本、乾隆本作“小豆”。

⑤ 每服：日本抄本、文瑞楼本同，明抄本、乾隆本作“姜汤下”。

⑥ 下：日本抄本、文瑞楼本同，明抄本、乾隆本此后有“五丸”。

⑦ 剉炒：日本抄本、文瑞楼本同，明抄本、乾隆本作“蒸”。

⑧ 温熟水：日本抄本、文瑞楼本同，明抄本、乾隆本作“用姜汤”。



## 小儿壮热

论曰：小儿壮热者，由阴阳不和，气盛血实，邪热之气，客于肠胃，蕴蓄日久，熏发肌肉，故令身体壮热，其脉三部俱实者是也。亦有乳食不化及食物不消，蒸郁于外，令儿壮热，口干烦渴，其脉见寸口浮而大，按之反涩者是也。

治小儿百日已来，结实壮热兼惊<sup>①</sup>，祛热汤方

大黄剉，炒 朴消 甘草炙 龙齿各一分 枳壳去瓢，麸炒。  
一两

上五味，粗捣筛。每服半钱匕，以水半盏，煎至三分，去滓，放温，时与一分服，日可三服。乳母服之亦妙。

治小儿壮热，胀满，不饮乳，龙胆饮方

龙胆去根 犀角镑屑。各半两 升麻 天麻剉，炒 甘草炙 鳖甲去裙襕，醋浸，炙黄色 各三分<sup>②</sup> 槟榔煨，剉 一枚

上七味，粗捣筛。每服一钱匕，以水半盏，煎至三分，去滓，分温三服。

治小儿生四五十日，服药下后，身体壮热如火，伤寒兼腹满，头面丹肿，此皆内有伏热，龙胆汤方

龙胆去根<sup>③</sup> 冬葵子 萎蕤<sup>④</sup> 大青 柴胡去苗 各一分 赤茯苓去黑皮 甘草炙。各半两

上七味，粗捣筛。每服一钱匕，以水半盏，煎至三分，去滓，分为三服。如人行十里已来一服，随儿大小加减。

治小儿期岁至三岁，时时壮热，升麻汤方

升麻 柴胡去苗 枳壳去瓢，麸炒 黄芩去黑心 芍药 栀子仁 知母焙 杏仁去皮尖、双仁，炒，别研。各三分 大黄剉，炒。

① 惊：日本抄本、文瑞楼本同，明抄本、乾隆本此后有“客忤”。

② 分：明抄本、乾隆本、文瑞楼本同，日本抄本作“两”。

③ 龙胆去根：日本抄本、文瑞楼本同，明抄本、乾隆本作“龙胆草”。

④ 萎蕤：日本抄本、文瑞楼本同，明抄本、乾隆本此药排在药物组成的最后，剂量为“一两”，而无柴胡及甘草后的“各一分”“各半两”。

一两一分<sup>①</sup> 石膏别捣研。一两半

上一十味，以八味粗捣筛。入杏仁、石膏拌匀，每服一<sup>②</sup>钱匕，以水一中盏，入青竹叶<sup>③</sup>，同煎至三分，去滓，食后相继三服，量儿大小加减。

治小儿壮热不除，犀角汤方

犀角镑。半两 升麻一分 大黄剉，炒。一分 石膏捣研。三<sup>④</sup>分

上四味，以三味粗捣筛，入石膏拌匀，每服半钱匕，以水半盏，煎至三分，去滓，放温，相继三服，随儿大小，以意加减。

治小儿服药吐利后，身壮热，精神昏慢<sup>⑤</sup>，或微利而内有结热，大青汤方

大青半两 大黄剉，炒。一分 甘草炙。半两 麻黄去根节<sup>⑥</sup>。半两

上四味，粗捣筛。二、三岁儿，每服半钱匕，以水半盏，煎至三分，去滓，食后相继三服，仍随儿大小，以意增减。

治小儿壮热，实滞不去，及寒热往来，微惊，大黄饮方

大黄剉，炒。一两<sup>⑦</sup> 黄芩去黑心 栝楼根 甘草炙。各三分 牡蛎熬<sup>⑧</sup> 龙骨 凝水石研 白石脂各半两 滑石研 消石研 人参 桂去粗皮。各二<sup>⑨</sup>两

上一十二味，以九味粗捣筛，入研药和匀。五六岁儿，每服一钱匕，以水一中盏，煎至五分，去滓温服，食后相继三服。随儿大小加减。

治小儿壮热不安，钓藤饮方

钓藤 升麻 甘草炙 人参各半两

① 一两一分：日本抄本、文瑞楼本同，明抄本、乾隆本作“一两”。

② 一：日本抄本、文瑞楼本同，明抄本、乾隆本作“二”。

③ 青竹叶：日本抄本、文瑞楼本同，明抄本、乾隆本作“竹叶五片”。

④ 三：明抄本、乾隆本、文瑞楼本同，日本抄本作“一”。

⑤ 昏慢：日本抄本、文瑞楼本同，明抄本、乾隆本作“昏昧”。

⑥ 麻黄去根节：日本抄本、文瑞楼本同，明抄本、乾隆本作“升麻”。

⑦ 两：日本抄本、文瑞楼本同，明抄本、乾隆本作“分”。

⑧ 熬：日本抄本、文瑞楼本同，明抄本、乾隆本作“醋淬”。

⑨ 二：日本抄本、文瑞楼本同，明抄本、乾隆本作“一”。



上四味，粗捣筛。每一钱匕，以水一盞，煎至五分，去滓，分温二服，空心午后各一服。随儿大小，以意加减。

治小儿八九岁，痰实壮热，山梔子汤方

山梔子仁 黄芩去黑心 前胡去芦头 甘草生用

上四味，等分，粗捣筛。每服一钱匕，水一中盞，煎至五分，去滓温服，日三。量儿大小加减，不计时候。

治小儿蓐内及百日以来壮热，虎睛牛黄丸方

虎睛一<sup>①</sup>对，研 牛黄研 麝香研 丹砂研 雄黄研，各一分

上五味，再同研为末，炼蜜和丸如小豆大。以乳汁研一丸与服。

治小儿百日已来，结实壮热，兼惊，龙齿汤方

龙齿半两 大黄剉，炒 半两 山梔子仁一分 枳壳去瓤，麸炒。一分 朴消<sup>②</sup> 三分 甘草炙。一分

上六味，粗捣筛。每服一钱匕，水七分，煎至五分，去滓<sup>③</sup>，温服。量儿大小加减。

治小儿壮热面赤，唇口焦干，大小便不通，四肢掣动，惊啼，或时发渴，人参汤方

人参三分 柴胡去苗。一分 大黄剉，炒。一分 升麻半两 芍药一分 山梔子仁半两 甘草炙。半两 钩藤半两

上八味，粗捣筛。每服一钱匕，水七分，煎取四分，去滓温服。

治小儿壮热不解及惊热风热，龙脑散方

龙脑研 半钱 马牙消一分 入合子内固济，火煨通赤，先掘一地坑子，甘草水泼冷，湿纸衬药，入坑子内荫一宿，取研 丹砂研。一钱 干蝎微炒，研。七枚

上四味，合研匀细。每服半钱匕或一字，煎人参茯苓汤调下。惊热，冷水下；热甚者，冷水研生地龙汁调下。

① 一：明抄本、乾隆本、文瑞楼本同。日本抄本作“二”。

② 朴消：日本抄本、文瑞楼本同。明抄本、乾隆本此后有“研”。

③ 滓：日本抄本、文瑞楼本同。明抄本、乾隆本此后有“入朴消末二分”。

治小儿肌体壮热，夜多惊啼，及发吐逆，日久不解，或泻或秘，变成慢惊，或作疳疾。定搐搦，除疳气，坠痰涎，镇心神，如圣青金丸方

龙脑研，一钱 麝香研 膩粉各一分 香墨杵，研 卢会研 各一钱半 白面三钱 青黛二钱 金箔 银箔各十片 使君子四枚 以面裹，煨令面香熟，去面，杵，取末

上一十味，再同研令匀，滴井华水为丸，如鸡头实大。患慢惊，用冷薄荷水化下，三岁已上服一丸，已下则半丸。服讫便睡，觉逐利动，立愈。后隔三五日，更与一服。如些小惊著或急惊，及觉身体热，但服之，取下青涎为效。量儿大小加减服。

治小儿风热壅滞，壮热烦渴，时呕，麦门冬汤方

麦门冬去心，焙，三两 栝楼根 知母焙 人参 藜芦去芦头。各一两 龙胆半两<sup>①</sup> 粟米一合

上七味，粗捣筛，每用三钱匕，水一盏半，煎至八分，去滓，分温三服。

## 小儿潮热

论曰：小儿潮热者，身体发热，作止有时，故谓之潮热。由保养失宜，风冷邪气客于分肉之间，每遇卫气至则真邪相搏，故令发热。欲知在何经络，当观间<sup>②</sup>甚之时属何腑脏，各循其经以调之。

治小儿潮热，盗汗心忪及骨蒸劳热，地骨皮饮<sup>③</sup>方

地骨皮 白茯苓去黑皮 瞿麦穗<sup>④</sup> 赤芍药 生干地黄焙 山梔子仁 甘草炙 各一两 大黄剉，炒 柴胡去苗 木通剉，各一两半 人参 木香各半两 青橘皮汤浸，去白，焙。一分

① 龙胆半两：日本抄本、文瑞楼本同，明抄本、乾隆本作“地龙去泥，五钱”。

② 间：日本抄本、文瑞楼本同，明抄本、乾隆本作“其”。

③ 饮：日本抄本、文瑞楼本同，明抄本、乾隆本作“汤”。

④ 瞿麦穗：日本抄本、文瑞楼本同，明抄本、乾隆本作“荆芥穗”。



上一十三味，粗捣筛。每服一钱匕，水七分，入竹茹少许，同煎至四分，去滓温服，不拘时候。量大小加减。

### 治小儿潮热，青蒿汤方

青蒿焙 知母焙 甘草炙。各二两 半夏汤洗七遍，姜汁制<sup>①</sup>，一分 常山剉，焙。二<sup>②</sup>两 鳖甲醋炙黄，去裙襕 桂去粗皮 枳壳去瓢，麸炒 秦艽去苗、土。各四两

上九味，粗捣筛。每服半钱匕，水半盏，入生姜一片，乌梅肉少许，同煎三五沸，去滓温服。

治小儿潮热，饮食不为肌肉，黄瘁，夜卧不安，时有虚汗<sup>③</sup>，柴胡地骨皮汤方

柴胡去苗 地骨皮 桔梗炒。各一两 甘草炙。半两

上四味，粗捣筛。每服一钱匕，水一小盏，煎至五分，去滓，食后临卧温服。量大小加减。

治小儿风虚潮热，齞齿谵言，酸枣仁饮<sup>④</sup>方

酸枣仁一两 蛇蛻皮炙。三条<sup>⑤</sup> 人参 羌活去芦头。各半两 甘草炙。一分<sup>⑥</sup>

上五味，粗捣筛。每二钱匕，水一盏，入薄荷三叶，同煎七分，去滓，分温三服。量大小加减。

治小儿潮热，白鲜皮汤方

白鲜皮 人参 白芷 防风去叉 黄芩去黑心 知母焙 沙参 犀角镑。各半两 甘草炙。一分<sup>⑦</sup>

上九味，粗捣筛。每一钱匕，水八分，入薄荷三片，煎取五分，去滓，分温二服。

① 制：日本抄本、文瑞楼本同，明抄本、乾隆本作“炒”

② 二：明抄本、乾隆本、文瑞楼本同，日本抄本作“一”

③ 时有虚汗：日本抄本、文瑞楼本同，明抄本、乾隆本作“口干”。

④ 饮：日本抄本、文瑞楼本同，明抄本、乾隆本作“汤”。

⑤ 炙三条：文瑞楼本同，明抄本、乾隆本作“三尺。炙黄”，日本抄本作“三两”。

⑥ 分：日本抄本、文瑞楼本同，明抄本、乾隆本作“两”。

⑦ 分：明抄本、乾隆本、文瑞楼本同，日本抄本作“两”。

## 治小儿潮热，百一羌活饼方

羌活去芦头 芎藭 白僵蚕炒 鸡苏各一两 干蝎全者，十四<sup>①</sup>枚。炒

上五味，捣罗为末，炼蜜和丸如鸡头大，捏作饼子。每服一饼，荆芥汤化下。

治小儿潮热，柴胡饮<sup>②</sup>方

柴胡去苗 人参 知母焙 羚羊角镑 甘草炙 陈橘皮汤浸，去白，焙 赤茯苓去黑皮 半夏汤洗七遍，去滑，焙 木通剉 芍药等分

上一十味，粗捣筛。每服一钱匕，水一盞，入生姜一片，同煎至五分，去滓温服，日二。

## 治小儿潮热，连翘汤方

连翘 山梔子仁 甘草炙 防风去叉 蝉壳去土，焙干<sup>③</sup>

上五味，等分，粗捣筛。每服一钱匕，水半盞，煎三五沸，去滓。量大小加减温服。

## 治小儿潮热不解，长肌，进饮食，人参柴胡汤方

人参 柴胡去苗 白茯苓去黑皮 芎藭各一两 知母焙 升麻 藁本去苗、土 甘草炙 天门冬去心，焙，各半两 独活去芦头 柏子仁研。各一分

上一十一味，粗捣筛。每服一钱匕，水半盞，入生姜二片，青蒿一穗，同煎至三分，去滓，食后温服。五岁以上，十五以下，入醋炙鳖甲半两，每服二钱，水一盞，煎六分服。

## 治小儿潮热，肌瘦盗汗，黄鸡煎丸方

黄连去须 二两 鹤虱 茺莢仁各半两 秦艽去苗、土 柴胡<sup>④</sup>去苗 知母焙<sup>⑤</sup> 使君子去皮。各一两

① 十四：日本抄本、文瑞楼本同，明抄本、乾隆本作“四”。

② 饮：日本抄本、文瑞楼本同，明抄本、乾隆本作“汤”。

③ 蝉壳去土焙干：日本抄本、文瑞楼本同，明抄本、乾隆本作“枳壳”。

④ 柴胡：日本抄本、文瑞楼本同，明抄本、乾隆本此后有“一两”。

⑤ 焙：日本抄本、文瑞楼本同，明抄本、乾隆本作“盐酒炒”。



上七味，捣罗为末，以黄雌鸡一只重一斤许者笼之，食以大麻子，候五<sup>①</sup>日去毛令净，于尾下开窍，去肠肚洗净，干，入前药末于腹内，以线缝之，取小甌，先以黑豆铺甌底，厚三寸<sup>②</sup>，安鸡在甌内，四旁以黑豆围裹，上以黑豆半寸盖之，自巳时炊，至申时住火，俟温取鸡，去腹中药及筋、骨、头、翅，以净肉研和得所，更少入酒，面糊丸如小绿豆大，每服十丸<sup>③</sup>，量儿大小加减，空心临卧，麦门冬熟水下。疳瘦骨热，十五岁以上，温酒下。

治小儿潮热，烦渴引饮，胁腹满胀，羸瘦多汗，**鳖甲丸方**

鳖甲醋炙，去裙襕 黄耆剉 柴胡去苗 各一两 枳壳去瓤，麸炒 白术 人参各半两 木香一分

上七味，捣罗为细末，水浸炊饼心和丸如麻子大，二岁儿十丸<sup>④</sup>，温粥米饮下，日二，更量儿大小加减服。

### 小儿风热

论曰：小儿体性纯阳，热气自盛，或因触犯风邪，与热气相搏，外客皮毛，内壅心肺，其状恶风壮热，胸膈烦闷，目涩多渴是也。

治小儿风热，心膈烦闷，身体壮热，饶睡多渴，**羚羊角汤方**

羚羊角镑 麦门冬去心，焙 甘草炙，剉 各三分 白茯苓去黑皮 白鲜皮 升麻 人参 黄耆各半两

上八味，粗捣筛，每服一钱匕，水一小盏，煎至五分，去滓，入竹沥半合，更煎沸，分为二<sup>⑤</sup>服，温呷，量儿大小加减。

治小儿风热多惊，**丹砂丸方**

丹砂研，水飞过 柴胡去苗 铁粉研 麦门冬去心，焙 白茯

① 五：日本抄本、文瑞楼本同，明抄本、乾隆本作“七”。

② 厚三寸：日本抄本、文瑞楼本同，明抄本、乾隆本作“铺黑豆一升”。

③ 丸：日本抄本、文瑞楼本同，明抄本、乾隆本此后有“十五丸”。

④ 二岁儿十丸：日本抄本、文瑞楼本同，明抄本、乾隆本作“五七丸”。

⑤ 二：明抄本、乾隆本、文瑞楼本同，日本抄本作“一”。

苓去黑皮 各半两 天竺黄研 人参 黄耆剉 黄芩去黑心 甘草炙，剉。各一分 牛黄研 麝香研。各一钱

上一十二味，捣研为末，炼蜜和丸如绿豆大。每服五<sup>①</sup>丸，煎竹叶汤化下。量儿大小加减。

治小儿风热，心神惊悸，夜卧不安，真珠丸方

真珠末 羌活去芦头 防风去叉 钩藤 龙胆<sup>②</sup> 天竺黄别研 升麻 牛黄研。各一分 茯神去木 人参 羚羊角镑 犀角镑。各一两 铅霜研 龙脑研 麝香研。各一钱

上一十五味，捣研为细末，炼蜜和丸如绿豆大。每服五丸，荆芥薄荷汤研<sup>③</sup>下，日三 常服，化一切惊涎。量儿大小加减。

治小儿风热，寸金汤方

郁金 大黄各一两 皂荚二<sup>④</sup>两。水一碗，揉汁，去滓，浸煎二味，煮软，片切，暴干 马牙消 当归切，焙 山栀子仁各半两 人参 甘草炙，剉 赤芍药各一分<sup>⑤</sup> 雄黄少许。好者

上一十味，粗捣筛 每服半钱匕至一钱匕，水七分，薄荷三叶，同煎至四分，去滓，放冷服之，日一服。

治小儿风热，惊疳<sup>⑥</sup>潮热，钩藤汤方

钩藤一两 使君子去皮 干蝎炒 人参 子芩 川大黄剉碎，微炒 犀角屑已上各一分 蚱蝉三枚。微炙 甘草半两。炙微赤，剉 川升麻半两 石膏半两

上十一味，捣筛为粗末。每服一钱匕，以水一小盏，煎至五分，去滓，入竹沥半合，牛黄末一字，看儿大小分减服之。

治小儿风热，心胸烦闷，牛黄散方

① 五：日本抄本、文瑞楼本同，明抄本、乾隆本作“十”。

② 龙胆：日本抄本、文瑞楼本同，明抄本、乾隆本此药排在药物组成的最后，剂量作“一分”。

③ 研：明抄本、乾隆本、文瑞楼本同，日本抄本作“化”。

④ 二：日本抄本、文瑞楼本同，明抄本、乾隆本作“一”。

⑤ 人参……各一分：此12字日本抄本、文瑞楼本同，明抄本、乾隆本作“人参 甘草 赤芍”，并排在大黄之前。原大黄“各一两”作“一两”。

⑥ 疳：日本抄本、文瑞楼本同，明抄本、乾隆本作“痢”。



牛黄一分。细研 郁金半两。取末 人参一钱。取末

上三味，都细研令匀，每服半钱匕，荆芥汤调下，日进三四服。量儿大小，以意加减。

治小儿风热惊悸，大小便赤涩，**钓藤散方**

钓藤 天竺黄细研 地骨皮已上各一分<sup>①</sup> 川大黄三分 剉碎，  
微炒 茯神 犀角屑 龙胆去芦头 川芒消 甘草 赤茯苓以上各  
半两

上十味，捣罗为末 每服一钱匕，水一盞，煎至半盞，去滓  
量儿虚实，加减与服。

治小儿风热多惊，**人参汤方**

人参 白茯苓去黑皮 甘草炙，剉 大黄煨<sup>②</sup>，剉 芍药 钓  
藤 当归焙。各半两

上七味，粗捣筛 每服一钱匕，水八分，入竹叶五<sup>③</sup>片，煎至  
五分，去滓温服。

治小儿一切热<sup>④</sup>，**连翘饮方**

连翘 防风去叉 甘草炙，剉 山梔子仁各一两

上四味，粗捣筛，每用二钱匕，水一盞，煎至七分，去滓，  
分温二服。

治小儿一切风热，**白术生犀散方**

白术 桔梗微炒 甘草炙，剉 马牙消研 各半两 麝香研  
一钱 生犀角镑。半钱<sup>⑤</sup>

上六味，捣罗四味为散，与二味研者和匀 每服半钱匕，蜜  
熟水调下，薄荷熟水亦得 量儿大小加减

治小儿风热<sup>⑥</sup>，**凉心煮散方**

---

① 分：明抄本、乾隆本、文瑞楼本同，日本抄本作“两”。  
② 煨：日本抄本、文瑞楼本同，明抄本、乾隆本作“炒”。  
③ 五：日本抄本、文瑞楼本同，明抄本、乾隆本作“三四”。  
④ 热：日本抄本、文瑞楼本同，明抄本、乾隆本作“风热”。  
⑤ 生犀角镑半钱：日本抄本、文瑞楼本同，明抄本、乾隆本作“生犀角”，  
并排在桔梗之前。  
⑥ 风热：日本抄本、文瑞楼本同，明抄本、乾隆本作“一切热风，喘嗽”。

连翘 防风去叉 甘草炙，剉 山梔子仁 鸡苏 恶实<sup>①</sup>炒  
各半两

上六味，捣罗为散 每服二<sup>②</sup>钱匕，水一盏，煎三五沸，量儿大小加減。

### 治小儿风热惊风，天竺黄散方

天竺黄 蝉蜕 白僵蚕炒 山梔子仁 甘草炙 郁金

上六味，等分，捣罗为散 每服一钱匕，熟水调下，三岁儿，可半钱；未晬<sup>③</sup>儿，一字。

### 治小儿风热涎盛，发喘嗽，化涎饼子方

铁粉研 人参 白术各一分 蓬砂 马牙消 粉霜 牛黄 麝香各一钱。研 丹砂二钱<sup>④</sup>。研

上九味，捣研为细末，炼蜜和丸如皂子大，捻作饼子，别以丹砂为衣。二岁儿服半饼子，薄荷汤化下。

### 治小儿挟风蕴热，真珠<sup>⑤</sup>散方

太阴玄精石<sup>⑥</sup>一两 石膏三<sup>⑦</sup>分 龙脑半钱

上三味，捣研极细，每服半钱匕，新汲水调下。

### 治小儿风热，天竺牙消散方

天竺黄 马牙消各半两 研 丹砂 生龙脑各半分<sup>⑧</sup> 别研 栝楼根 滑石各一分

上六味，捣研为细散，每服半<sup>⑨</sup>钱匕，新汲水调下。

### 治小儿风壅，痰实经络，邪热头疼，麻黄汤方

① 恶实：日本抄本、文瑞楼本同，明抄本、乾隆本作“牛蒡子”。恶实即“牛蒡子”异名，见《名医别录》。

② 二：日本抄本、文瑞楼本同，明抄本、乾隆本作“一”。

③ 晬：小儿满一百天。

④ 二钱：日本抄本、文瑞楼本同，明抄本、乾隆本作“三钱半”。

⑤ 真珠：日本抄本、文瑞楼本同，明抄本、乾隆本作“玄精”。方中无真珠，或以“玄精”义胜。

⑥ 太阴玄精石：日本抄本、文瑞楼本同，明抄本、乾隆本此后有“煨过”。

⑦ 三：明抄本、乾隆本、文瑞楼本同，日本抄本作“二”。

⑧ 分：明抄本、乾隆本、文瑞楼本同，日本抄本作“两”。

⑨ 半：日本抄本、文瑞楼本同，明抄本、乾隆本作“三五”。



麻黄去根节，煮，掠去沫，焙 防风去叉 芍药 羌活去芦头 葛根剉 甘草炙，剉。各一两 荆芥穗二两

上七味，粗捣筛。每服一钱匕，水一盏，煎至五分，去滓温服。

治小儿风热<sup>①</sup>，止烦渴，除风疹，治惊悸，防风汤方

防风去叉 黄耆剉 甘草炙，剉 人参 连翘各半两 山栀子仁<sup>②</sup>一分

上六味，粗捣筛。每服一钱匕，水八分，煎至六分，去滓温服。

治小儿风热<sup>③</sup>，越桃饮方

越桃去皮。一两 甘草剉。二<sup>④</sup>两 藿香叶 石膏飞过<sup>⑤</sup>。各半两

上四味，用蜜二匙涂在桃子内，先炒甘草赤色，次下越桃、藿香叶，炒微黑为度，捣罗为末，入石膏研匀。每服一钱匕<sup>⑥</sup>，新汲水调下。

治小儿风热，人参桔梗散方

人参 白茯苓去黑皮 桔梗微炒 甘草炙，剉

上四味，等分，捣罗为散。每服半钱匕，熟水调下。

治小儿风热壅毒，关膈滞塞，凉心压惊，抱龙丸方

上以腊月黄牛胆一枚，天南星好者，炮，去皮脐，捣为细末，填满胆中，紧系通风处阴干，去胆皮取药。每一两，入金银箔小者各十片，丹砂一钱半，龙脑、麝香各一字，同研极细，炼蜜和丸如鸡头实大。每服一丸，竹叶水化下，岁数小者半丸

治小儿风热潮作，不思饮食，肌体消瘦，柴胡木香汤方

① 风热：日本抄本、文瑞楼本同，明抄本、乾隆本作“风热壅盛”

② 山栀子仁：日本抄本、文瑞楼本同，明抄本、乾隆本此后有“炒”。

③ 热：日本抄本、文瑞楼本同，明抄本、乾隆本此后有“止烦渴，除风疹，治惊悸”

④ 二：日本抄本、文瑞楼本同，明抄本、乾隆本作“一”

⑤ 飞过：日本抄本、文瑞楼本同，明抄本、乾隆本作“研”。

⑥ 一钱匕：日本抄本、文瑞楼本同，明抄本、乾隆本作“三五分”。

柴胡去苗。十<sup>①</sup>两 木香一两 半夏汤洗七遍，去滑 人参各二<sup>②</sup>两 黄芩去黑心 甘草炙。各三两

上六味，粗捣筛。每服二钱匕，水一盏，入生姜二片，大枣一枚，擘破，煎至六分，去滓温服，不拘时。

治小儿风热潮作，肌体烦倦，不思饮食，安镇心神，茯神丸方

茯神去木 麦门冬去心，焙 各半两 犀角镑 梔子仁 白鲜皮 升麻 玄参 车前子各一分 铁粉研 丹砂研 各半两

上十味，捣罗八味为末，与铁粉、丹砂同研令匀，炼蜜丸如绿豆大 每服五丸，温熟水下，不拘时，更量儿大小加减。

治小儿风热，身体温壮，利膈化涎，安神镇心，牛黄丸方

牛黄研 龙脑研 麝香研 各半钱 甘草炙，剉 雄黄研 天竺黄研 丹砂研 人参 远志去心 干蝎去土，炒 山芋 白僵蚕各一钱 天南星浆水煮一日透软，切，焙 天麻各一分

上十四味，捣研为末，炼蜜和丸如鸡头大，每服一丸，分四服，金银薄荷汤化下，不拘时候，量儿大小加减服。

治小儿风热及伤寒时气，疮疹发热等，桔梗煮散方

桔梗剉，炒 细辛去苗叶 人参 白术 栝楼根 甘草炙，剉 白茯苓去黑皮 芎藭各等分

上八味，捣罗为散。每用二钱匕，水一盏，生姜一片，薄荷三叶，同煎至六分，三岁以下作四服，五岁以上作二服。凡小儿发热，不问伤寒风热，便与数服，无不愈者。

治小儿风热，胸膈烦闷，目涩多渴，郁金散方

郁金半两 蝉蜕四十枚 龙胆 白附子炮，各半两 大黄炒 干蝎炒 甘草炙。各一分

上七味，捣罗为散。每服一字至半钱匕，量儿大小，空心薄荷汤调下。

① 十：日本抄本、文瑞楼本同，明抄本、乾隆本作“五”

② 二：明抄本、乾隆本、文瑞楼本同，日本抄本作“三”



## 小儿热渴

论曰：小儿血气本自盛实，腑脏之间易为生热，热气熏蒸，则津液干枯，故令儿渴而引饮。

治小儿热渴，或虚热吐下，除热止渴，栝楼饮方

栝楼根三分 黄芩去黑心 一分 知母焙 小麦 粟米<sup>①</sup> 各半两

上五味，除粟米、小麦外，余三味并捣罗为粗末，每二钱匕，水一小盏，入小麦、粟米各一撮，同煎至六分，去滓，分作三服，一日吃尽<sup>②</sup>。更量儿大小，以意加减。

治小儿夏天服药大下后，胃中虚热，渴唯饮水，麦门冬饮方

麦门冬去心，焙 龙胆各一两 甘草炙，剉 黄芩去黑心。各三分<sup>③</sup> 葛根剉。一两半

上五味，粗捣筛。每服一钱匕，用水七分，煎至四分，去滓温服。量儿大小，以意临时加减。

治小儿壮热，兼呕渴不止，芦根饮方

芦根剉 麦门冬去心，焙 人参各半两 知母焙。一两 粟米一合<sup>④</sup>

上五味，粗捣筛。每二钱匕，水一盏，入生姜少许，擘破，同煎至五分，去滓，分温三服。更量儿大小，以意加减。

治小儿<sup>⑤</sup>多渴，黄连饮方

黄连去须。半两 冬瓜瓤一分

上二味，细剉。以水一盏半，同煎至八分，去滓，分温三服。量儿大小，临时加减。

① 粟米：日本抄本、文瑞楼本同，明抄本、乾隆本作“陈粟米”。

② 上五味……一日吃尽：此49字日本抄本、文瑞楼本同，明抄本、乾隆本作“水煎一钱，入后竹叶三片，温服”。

③ 三分：明抄本、乾隆本、文瑞楼本同，日本抄本作“一两”。

④ 麦门冬……粟米一合：此20字日本抄本、文瑞楼本同，明抄本、乾隆本作“人参 麦门冬一两。去心，焙 知母 陈粟米二两”。

⑤ 小儿：日本抄本、文瑞楼本同，明抄本、乾隆本此后有“壮热”。

## 治小儿热渴不止，莲实汤方

莲实三十枚。炒黄，椎碎<sup>①</sup> 浮萍一分

上二味，同用水一盞，生姜少许，煎五分，去滓，分温三服。量儿大小，临时加减。

## 治小儿上焦虚热，饮水不止，枇杷叶汤方

枇杷叶去毛，炙 葛根剉 胡黄连 甘草炙，剉 玄参 麦门冬去心，焙。等分

六味，粗捣筛 每一钱匕，水一盞，入生姜一片，煎至六分，后入蜜少许，再煎至五分，去滓，放温，分二服，食后

## 治小儿上焦风热，热渴引饮不止，天麻人参煎方

天麻 人参 白茯苓去黑皮 各一分<sup>②</sup> 天竺黄研，一<sup>③</sup>钱 甘草生用 一钱 铅白霜研 一钱 龙脑研 半钱 丹砂研，一钱

上八味，先将四味为细末，再入研了四味和匀，炼蜜煎为膏。每服一大豆许，用金银薄荷汤化下。

## 治小儿热气熏蒸，腑脏烦躁，津液干枯，渴欲引饮方

上取桑枝一握，细剉，以水一盞半，煎至八分，去滓，分作三服，如熟水与饮。

## 治小儿热渴不止方

黄连去须，炒 芦根各一分

上二味，细剉 以水一盞半，煎取五分，去滓，旋与饮。

① 炒黄椎碎：日本抄本、文瑞楼本同，明抄本、乾隆本作“去心，炒”。

② 分：日本抄本、文瑞楼本同，明抄本、乾隆本作“两”。

③ 一：明抄本、乾隆本、文瑞楼本同，日本抄本作“半”。



# 卷第一百六十九

## 小儿门

小儿疮疹 小儿惊热 小儿急惊风

## 小儿门

### 小儿疮疹

论曰：小儿禀受<sup>①</sup>纯阳，腑脏蕴热，自内出外，随气熏蒸，散于荣卫肌肉之间，留连肉腠，或因饮热乳，或因遇时疫，热气乘其肌肉嫩弱，遂变疮疹。微者其邪在府，发为细疹，状如蚊喙所螫，点点赤色，俗号麸疮；甚者其邪在脏，发为豆疮，状如豌豆，根赤头白，穴出脓水，俗号疱疮。皆于未发之时，先蒸热如伤寒状，头痛，面赤目黄，遍身皆热，腰背疼痛，小便赤色<sup>②</sup>，大便或溏或涩，烦渴引饮，甚则谵言，其脉浮大洪数。审得其证，速宜疏利脏腑。然亦须详审，若大便已利，或疮已出者，皆不可疏，亦不可汗。若发其表，则疮空开泄，更增斑烂。仓公、扁鹊常用油剂草剂，其法最妙。大率汤剂之用，所以透肌和里，开通中外，使疹毒通快，不致壅遏，去其邪毒，乃得痊愈。然食乳婴孩，与童儿疮疹，治法不同。婴孩之病，唯宜调节乳母，令气血清和，乳汁通利，最为要法。若初断乳小儿，则以汤剂和其阴阳，调其荣卫。既差之后，尤宜利其脏腑，以去余毒。此治疮疹之大法也。

治绝乳婴孩并童儿患疹豆，疾候初觉，多似伤寒，面色与四肢俱赤，壮热头痛，腰脊疼，足多厥冷，眼睛黄色<sup>③</sup>，脉息多浮洪，至数数大不定，小便赤少，大便多秘。才觉四肢色候及脉息，虽

① 受：日本抄本、文瑞楼本同，明抄本、乾隆本作“气”。

② 赤色：日本抄本、文瑞楼本同，明抄本、乾隆本作“赤短”。

③ 眼睛黄色：日本抄本、文瑞楼本同，明抄本、乾隆本作“眼黄赤”。

是疹豆疾，未攻皮毛穴出者，便可以服饵匀和脏腑、疏泄逐下药。按仓公论云，可服油剂，不可用燥药，不可用冷药。若疹已结在皮毛穴处，微微出，即不可疏泄也。或疹出太盛，窠穴脓水者，却可疏利也。或未与疏转，即且急服紫草汤剂。

### 紫草汤方

紫草二两。新者

上一味，细剉，先以百沸汤浸，便以物合定，勿令紫草气出，放令如人体温，凡五十日至一百日婴孩，服半药注子；一百五十日至二百日婴孩，服一注子；一岁至二岁儿，服半合；三岁至四岁儿，服一合，并于食前午后服此汤。疹豆虽出，势亦轻耳，常服无妨。

治小儿脏腑伏热，未成疹子，疾候四肢微觉有热，食物似减，头发干直，或时额上微热，宜服生油汤剂法。扁鹊及仓公用，谓之神剂。

### 生油一盞

上令如人体温，将熟水一小盞，旋旋入油碗内，不住手以箸打搅，候入熟水尽，令匀如蜜即止。夜卧时服，三岁至百晬儿，每服二蚬壳许；五岁至七岁儿，每服三蚬壳许；十五<sup>①</sup>岁每服三大蚬壳许；直至大人，每服五蚬壳许，或三大合，每日饭后良久与服。服了令卧少时。如三五服，大小便利，四肢热退，则疹豆不复发，当自安也。

### 治疹豆欲令速出，胡荽酒方

胡荽半握<sup>②</sup>

上一味，细剉，先以酒二升，煎令百沸，浸胡荽，便以物合定，不令气出，候冷去滓，微微从项以下喷背脊及两脚胸腹令遍，唯不可喷面。

治疮疹将发，证候已见，当护面目，勿令黏染，欲用胡荽

① 十五：元刻本、日本抄本、文瑞楼本同，明抄本、乾隆本作“十”。

② 半握：元刻本、日本抄本、文瑞楼本同，明抄本、乾隆本作“一把”。

酒喷时，当先用此方涂面上。大人婴孩有此疾，悉宜护面。黄檗膏方

黄檗去粗皮。一两 绿豆一两半 甘草炙。四两

上三味，捣罗为末，再研令匀细，以生麻油调如薄膏，从耳门前及眼窠并厚涂，昼夜三五上。涂面后，可用胡蔓酒喷也。如用此方涂面，纵出疹豆，亦少。

大人小儿疮疹出，护眼法

上才觉患，以盐花少许，汤浸了，令温，洗两眼，昼夜可三二度。大人以指搵盐花水点眼内，旋以帛子拭之。初用，眼即多痛，用三上后，即不觉痛。不计大人小儿，或患欲退时，眼内有余热者，亦宜用此法洗点。

治小儿未滿百日患豆疮，槐白皮汤浴方

槐白皮一两 益母草五两

上二味，以水五升，煎至三升，去滓，浴儿了，更取芸薹菜浓煎汁再浴，作芸薹菜与乳母吃亦佳。

治小儿斑疮、豌豆疮，青黛散方

青黛研如粉。半两 铁精浆一升

上二味，将青黛为散，临时斟酌铁浆调之。一百日儿至二百日儿，每服一字匕，乳前服；一岁儿至二岁，半钱匕<sup>①</sup>，食前、午后各一服。随儿大小，以意加减。

治小儿斑疮豌豆疮方

上取熟煮大豆汁服之<sup>②</sup>。

治小儿斑疮豌豆疮方

头发一两。烧灰

上一味，研罗为末。汤调服两字，随儿大小，以意加减。

治疮疱将出，未能匀遍，透肌解毒，必胜汤方

恶实不拘多少。炒熟

① 半钱匕：元刻本、日本抄本、文瑞楼本同，明抄本、乾隆本作“二字”。

② 上取……服之：此9字元刻本、日本抄本、文瑞楼本同，明抄本、乾隆本作“水煮半升，取汁，频一二钟，以差为度”。



上一味，粗捣筛。每服二钱匕，入荆芥二穗，水一小盏，同煎至六分，去滓放温，分作三服。如疮疹已出后，与服亦炒。

治小儿疮疱出不快，或黑陷，**木通汤方**

木通 枳壳去瓤，麸炒 甘草炙 紫草茸

上四味，等分，粗捣筛。每二钱匕，水八分，煎至六分，去滓，分温三服。

治小儿疮疹欲出不快，**四味散方**

大虾干者，为末 豮猪干血 恶实 甘草炙。等分

上四味，为散。三岁以下，半钱匕；五岁以上，一钱匕。煎赤芍药酒调下，不拘时候，日夜各一服。

治小儿斑疮毒气，不快，**败毒汤方**

紫草 板蓝根各半两

上二味，粗捣筛。每二钱匕，水八分，煎至五分，去滓，分温二服。

治小儿麸豆疮欲出，浑身壮热，情绪不乐，不思饮食，**四妙汤方**

紫草 升麻 糯米各一两 甘草生<sup>①</sup>。一分

上四味，粗捣筛。每二钱匕，水一小盏，煎至六分，去滓，分温二服，日三。

治小儿疮疹出迟，**发毒散方**

地龙去土 防风去叉

上二味，等分，捣罗为细散。每服一字匕<sup>②</sup>，用酒、水各少许调下，不拘时候。

治小儿疮豆将出，**人参汤方**

人参一钱 葡萄苗一分 林檎一枚 木猴梨七枚

上四味，各剉碎。以水两盏，煎至一盏，去滓，放冷，时时令吃。

① 甘草生：元刻本、日本抄本、文瑞楼本同，明抄本、乾隆本作“炙甘草”。

② 字匕：元刻本、日本抄本、文瑞楼本同，明抄本、乾隆本作“钱”。

治小儿疮疹不出，青黛散方

青黛螺儿者。不拘多少

上一味，研为散。每服半钱匕，新汲水调服。

治小儿疮疹毒气出不快及触犯<sup>①</sup>黑色，夺命煎法

牛李子黑熟者

上一味，用八月九月内采，不计多少，沙盆内研，生绢绞取汁，银石器内慢火熬成煎，盛在瓷器内，勿令透风，煎杏胶汤，化一皂子大与服。如人行二十里，更进一服，其疮自然红色，毒气便慢。杏胶只于七月内收。

治小儿疮子不出，烦闷惊悸，浮萍丸方

浮萍草阴干 晚蚕砂 白薄荷叶各一分

上三味，捣研为末，用薄荷自然汁煮面糊，和为丸如鸡头大每服一丸，薄荷汤化下，不拘时。

治发斑疮，千金散方

石榴叶不拘多少

上一味，为散。每服一字或半钱匕，温水调下。

治小儿出疮子不透，旋出旋焦者，龙脑散方

龙脑 牛黄 丹砂 地龙去土，取末 麝香 乳香<sup>②</sup> 雄黄各一<sup>③</sup>钱。研 鲛鲤甲五片，烧灰 紫草半两 甘草生，剉，二两 木猴梨五十枚。切，焙<sup>④</sup>

上一十一味，捣研为散。用猪<sup>⑤</sup>尾上血拌匀，入在竹筒子内，用油单封裹，线缠定，于深坑子内调稀猪粪，浸二七<sup>⑥</sup>日，取出净洗。每服一皂子大，龙脑水化下，并三服见效。

① 犯：元刻本、日本抄本、文瑞楼本同。明抄本、乾隆本此后有“秽气”，义胜。

② 乳香：元刻本、日本抄本、文瑞楼本同。明抄本、乾隆本此后有“炙，去油，研。一钱”。

③ 各一：元刻本、日本抄本、文瑞楼本同。明抄本、乾隆本作“二”

④ 切焙：元刻本、日本抄本、文瑞楼本同。明抄本、乾隆本无而作“详是山查”

⑤ 猪：元刻本、日本抄本、文瑞楼本同。明抄本、乾隆本作“雄猪”。

⑥ 二七：元刻本、明抄本、乾隆本、日本抄本同。文瑞楼本作“三七”

治小儿疮疹，毒气不出，或出后干黑色，服此药发出毒气，**定命散方**

丹砂研。半两 龙脑研 乳香研 马牙消研 甘草为末。各二钱

上五味，再同研匀，用十二月新豮猪血半升同研匀，取青竹筒长二尺，留两头，节开一头作窍，注药在内，黄蜡塞定，以油绢紧裹封，勿令透气，埋地坑中，至一百五日取出，水洗，挂风中四十九日，劈开取药，研为细散。每服半钱匕，新水调下。

治小儿疮疹倒厌，**紫雪汤方**

紫草茸 地龙去土<sup>①</sup>。等分

上二味，为粗末。每服二钱匕，用水、酒共七分，煎至四分，去滓温服。

治小儿疮疹恶候不快及黑疮子，应一切恶候，**无比散方**

丹砂<sup>②</sup>一两 牛黄 麝香 龙脑 膩粉各细研。一分

上五味，同研为散。每服小儿一字，大人半钱，以水银少许，津唾研，同小豮猪尾上血三两滴，新汲水少许，同调服。先宁稳得睡，然后取转，下如烂鱼肠、葡萄穗之类涎臭恶物便安。小儿用奶汁调下尤妙。

治小儿疮疱欲出不出，虽出不快及倒厌者，**神效散方**

上用抱鸡子壳内白皮，不拘多少，以木炭火烧为灰，出火毒，研细，以新汲水调下一钱匕<sup>③</sup>。

治小儿斑毒倒厌发斑方

人牙五枚

上烧灰，入麝香半字，同研为细散。分三服，温酒调下

治小儿疮豆蓄伏黑陷，**通神散方**

① 去土：元刻本、日本抄本、文瑞楼本同。明抄本、乾隆本作“去泥，炒”。

② 丹砂：元刻本、日本抄本、文瑞楼本同。明抄本、乾隆本此后有“飞”。

③ 一钱匕：元刻本、日本抄本、文瑞楼本同。明抄本、乾隆本作“五分”。



雄黄通明者，研<sup>①</sup>，水飞。麝香用当门子为末。各半钱匕<sup>②</sup>。

上二味，同研细，只作一剂，一岁儿作三服，温酒调下。

### 治<sup>③</sup>小儿疮子倒陷方

白僵蚕炒<sup>④</sup> 蝉壳去土<sup>⑤</sup>

上二味，各三枚，同为粗末。水一盏半，煎至半盏，去滓，分作二服，微热服，立出。

### 治小儿疮疹倒<sup>⑥</sup> 灰黑色及出不快，丁香散方

丁香 鹿肉干者<sup>⑦</sup>。各半两 紫草一分

上三味，捣为细散。每服二钱匕，酒一盏，入麝香少许，同煎至半盏，放冷灌之。如人行三二里再服，立发红色。

### 治小儿疮子黑陷不出，黑金散方

猪悬蹄甲半两 蛇蛻皮三<sup>⑧</sup>条 鲮鲤甲一分 猬皮一枚 鸦翅一对 蛤粉一分

上六味，都入在藏瓶内，用盐泥固济，烧一宿，研为细散。一岁每服半钱匕，猪尾血温汤调下；不出，再服。

### 治小儿疮子黑色，人参丸方

人参一分<sup>⑨</sup>。为末

上一味，用牛李子汁瓷器内熬成膏，和为丸如豌豆大。每服一丸，杏胶汤化下<sup>⑩</sup>，不拘时。

### 治小儿疮子黑色及出不快，神验散方

① 研：元刻本、日本抄本、文瑞楼本同，明抄本、乾隆本此后有“五分”。

② 半钱匕：元刻本、日本抄本、文瑞楼本同，明抄本、乾隆本作“五分”。

③ 治：元刻本、日本抄本、文瑞楼本同，明抄本此前有“白僵蚕饮”，乾隆本此4字在“方”字前。

④ 炒：元刻本、日本抄本、文瑞楼本同，明抄本、乾隆本作“用糯米同炒”。

⑤ 去土：元刻本、日本抄本、文瑞楼本同，明抄本、乾隆本作“微炙。五钱”。

⑥ 倒：原作“到”，元刻本、日本抄本、文瑞楼本同，形声俱近而误，据明抄本、乾隆本改。

⑦ 干者：元刻本、日本抄本、文瑞楼本同，明抄本、乾隆本作“炙者”。

⑧ 三：元刻本、日本抄本、文瑞楼本同，明抄本、乾隆本作“五”。

⑨ 分：元刻本、日本抄本、文瑞楼本同，明抄本、乾隆本作“两”。

⑩ 每服……化下：此9字日本抄本、文瑞楼本同，明抄本、乾隆本作“杏胶汤化下十丸”。

鯪鲤甲火炮黄色，全者。二十片 地龙去土，炒。二十枚 紫草五枝

上三味，捣罗为细散 每服半钱匕，温酒调下后，用衣盖，即红色出。

治小儿触著疮子，毒气入里，疮变黑色，须臾不救，再苏散方

白矾熬令汁枯 地龙去土，炒<sup>①</sup>。各一<sup>②</sup>分

上二味，研为细散 每服半钱匕，用豮猪尾上血一椀斗多，同新水少许调下，不拘时。

治小儿斑豆疮，退热解躁，冲和散方

白药子 甘草炙。各一分 雄黄一钱。醋淬<sup>③</sup>

上三味，捣研为散。每服半钱匕，量儿大小加减，蜜汤调下

治小儿斑毒不退，南朱散方

赤豆炒 槐花炒。各二钱 麝香研。少许

上三味，捣研为散。每服一字匕<sup>④</sup>，温酒调下。量儿大小加减。

治小儿出疮，解热丸方

甘草生，剉 铁粉研<sup>⑤</sup> 青黛研。各半两

上三味，捣研为末，再研匀，炼蜜和丸如鸡头<sup>⑥</sup>大。每服一丸，熟水化下<sup>⑦</sup>。

治小儿胗豆穴后灭瘢痕，楝实膏方

楝实去核，炒 槐子<sup>⑧</sup>各一两

上二味，并拍碎，用狗脂、鹅脂各四两，同于铜铫内，以文武火煎一二十沸，去滓，入在瓷合中，候凝，涂瘢痕，日二度。

① 炒：日本抄本、文瑞楼本同，明抄本、乾隆本此前有“瓦上”。

② 一：明抄本、乾隆本、文瑞楼本同，日本抄本作“半”。

③ 淬：日本抄本、文瑞楼本同，明抄本、乾隆本作“煮”。

④ 一字匕：元刻本、日本抄本、文瑞楼本同，明抄本、乾隆本作“五分”。

⑤ 研：元刻本、日本抄本、文瑞楼本同，明抄本、乾隆本作“飞过”。

⑥ 鸡头：元刻本、日本抄本、文瑞楼本同，明抄本、乾隆本作“小豆”。

⑦ 每服一丸熟水化下：元刻本、日本抄本、文瑞楼本同，明抄本、乾隆本作“用陈米饮下五七丸至十九，日二”。

⑧ 槐子：元刻本、日本抄本、文瑞楼本同，明抄本、乾隆本此后有“微炒”。

# 又方<sup>①</sup>

蚬子活者

上一味，以淮水或江水养五日，旋取此水洗手面，日渐生肉，乃无瘢痕。

## 小儿惊热

论曰：心藏神而恶热，热则神气不得安静，动作多惊，手足掣缩，精神妄乱。热气盛者，或变惊痫，《内经》谓惊则心无所倚，虑无所定，故气乱也。速用镇神脏<sup>②</sup>，调心气之剂，则病斯差。又有变蒸者，其热气盛，亦发微惊。治法具变蒸门中。

### 治小儿惊热，眠睡不稳<sup>③</sup>，钓藤饮方

钓藤三分 蚱蝉去头、足、翅，炙，二枚 犀角屑微炒 麦门冬去心，焙 升麻各半两 石膏捣碎，三分 柴胡去苗，半两 甘草微炙，一分

上八味，粗捣筛，每二钱匕，水一小盏，煎至六分，去滓，下竹沥半合，重煎三五沸，分温三服，空心午后夜卧各一，量儿大小加减<sup>④</sup>。

### 治小儿惊热，神志不安，雄黄散方

雄黄研，一分 龙脑研，半钱 麝香研，半钱 丹砂研 黄芩去黑心 山梔子仁 人参 犀角屑 大黄剉，炒 桂去粗皮 甘草炙 牛黄研。各半两 虎睛微炙，一只<sup>⑤</sup>

上一十三味，捣研为散，再同研匀。一二岁儿，每服半钱匕；三四岁儿，每服一钱匕，并用薄荷汤调下，早晨、午后各一，量

① 又方：元刻本、日本抄本、文瑞楼本同，明抄本、乾隆本作“蚬子水洗方，治痘疹后无瘢痕”。

② 脏：元刻本、日本抄本、文瑞楼本同，明抄本、乾隆本作“安脏”。

③ 眠睡不稳：元刻本、日本抄本、文瑞楼本同，明抄本、乾隆本作“心神躁闷，胸膈不利，痰涎呕逆，利膈镇心”。

④ 上八味……大小加减：此48字元刻本、日本抄本、文瑞楼本同，明抄本、乾隆本作“水煎一钱，去滓，入竹沥少许、姜汁一匙服”。

⑤ 只：元刻本、文瑞楼本同，明抄本、乾隆本作“对”，日本抄本作“双”。



儿大小加减。

治小儿多惊，身体壮热，吐乳不止，**犀角散方**

犀角镑。半两 牛黄研。一钱 青黛研 熊胆研。各一分<sup>①</sup>

上四味，捣研为散，再和匀，每服一字匕，乳汁调下，日二，随儿大小增减。

治小儿惊热，心神躁闷，胸膈不利，痰涎呕逆，利膈镇心，**铁粉煎方**

铁粉研 丹砂研 水银沙子 马牙消研 龙脑研。各一钱 天竺黄研 寒食面各一分 轻粉研 半钱 真珠末二钱 槟榔二枚。为末 麝香研 丁香末各一钱 恶实一分。微炒为末

上一十三味，捣研为末，和匀，以生蜜少许调如膏，每服一小皂子大，用金银薄荷汤化下 量儿大小加减。

治小儿惊风壮热，时气疮疹，摇头弄舌，嗽哇<sup>②</sup> 目涩，多睡涎嗽，兼治寒邪发热及下利脓血，**金箔丸方**

金箔四十九片 丹砂研 水银沙子 麝香研 膩粉研。各一钱 牛黄研 青黛研 犀角末 白僵蚕炒 蝉蜕去土 麻黄去根节 白附子 干蝎炒 天麻酒浸，炙 天南星炮，酒浸，焙 各一分

上一十五味，捣研为末，再同研匀细，生蜜和丸如梧桐子大，或如鸡头大<sup>③</sup>，每服以一九分三服，不计时候，煎人参薄荷汤化下，更量儿大小加减。

治小儿惊热，镇心化涎，**丹砂虎睛丸方**

丹砂研 一两 虎睛微炙。一对 牛黄研 龙脑研。各一钱半 麝香研。一钱 犀角屑 人参 白茯苓去黑皮 山梔子仁 黄芩去黑心。各一两 大黄湿纸裹，煨熟 钩藤各四两

① 分：元刻本、明抄本、乾隆本、文瑞楼本同，日本抄本作“两”。

② 嗽哇：元刻本、文瑞楼本同，明抄本、乾隆本作“咳吐”，日本抄本作“吼”。

③ 大：元刻本、日本抄本、文瑞楼本同，明抄本、乾隆本此后有“金箔为衣”。

上一十二味，捣研为末，再同和匀，炼蜜为丸如梧桐子<sup>①</sup>大，每服半丸，煎金银汤化下。量儿大小加减。

治小儿惊热不安，青金丹方

青黛四两 甘草生，取末 二两 蝉蜕取末，一两 麝香研一分 牛黄研 龙脑研。各一钱半 丹砂研。一分 龙齿捣研为末 天竺黄捣研为末。各半两

上九味，再同研令匀细，用胶饴搜和，丸如鸡头大 每一丸分作四服；小儿惊啼，薄荷汤研服，兼涂顶及手足心 此药安和脏腑，镇心祛毒，安魂定魄，调畅三焦，解烦除热 大人烦躁，每服一丸，新汲水化下。

治小儿惊热，睡中搐搦，镇心脏，安神定魄，紫霜散方

铅霜 天竺黄 甘草生，剉，各一钱 丹砂研，一两半 铁粉研。半两 龙脑研。半钱 人参 使君子微煨。各半两

上八味，先捣研为散，再同研匀，以瓷器盛。每服一字匕，蜜水调下。

治小儿惊热，心神不宁，时发瘈瘲，蝎梢丸方

蝎梢微炒，一钱 白附子炮 半两 天南星炮，一分<sup>②</sup> 夜明沙微炒 半两<sup>③</sup> 白僵蚕直者，炒 七枚 膩粉研 一钱 青黛研 一皂子大 龙脑研 麝香研。各半钱

上九味，捣研为末，再同研匀，面糊为丸如鸡头大，每服一丸，薄荷汤化下，临卧服，更量儿加减。

治小儿惊热，凉膈化痰，犀角饼子方

犀角镑 真珠末 丹砂研 蓬砂<sup>④</sup>研 粉霜研 膩粉 青黛 水银与黑铅结成沙子，各一分 龙脑研 麝香研，各半钱

上一十味，捣研为末，再同研匀，用山药煮糊和丸如皂子大，

① 梧桐子：元刻本、日本抄本、文瑞楼本同，明抄本、乾隆本作“芡实”。

② 分：元刻本、日本抄本、文瑞楼本同，明抄本、乾隆本作“两”。

③ 半两：元刻本、日本抄本、文瑞楼本同，明抄本、乾隆本作“一钱”。

④ 蓬砂：元刻本、日本抄本、文瑞楼本同，明抄本、乾隆本作“礞砂”。蓬砂为“礞砂”异名。

死儿一服即差。

治小儿急惊，手足搐搦，目睛直视，软金丸方

胡黄连一钱 使君子五枚<sup>①</sup> 天浆子炒 七枚 香墨 麝香  
研 青黛 膩粉各一钱

上七味，捣研为末，以寒食面为糊，和丸如小豆大。每服一丸，金银薄荷汤化下。量儿大小加减服。

治小儿惊风，眠睡不稳，牛黄丸方

牛黄一钱。研 丹砂研。二钱 水银用铅结成沙子用。鸡头  
注 蝎梢去土，炒。二七<sup>②</sup>枚。为末 天南星一枚<sup>③</sup>，如钱许大者。为  
末 膩粉二钱 金箔五<sup>④</sup>片 麝香一钱。细研

上八味，同研令匀，煮枣肉和丸如芥子大<sup>⑤</sup>。每服三丸至五丸，金银薄荷汤下。量儿大小加减服。

治小儿惊积，镇心化涎，小丹砂丸方

丹砂研。一分 巴豆去皮、心、膜，出油尽。三十粒 半夏汤  
洗七遍，为末，炒。二钱匕 杏仁先炮过后，汤浸，去皮尖、双仁，  
研。五枚

上四味，捣研为末，面<sup>⑥</sup>糊丸如绿豆大。每服一丸，荆芥薄荷汤下。三岁二丸，五岁三丸。如惊伏在内，即惊积行尽，仍旧药出；如无惊积，药更不下。

治小儿急慢惊风，蝎梢散方

蝎梢七枚 乌头尖七枚 半夏一枚 浆水煮过 丹砂研 半  
字 附子生，去皮脐。一分

上五味，捣罗为细散。每服一字匕，煎柳枝汤调下。

治小儿急惊，体热涎壅，四肢拘急，筋脉牵掣，白花蛇丸方

① 枚：日本抄本、文瑞楼本同，明抄本、乾隆本此后有“面煨”。

② 二七：元刻本、日本抄本、文瑞楼本同，明抄本、乾隆本作“二十”。

③ 枚：元刻本、日本抄本、文瑞楼本同，明抄本、乾隆本作“钱”。

④ 五：元刻本、日本抄本、文瑞楼本同，明抄本、乾隆本作“十”。

⑤ 大：元刻本、日本抄本、文瑞楼本同，明抄本、乾隆本此后有“丹砂丸方”。

⑥ 面：元刻本、日本抄本、文瑞楼本同，明抄本、乾隆本作“陈米”。



白花蛇头一枚。自开口者，生用 干蝎全者。炒。半两 牛黄  
研 龙脑研。各半分 丹砂研。一分 麝香研。一钱半

上六味，捣研为细末，炼蜜和为剂，每服旋丸如一绿豆大，  
薄荷温水化下。

# 卷第一百七十

## 小儿门

小儿慢惊风 小儿惊悸 小儿惊啼 小儿夜啼

## 小儿门

### 小儿慢惊风

论曰：小儿慢惊者，痫病发于阴也。由在胎时，禀受不足，心气虚弱，外中风邪，入于腑脏。其发则手足瘈瘲，头目摇动，牙关噤紧，神情如醉，休作有时，潮搐不定者，谓之阴痫。其治疗也，外以灸法，内以药饵，临机制变，可谓上工。若证见息高鱼口、泄汗遗尿者，在所不治。

治小儿慢惊体热，忽发吐逆，夜多啼叫，或泄或秘，变成慢惊，或为疳疾<sup>①</sup>。定搐搦，坠痰涎，镇心疗疳<sup>②</sup>，如圣青金丸方

龙脑一钱 香墨一钱半 使君子两<sup>③</sup>枚 面裹，慢火煨熟 膩粉 麝香各一分<sup>④</sup> 白面三钱 青黛二钱 金箔 银箔各一十片

上九味，同研匀细，滴井华水和丸如鸡头实大<sup>⑤</sup>。每服一丸，慢惊者，用冷薄荷水化下，服讫即睡，睡觉取下涎，从大便出立愈，后更与三两服。如些小惊及急惊，只服半丸。

治小儿慢惊虚困，痰涎不利，羌活丸方

羌活一两 白僵蚕炒 半两 二味捣末 硫黄 水银各一<sup>⑥</sup>分。

① 为疳疾：元刻本、日本抄本、文瑞楼本同，明抄本、乾隆本作“痫疾痰涎，神情如醉”。

② 镇心疗疳：元刻本、日本抄本、文瑞楼本同，明抄本、乾隆本作“镇心神”。

③ 两：元刻本、日本抄本、文瑞楼本同，明抄本、乾隆本作“四”。

④ 各一分：文瑞楼本同，明抄本、乾隆本无，日本抄本作“各一两”。

⑤ 大：日本抄本、文瑞楼本同，明抄本、乾隆本此后有“金箔为衣”。

⑥ 一：乾隆本、日本抄本、文瑞楼本同，明抄本作“二”。

二味结沙子，研

上四味，合研匀细，炼蜜和丸如豌豆<sup>①</sup>大。四五岁，每服二丸；三岁以下一丸，煎金银荆芥薄荷汤化下。

### 治慢惊风<sup>②</sup>，琥珀丸方

琥珀 犀角末各一钱 真珠末 天南星酒浸，麸炒 各二<sup>③</sup>钱 牛黄 龙脑研 麝香研，各一字 丹砂研，一分 干蝎七枚，全者。炒

上九味，捣研为细末，炼蜜丸如鸡头实大 每服一丸，煎菊花汤化下。

### 治小儿慢惊风，回魂煎方

天南星一枚重三钱者 烧地坑子令赤，用醋泼，下天南星，以碗子合定，勿透气，去皮脐，取二钱 白附子三枚，生用 乌蛇四寸。用酒浸，去皮、骨，炙 蜈蚣一条。酒炙 棘刚子三十枚 干蝎全者，七枚 炒 水银沙子两皂子大<sup>④</sup> 丹砂 膩粉各一分 麝香 犀角末 乳香各一钱 金箔三<sup>⑤</sup>片 共沙子一处研 牛黄 龙脑各半钱。研

上一十五味，捣研匀细，用石脑油为膏，旋丸如豌豆大 每服一丸，薄荷汤化下。

### 治小儿慢惊风，天南星煎丸方

天南星一两。细剉，水二盏，微火熬至半盏，去滓，重熬成膏 白附子半两。炮 天麻一两 干蝎一分。炒

上四味，捣罗三味为末，入天南星膏内和丸，如绿豆大 三五岁儿，每服二丸，薄荷汤下；五六岁儿，三丸，日再服 更量儿大小加减，不拘时。

### 治小儿慢惊风，天浆子散方

① 豌豆：日本抄本、文瑞楼本同，明抄本、乾隆本作“小豆”。

② 风：日本抄本、文瑞楼本同，明抄本、乾隆本此后有“手足痿痹，头摇动，牙关紧急”句。

③ 二：明抄本、乾隆本、文瑞楼本同，日本抄本作“三”。

④ 两皂子大：日本抄本、文瑞楼本同，明抄本、乾隆本作“二钱”。

⑤ 三：日本抄本、文瑞楼本同，明抄本、乾隆本作“十”。



天浆子 白僵蚕炒 干蝎炒。各三枚

上三味，捣罗为散 每服一字匕，煎麻黄汤调下，日三服，汗出为效。更量儿大小加减，不拘时。

治小儿慢惊风，潮发搐搦，项筋紧强，紫霜散方

白花蛇酒浸一宿，去皮、骨，炙。一两 铁粉半两。研 丹砂研 白附子炮 蝎梢各一分 麝香一钱。研

上六味，捣研为细散，每服半钱匕<sup>①</sup>，薄荷汤调下，不拘时。

治小儿慢惊风，干蝎散方

干蝎五枚，全者。炒 细辛去苗叶 乳香研，各一分 青黛研 白附子炮。各半两

上五味，捣研为细散 每服半钱匕，煎冬瓜子汤调下，不拘时。

治小儿慢惊风，兼内外俱虚，羌活煎方

羌活去芦头 防风去叉 桂去粗皮 独活去芦头 人参各一分 白附子半两 干蝎全者 炒 白僵蚕炒 各一钱<sup>②</sup> 水银 硫黄研。各二钱

上一十味，捣罗八味为末，次熔硫黄成汁，次入水银为沙子，放冷细研，入众药末，用枣肉蜜和成煎 每服一大豆<sup>③</sup>许，煎防风汤化下，紫参人参汤亦得 一方，去白僵蚕，加茯苓一分。

治小儿慢惊风，摇头闭目，归魂丸方

金箔十五片 研 丹砂研 膩粉研 牛黄研 青黛研 白僵蚕炒 蝉壳去土 白附子炮 干蝎全者 炒 防风去叉 犀角镑 天南星炮。各一分 天麻半两 棘刚子十二枚

上一十四味，为细末，炼蜜和丸如梧桐子<sup>④</sup>大。每服一丸，薄荷汤化下，奶食后临睡服。

治小儿慢惊风，坠涎，真珠丸方

① 半钱匕：日本抄本、文瑞楼本同，明抄本、乾隆本作“三五分”。

② 钱：文瑞楼本同，明抄本、乾隆本作“分”，日本抄本作“两”。

③ 大豆：日本抄本、文瑞楼本同，明抄本、乾隆本作“小豆”。

④ 梧桐子：日本抄本、文瑞楼本同，明抄本、乾隆本作“小豆”。

真珠 牛黄 丹砂 雄黄 膩粉各一分。研

上五味，合研匀细，用粳米<sup>①</sup>饭和丸如黄米<sup>②</sup>大。二岁儿，每服三丸，薄荷汤下，日三。更量儿大小加减。

治小儿慢惊风，吐逆不定，胃虚生涎，多惊饶睡，丁香丸方

丁香一分。为末 半夏三枚。汤洗十遍，焙干，为末<sup>③</sup> 水银 铅各一分。二味结沙子 蝎梢四十九枚。炒，为末

上五味，合研匀细，用熟枣肉和丸如绿豆大 每服五丸至七丸，量儿大小加减，并用荆芥薄荷汤下；大人虚风痰涎，丸如梧桐子大，一服七丸至十丸

治小儿慢惊风，四肢搐搦，五灵脂丸方

五灵脂 白附子生 天南星生 干蝎各一两 蝉壳半两 生，去土

上五味，捣罗为末，酳醋一盏，药末一两，同熬成膏，入余药末和丸如绿豆大 未满月儿，奶汁化破一丸；二岁以下，二丸；渐大，以意加减，用金银薄荷煎汤化下，鼻上汗出即愈。

治小儿慢惊风，心神闷乱，烦懊不安，筋脉拘急，胃虚虫动，反折啼叫，乳香丸方

乳香盏子内熔过，研。半钱 胡粉一钱

上二味，合研匀细，用白颈蚯蚓，生，捏去土，烂研，和就为丸如麻子大。每服七丸至十丸，煎葱白汤下。更量儿大小加减。

治小儿慢惊风，干蝎天麻散方

干蝎全者，十枚。炒 蔓陀罗七朵 天麻 乳香研 天南星 炮 丹砂研。各一分

上六味，捣研为细散。每服半钱匕，薄荷汤调下，不拘时

治小儿慢惊风，因转泻虚极，多睡善欠，医所不能疗，麻黄散方

① 粳米：日本抄本、文瑞楼本同，明抄本、乾隆本作“陈米”。

② 黄米：日本抄本、文瑞楼本同，明抄本、乾隆本作“小豆”。

③ 汤洗十遍焙干为末：日本抄本、文瑞楼本同，明抄本、乾隆本作“姜汁捣浸”。

麻黄七节 以儿中指节比 薄荷全者，七叶 干蝎全者，一枚<sup>①</sup>  
上三味，各炒黄色，合捣研为细散 每服半钱匕，温薄荷水  
调下，更量儿大小加减 服后略以衣被盖之，汗出立差

### 治慢惊、罢搐煎方

丹砂研 水银 天南星炮 膩粉研 薄荷 白附子炮 干蝎全  
者，炒，各一分

上七味，为细末，用石脑油和成煎 每服一大豆许，薄荷汤  
化下

### 治小儿慢惊风，多涎，腹胀潮热，发渴搐搦，万灵丹方

牛黄一钱 细研 麝香半钱 细研 熊胆半钱 细研 膩粉半  
钱 细研 干蝎五枚 微炒 朱砂一分 细研 巴豆<sup>②</sup>三枚<sup>③</sup> 去皮、  
心，生，研 木香半钱 白附子三枚，炮裂 蝉壳七枚，微炒

上一十味，先捣罗四味为细末，次入六味，都研令匀，炼蜜  
为丸如黍米大，每服三丸，煎薄荷荆芥汤下，量儿大小加减

### 治小儿慢惊风，搐搦烦热，犀角丸方

犀角屑一分 蝉壳二七枚，微炙 天浆子二七<sup>④</sup>枚，麸炒，去  
壳 牛黄一分，细研 青黛一分 细研 乌蛇半两，酒浸，去皮、  
骨，炙令黄 地龙一分，微炒 蟾酥半钱，铁器上焙过，研<sup>⑤</sup> 朱砂  
半两 细研，水飞 防风半两 去芦头 蚕纸一张，烧灰 麝香一  
分，细研

上一十二味，先捣七味为细末，次入五味，都研令匀，炼蜜  
为丸如黍米大，每服两丸，煎荆芥汤下 大人风痫，取活螻蛄虫  
不拘多少，研如泥，生面和丸如鸡头实大，捏作饼子，煨灰火煨  
熟，每嚼一饼子，煎荆芥汤下前药十丸，更量大小虚实加减

### 治小儿慢惊风潮发，摩化，龙脑丸方

① 枚：日本抄本、文瑞楼本同，明抄本、乾隆本此后有“炒”。  
② 巴豆：日本抄本、文瑞楼本同，明抄本、乾隆本作“巴霜”。  
③ 三枚：明抄本、乾隆本、文瑞楼本同，日本抄本作“三枚半”。  
④ 二七：日本抄本、文瑞楼本同，明抄本、乾隆本作“二十一”。  
⑤ 地龙……研：此 16 字日本抄本、文瑞楼本同，明抄本、乾隆本作“地  
龙 蝉（蟾）酥一钱”。



龙脑 麝香 卢会 熊胆 膩粉各半钱 研 胡黄连 使君子 青黛研。各一钱 香墨半两。研

上九味，捣罗胡黄连、使君子为末，余研极细，滴水和丸如梧桐子大。每服二丸，煎金银薄荷汤摩下，经宿取恶物便安。

治小儿慢惊风，胸膈痰涎，咽喉壅塞，身体壮热，筋脉拘急，时或发渴，卢会散方

卢会研 龙骨 雄黄研 麝香研。各半分<sup>①</sup> 胡黄连<sup>②</sup> 青黛研 木香 丁香 牛黄研 天竺黄 熊胆研 干蝎炒 膩粉研 丹砂研 犀角镑 附子炮裂，去皮脐 人参 沉香各一分

上一十八味，捣研为散。每服半钱匕，薄荷汤调下

治小儿虚风慢惊搐搦，项筋紧强，手足逆冷，腰背拘急，再生丸方

蜈蚣一条。酒浸一宿，炙 干蝎全者，七枚。炒 蚕蛾十枚。炒 白僵蚕直者 炒 丹砂研 各一分 天南星炮 白附子炮 麝香 当门子各一枚 薄荷心七枚 龙脑研 水银锡结沙子 各一钱 棘刚子二十<sup>③</sup>枚。炒

上一十二味，捣研为细末，研匀，以石脑油和剂，油单裹，每服旋作一丸，如黍米大。冷水化下，须发前服 三服必效，后服睡脾散。

治小儿慢惊风，睡脾散方

桑螵蛸四枚 干薄荷叶 干蝎全者 炒 人参 干山芋<sup>④</sup> 天南星炮 半夏生姜汁浸透，切，焙。各一分

上七味，捣罗为细散。每服半钱匕，麝香粟米饮调下。

治小儿虚风，钓藤煎方

钓藤 防风去叉 芎劳 天麻酒浸，切，焙 麻黄去根节 各一分 荆芥穗 蝉壳去土 蝎梢炒 各半两 白僵蚕十四枚

① 分：明抄本、乾隆本、文瑞楼本同，日本抄本作“两”。

② 胡黄连：日本抄本、文瑞楼本同，明抄本、乾隆本此前有“冰片”。

③ 二十：日本抄本、文瑞楼本同，明抄本、乾隆本作“二十一”。

④ 干山芋：日本抄本、文瑞楼本同，明抄本作“山药”，乾隆本作“山芋”。

炒 薄荷心二十六<sup>①</sup>枚。酒浸，焙 龙脑 麝香各一字。研

上一十二味，捣研为细末，炼蜜和成煎。每服皂子大，荆芥紫参<sup>②</sup>汤化下。

治小儿慢惊风，涎塞咽喉，服利药过度者，麝香饼子方

麝香研 膩粉各三钱匕 定粉二钱匕

上三味，研令匀细，以香墨研浓汁和丸，捏如菉豆大。每服一饼，薄荷汤化下。

治小儿慢惊，神识昏塞，时发时省，手足搐搦，目睛直视，天麻丸方

天麻 白僵蚕炒 干蝎去土，炒 白附子各二钱 牛黄研 丹砂研 麝香研。各半钱 雄黄研。一钱

上八味，捣研为末，炼蜜和丸如鸡头实大<sup>③</sup>。每服一丸，薄荷汤化下。量儿大小加减服。

治小儿慢惊风，手足瘈瘲，神情如醉，桃红散方

天南星炮 乌头炮裂，去皮脐 白附子炮 天麻各半两 干蝎微炒。二十一<sup>④</sup>枚 丹砂研。一分

上六味，捣研为细散 每服一字或半钱匕<sup>⑤</sup>，旋入牛黄、龙脑各少许，煎麻黄汤调下，日三。

治小儿慢惊风，久不差，天竺黄散方

天竺黄 人参 胡黄连 使君子炮。各一分 半夏三枚，生姜汁浸，炒 藿香半分<sup>⑥</sup> 丹砂研 麝香<sup>⑦</sup>研。各半钱 蝎梢炒 甘草炙。各一分

上一十味，将八味捣为细散，入丹砂、麝香研匀，每服一字匕，冷蜜汤调下，熟水亦得。量儿大小加减服。

① 二十六：日本抄本、文瑞楼本同，明抄本、乾隆本作“二十一”。

② 紫参：日本抄本、文瑞楼本同，明抄本、乾隆本作“薄荷”。

③ 大：日本抄本、文瑞楼本同，明抄本、乾隆本此后有“丹砂为衣”。

④ 二十一：明抄本、乾隆本、文瑞楼本同，日本抄本作“十二”。

⑤ 一字或半钱匕：日本抄本、文瑞楼本同，明抄本、乾隆本作“三五分”。

⑥ 半分：文瑞楼本同，明抄本、乾隆本作“五分”，日本抄本作“半钱”。

⑦ 麝香：日本抄本、文瑞楼本同，明抄本、乾隆本此前有“冰片”。

## 小儿惊悸

论曰：心藏神而恶热，小儿体性多热，若感风邪，则风热搏于腑脏，其气郁愤，内乘于心，令儿神志不宁，故发为惊；若惊甚不已，则悸动不宁，是为惊悸之病。

### 治小儿惊悸不安，紫金散方

铁粉<sup>①</sup> 龙齿 石膏 牛黄并研如粉 甘草生。末。各一分

上五味，先捣龙齿、石膏为末，与诸药同研如粉。每服半钱匕，用淡竹沥调服，三四岁儿，每服一钱匕，日三服，早晨、午间、日晚各一。量儿大小，以意加减。

### 治小儿壮热惊悸并热疮出，人参汤方

人参三分 茯神去木。半两 龙齿研如粉。一两 钩藤一分 蚱蝉去足、头、翅，微炙。二枚 麦门冬去心，焙。一两 杏仁去双仁、皮尖，麸炒令熟。一两半 蛇蛻皮微炙令黄。二寸

上八味，粗捣筛。一二岁儿，每一钱匕，水半盏，煎至三分，去滓，入牛黄一豆许大，分温二服，空心午后各一。量儿大小，以意加减。

### 治小儿壮热时气惊悸，并热疮出，钩藤汤方

钩藤一两 人参一两 蚱蝉微炙，去翅、足。一两 黄芩去黑心。一两 蛇蛻皮微炙，令黄色。三寸 龙齿研如粉。一两 防风去叉。半两 泽泻半两

上八味，粗捣筛。一二岁儿，每一钱匕，水半盏，入竹沥半合，石蜜少许，同煎至四分，去滓，分温二服，空心午后各一，更量儿大小，以意加减。

### 治小儿心热惊悸，牛黄散方

牛黄研。一分 天竺黄研。半两 铅白霜研。半两 玄明粉研。一两 人参半两 白茯苓去黑皮。半两

上六味，捣罗人参、茯苓为末，同牛黄等研为散。一二岁儿，

① 铁粉：日本抄本、文瑞楼本同，明抄本、乾隆本此后有“五钱”。



每服半钱匕，用薄荷汤调服；三四岁儿，每服一钱匕，日三服，早晨、午间、日晚各一。量儿大小，以意加减。

镇心神，凉咽膈，压惊悸，退壮热，化风涎<sup>①</sup>，大丹砂丸方

丹砂研，水飞过 甘草炙 白茯苓去黑皮。各二两 人参一两 马牙消研 一分 蓬砂研 三钱 牛黄研 半钱 龙脑研 麝香研。各一钱

上九味，捣研为末，炼蜜和丸如鸡头大 每服一丸，用竹叶汤化下，食后临睡服，大小以意加减之。

治惊悸，退壮热，止涎嗽，利咽膈，除眠睡不稳，丹砂丸方

丹砂二两。细研，水飞 半夏汤洗七遍。二两 乳香研。半钱 人参 白茯苓去黑皮 各半两 天南星炮裂 一两 牛黄研。二钱 龙脑研。一钱

上八味，捣研为末，用白面糊和丸如麻子大 三岁儿，服十丸至十五丸，不拘时，用竹叶乳香汤下，量儿大小加减。

治小儿惊热，筋脉抽掣，夜卧惊悸，四肢烦热，天竺黄散方

天竺黄研 半两 郁金浆水煮 一分 粉霜研。一分 铅白霜研。一分 山梔子仁半两

上五味，捣研为散，一二岁儿，每服半钱匕，用新汲水<sup>②</sup>调服；三四岁儿，每服一钱匕，日二，早晨、日晚各一。更量儿大小，以意加减。

治小儿虚热惊悸，睡中时叫，麦门冬汤方

麦门冬去心，焙。一两半 人参半两 龙骨一两 茯神去木。三分 甘草炙。一分 犀角屑半两

上六味，粗捣筛。一二岁儿，每服一钱匕，水七分，入生地黄酒少许，同煎至四分，去滓温服，日三四服。量儿大小，以意加减。

治小儿风热惊掣，心忪恐悸，茯神汤方

① 风涎：日本抄本、文瑞楼本同，明抄本、乾隆本作“痰涎”。

② 新汲水：日本抄本、文瑞楼本同，明抄本、乾隆本作“蜜水”。

茯神去木。一分 龙齿半两 寒水石研。一分 升麻三分 石膏研。一两 麦门冬去心，焙。三分

上六味，粗捣筛。一二岁儿，每服一钱匕，水七分，入竹沥少许，煎至四分，去滓温服，日三夜一。量儿大小，以意加减。

治小儿风热，心神惊悸，睡卧不安，真珠丸方

真珠末 羌活去芦头 防风去叉 钩藤 龙胆 天竺黄研 升麻<sup>①</sup> 牛黄研。各一分<sup>②</sup> 茯神去木 人参 羚羊角屑 犀角屑各一两 铅霜<sup>③</sup> 龙脑 麝香各一钱。研

上一十五味，捣研为末，炼蜜丸如绿豆大。每服用荆芥薄荷汤研下五丸，日三四服。常服化一切惊涎。

治小儿精神不爽，寢寐多惊，心忪恐悸，四肢战掉，举动欲倒，状类暗风，或烦躁多啼。退惊风，化痰壅，壮心气，益精神，大镇心丸方

生犀角镑末。一两 羚羊角镑末 龟甲镑末 赤箭各半两 牛黄研 茯神去木 远志去心 真珠末研 人参 桂去粗皮 天竺黄研 蛇蛻皮炙令焦黄 龙脑研。各一分 铁粉研。一两 麝香研 菖蒲各半两 丹砂研。半分 金箔研 银箔研。各五十片

上一十九味，捣研为末，炼蜜丸如梧桐子大，每服一丸至二丸，食后临卧，薄荷汤化下，更量大小加减。

治小儿惊悸，眠睡不稳，金箔丸方

金箔四十九片 丹砂<sup>④</sup> 水银 膩粉各半两 麝香 牛黄 青黛 犀角末 白僵蚕直者。炒 蝉壳去土 白附子 干蝎去土，炒 天麻酒浸一宿，焙干 麻黄去节 天南星炮。各一分

上一十五味，青黛已上七味研匀，余者捣罗为末，同七味再

① 升麻：日本抄本、文瑞楼本同，明抄本、乾隆本此后有“五钱”

② 牛黄研各一分：日本抄本、文瑞楼本同，明抄本、乾隆本作“牛黄”，在真珠末后。

③ 铅霜：日本抄本、文瑞楼本同，明抄本、乾隆本此后有“一两”，而犀角屑无“各一两”。

④ 丹砂：日本抄本、文瑞楼本同，明抄本、乾隆本此后有“飞过”。

细研，用生蜜和匀成剂，旋丸如梧桐子大。每服一丸，薄荷自然汁化下。量儿大小加减。

### 小儿惊啼

论曰：心藏神，神安则脏和，故小儿昼得精神安，而夜得稳眠。若心气不和，邪热乘之，则精神不得安定，故暴惊而啼叫也。

#### 治小儿惊啼，牛黄丸方

牛黄 丹砂 卢会 麝香各研如粉 白僵蚕 龙齿 当归切，焙 芍药 钩藤 蜗牛麸炒令黄色 代赭 牡蛎烧过<sup>①</sup>、各一分

上一十二味，除前牛黄等四味研外，余并捣罗为细末，更同四味研匀，炼蜜和丸如麻子大<sup>②</sup>。一月及百日儿，每服三丸；半年至一岁儿，每服五丸，并薄荷汤下，日夜三四服。量儿大小加减。

#### 治小儿惊啼，五惊，龙角<sup>③</sup>丸方

龙角镑 黄芩去黑心 大黄微炒 各半两 牡丹皮一分 蚱蝉一枚。炙，去头<sup>④</sup> 牛黄如小豆大，五枚<sup>⑤</sup>。研入

上六味，捣罗为末，炼蜜为丸如麻子大，每服二粒，用米饮下，日夜共五服，更随儿大小加减。一方去牛黄。

#### 治小儿风热惊啼<sup>⑥</sup>，蛇黄散方

蛇黄捣碎，研 犀角镑 人参 白茯苓去黑皮 防风去叉 细辛去苗、上 蚱蝉去翅、足，微炙 干蝎醋拌微炒 丹砂研 母丁香 山茱萸微炒 甘草炙 牛黄研。各一分

上一十三味，捣罗为散，更研令细。一二岁儿，每服一字匕，用竹沥调服；三四岁儿，每服半钱匕，日三服，不拘时候。

#### 治小儿因客忤惊啼，千金汤方

① 烧过：日本抄本、文瑞楼本同，明抄本、乾隆本作“童便淬”。

② 大：日本抄本、文瑞楼本同，明抄本、乾隆本此后有“丹砂为衣”。

③ 龙角：日本抄本、文瑞楼本同，明抄本、乾隆本作“龙齿”。下组成中“龙角”同。

④ 头：日本抄本、文瑞楼本同，明抄本、乾隆本作“翅、足”。

⑤ 如小豆大五枚：日本抄本、文瑞楼本同，明抄本、乾隆本作“一钱”。

⑥ 啼：日本抄本、文瑞楼本同，明抄本、乾隆本此后有“眠卧不安”。



蜀漆炒令烟出。半两 左顾牡蛎烧过<sup>①</sup>。一分

上二味，粗捣筛。一、二岁儿，每一钱匕，以浆水半盏，煎至三分，去滓，分温二服，空心日午各一。兼治小儿著噤，更随儿大小，以意加减。

治小儿惊热多啼，不吃乳，虎睛丸方

虎睛细研。二枚<sup>②</sup> 犀角屑。一两 黄芩去黑心 梔子仁 大黄剉碎，微炒。各半两

上五味，除虎睛外，捣罗为末，再同研匀，炼蜜和丸如麻子大 每服以粥饮下五<sup>③</sup>丸，日三四服 量儿大小加减

治小儿惊热啼叫，睡卧不安，清神散方

牛黄研 天竺黄研 铅白霜研 郁金 麦门冬去心，焙 甘草炙。各一分 人参半两

上七味，捣研为细散，每服半钱匕，人参汤放冷调下，乳食后服。

治小儿体热，忽发吐逆，夜多惊啼，或泄或秘，变成慢惊，或为疳疾。定搐搦，疔疳虫，坠涎痰，安心神<sup>④</sup>，青金丸方

龙脑研 麝香研，各一分 墨一钱半 使君子煨 两<sup>⑤</sup>枚 膩粉一分 白面三分<sup>⑥</sup> 青黛二<sup>⑦</sup>钱 金银箔各少许

上八味，捣研为末，滴井华水和丸，如鸡头大 每服薄荷汤化半<sup>⑧</sup>丸。

治小儿夜多惊啼，欲成痫候，鸡脑丸方

雄鸡脑一分 丹砂研细 半两 牛黄研细 一分 当归切，焙 一分

① 烧过：日本抄本、文瑞楼本同，明抄本、乾隆本作“烧红，童使淬”。

② 二枚：日本抄本、文瑞楼本同，明抄本、乾隆本作“一对”。

③ 五：日本抄本、文瑞楼本同，明抄本、乾隆本作“十”。

④ 安心神：日本抄本、文瑞楼本同，明抄本、乾隆本作“安心镇魄，如圣”。

⑤ 两：日本抄本、文瑞楼本同，明抄本、乾隆本作“四”。

⑥ 分：日本抄本、文瑞楼本同，明抄本、乾隆本作“钱”。

⑦ 二：明抄本、乾隆本、文瑞楼本同，日本抄本作“一”。

⑧ 半：日本抄本、文瑞楼本同，明抄本、乾隆本作“一”。

上四味，将当归捣末，以鸡脑、丹砂等拌和捣匀为丸。百日儿服如黍米大一丸，日再服；更看儿大小，以意增减，并用薄荷汤下。

治小儿病候胎寒，舌下聚唾，夜啼不止，雀屎丸方

雄雀屎微炒 麝香细研 牛黄细研，各一分

上三味，捣研令匀，炼蜜和丸如黍米大。一月儿一丸，百日儿二丸，并用乳汁下，日再。更看儿大小，以意加减。

治小儿惊啼积热，颜色萎瘁，腹中坚积，不可乳哺。去风痢，除百病，虎睛丸方

虎睛仁研。一枚 犀角屑。一两 黄芩半两。去黑心 大黄剉碎，炒令香熟 梔子仁各三分<sup>①</sup>

上五味，捣研为末，炼蜜和丸如麻子大。一二岁儿，用乳汁研破三丸服之；三四岁儿，每服五丸，温水研破服之，不拘时候，微利为度。若利频，隔日一服。如儿有虚热，更入知母半两。量儿大小，加减服之。

治小儿惊啼，乳不消化，升麻汤方

升麻 芍药 甘草炙 大黄剉，炒。各半两

上四味，粗捣筛，一二岁儿，每服一钱匕，水半盏，煎至三分，去滓温服，乳食后，日三<sup>②</sup>服。量儿大小加减。

治小儿心热惊啼，黄芩散方

黄芩去黑心 人参各一分<sup>③</sup>

上二味，捣罗为散，每服一字匕，竹叶汤调下，不拘时候服。

治小儿惊啼，手足搐搦，代赭丸方

代赭生用。半两 铁粉研 丹砂研 白附子各一钱 麝香研 龙脑研。各一字

① 三：文瑞楼本同，日本抄本作“一”。明抄本、乾隆本无此方。

② 三：明抄本、乾隆本、文瑞楼本同，日本抄本作“二”。

③ 一分：日本抄本、文瑞楼本同，明抄本、乾隆本作“五钱”。

上六味，捣研细匀，炼蜜和丸如樱桃<sup>1</sup>大<sup>2</sup>。量大小加减，薄荷汤化下。

治小儿惊啼及夜啼不止，真珠丸方

真珠末 伏龙肝 丹砂各一分 麝香一钱

上四味，同研如粉，炼蜜和丸如绿豆大。候啼，即温水下一丸。量大小以意加减。

治小儿夜啼<sup>3</sup>，龙齿丸方

龙齿 白僵蚕 当归切，焙 芍药 蜗牛<sup>4</sup> 钓藤各半两 代赭研 牡蛎煨<sup>5</sup>。各二两 麝香研 牛黄研。各一分

上十味，捣研匀细，炼蜜和丸如绿豆大<sup>6</sup>。二岁儿，三丸，井华水化下<sup>7</sup>。量儿大小，以意加减。

治小儿惊啼，眠睡不稳，桃红丸方

丹砂 麝香各半钱。研 白附子半枚 白僵蚕一枚 干蝎头尾全。炒。一枚 膩粉一钱匕。研 金箔 银箔各二<sup>8</sup>片。研

上八味，捣研为末，水浸炊饼心和丸绿豆大<sup>9</sup>。每服一丸，金银薄荷汤化下。看儿大小，临时加减。

## 小儿夜啼

论曰：经谓合夜至鸡鸣，天之阴，阴中之阴也。夜为阴盛之时，凡病在阴者，至夜则邪气亦甚，婴儿气弱，脏腑有寒，每至昏夜，阴寒与正气相击，则神情不得安静，腹中切痛，故令啼呼于夜，名曰夜啼。又有触犯禁忌，亦令儿夜啼者。当以符术治之。

① 樱桃：日本抄本、文瑞楼本同，明抄本、乾隆本作“芡实”。

② 大：日本抄本、文瑞楼本同，明抄本、乾隆本此后有“丹砂为衣”。

③ 夜啼：日本抄本、文瑞楼本同，明抄本、乾隆本作“惊啼及夜啼”。

④ 蜗牛：日本抄本、文瑞楼本同，明抄本、乾隆本此后有“面炒黄”。

⑤ 煨：日本抄本、文瑞楼本同，明抄本、乾隆本作“童便淬，研”。

⑥ 大：日本抄本、文瑞楼本同，明抄本、乾隆本此后有“丹砂为衣”。

⑦ 二岁儿……化下：此10字日本抄本、文瑞楼本同，明抄本、乾隆本作“薄荷汤下一丸”。

⑧ 二：日本抄本、文瑞楼本同，明抄本、乾隆本作“十”。

⑨ 大：日本抄本、文瑞楼本同，明抄本、乾隆本此后有“金箔为衣”。



法见符禁门中。

治小儿夜啼，至明不得寐，芎蒭散方

芎蒭 防己 白术

上三味，等分，捣罗为散。一月及百日儿，每服一字匕，以乳汁调服；半年至一岁儿，每服半钱匕，米饮调亦得，日五服，不计时。量儿大小，加減服之。又以半钱乳汁调涂手心并脐中；亦以摩儿顶上及脊，至验。

治小儿夜啼腹痛，芍药散方

芍药 芎蒭 廌虫炙令焦。各一分<sup>①</sup>

上三味，捣罗为散。一月及百日儿，每服一字匕，用乳汁调服；半年至一岁儿，每服半钱匕，连夜四服。量儿大小，加減服之。

治小儿夜啼不安，此由腹痛，故至夜辄剧，状似鬼祟，五味子汤方

五味子 当归切，焙 芍药 白术各半两 甘草炙令赤色 桂去粗皮。各一分

上六味，粗捣筛。一月及百日儿，每一钱匕，用水半盏，煎至三分，去滓，分温二服。儿大，以意增之，连夜三五服。

治小儿夜啼腹痛，状如鬼祟，桂心汤方

桂去粗皮，一分 五味子半两 当归切，焙 一分 枳壳去瓤，麸炒。半两 甘草炙。一分

上五味，粗捣筛。一月及百日儿，每一钱匕，用水半盏，煎至三分，去滓，分温二服；半年至一岁儿，准前煎作一服，不计时。

治小儿夜啼，前胡丸方

前胡去芦头。二分<sup>②</sup>

上一味，捣罗为末，炼蜜丸如麻子大。一月及百日儿，每服

① 分：明抄本、乾隆本、文瑞楼本同，日本抄本作“钱”。

② 分：日本抄本、文瑞楼本同，明抄本、乾隆本作“两”。

三丸，用乳汁下；半年至一岁儿，每服五丸，日三夜一。

治小儿夜啼不止，面青腹胀，是中客忤，麝香散方

麝香一分<sup>①</sup>

上一味，研细。每服一字匕，清水调服之<sup>②</sup>。

治小儿夜啼，至明即安寐，芎蒭散方

芎蒭 防己各半两 人参一分<sup>③</sup>

上三味，捣罗为散。二十日儿，未能服者，以乳汁和之，如麻子大一丸，以乳汁下；儿大能服散者，每服一字匕，米饮调下，一日三两服。

治小儿夜啼，伏龙肝丸方

伏龙肝一分 丹砂<sup>④</sup>一钱 麝香一字

上三味，捣研为末，炼蜜丸如绿豆大。每服五丸，量儿大小加减，俟夜深，煎桃符汤下。

治小儿夜啼，立效散方

乳香一钱 灯花七枚

上二味，同研为散。每服半字，涂奶母乳头上令服。

治小儿夜啼，莲心散方

石莲心半两 人耳塞半<sup>⑤</sup>钱 乳香一分 别研 人参半两 灯花一字 丹砂一分。别研

上六味，捣研为散。每服半字匕，薄荷汤调下，不拘时候。

治小儿夜啼不止，腹中疔痛，黄耆丸方

黄耆 甘草炙 当归切，焙 芍药 附子炮裂，去脐皮 干姜炮。各一分

上六味，捣罗为末，用乳汁和丸；如难丸，更入少许面糊，丸如黍米大。一月及百日儿，每服三丸，用乳汁下；半年至一岁

① 一分：日本抄本、文瑞楼本同，明抄本、乾隆本无而有“丹砂一钱”。

② 上一味……调服之：此15字日本抄本、文瑞楼本同，明抄本、乾隆本作“共研匀，用温水下半字至一字，并涂五心”。

③ 分：日本抄本、文瑞楼本同，明抄本、乾隆本作“两”。

④ 丹砂：日本抄本、文瑞楼本同，明抄本、乾隆本此后有“飞”。

⑤ 半：日本抄本、文瑞楼本同，明抄本、乾隆本作“五”。

儿，每服五丸，一日三五服。量儿大小，加减服之。

#### 治小儿夜啼，鸡鸣即止，代赭丸方

代赭醋淬七遍，别研 牡丹皮 芍药 麝香别研 各一分

上四味，捣研为末，炼蜜丸如麻子大 一月及百日儿，每服三丸，用薄荷汤下；半年至一岁儿，每服五丸，连夜三四服。

#### 治小儿夜啼，硫丹丸方

硫黄一分 铅丹炒过。一两

上二味，同研如粉，以小合子内盛，不固济，大火煅令烟尽，候冷，以竹筒中盛，纸单子封口，埋在地下，七日取出，更研细，用饭丸如黍米大。一月及百日儿，每服两丸，用冷水下；半年至一岁儿，每服五丸，连夜三四服。

#### 治小儿腹中卒痛，啼呼闷绝，半夏丸方

半夏生姜汁洗去滑，暴干<sup>①</sup>。一分

上一味，捣罗为末，用酒面糊丸如黍米大。一月及百日儿，每服三<sup>②</sup>丸，用薄荷汤下；半年至一岁儿，每服五丸，一日三五服。

#### 治小儿夜啼方

上用灯花涂乳母乳上，与服。

#### 治小儿夜啼，猪尿浴方

上取猪尿烧灰，以沸汤淋汁浴儿，并与少许服之。

#### 又方

上取母妊娠时食饮偏有所思者物以哺儿，愈。

#### 又方

交道中土 伏龙肝各半两

上二味，研罗为末，水和少许服之。

#### 又方

上取死人朽棺木，烧明照之，即止。

① 生姜汁洗去滑暴干：日本抄本、文瑞楼本同，明抄本、乾隆本作“用姜汁捣并炙”。

② 三：明抄本、乾隆本、文瑞楼本同，日本抄本作“二”。



又方

上取犬颈下毛，以绛囊盛，系儿两手，立止。

又方

上以日未出时及日午时仰卧，于脐上横纹中，屏气朱书作血字，其夜即断声。

又方

上取败甌带悬于户上，差。

又方

上取明鉴挂于床脚上，差。

又方

上于脐下书田字，差。

治小儿夜啼，败草方

上取荒废井中败草垂户上，差。

又方

上取牛粪灰，安母卧床下，勿令母知之。

又方

车辘盗取，安母卧床，勿令知。

治小儿夜啼不止方<sup>①</sup>

刘寄奴半两 甘草一指节许 地龙炒。一分

上三味，咬咀。以水二盏，煎至一盏，去滓，时时与服。

① 治小儿夜啼不止方：日本抄本、文瑞楼本同。明抄本、乾隆本作“刘寄奴饮”。

# 卷第一百七十一

## 小儿门

小儿羶啼 小儿惊痫 小儿风痫 小儿食痫 小儿诸痫

## 小儿门

### 小儿羶啼

论曰：小儿胞胎，全仰母气。母将养失宜，伤于风冷，则邪气入于胞胎，既生之后，冷气停留，复因乳哺不节，邪气与正气相搏，故腹痛羶张，蹙气而啼也。

#### 治小儿羶啼腹痛，牡蛎散方

牡蛎烧过，研 伏龙肝研 甘草炙，剉 苍术剉，炒。各一分 麝香研。半分

上五味，先于木臼内捣甘草、苍术成末，次与三味再同研令匀，每服半钱匕，研陈米泔，澄清，煎竹茹汤调下。量儿大小增减。

治小儿羶啼，脾胃伤风冷，心下虚痞，腹中疼痛，胸胁<sup>①</sup>逆满，白术丸方

白术 干姜炮 人参 甘草炙，剉。各一<sup>②</sup>两

上四味，捣罗为末，炼蜜和丸如绿豆大 每服五丸，沸汤化下。量儿大小加减。

#### 治小儿羶啼不止，牛黄丸方

牛黄研 一分 代赭煅过，研 三分 麝香研。一钱 牡丹皮 三分

上四味，捣研为末，炼蜜和丸如绿豆大 每服两丸，温水下。

① 胸胁：日本抄本、文瑞楼本同，明抄本作“胸膈”

② 一：明抄本、文瑞楼本同，日本抄本作“二”

治小儿𦵿啼，腹坚满，雀屎丸方

雀屎一两一分<sup>①</sup> 当归切，焙。一两

上二味，捣罗为末，炼蜜和丸如麻子大 五十日儿，每服一丸，以乳汁下，空心午后各一服 量儿大小，以意加减

治小儿𦵿啼及一切气逆，心腹刺痛，紫苏子丸方

紫苏子拣，炒 陈橘皮汤浸，去白，焙 各一两 高良姜 桂去粗皮 人参各半两

上五味，捣罗为末，炼蜜和丸如绿豆大 每服五丸，米饮或温酒化下，不计时候，乳母亦可加丸数服。

治小儿𦵿啼，脾胃虚冷，心腹疝痛，胸膈满闷，养脾丸方

干姜炮 缩砂蜜去支 各一两 白茯苓去黑支 半两 甘草炙三分 大麦蘖炒 人参各半两 白术一分<sup>②</sup>

上七味，捣罗为末，炼蜜和丸如绿豆大 每服五丸，生姜汤化下，不计时候，乳母亦可加丸数服。

治小儿胎寒，𦵿啼惊痫，腹胀满，不嗜食，大便青黄色，或有实不可吐下，马齿矾石丸方

马齿矾石烧作灰。二两

上一味细研，以枣肉和丸如绿豆大 每服三丸，米饮下，加至五<sup>③</sup>丸。以意增减，以腹中温暖为度。

治小儿𦵿啼方

上取柏子仁末，温水调半钱匕服之。

## 小儿惊痫

论曰：小儿气血微弱，易为伤害，若卒惊动，伤乱精神，心气不定，因惊而发，则为惊痫。凡养小儿，当须持护 或闻大声，或见异类，必当安抚，无令恐怖 若初觉儿惊，急保抱之，其惊自止。若忽因惊成痫，宜按图灸，兼以摩膏，不可大下 盖以心

① 一两一分：日本抄本、文瑞楼本同，明抄本作“一两”。

② 分：明抄本、文瑞楼本同，日本抄本作“两”。

③ 五：日本抄本、文瑞楼本同，明抄本作“四”。



气不足，若下之，则内愈虚，手足抽掣者，并不可持捉，使气血失道，伤动枢纽耳。

治小儿惊痫发动，经年不断根源，鸱头丸方

鸱头炙焦。一枚 蜣螂去足，炙。七枚 桂去粗皮。一两一分 芍药一两 蚱蝉去翅、足，炙。十枚 蛇蛻炙。五寸 白茯苓去黑皮。一两一分<sup>①</sup> 露蜂房炙 半两 甘草炙，剉 黄芩去黑心 当归切，焙 芎藭 丹参各一两 麝香研。一分 牛黄研。半两 蓖苳子酒浸一宿，暴干，蒸熟，八合 大黄湿纸裹煨。二两

上一十七味，捣罗为末，炼蜜和丸如小豆，或如黍米大。临时量小儿大小虚实与服，用温水下。

治小儿频惊壮热，欲作痫，柴胡煎方

柴胡去苗 升麻 梔子仁 芍药各三分 钩藤一分 凝水石研 黄芩去黑心 知母切，焙。各一两 生葛汁一合 甘草炙。一分 蜜二合 淡竹叶细剉，三握 杏仁汤浸，去皮尖、双仁，炒，别研。半两

上一十三味内，十味粗捣筛，以水三升入银石铫内，文武火煎至一升，绵滤去滓，再入锅内，下蜜并葛汁、杏仁等，煎如饴，以瓷器盛。百日儿每服如绿豆大，一岁儿如杏仁大，日三服，更量大小加減，并用温浆水化破服。

治小儿惊痫，体羸极<sup>②</sup>，五痫，钓藤煎方

钓藤一分半 黄芩去黑皮 知母切，焙 凝水石各一两 升麻三分 沙参半两 蚱蝉去翅、足，炙。二枚 蜣螂炙。二枚 甘草炙。三分 蜜五两

上一十味，除蜜外，捣罗为末，与蜜同入银石锅内，慢火上熬成煎，每服一杏子大，温水化下，日三服。量儿大小加減。

治小儿自一岁至大，患癫痫，发动无时，口内沫出，小便不觉，呼唤不应，真珠丸方

① 一两一分：日本抄本、文瑞楼本同，明抄本作“一两”。

② 极：日本抄本、文瑞楼本同，明抄本作“及”。

真珠研一分<sup>①</sup> 虎睛左睛为上，酒浸，暴干，研一只 露蜂房 麻黄去根节 钩藤各半两 铁粉细研三分 防葵一两 大黄剉，炒 黄芩各三分 龙齿研一两<sup>②</sup> 银屑 梔子仁各三分 独活去芦头，半两 柴胡去苗 升麻 白鲜皮各三分 雷丸一分 沙参 细辛去苗叶，各半两 蛇蛻烧灰，一分 石膏研，半两 牛黄研，一分 蚱蝉去翅、足，熬。四枚

上二十三味，捣研为末，炼蜜丸如麻子大。二岁儿，每服五丸，研破，米饮下。量儿大小加减服。一方，有羌活三分，无独活，有丹参一两，无真珠。

治小儿诸般痢，惊惕瘵疰及中客忤，人参丸方

人参 牛黄 细辛去苗叶，各半两 蚱蝉去翅、足，炙。七枚 大黄湿纸裹煨，剉一两 芍药 当归切，焙 各半两 蛇蛻炙三寸 甘草炙，剉三分 栝楼根 防风去叉，各半两 巴豆去皮、心、膜，别研如膏。三十粒 麝香研。半两

上一十三味，除巴豆、牛黄、麝香外，捣罗为末，研匀，炼蜜和丸如麻子大。初生至百日儿，每服二丸；一岁至五岁儿，每服三丸五丸，并用薄荷汤下。若儿惊惕及客忤，温壮发热，腹满，增丸数服之，以快利为度。更量儿大小加减。

治小儿诸般痢及惊，常服除热，芍药丸方

芍药 铁粉研，各三分 蚱蝉去翅、足，炙。四枚 当归切，焙。三分 大黄剉，炒。一两<sup>③</sup> 石膏碎。三分 桂去粗皮。半两 人参一两一分 银屑研 芍药 龙骨研 细辛去苗叶 黄芩去黑心。各半两 牛黄研。一分

上一十四味，捣研为末，炼蜜和丸麻子大，每服三丸，米饮下，日三。更量儿大小加减。

治小儿邪热，惊痢口噤，人参汤方

① 分：日本抄本、文瑞楼本同，明抄本作“钱”

② 两：明抄本、日本抄本同，文瑞楼本作“分”

③ 两：日本抄本、文瑞楼本同，明抄本作“分”。

人参一两 木通<sup>1)</sup> 黄芩去黑心 升麻各半两 龙齿研 三分 犀角镑，炒 赤茯苓去黑皮，剉 铁粉研 各半两 蛭虬十枚去足，炙 钩藤半两 蚱蝉去翅、足，炙。二七枚

上一十一味，粗捣筛。三四岁儿，每一钱匕，水一小盏，煎至五分，入竹沥少许，更煎三两沸，去滓，分为三服，日三。更量儿大小加减。

治小儿诸惊痫，兼压惊，镇心脏，丹砂虎睛丸方

丹砂研 一两 虎睛研 一对 牛黄研 麝香研 犀角末各一分 钩藤四两 白茯苓去黑皮，剉 黄芩去黑心 人参 梔子仁各一两 大黄湿纸裹，煨熟，剉。二两

上一十一味，捣研为末，炼蜜丸如鸡头实大 每服一丸至两丸，煎金银汤化下，人参汤亦得。更量儿大小加减

治小儿惊痫身热，手足瘈瘲，目睛上视，状如中风，保和丸方

丹砂研 一钱 蝎梢二七个 雄黄研 二钱 卢会研 熊胆研 各半钱 蛇蛻烧灰 一钱 瓜蒂二七枚 蟾酥一皂子大 汤浸 膩粉研 龙脑研 麝香研 牛黄研。各半钱

上一十二味，捣研如粉，用浸蟾酥并面糊同研为丸如黍米大。每服用倒流水先化一丸，滴鼻内，良久嚏讫，即用薄荷水下。一丸

治小儿惊痫，丹砂牛黄丸方

丹砂研 雄黄研 各半两 牛黄研 干蝎炒 龙脑研 轻粉 水银沙子 硃砂研过，水飞。各一分

上八味，并研为末，枣肉和丸如粟米大。每服三丸至五丸，量儿大小加减，薄荷汤下。

治小儿惊痫，手足瘈瘲，头项强硬，状如角弓，安神散方

蝎梢炒 一钱半 蜈蚣赤脚全者，一条 轻粉一字 乌头尖生用 七个 天南星用生姜同捣作饼子，焙干 秤半钱 麝香 龙脑研。各一字

1) 三：明抄本、文瑞楼本同，日本抄本作“二”



上七味，捣研为散。每服一字匕，量儿大小加减，金银薄荷汤调下。

治小儿惊痫、风痫，手足瘈瘲，口眼相引，**乌蛇牛黄散方**

乌蛇项下七寸，酒浸一宿，去皮、骨，炙。秤一钱 青黛研。二钱 蝎梢炒。十枚 牛黄研。半钱 麝香研。一字 蓬砂研 龙脑研 水银沙子各半钱 乌蛇尾酒浸一宿，去皮、骨，炙。秤一钱 金箔 银箔并研。各十片 蛇黄煨，醋淬三遍 墨烧 天南星用生姜同捣作饼子，焙干 半夏用生姜同捣作饼子，焙干 各一钱

上一十五味，并捣研为散<sup>①</sup>。每服半钱匕，量儿大小加减，金银薄荷汤调下。

治小儿惊痫、风痫掣动，定后再作，**香膏散方**

鸡舌香研。一钱 黄耆剉。一分 丹砂研 二钱 五灵脂半钱

上四味，捣研为散，每服半钱匕，量儿大小加减，陈米饮调下。

治小儿惊痫掣风方

虎睛一只或一对。生者尤佳

上一味，细研，水调灌之，量儿大小加减。

治小儿惊痫，**二砂散方**

夜明沙研 一钱 丹砂研。一钱 蝎梢炒。七枚 轻粉研。半钱

上四味，捣研为散。每服半钱匕，童子小便并酒各少许调下，更量大小加减服。

治小儿惊痫涎盛，搐搦不定，**褊银丸方**

天南星炮。半钱 青黛研。一钱 蝎梢炒。四十枚 粉霜研 水银 滑石各一钱 半夏七枚，用生姜汁煮 龙脑研 麝香研。各半<sup>②</sup>字 膩粉研。半钱

上一十味，捣研为末，用水浸炊饼和丸如梧桐子大，捏作饼

① 散：日本抄本、文瑞楼本同，明抄本此前有“极细”。

② 半：日本抄本、文瑞楼本同，明抄本作“一”

子 每服一饼至二饼，量大小加减服，薄荷汤化下。

### 治小儿惊痫乳癖，万病丸方

雄黄研 丹砂研 麝香研 龙脑研 卢会研 木香 槟榔剉，各一分 牛黄研，半两 胡黄连一分 青黛研，半两 巴豆去皮、心、膜，研，出油尽 桂去粗皮 人参各一分<sup>①</sup>

上一十三味，捣研为末，炼蜜丸如小豆大。每服一九至二丸，温水下，更量大小加减。十五岁已下常服，永无诸疾。

### 治小儿惊痫，腹中乳癖，牛黄散方

牛黄研，一分 人参半两 大黄剉，炒 当归切，焙 芍药 甘草炙，剉。各一两

上六味，捣研为散。每服一钱匕，以水七分，煎取三分，去滓，量儿大小加减温服，微利为度。

### 治小儿惊痫积热，痰涎咳嗽，青金煎方

天南星牛胆内匮者，半两 马牙消研 天竺黄研，各一分 青黛研，一两 龙齿研 蝉蛻去土，为末，各半两 铅白霜研 蓬砂研，各一分 甘草生，末，三分 麝香研，一钱 龙脑研 牛黄研，各半钱

上一十二味，并研匀细，炼蜜和为膏，瓷合内收。每服一小鸡头实大，更量儿大小加减，薄荷水化下。

### 治小儿痢疾，钓藤饮方

钓藤 黄芩去黑心 犀角镑，各半两 石膏碎 龙齿各一两 升麻 甘草炙，剉。各三分 竹叶四十片

上八味，咬咀如麻豆大。每服一钱匕，水一盏，煎至半盏，去滓，入麝香少许温服。更量儿大小加减。

### 治小儿发病壮热，大钓藤饮方

钓藤 黄芩去黑心 麻黄去节，各一两一分 当归切，焙，三分 龙齿研，一两 石膏碎，二两半 赤芍药去黑皮 桂去粗皮 龙胆去土 牛黄研，各一两 杏仁去双仁、皮尖，麸炒，研。

① 分：明抄本、文瑞楼本同，日本抄本作“两”。

半两 甘草炙，剉。一分<sup>①</sup>

上一十二味，先粗捣筛十味，每服三钱匕，以水一盏，煎至六分，去滓，下牛黄、杏仁，加白蜜、竹沥各少许，炼如饴，汤调服；如人行五里再服。

### 治小儿惊痫搐搦，涎潮昏塞，归魂丸方

使君子两枚，以面裹，于慢火中煨，候面黄力度，去面不用 水银结沙子 香墨 卢会 熊胆研 腊茶研 乳香研 龙脑研 各一钱 蝎梢三七枚 炒 天竺黄研 青黛研 丹砂研 各半钱 轻粉二<sup>②</sup>钱 寒食面一钱半

上一十四味，同研令匀细，滴水为丸如绿豆大 每服一丸，薄荷蜜水化下。如小儿稍觉惊著，化半丸与吃。若能常服，永无惊疾。量儿大小加减。

### 治小儿未满月及出月，壮热发痫，钓藤汤方

钓藤一分 蚱蝉一枚。炙，去足、头、翅 柴胡去苗 升麻 黄芩去黑心 甘草炙，剉 大黄剉，炒 各半两 石膏三分 碎 蛇蛻皮二寸。炙

上九味，粗捣筛 每服一钱匕，水六分，煎至三分，去滓，入竹沥数滴，更煎一沸，温服。

### 治小儿惊痫邪气，身热呕吐，下痢五色，虎睛丸方

虎睛一枚。研 牛黄研 麝香研。各半分 升麻 钓藤 生犀角镑 桂去粗皮 各一分 山梔子一两 蚱蝉炙，去头、足、翅 蛻螂 蛇蛻皮五寸。烧灰 大黄蒸三度，剉，焙。二两

上一十二味，捣研为末，炼蜜丸如梧桐子大。每服三丸至五丸，食后米饮研下，日再。

### 治小儿惊痫，镇心丸方

银箔研。一百片 蛻螂三枚。去头、足，炙 大黄剉，炒 丹砂研 各一两半 升麻 黄芩去黑心 犀角屑 山梔子仁 龙

① 分：明抄本、文瑞楼本同，日本抄本作“两”

② 二：明抄本、文瑞楼本同，日本抄本作“一”



齿 麦门冬去心。焙 铁粉各一两

上一十一味，捣研为末，炼蜜和丸如梧桐子大。食后及乳后，新汲水研一丸灌之；三岁及五岁，两丸至三丸；七岁至十岁，五丸。如大人患者，温浆水下十五丸。如冬月，以温水研，灌之。

#### 治小儿惊痫体虚，钓藤子芩汤方

钓藤 黄芩 沙参各三分<sup>①</sup> 知母焙 升麻 犀角镑 各一两 蚱蝉二枚。炙，去翅、头、足 蛇蛻皮三寸。炙 柴胡去苗 甘草炙，剉 白术各半两

上一十一味，粗捣筛。以水二升煎，去滓，取六合，入蜜二合，竹沥三合，再炼如饴。每服一钱匕，微微与服，以意量之。

### 小儿风痫

论曰：诸痫之病，本于风者，名风痫。此由乳养失宜，气血不和，或汗出腠理开，致风邪乘虚而入。初得之时，发热身软，时作时省。或先屈指如数，乃发掣缩是也。不可令人持捉<sup>②</sup>，恐曲戾不随。若先身热癰疽，惊啼叫呼而后发，其脉浮者，为阳痫，病属六腑，易治；若先身冷，不惊不啼而发，其脉沉者，为阴痫，病属五脏，极则难治。又有风痉如痫，不可不知。但身强直反张如尸，不时省者，宜当消息之。

治小儿风痫，筋脉抽掣，夜卧惊悸，皮肤壮热，天竺黄散方

天竺黄研 牛黄研 知母剉，焙 钓藤剉 芍药 犀角镑，微炒 升麻 龙胆去土 柴胡去苗，剉 防风去叉，剉 人参各半两 桔梗炒 大黄剉，炒令香 山梔子仁 玄参各一两 雄蚕蛾炒 白茯苓去黑皮，剉 蛻螬去足，微炙 龙骨别捣研如粉。各三分 槟榔一枚。纸裹，煨火内煨过，剉

上二十味，捣罗为散。每服半钱匕，用米饮调下。如角弓等风，用竹沥调下，连夜三四服。随儿大小，以意加减。

① 各三分：明抄本、文瑞楼本同，日本抄本无。

② 捉：原作“促”，日本抄本、文瑞楼本同，文义不通，据明抄本改。

治小儿诸种风痫，无时发动，天麻散方

天麻 防葵炙 真珠末研，飞 天竺黄捣<sup>①</sup>研 威灵仙去土 蛭螭微炙，去翅、足 芒消研。各三分 牛黄一分，研

上八味，捣研令匀 每服半钱匕，取鸡冠血三两滴，新汲水一合，打散令匀，调下 随儿大小，以意加減，一日三服<sup>②</sup>

治小儿诸种风痫，吐痢寒热，百病不食，大黄汤方

大黄碎剉，炒令香熟，一两 当归切，焙 赤芍药 黄芩去黑心 栝楼根 桂去粗皮 人参 赤石脂 麻黄去节，先煎，掠去沫，焙 牡蛎粉微炒 紫石英碎 甘草炙，剉。各半两

上一十二味，粗捣筛。七八岁儿，每服二钱匕，水一盞，入枣三枚，擘，同煎至五分，去滓，一日四五服，带热服 随儿大小，以意加減。

治小儿风痫，龙齿饮方

龙齿捣研 石膏捣研 各一两一分 黄芩去黑心 大黄剉，炒令香熟。各一两 龙胆 梔子仁 甘草炙，剉。各半两 钩藤三分。剉

上八味，粗捣筛。一二岁儿，每服一钱匕，水半盞，煎至三分，去滓，连夜三五服。随儿大小，以意加減。

治小儿风痫疾，白鲜皮汤方

白鲜皮 细辛去苗叶 钩藤各半两 蚱蝉微炙 一枚 大黄剉碎，炒令香熟 甘草炙，剉。各三分 蛇蛻皮五寸。炙令黄色

上七味，粗捣筛。五六岁儿，每服一钱匕，水七分，煎至四分，去滓，入牛黄末少许，至夜三四服 随儿大小，以意加減。

治小儿风痫撮口夭矫诸病，干姜汤方

干姜炮裂 当归切，焙。各半两 大黄剉，炒令香熟 人参 细辛去苗叶 甘草炙，剉。各三分

上六味，粗捣筛 一二岁儿，每一钱匕，水半盞，煎至三分，

① 捣：明抄本、文瑞楼本同，日本抄本作“炒”。

② 一日三服：日本抄本、文瑞楼本同，明抄本作“日一夜二”。

去滓，分温二服，至夜令尽。随儿大小，以意加减。

治小儿风痫发无时，数下之后，风虚不足，黄耆汤方

黄耆剉 麻黄去节 甘草炙，剉 当归切，焙 细辛去叶 桂去粗皮 芍药 人参各一两 牛黄研，一分 蛇蛻一寸。炙焦黄 蚱蝉炒 蛭虻各四枚 并微炙，去翅、足

上一十二味，粗捣筛 三四岁儿，每服一钱匕，水七分，煎至四分，去滓，放温服，日三四 随儿大小，以意加减

治小儿风痫搐搦及天痫惊风，丹砂丸方

丹砂 雄黄各一钱 蝎梢二七枚 炒 牛黄半钱 麝香半两 附子尖三<sup>①</sup>枚。炮，去皮<sup>②</sup>，为末 巴豆一粒。灯上燎焦，去皮用肉

上七味，捣研令细，以水浸寒食蒸饼和为丸，如菜菔子大。浓煎荆芥汤下一丸，以衣被盖，少时，出汗即差。

治风痫，化涎，水银丸方

水银一两 黑豆末一分 枣七枚。煮熟，去皮、核

上三味，同研水银星尽，丸绿豆大 乳汁下一丸，良久吐出涎为效。量儿大小加减，不计时。

治小儿风痫瘵疰，壮热涎盛，雄黄丸方

雄黄半两 龙脑半字 蝎梢炒。七枚 防风去叉。半两 剉 膩粉半钱 天南星炮 一枚 白附子二枚 丹砂一钱 麝香半字

上九味，捣研为末，用水浸炊饼丸鸡头大 荆芥薄荷汤化下，三岁儿服一丸，看儿大小加减。

治小儿一百二十种惊风痫病，潮发瘵疰，软金丸方

白僵蚕炒。大者，一两 为末 青黛 牛黄研 各半两 天麻为末 一分 金箔十片 别研 龙脑研 麝香研，各一分 丹砂光明者。二钱。研，水飞 膩粉一钱

① 三：文瑞楼本同，明抄本作“二”，日本抄本作“一”。

② 皮：日本抄本、文瑞楼本同，明抄本作“皮脐”。



上九味，同研匀细，炼蜜丸鸡头大，别用青黛细末衮为衣。每服三岁一丸，用金银薄荷汤化下，食后临卧服。看儿大小加减。

### 治小儿风热发痫，升麻饮方

升麻 寒水石碎，各一两 蛇蛻皮五寸，细切，微炒 龙胆 钓藤各一两，剉 蚱蝉炙，去翅、足，三<sup>①</sup>枚 铁粉研 黄芩去黑心。各三分

上八味，粗捣筛。三四岁儿，每服一钱匕，水七分，煎至四分，去滓，放温，日三五服。随儿大小，以意加减。

治小儿风痫，发作无度，颈核瘰癧，瘴毒，乍寒乍热，欲成骨蒸，肠滑骨热，多变疳痢，皮肉干枯，不思乳食，身热生疮，喉闭肿痛，悉主之，沉香汤方

沉香剉 人参各半两 木香剉 厚朴去粗皮，擦生姜汁，炙 干蓝<sup>②</sup>各三分 升麻 玄参 知母焙 地榆剉 甘草炙，剉。各一两 钓藤皮一两一分 凝水石一两半。捣研

上一十二味，捣为粗散。一二岁儿，以水半盏，药末半钱匕，煎至三分，去滓，不限早晚，日三服。量儿大小，以意加减。

### 治小儿风痫，玄参饮方

玄参 钓藤 甘草炙，剉 升麻 山梔子仁 黄芩去黑心 犀角镑，微炒 麦门冬去心，焙。各半两

上八味，粗捣筛。三四岁儿，每服一钱匕，水七分，煎至四分，去滓，一日三四服。随儿大小，以意加减。

治小儿风痫掣𦏧，身体汗出，独头无汗。便宜灸顶上旋毛中，小炷，勿令大，三壮讫，用术汤浴方

白术五两

粗捣，米泔浸一宿，至明用慢火煎五七沸，以适寒温，洗儿头及身即愈。一法，用菖蒲五两，煎如上法。

### 治小儿六七岁，发病壮热，麻黄汤方

① 三：明抄本、文瑞楼本同，日本抄本作“一”。

② 干蓝：日本抄本、文瑞楼本同，明抄本作“干姜”。

麻黄去节。一两一分 钓藤剉。一<sup>①</sup>两 杏仁去皮尖、双仁，炒 赤芍药 当归剉，炒 桂去粗皮 秦艽去苗、土 各三分 大黄蒸三度，暴干，剉 石膏椎碎。各一两半

上九味，粗捣筛 每服三钱匕，水一盏煎，去滓，取六分，食后温服。

治小儿发热，时时戴眼，口中沫出，此是痢疾，宜服钓藤饮方

钓藤三分。剉 蚱蝉一枚。去翅、足，炙 人参 黄芩去黑心 大黄剉，炒。各半两 牛黄三<sup>②</sup>豆大。别研，汤成下

上六味，内五味粗捣筛 每服三钱匕，以水一盏，竹沥三合，煎取五七分，去滓，入牛黄少许温服。若得微微溏利，一两度即止。

治小儿风痫，涎潮发搐，不省人事，醒风煎方

白花蛇头一枚。自开口者，生用 干蝎全者 半两 牛黄研，半分<sup>③</sup> 丹砂研。一分 龙脑研。半分 麝香研。一钱半

上六味，捣研为细末，炼蜜和为煎，瓷合内收。每服一绿豆大，薄荷温水化破服之。量儿大小加减服。

治小儿慢惊，风痫涎盛，咽喉不利，手足搐搦，目睛直视，通圣饼方

天麻 使君子去皮 白僵蚕炒 白附子炮 天南星各一分，炮 乳香研 青黛 蝎梢炒 膩粉 水银各一钱 黑铅半钱，与水银结沙子 麝香研 龙脑研。各半钱 无食子一对

上一十四味，捣研为末，白面糊和丸如梧桐子大，捏作饼子。每服一饼子，用薄荷汤化下，食后临睡服。量儿大小加减。

治小儿风痫惊热，蛇蛻汤方

蛇蛻皮三寸 炙 细辛去苗叶，剉 钓藤剉 黄耆剉 甘草炙。各半两 大黄蒸三度，剉，焙。一两 蚱蝉四枚。炙，去翅、

① 一：日本抄本、文瑞楼本同，明抄本作“二”。

② 三：明抄本、文瑞楼本同，日本抄本作“巴”。

③ 分：日本抄本、文瑞楼本同，明抄本作“钱”。

头、足

上七味，粗捣筛 每服一钱匕，水八分，煎至四分，去滓，入牛黄少许搅匀，食后温服。

### 治小儿伤寒风痫，小黑散方

乌头 天南星各一枚，大者。煨赤，入小瓶内，湿纸覆口，令火灭，取割之，中心存白处如皂荚子大为度，须煨数枚，择中度者可用 薄荷 玄参各为末。五钱匕

上四味，捣罗为散 每服一豆许，蜜和葱白同研细，白汤调下。如筋脉缓急，加乳香同葱白煎汤下。

### 治小儿风痫，身热癰疽，强直反张，透罗丸方

水银用炼净者，黑锡一分，结为沙子 粉霜研 干蝎全者，炒，各一分 天南星半分 生用 膩粉一钱 龙脑研 麝香各半钱 研

上七味，先杵天南星、干蝎，细罗了，同研药入乳钵细研，入石脑油，和丸如梧桐子大，每服二丸，温薄荷水化下，大段即加二丸；小儿一岁已下，每服一丸 临时相度虚实与吃。

### 治小儿风痫，发热身软，时作时醒，或先屈指如数，乃发掣缩，天南星丸方

天南星牛胆制者，半两 天麻 人参 防风去叉，剉 各一分 干蝎全者，一十四枚 炒，已上捣末 乳香研 龙脑研 牛黄研。各半钱 丹砂研。三钱 麝香研。一钱半

上十一味，捣研令匀细，炼蜜和丸如鸡头大，每服一丸，荆芥薄荷汤化下，食后临卧。量儿大小加减。

### 治小儿风痫潮搐，时发时省，安魂镇心，退风除热，并一切惊风，丹砂散方

丹砂研 白附子各二钱 附子大者，一枚 炮裂，去皮脐 干蝎全者。去土，炒 天南星炮，去脐 半夏汤洗七遍，去滑 天麻 各一分

上七味，捣罗为散，入丹砂再研匀 二岁已下，每服半字；四五岁已下，一字；六七岁，半钱；十二、十五岁，一钱。一切惊热风热、咳嗽、喉中壅隘，蜜熟水调下；一切风，不问急慢、



咬齿、拗项、翻眼、气粗、手足掣缩，冷茶清调下；或吐涎，或微汗即差，有猛发一上者，良久再进一服。疾定后，更加牛黄少许，和前药，用薄荷蜜熟水调下，日三服。若要为丸，用薄荷姜汁蜜酒同煮面糊为丸，如绿豆大，薄荷汤下五丸。

### 小儿食痫

论曰：小儿发病，因乳哺不节而成者，食痫也。其证口眼相引，目睛上摇，手足掣纵，背脊强直，或颈项反折。此由脏腑壅滞，内有积热。或乳母饮啖五辛毒物，恚怒无节，致烦毒之气入于乳中，因即乳儿，令气血不调，肠胃否塞，故壮热多惊，四肢抽掣，是为食痫之病。

治小儿食痫及新生客忤，中恶发热，乳哺不消，面青，目下垂，丁奚羸瘦胫交，三岁不能行步，**麝香丸方**

麝香研。半两 牛黄研。一两 黄连去须 桂去粗皮。各二<sup>①</sup>两 雄黄研 乌贼鱼骨去甲 丹砂研 附子炮裂，去皮脐。各一两 巴豆六十枚。炒，去皮，别研，出油尽 赤蜈蚣一枚。炙，去足 特生礞石<sup>②</sup>煨过。一两

上一十一味，除巴豆外，各捣研为末，入巴豆膏相和研匀，炼蜜和，入臼捣熟，安密器中。儿生半月至一月，服如黍米大一丸；百日至二百日，服如麻子大二丸；一岁已上，量力加减，并用米饮下。

治小儿食痫瘕疝及诸变蒸，腹中宿痞，饮食不节，腹满温壮，朝夕发甚，大小便不通，脾胃气弱，**牛黄丸方**

牛黄研。一分 雀屎白炒。半两 芍药三分 芎藭一两 黄耆细剉。一分 干姜炮裂。半两 甘草炙。三分 人参 大黄剉，炒。各一两 当归切，焙 黄芩去黑心 各半两 白面炒。三两 巴豆去心、膜，别研如膏，纸裹压去油。一分

① 二：明抄本、文瑞楼本同，日本抄本作“三”。

② 礞石：日本抄本、文瑞楼本同，明抄本作“矾石”。

上一十三味，捣罗为末，与巴豆膏和令匀，炼蜜为丸。一岁儿，如黍米大二丸；二三岁，如绿豆大三丸，并用米饮下，微利为度。更量儿大小加减。

治小儿诸疾，一岁已上，三十六种无辜、疳湿、闪癖、食痢、天行赤眼、急黄一切病，**麝香丸方**

麝香细研 牛黄细研 各半两 杏仁汤浸，去皮尖、双仁，研如膏 丹砂细研 芍药 白茯苓去黑心 各一两 真珠研如粉，水飞过。一分 甘遂一分 巴豆去皮、心，微炒，研如膏。三分 牡蛎熬，别捣罗，研如粉。一分 虎睛二枚。微炙，研

上一十一味，除巴豆外，各捣研为末，入巴豆，炼蜜和捣三千杵，入密器中贮。候服，取二丸如麻子大，温水下，随儿大小加减。

治小儿食痢，无辜闪癖，**雄黄丸方**

雄黄研 丹砂研 牛黄研 各一分 麝香研 半分 石膏半两 薤仁去皮，别研。半<sup>①</sup>两 甘遂切，炒。一分 牡蛎熬。半两 巴豆去心、皮，醋煮，研。一分

上九味，除研外，捣罗为末，共和研匀，炼蜜丸油麻子大，每服一丸二丸，米饮下，以利为度。更量儿大小加减。

治小儿诸痢，寒热吐痢，不能乳哺，**龙胆汤方**

龙胆 当归切，焙 大黄剉，炒 黄芩去黑心 栝楼根 甘草炙 桂去粗皮 人参切 牡蛎熬 麻黄去根节 赤石脂别研 芍药 各一两

上一十二味，粗捣筛。二三岁儿，每一钱匕，水一盞，枣一枚，擘，同煎至五分，去滓，分温二服。更量儿大小加减。

治小儿食痢，魍魎，三十六种无辜，五疳八痢，惊风天痢，**真珠丸方**

真珠细研。一两 牛黄细研 杏仁去皮尖、双仁，炒，研如膏。各半两 丹砂细研 牡蛎熬，研粉 各一两 虎睛炙干 一对 甘

① 半：日本抄本、文瑞楼本同，明抄本作“一”

遂切，炒。半两 芍药三分 白茯苓去黑皮 一两 甘草炙，剉。半两 巴豆去皮、心，研如膏，纸裹出油尽。半两 麝香研细。一分 上一十二味，除别研外，捣罗为末，一处研匀，炼蜜为丸如麻子大 每服一丸至两丸，米饮或桃仁汤下，取下恶物如鱼脑青色效。更量儿大小加减。

#### 治小儿食痢及疳黄，丹砂饼子方

丹砂研 一两半 黄麝调<sup>①</sup> 捺净 白丁香各一分 棘刚子二十五枚 微炒 粉霜研 水银沙子研 各一钱半 膩粉一钱 乳香末研 犀角屑 天南星末 麝香研 各半钱 蝎梢末 滑石末 卢会末各一钱 金箔一<sup>②</sup>片 银箔一<sup>③</sup>片

上一十六味，捣研为末，拌匀，稀面糊和丸如黄米大，捻作饼子，丹砂为衣。每服三饼，薄荷汤化下。更量儿大小加减。

### 小儿诸痢

论曰：小儿病口眼相引，目睛上摇，手足掣纵，背脊强直，颈项反折者，痢病也。十岁以上，得之曰癰；十岁以下，得之曰痢。痢谓邪气乘间而作也。或因衣厚汗出遇风，则为风痢；或因惊怖大啼，则为惊痢；或因乳食不节，则为食痢。因此三种，变作诸痢，发则手足掣缩。慎勿执之，执则令曲戾不随也。

#### 治小儿诸痢，吐痢寒热，芍药汤方

芍药 黄芩去黑心 大黄剉，炒 当归切，焙 栝楼根 甘草炙，剉 桂去粗皮 人参各二两半 赤石脂捣研如粉 牡蛎捣研如粉 紫石英捣研如粉 麻黄去节。各一两一分

上一十二味，粗捣筛，再研令匀。一二岁儿，每服半钱匕，

① 麝调：即麝条。麝粪或夫有毛的麝粪，《医方类聚》卷八十九“软黄丸”中“麝条”注“即麝粪”，《本经逢原》卷五：“麝屎中化未尽之毛，谓之麝条，入阴丹阳丹，不特取其翻之善脱，以治难脱之病，并取其屎中未化之羽，以消目中未脱之翳。”《古今医统大全》卷九十七：“麝条，用三黄汤飞，甘草汤煮一次，焙干用。”

② 一：日本抄本、文瑞楼本同，明抄本作“十”。

③ 一：日本抄本、文瑞楼本同，明抄本作“十”。



水半盏，入枣一枚，擘，煎至三分，去滓温服，日三。随<sup>①</sup>儿大小，以意增减。

治小儿诸痫，掣疯吐舌，甘草汤方

甘草炙，剉 钓藤 栝楼根 黄芩去黑心 独活去芦头 桂去粗皮 芍药 当归切，炒 石膏碎 各半两 蛇蛻六寸 炙黄 麻黄去节。三分

上一十一味，粗捣筛。三五岁儿，每服一钱匕，水一盏，煎至五分，去滓热服，日三。随儿大小，以意加减。

治小儿诸痫，乍差乍发，蚱蜢丸方

蚱蜢炙，去翅、足。一枚 大黄煨，剉 石膏碎 柴胡去苗。各一两 牛黄研 龙齿碎 栀子仁 升麻 芍药 沙参 钓藤各三分 杏仁二十一枚。汤浸，去皮尖、双仁，麸<sup>②</sup>炒 龙胆半两 丹砂研。一两半

上一十四味，捣研为末，炼蜜和丸如梧桐子大。一岁儿，每服一丸，温水化破服，日三。更量大小，以意加减，旋丸与服。

治小儿一岁至十岁，发痫成癇，发动无时，口吐白沫，遗失大小便，丹砂丸方

丹砂研 天麻 露蜂房微炙 麻黄去节 黄芩去黑心 钓藤各半两 甘草炙，剉 防葵炒 大黄剉，炒 蚱蜢去头、足，炙 龙齿研 山栀子仁各一两<sup>③</sup> 银箔十片，细研 虎睛研 一<sup>④</sup>对 羌活去芦头 柴胡去苗 白鲜皮 升麻 雷丸炒 沙参各三分 石膏研。一两一分 蛇蛻皮炙黄 麝香研 细辛去苗叶 牛黄研 各一分

上二十五味，捣研为末，炼蜜为丸如绿豆大。每服一岁儿三丸，二岁至三岁五丸，四岁至五岁七丸，六岁至十岁十丸，并用

① 随：原作“遗”，文瑞楼本同。文义不通，据日本抄本改。又，明抄本作“量”，亦通。

② 麸：明抄本、文瑞楼本同，日本抄本作“面”。

③ 两：明抄本、文瑞楼本同，日本抄本作“分”。

④ 一：原脱，文瑞楼本同，明抄本无，据日本抄本补。

米饮下，空心午间临卧各一服。

### 治小儿诸般痢疾，口出白沫，黄芩丸方

黄芩去黑心 梔子仁 犀角镑 各一分 麝香研 一钱 虎睛研。一只<sup>①</sup>

上五味，捣罗为末，研细，炼蜜和丸如绿豆大。每服一岁至二岁儿三丸，三岁至五岁儿五丸，并米饮下，日四服，更量大小加減

### 治五六岁儿壮热发病，五病汤方

大黄剉，炒 石膏研。各一两 蚱蝉微炙，三枚 柴胡去苗 升麻 梔子仁 麻黄去节 黄芩 知母焙 钩藤 芍药 杏仁去皮尖、双仁，剉研 各半两 蛇蛻三寸 炙黄 露蜂房微炙一分

上一十四味，粗捣筛。一二岁儿每一钱匕，水半小盏，煎至三分，入竹沥半合，更煎一两沸，去滓，分温三服，至夜服尽。随儿大小，以意加減。

### 治小儿六七岁，发病壮热，麻黄汤方

麻黄去节。一两一分 钩藤皮一两 杏仁汤浸，去皮尖、双仁，麸炒 芍药 桂去粗皮 当归切，焙 秦艽去苗、土。各三分 石膏研。一两半

上八味，粗捣筛。每一钱匕，水一盏，煎至五分，去滓，分温二服，日四。随儿大小，以意加減。

### 治小儿发病，手足掣痲，十指战掉，舌本肿强，独活汤方

独活去芦头 人参各半两 大黄剉，炒。一两 麻黄去节。一分

上四味，粗捣筛。一二岁儿，每服半钱匕，水半小盏，煎<sup>②</sup>至三分，去滓温服，连夜三四服。随儿大小，以意加減。

### 治小儿诸痢，石膏崇命汤方

① 只：明抄本、文瑞楼本同，日本抄本作“双”

② 煎：明抄本、文瑞楼本同，日本抄本此前有“入枣一枚，擘”

石膏研 黄芩去黑心 芍药各一分 桂去粗皮 细辛去苗叶 龙骨研 当归切，焙 干姜炮 大黄剉，炒 牡蛎煅，研 赤石脂 白石脂各三分 甘草炙。一两

上一十三味，粗捣筛。一二岁儿，每服半钱匕，水半盏，入枣一枚，擘，同煎至三分，去滓温服，至夜三四服。随儿大小，以意增减。

### 治小儿诸痢，当归汤方

当归切，焙 龙骨研。各半分<sup>①</sup> 甘草炙。三分 大黄剉，炒 芍药 干姜炮 石膏碎 桂去粗皮 赤石脂 黄芩去黑心 细辛去苗叶。各一分

上一十一味，粗捣筛。五岁儿，每一钱匕，水一小盏，入枣二枚，擘，同煎至五分，去滓，分温二服，日三。服后泻者，加赤石脂一分；若有热惊者，加黄芩，去黑心，半两。随儿大小，以意加减。

### 治小儿诸痢，竹沥汤方

竹沥一合 黄芩去黑心。一两一分 防己 茵芋去粗茎 桑寄生 羚羊角镑 各一分 大黄剉，炒。二两 甘草炙 白薇 麻黄去节 白鲜皮各半两

上一十一味，除竹沥外，粗捣筛。每一钱匕，水一小盏，煎至五分，去滓，入竹沥半合，分温三服，至夜服尽。量儿大小，以意加减。

### 治未满月及出月儿壮热发痢，柴胡汤方

柴胡去苗 升麻 黄芩去黑心 甘草炙赤 大黄剉，炒令香。各半两 石膏碎。三分 钩藤一分 蚱蝉去翅、足，微炙。一枚 蛇蛻皮二寸。炙令黄色

上九味，粗捣筛。每服一钱匕，水一小盏，煎至半盏，去滓，入竹沥半合，更煎一两沸，半月至一月儿，斟酌与之；稍大，以意增加。若连发不止，加麻黄，去节，一分。

① 分：明抄本、文瑞楼本同，日本抄本作“两”



## 治小儿五十日发病，诸药无效，蚱蝉汤方

蚱蝉去翅、足，微炙 芍药各三分 钩藤 细辛去苗叶 黄芩去黑心 黄耆剉 甘草炙令赤 各半两 牛黄别研 麝香别研 各<sup>①</sup>一分 大黄剉，炒令香。一两一分 蛇蛻二寸。炙令黄色

上一十一味，粗捣筛九味，入牛黄、麝香拌匀 每半钱匕，水半盏，煎至三分，去滓，分温二服，连夜五六服。随儿大小，以意加減。

## 治癩病欲发，目暗瘵痼，恶声，嚼舌吐沫，雌黄丸方

雌黄 铅丹微炒。各一两 麝香一钱

上三味，同研令匀，用牛乳半升熬成膏，丸如绿豆大 每服三丸，温水下，日三。如无牛乳，羊乳亦得。

## 治小儿膈上有痰，发病掣痼，牛黄煎方

牛黄研 半钱 人参半两 生犀<sup>②</sup>末 蓬砂研 白茯苓去黑皮 薄荷 乳香研 甘草炙，剉 井泉石研 乌金石研 生干地黄焙 天麻各一分

上一十二味，捣研为末，用蜜于银器内熬成煎 每服皂子大，煎人参汤化下，日三。

## 治时发惊风，变成痼疾，吐涎散方

膩粉一两 猪牙皂荚末一分

上二味，细研令匀 每服半钱，生油一椀斗，水半盏，同调匀，分二<sup>③</sup>服，以吐为度。

## 治小儿吐痢发病病，吐舌掣缩方

钩藤 黄芩去黑心 甘草炙。各半两 石膏碎 龙齿各一两 升麻三分 蚱蝉去翅、足，炙。一枚

上七味，粗捣筛。每一钱匕，以水七分，入竹叶三片，同煎取四分，去滓，分温三服，至夜令尽 七岁全剂，三四岁只半剂。

治小儿五种痼，牛痼即牛声，马痼即马嘶，狗痼即狗吠，羊

① 各：原无，日本抄本、文瑞楼本同，据明抄本补。

② 犀：明抄本、文瑞楼本同，日本抄本作“犀角”。

③ 二：日本抄本、文瑞楼本同，明抄本作“三”。

痫则羊鸣，鸡痫则鸡鸣，差而复作，雄黄丸方

雄黄研 水银各二两 铅熬成汁，与水银结作沙子 三两 真珠末细研。一两 丹砂研。半两

上五味，同细研为末，炼蜜和丸如绿豆大。每服四丸，金银薄荷汤下，日再服。

治小儿五种痫，手足动摇，眼目反视，口吐涎沫，心神喜惊，身体壮热，牛黄散方

牛黄研 丹砂研 白敛 露蜂房微炒 杏仁汤浸，去皮尖、双仁，麸炒黄。各一分 桂去粗皮。半两

上六味，捣研为散，拌匀 每服乳汁调下一字匕，日四五服。量儿大小加减。

治小儿诸痫退后不能言，排关散方

天南星炮

上一味，捣为细散。每服一字匕，獾猪胆汁调下，咽入喉中即能言。量儿大小加减。

## 卷第一百七十二

### 小儿门

小儿天疳 小儿胎风 小儿惊疳 小儿干疳 小儿漏疳  
小儿脑疳 小儿急疳 小儿口齿疳 小儿无辜疳 小儿疳渴不止

### 小儿门

#### 小儿天疳

论曰：小儿卒然惊悸，眼目翻腾，壮热不已，四肢抽掣，上仰如钩缚之状，名曰天疳，乍作乍止，此风热痰涎之所发也。良由乳母恣啖五辛热酒之类，毒热气流入乳中，因即乳儿，儿饮热乳，腑脏风热，脾胃生涎，痰涎既生，心肺壅滞，不得宣通，致令心神不安，为天疳之病。

治小儿惊风，天疳急风，雄黄散方

雄黄研 牛黄研 蚱蝉各一两 干蝎七枚。去土，炒

上四味，捣研为散。一二岁儿，每服一字匕，薄荷汤调下，三四岁半钱匕，空心日午临卧各一服。更量儿大小加减。

治小儿惊风天疳，麝香散方

麝香研 膩粉研 牛黄研 干蝎去土，炒 白附子炮。各一分

上五味，捣研极细。每服一字匕，薄荷汁调下，早晚各一服。

治小儿天疳，手脚掣动，眼目不定，或笑或啼，或喜或怒，爪甲青色，龙齿饮方

龙齿 钩藤 赤茯苓去黑皮。各半两 蝉壳二七枚。去土 铅丹研 甘草炙 大黄剉，炒 铁粉别研 丹砂别研。各一分

上九味，粗捣筛。一二岁儿，每服半钱匕，水半盏，煎至三分，温服。更量儿大小加减。

治小儿急慢惊风天疳，撮口搐搦，奶痢，壮热困重，定命



## 丸方

干蝎全者，七枚。生用 天南星末。一分。生 白附子末。半分。生 青黛半钱 蟾酥一分。酒浸一<sup>①</sup>宿 麝香一钱

上六味，细研令匀，以粟米糊丸如绿豆大，更用青黛为衣。新生儿用膩粉二捻，生油一两点，新汲水数滴，药一米许，化破与服。取下胎中所受惊热，即无诸惊。如小儿患重，用荆芥薄荷汤化下一粒。

### 治小儿天病惊风，天浆子散方

天浆子 蝎梢 犀角屑 丹砂研 雄黄研 附子炮裂，去皮脐 天南星炮 白附子 半夏汤洗去滑，与生姜汁同捣，捏作饼子，暴干 水银黑铅结成沙子 乳香研 白花蛇酒浸，炙用肉 白僵蚕炒，各一分 膩粉 牛黄研 各一钱 麝香一字 金箔 银箔各三片

上一十八味，除别研外，捣罗为散，入研药和匀。每服一字匕，薄荷汤调下，日三。更量儿大小加减。

### 治小儿天病，惊风潮搐，项筋紧强，手足厥冷，再生散方

乌蛇酒炙，取肉 天麻 天南星炮 干蝎炒 各一分 麝香研 一钱匕 膩粉半钱匕 研 丹砂研 二钱 牛黄研 白附子各一钱

上九味，除别研外，捣罗为散，入研药和匀。每服半钱匕，煎金银汤调下，早晚各一服，更量儿大小加减。

### 治小儿天病痼病，急慢诸风，赤灵丸方

丹砂研，水飞过 人参为末。各一两 酸枣仁研。二两 乳香研。半两 白面二钱

上五味，和研令匀，用生蜜和膏，入新竹筒内，以油纸封札定，坐饭甑上炊，候饭熟为度，分作三十丸。每一丸，分四服，薄荷汤化下。更量儿大小加减。

### 治小儿天病，僵蚕散方

① 一：明抄本、乾隆本、文瑞楼本同，日本抄本作“二”。

白僵蚕炒 马牙消研 郁金 干蝎去土，炒。各半两

上四味，捣研为散 每服一字匕，乳汁调服，甚者半钱匕，不拘时候。

#### 治小儿天痫，天南星散方

天南星大者，一枚。掘地作坑，安砖子一片，先用火烧赤后，放天南星于热砖上，用酒半升倾天南星上，即以盖子覆之，候冷到

上一味，捣罗为散。每服一字匕，温酒调下；二岁已下，以乳汁调。

#### 治小儿天痫，备急涂顶膏方

乌头末 芸薹子末各二钱匕

上二味，合研令匀 每用一钱匕，新水调傅儿顶上。

#### 治小儿天痫客忤，五疳八痢，十二惊痫，青黛丸方

青黛研 天竺黄研 干虾蟆一枚，黄泥裹，烧赤，去泥，研 干蜗牛壳洗，炒，研 黄连去须 地龙炒 人参 钓藤炙 龙胆各一分 卢会研 熊胆研，各半两 牛黄研 麝香研 雄黄研 丹砂研。各一钱 夜明沙 胡黄连各三分

上一十七味，捣罗七味为末，与十味研者和匀，以烧饭丸如麻子大。一岁一丸至二丸，粥饮下；一岁以上，以意加減。

### 小儿胎风

论曰：子在胞胎，禀受不足，肝心经虚。及其始生，乳养无法，触冒外邪，或因断脐，疮痂未敛，风邪一入，则令腑脏虚弱，经络不通，蕴结为热。盖风善行而数变，入于荣卫气血间，则令儿壮热吐衄，精神不宁，睡卧惊悸，手足抽掣，故名胎风。纵而弗治，则成痼疾。

#### 治小儿胎风，犀角丸方

生犀角尖镑 牛黄研 黄连去须 代赭各一分

上四味，捣研为末，拌匀，炼蜜和丸如麻子大。一二岁儿，每服三丸，用乳汁研化服；三四岁儿，每服五丸，次服后方虎睛丸。量儿大小，以意加減。

治小儿胎风，服犀角丸后，宜服虎睛丸方

虎睛微炙，研。一对 代赭捣研 丹砂研。各一分 卢会研。三分 麝香研。一分 牛黄研。三分 桃仁二七枚。汤退去皮尖，双仁，麸炒 当归切，焙，为末。一分

上八味，捣研为末，炼蜜和丸如麻子大 一、二岁儿，每服三丸；三四岁儿，每服五丸，并温水下，日再

治小儿胎风，发惊搐搦，干蝎散方

干蝎去土，炒 枫香脂研。各一分 白芥子五十粒 阿魏研一钱 白僵蚕直者，十五<sup>①</sup>枚。炒

上五味，捣研为散，再和匀 每服一字匕，不计时候，煎薄荷汤调下。量儿大小加减服。

治小儿胎风，久为惊痫，时发时愈，断痫丸方

蛇蛻微炙。三寸 蝉蛻去土，炒，四枚 黄耆剉 细辛去苗叶 钩藤钩子 甘草炙，剉。各半两 牛黄研。半钱

上七味，捣研为末，再同和匀，煮面糊和丸如小豆大。百<sup>②</sup>晬<sup>③</sup>内小儿，服三两丸；二、三岁儿，十丸至十五丸，人参汤下，不计时候。

治小儿胎风及慢惊，眼涩多睡，化涎解热，龙脑散方

龙脑研 麝香研 白附子微炮 牛黄研 天麻 白僵蚕直者，炒 干蝎炒 乌蛇肉酒浸，焙 各一分 麻黄去节 半两<sup>③</sup> 天南星微炒。二钱

上一十味，除龙脑、麝香、牛黄同研令匀外，余捣碎不罗，用新水一盏，浸一伏时，冬月浸两伏时，生绢滤药汁，和寒食白面为丸如大皂子大，阴干，捣罗为散，入前三味，再同研匀 每服一字匕，薄荷汤调下。量儿大小加减。

治小儿胎风，心热惊痫，丹砂散方

丹砂 牛黄 天竺黄 铁粉各一分 麝香半分

① 十五：明抄本、乾隆本、文瑞楼本同，日本抄本作“五”。

② 晬：明抄本此后有小字注“音岁，一周时也”

③ 半两：乾隆本、日本抄本、文瑞楼本同，明抄本作“一两半”。



上五味，研令匀细。每服半钱匕，以竹沥调下，不计时候量儿大小，以意加减。

### 治小儿胎风惊热，牛黄散方

牛黄研。一分 天竺黄研 铅霜<sup>①</sup>研。各半两 马牙消研。一<sup>②</sup>两 人参半两 丹砂研。一分

上六味，捣研为散，再同研匀。每服半钱匕，薄荷汤调下。量儿大小加减。

治小儿初生至百晬前后，惊痫连发不醒，及胎中感风，体冷面青，筋急反张，葛根汤方

葛根剉，微炒 麻黄去节 羌活去芦头 甘草炙，剉 枳壳去瓢，麸炒。各半两 杏仁汤浸，去皮尖、双仁，炒。一分 升麻 黄芩去黑心 大黄剉，炒。各一两 柴胡去苗 芍药各三分 钩藤一分 蛇蛻微炙 三寸 蚱蝉二<sup>③</sup>枚 去翅，微炒 石膏碎。一两半

上一十五味，粗捣筛。每服一钱匕，水半盏，煎至三分，入竹沥少许，更煎一两沸，去滓，分温三服。随儿大小，以意增减。

### 治小儿胎惊及乳痛心热，牛黄散方

牛黄研。半两 马牙消研 铁粉研 龙齿研。各一分

上四味，再同研细和匀。每服一字匕，熟水调下，早晨、午间、临卧各一。随儿大小，以意加减。

### 治小儿胎风，虎睛丸方

虎睛研 牛黄研。各一字 干蝎去土，炒。七枚 墨一枣大 青黛研 一分 使君子十枚 烧存性 丹砂研 龙脑研 麝香研。各半钱<sup>④</sup> 金箔 银箔各十片

上一十一味，捣研为末，用水浸炊饼心为丸，如樱桃大。煎金银薄荷汤磨下半丸；如疾重，服一丸。更量儿大小加减服。

① 铅霜：乾隆本、日本抄本、文瑞楼本同，明抄本作“铅丹”。

② 一：乾隆本、日本抄本、文瑞楼本同，明抄本作“半”。

③ 二：乾隆本、日本抄本、文瑞楼本同，明抄本作“三”。

④ 钱：乾隆本、日本抄本、文瑞楼本同，明抄本作“字”。

治小儿胞胎气虚，既生，触冒外邪，名曰胎风，令儿壮热神昏，多惊掣纵，定命丸方

蟾酥一钱，干者，酒浸一宿，干蝎七枚，炒，全者，天南星炮，为末，一分，白附子炮，为末，半分，麝香，青黛各半钱，研

上六味，同研令匀细，以粟米粥和丸如绿豆大，别以青黛为衣。如新生儿，用膩粉二捻，生油一两点，新汲水半茶脚，化药一粒服，取下胎受者惊热，即更不惊；患重者，荆芥薄荷汤化下一粒，服药后，困睡无疑，但有患者，先化半丸，滴入鼻中，急嚏者必差。

治小儿胎风，壮热癰疽，天南星丸方

天南星炮，二枚，白附子炮，十枚，干蝎全者，炒，一分，牛黄研，龙脑研，各一钱，丹砂研，一钱半，雄黄研，一分，天浆子一十枚，去皮

上八味，捣研为细末，炼蜜和丸如皂子大，以丹砂为衣，三二岁儿，每服一丸；至十岁，服三丸，煎金银薄荷汤化下，空心临卧。

## 小儿惊疳

论曰：惊疳之病，本于心脏实热。小儿在襁褓中，气血未调，腑脏微弱，乳哺不节，则生壅滞。热积于内，不得宣通，心神不宁，病为惊疳。其状遍身壮热，颊赤面黄，胸膈烦满，口舌生疮，发枯皮燥，吐利无常，时有盗汗，或发虚惊，故名惊疳也。

治小儿惊疳，壮热呕吐，颊赤面黄，口鼻生疮，或时下利，虚汗多惊，乳香丸方

乳香研，木香，白芷各半两，麝香研，一分，獾猪胆干者，去膜，研，一枚

上五味，捣研为末，粳米饭丸如麻子大，每服三丸至五丸，米饮下，空心服。量儿大小加减。

治小儿惊疳，腹大项细，钓藤饮方

钓藤，甘草炙，人参，栝楼根各一分

上四味，粗捣筛。每用一钱匕，水一小盏，煎取五分，去滓，分温二服，空心午后服。随儿大小加减。

### 治小儿一切疳泻，惊风天病，胡黄连丸方

胡黄连半两 木香 蛤蚧酥炙 各一分 蜗牛子去壳 二七枚 人参 雄黄研 各半两 牛黄研 丹砂研 各一分 干地龙炒三分 青黛研 干蟾烧灰 黄连去须 槟榔剉 当归切，焙 天麻 犀角镑 干蝎炒 蝉蜕炙 卢会研 羌活去芦头 独活去芦头 茺莢仁 麝香研 驴胎耳炙 各一分 蛭虻炙、五枚 赤石脂研 代赭捣研 各半两 猪牙皂荚二挺 炙，去皮子，别捣末

上二十八味，捣研为末，猪胆汁丸如黍米大。每服二丸三丸，空心米饮下。量儿大小加减。

### 治小儿一切疳痢，惊风天病，胡黄连丸方

胡黄连半两 肉豆蔻去壳 一<sup>1</sup>枚 槟榔煨，剉 诃黎勒煨，去核 红雪 密陀僧 丁香各半两

上七味，捣罗为末，面糊丸如麻子大。每服三丸五丸，空心米饮下。心疳，黄连汤；肺疳，米饮；脾疳羸瘦，干枣汤；食疳吐血，生姜汤；惊疳泻血，盐汤；肝疳，目中生疮，甘草汤；骨疳，冷地卧，食泥土，紫筭茶汤；气疳腹胀，橘皮汤下。

### 治小儿惊疳，心忪惊悸，面黄肌瘦，口舌生疮，多困目涩，退疳丸方

胡黄连 黄连去须 大黄各半钱<sup>2</sup> 陈橘皮汤浸，去白，焙 苦楝根各一分。五味同为末，用猪胆汁和药，却入胆内，线缝定，水二<sup>3</sup>碗，煮水尽，取药出 青黛研 使君子去壳 丹砂研 卢会研。各一分 麝香研。半钱

上一十味，将后五味别研为末，用前猪胆内药和匀为丸，如绿豆大。每服十丸，米饮下，不拘时候。量儿大小加减。

### 治小儿惊疳，保童丸方

① 一：明抄本、乾隆本、文瑞楼本同，日本抄本作“十”。

② 钱：明抄本、乾隆本、文瑞楼本同，日本抄本作“两”。

③ 二：明抄本、日本抄本、文瑞楼本同，乾隆本作“一”。



铁粉研 一分 蟹甲去裙襕，醋炙 半两 虾蟆炙 一枚 黄连去须。半两 麝香研。一分

上五味，捣研为末，饭丸如绿豆大，每服二<sup>1</sup>丸，空心米饮下。更量儿大小加减。

### 治小儿惊疳，卢会丸方

卢会研 黄连去须 使君子去壳 雷丸 鹤虱 藿香叶 细辛去苗叶 蓬莪茂煨 蝎梢炒 青橘皮汤浸，去白，焙 陈橘皮汤浸，去白，焙 蟾酥各半两。十二<sup>2</sup>味同为末，分一半入猪胆煮熟，留未一半 龙脑 丹砂 牛黄 麝香四味同研 各一分 肉豆蔻去壳，煨 水银一分

上一十八味，先将前十二味为末，一半入猪胆内，每枚胆内入巴豆仁两枚，以粟米饮煮熟，去巴豆不用，次入前一半末，并龙脑等六味同研，丸如黍米大 每服十丸至十五丸，更量儿大小加减，空心米饮下。

### 治小儿惊疳，马牙消丸方

马牙消研。一分 天南星炮。一枚 丹砂研 黄连去须。各一分半

上四味，捣研为末，软饭<sup>3</sup>为丸如绿豆大 每服三丸五丸，加减薄荷汤下。

### 治小儿一切惊疳积热，交奶疳气，胡黄连丸方

胡黄连 天竺黄各一<sup>4</sup>分 卢会 黄连半两 去须，与卢会同为末，入猪胆内，锅中垂，煮熟，阴干，去皮、膜，研 金箔八片 银箔五片 青黛一分 丹砂一钱 牛黄半钱 麝香半钱 真珠一钱 龙脑半钱。八味同研 犀角镑。二钱

上一十三味，捣研为末，梗米饭丸如黍米大。每服三丸五丸，

① 二：乾隆本、日本抄本、文瑞楼本同，明抄本作“一”

② 十二：原作“十三”，明抄本、乾隆本、日本抄本同，与实际药味数不合，据文瑞楼本改。

③ 饭：原作“饮”，乾隆本、日本抄本、文瑞楼本同，据明抄本改

④ 一：明抄本、乾隆本、文瑞楼本同，日本抄本作“二”。

温水下；鼻下赤，化一丸涂之。

治小儿惊疳瘦弱，头发作穗，面黄腹胀，脏腑不调，保童丸方

胡黄连 黄连去须 青橘皮汤浸，去白，焙 龙胆<sup>①</sup> 茺莢仁炒 蝉蛻 苦楝根 五倍子 夜明沙炒 蜗牛研细，新瓦上摊，晒干 天浆子去皮，炒。各半两 干蟾头酥炙焦。三枚 青黛 卢会 熊胆 雄黄 麝香 丹砂六味同研。各半两

上一十八味，捣研为末，面糊丸如黍米大，一岁儿二丸三丸，二岁已上加减，食前米饮下。

治小儿惊疳，蝎梢丸方

蝎梢炒 半两 天麻 附子炮裂，去皮脐 木香 蓬莪茂煨，剉，各一分 青黛一两 丹砂 麝香 膩粉四味同研。各半分<sup>②</sup>

上九味，捣研为末，炼蜜丸如绿豆大，每服一丸，薄荷汤或柳枝汤下，量儿加减。

治小儿心疳，身体壮热，毛发焦，日常有泪，口疮，脚手细弱，腹肋鼓胀，睡好合面，饮水不休，麝香丸方

麝香 牛黄 丹砂 青黛四味同研 夜明沙炒 瓜蒂 熊胆研 蟾酥干者，汤浸，去赤水，焙干 胡黄连各半两

上九味，捣研为末，烧粟米饭为丸如黄米大。每服一岁二丸，二岁以上四五丸，量儿加减，温水下。

治小儿惊疳，五心壮热，肌肉黄瘦，好食泥土，黄连丸方

黄连去须 郁金剉 羌活去芦头 青黛研 苦楝根各一钱

上五味，捣研为末，獾猪胆汁调匀，阴干，再研为末，入龙脑、麝香各少许，汤浸蒸饼为丸如黄米大，每服二丸三丸，量儿加减，温水下。

治小儿惊疳，感气丸方

① 龙胆：明抄本、乾隆本、文瑞楼本同，日本抄本作“龙脑”。

② 分：明抄本、乾隆本、文瑞楼本同，日本抄本作“两”。

附子炮裂，去皮脐，为末。一大钱匕<sup>①</sup> 膩粉二<sup>②</sup>钱匕 瓜蒂为末。二七枚<sup>③</sup> 麝香当门子。一枚

上四味，除麝香、膩粉外，为末，用獾猪胆汁调匀，入麝香在内，以猪胆皮盛，线挂于黄土壁上，逐日未洗面，先以漱口水翻覆喷七日，却取药再研细，以猪胆汁和丸如麻子大，丹砂为衣。每服五丸七丸，量儿加減，空心夜卧温熟水下。

#### 治小儿惊风，诸疳诸痢，青金丹方

青黛研。三分 雄黄研 胡黄连末。各二分 丹砂研 膩粉 熊胆温水化 白附子为末 卢会研 各一分 麝香研 半两 蟾酥 水银各皂子大 铅霜<sup>④</sup>研 龙脑研。各一字

上一十三味，同入乳钵内，再研令匀，用獾猪胆一枚，取汁熬过，浸蒸饼少许为丸如黄米大，暴干。一岁可服二丸，量儿大小增减。惊风诸痢，先以一丸温水化，滴鼻中令嚏；戴目者，当自下；癰疽亦定，更用薄荷汤下 诸疳，粥饮下；变蒸寒热，薄荷汤化下；诸泻痢，米饮下；疳蛔咬心，楝实煎汤下；鼻下赤烂，口齿疳、虫口疮等，乳汁研涂；病疳眼雀目，白羊子肝一枚，竹刀批开，内药肝中，以麻缕缠，米泔煮令熟，空腹服。

治小儿惊疳，身热颊赤，发枯皮燥，烦满吐利，心神不安，丁香卢会丸方

丁香 藿香叶 熊胆研 铅白霜 卢会研 丹砂研 蟾酥 使君子<sup>⑤</sup> 雄黄研 各一钱 麝香 生龙脑 膩粉各半钱 研 青黛研。一分

上一十三味，捣研为细末，白面糊和丸如黄米大 每服十丸，米饮下，不拘时。

① 一大钱匕：乾隆本、日本抄本、文瑞楼本同。明抄本作“六钱”。

② 二：明抄本、乾隆本、文瑞楼本同。日本抄本作“一”。

③ 二七枚：乾隆本、日本抄本、文瑞楼本同。明抄本作“二钱”。

④ 铅霜：乾隆本、文瑞楼本同。明抄本作“铅丹”。日本抄本脱。

⑤ 使君子：乾隆本、日本抄本、文瑞楼本同。明抄本此后有“十枚”。



治小儿惊疳，壮热羸瘦，手足搐搦，**软金丸方**

胡黄连 麝香研 青黛研 膩粉研 各半两 使君子一十枚 墨二钱。烧过 天浆子一十四枚 寒食面一两半

上八味，捣罗为末，面糊和丸如梧桐子大 每服一丸，煎金银薄荷汤化下，取下黏涎为度 量儿大小加减服

治小儿惊疳，身热颊赤，满口疮，腹胀发渴，**黄檗煎丸方**

黄檗去粗皮，蜜炙 黄连去须 胡黄连 卢会研 诃黎勒皮

上五味，等分，捣研为末，熬猪胆汁和丸如黄米大 每服十丸，米饮下。

### 小儿干疳

论曰：小儿身体憎寒壮热，舌涩口干，发耸毛焦，皮肤枯燥，睡多盗汗，乳食虽多，肌肉消瘦，肢体无力，嘿嘿不慧者，干疳也。此由乳食不调，心脾积热，嗜甘味多，熏蒸积久，故令儿日渐尪羸，又谓之疳热。

治小儿干疳，腹胀气急，退热，**龙齿散方**

龙齿烧，研 龙脑剉 桔梗炒 白茯苓去黑皮 桂去粗皮 麝香研。各一分 蛭虻三枚。去翅、足，炙焦

上七味，捣研为散 一、二岁儿，每服半钱匕，用温水调下；三四岁儿，一钱匕，空心午后服。更量儿大小加减。

治小儿干疳瘦瘁，**胡黄连散方**

胡黄连 犀角屑 白羊肝切，焙，为末 各一分 麝香研。一钱

上四味，捣罗为散 每服半钱匕，生地黄汁小半盏调下，空心日午服。更量儿大小加减。

治小儿干疳瘦瘁，鼻痒口疮，**龙脑散方**

龙脑 卢会 麝香 青黛各别研 黄连去须，捣末 羊子肝切，焙，捣末

上六味，等分，同研细和匀 每服半钱或一字，吹鼻中及涂口中。

### 治小儿干疳体热，茵芋丸方

茵芋 细辛去苗叶 黄芩去黑心 甘草炙 龙齿烧灰 石膏碎 松罗各三分 杜衡半两 铅丹别研。一分

上九味，捣罗为末，炼蜜和丸如麻子大。一二岁儿每服三丸，米饮下；三四岁，五七丸，更量儿大小加减。

### 治小儿干疳，身多壮热，黄瘦，黄连丸方

黄连去须 黄檗去粗皮 甘草炙 青橘皮汤浸，去白，焙 各一分

上四味，捣罗为末，入麝香少许和匀，以獾猪胆汁和，却入胆内盛，用线子系定，于石器内，浆水一斗盏，煮浆水减半，取出当风处挂一宿，去胆皮，再研令匀，可丸即丸如绿豆大 每服五七丸，米饮下，加至十丸，量大小加减。

### 治小儿干疳，瘦弱萎黄，保童丸方

大黄剉，炒 一两 黄连去须 半两 夜明沙炒 楝实麸炒，各一分

上四味，捣罗为末，炼蜜丸如豌豆大 麝香汤下三丸、五丸，更量大小加减。

### 治小儿干疳，体热肌瘦，金蟾丸方

蟾头一枚。炙 黄连去须 胡黄连 木香各一分 大黄剉，炒。半分<sup>①</sup>

上五味，捣罗为末，粟米饭和丸如麻子大。每服五丸至十丸，米饮下，更量大小加减。

### 治小儿干疳肌热，化食压惊，麝香丸方

麝香研，一钱 青黛研 雷丸 鹤虱炒 贯众去皱皮<sup>②</sup> 黄连去须。各一两 巴豆一十四<sup>③</sup>枚。去壳，油煎，研

上七味，除麝香、青黛、巴豆外，余捣罗为末，共和研匀，

① 一：原脱，文瑞楼本同，据明抄本、乾隆本补。日本抄本无此方

② 分：明抄本、乾隆本、文瑞楼本同，日本抄本作“两”。

③ 去皱皮：乾隆本、文瑞楼本同，明抄本作“去皱。炒”，日本抄本无

④ 一十四：乾隆本、日本抄本、文瑞楼本同，明抄本作“十”

用豮猪胆汁浸炊饼，和丸如绿豆大。每服五七丸，空心日午米饮下。更量儿大小加减。

### 治小儿干疳肌热，青黛散方

青黛别研 半两 苦楝根别 三两<sup>①</sup> 黄连去须 雄黄别研 丹砂别研 各一分 麝香别研 一钱匕<sup>②</sup> 羌黄仁 夜明沙炒 大黄炒。各半两

上九味，除别研外，捣罗为散。每服半钱或一钱匕，米饮调下，日再服。更量大小加减。

### 治小儿干疳体热，胡黄连丸方

胡黄连 黄连去须。各半两 丹砂研 木香各一分

上四味，捣罗为末，用豮猪胆填药在内，取线紧系，以杖子一条横于铤子上，将药胆挂上面，勿令著铤底，用浆水煮一炊时，取出，入卢会、麝香各一分，研细和匀，饭尖丸如黍米大。每服五丸至七丸，米泔温水下。更量大小加减。

### 消肌疳烦热，化肠胃食滞，令儿能食，破积丸方

木香 青橘皮去白，焙 桂去粗皮，各一两 吴茱萸汤浸，焙干，炒。二两 硃砂醋熬成霜。取一钱 巴豆霜取半钱匕

上六味，捣罗四味为末，与硃砂、巴豆霜拌匀，醋煮面糊丸如绿豆大。每服三丸至五丸，早晚食后临卧各一服；大便利，则减丸数。

### 治小儿干疳，肌肉消瘦，饮食不减，寒热枯痒，诃黎勒丸方

诃黎勒皮捣末 三分 肉豆蔻去壳 一枚 捣末 青黛研 麝香研 卢会研 熊胆研 丹砂研。各一分

上七味，同研令匀，用酒煮面糊和丸如黍米大。每服三丸至五丸，米饮下。更量儿大小加减。

治小儿身体寒热，皮毛枯燥，饮食虽多，肌肉消瘦，嘿嘿不慧，名曰干疳，蟾蜍煎丸方

① 两：乾隆本、日本抄本、文瑞楼本同，明抄本作“分”。

② 钱匕：乾隆本、日本抄本、文瑞楼本同，明抄本作“分”。



干蟾大者，五枚。细剉，用醇酒五升，文火煎烂，去骨，研，滤去滓，入蜜四两，银器内重汤熬成稠膏。胡黄连 黄连去须 白芨 芫荽仁炒。各二两 麝香研。半两

上五味，捣研四味为末，以前蟾膏和剂，丸如麻子大。每服十五丸，米饮下，不拘时。过晬至十<sup>①</sup>岁以前，并宜服。大能退疳黄，长肌肉。

治小儿干疳，饮食如常，肌体羸瘦，时作寒热，皮毛枯焦，嘿嘿不慧，胡黄连丸方

胡黄连半两 黄连去须 白芨芫荽仁各一两 木香半两

上四味，捣为细末，猪胆和于盏内，坐饭甑中蒸两度，为丸如粟米大。服二十丸，米饮下。

### 小儿漏疳

论曰：漏疳之病，由风邪毒气客于手阳明之脉，攻冲齿间。断肉虚肿，脓汁焮痛，绵绵不断，久而不差，时发时愈，故名漏疳。

治漏疳，蚀<sup>②</sup>颊骨破，青矾散方

青矾烧，研 黄矾烧，研 雄黄别研 白矾烧，研 细辛去苗叶。各半两 蓖苳子微炒 附子炮裂，去皮脐 苦参 藜芦去芦头。各一分 麝香研 甘草炙 青黛研。各一两

上一十二味，捣罗为散，更入乳钵中研细。每用少许傅患处；病重者，以井华水调半钱，空心服之。

治漏疳断烂，宣露不止，唇断痒痛，牙齿虫齕，黄银散方

黄连去须 蒲黄各一<sup>③</sup>分 生干地黄焙 乌头尖生 当归切，焙 铜绿 细辛去苗叶 各二钱 蓖苳子一分，为末 水银一钱 用枣瓤五枚，研令星尽，并蓖苳子末和为饼子，焙干

① 十：乾隆本、日本抄本、文瑞楼本同，明抄本作“十五”。

② 蚀：原作“虫”，明抄本、乾隆本、日本抄本、文瑞楼本同，文义不通，据《普济方》卷六十七“牙齿门”改。

③ 一：明抄本、乾隆本、文瑞楼本同，日本抄本作“二”

上九味，捣为细散。先净漱口，以手指蘸药匀傅患处，良久温水漱，频用取效。

#### 治漏疳虫蚀，藁本散方

藁本去苗、土 雄黄研 芎藭 桂去粗皮 细辛去苗叶 当归切，焙 杏仁汤浸，去皮尖。各半两

上七味，捣罗为散。每用一字，绵裹内虫孔中，每日看虫孔渐小为效。

#### 治漏疳口齿破烂生疮，青挺子方

信砒瓷瓦上炒半熟 粉霜瓷瓦上炒半熟 胆矾瓷瓦上炒半熟 各一分 铜绿生 胡粉 麝香研 雌黄研。各一钱

上七味，同研为细末。盐水先漱口，次以米饭掌内搓药成挺子，如针头大，置齿缝中。

#### 治漏疳蚀唇鼻，牙齿臭烂，卢会散方

卢会半分<sup>①</sup> 研 麝香研 青矾烧，研 黄矾烧，研 白矾烧，研。各一分 虾蟆灰。半两

上六味，合研为散令匀。先以绵拭断上恶血出，即贴药半钱匕，日三。

#### 治漏疳血出，不得食，黄连散方

黄连去须 黄药子 马牙消研。各一两 白矾烧，研。一分 龙脑一钱。研

上五味，捣研为散，再同研匀。每用半钱贴患处。

#### 治漏疳，虫蚀有窍，龙实散方

龙实龙骨中有之，深黄或淡黄、土褐色，紧掬人舌者 白矾烧，研 蜗牛壳 胡粉 牛黄各一钱

上五味，研为细散。每用少许糝贴窍内。

#### 治漏疳口疮，葵根散方

葵根切 赤小豆 土瓜根各一两 麝香研。一分

上四味，捣罗为散。每用一字贴疮。

① 分：明抄本、乾隆本、文瑞楼本同，日本抄本作“两”

# 治漏瘡宣露，黑散方

藁本去苗、土 升麻 皂莢不蛀者，燒灰存性 各半兩 石膏一兩半。碎

上四味，搗羅為散。卧時以手指蘸，揩齒上，微漱存藥氣，兼牢牙去臭。

## 小儿脑疳

論曰：小兒頭皮光而急，發枯作穗，腦熱如火，或頭上生瘡，或腮臉虛腫，身體多汗者，名曰腦疳。此由在胞胎稟受不足，腦髓虛弱。既生之後，腑臟挾熱，乳養不周，上攻腦絡，則頭大項細，漸漸羸瘦，肌體常熱，發落不生，故謂之腦疳。

治小兒腦疳，皮光急，頭發作穗，或有瘡癩，或時腮腫，往往損害眼目，升麻丸方

升麻 青黛研 龍胆去苗 伏神去木 大黃煨，剉 各半兩 甘草炙 黃連去須 藍實 蜀漆炒。各一分

上九味，搗研為末，煉蜜和丸如麻子大。每服三丸至五丸，米飲下，早晨、午間、日晚各一。量兒大小，以意加減。

治小兒腦疳，頭發作穗，頭皮光急，或有瘡，或時腮頰腫，眼目不明，積漸羸弱，桔梗湯方

桔梗剉，炒。半兩 黃檗去粗皮，炙，剉 大黃剉，炒。各一分

上三味，粗搗篩。每用二錢匕，以水一小盞，入生地黄長二寸，拍破，同煎至四分，去滓，分溫二服，早晨、日晚<sup>①</sup>各一。更量兒大小，以意加減。

治小兒腦疳，發干作穗，眼有白膜，鼻頭生瘡，通腦，丁香散方

丁香 蝸牛壳去土 赤小豆揀 皂莢不蛀者，炙令香，去黑皮

① 日晚：乾隆本、日本抄本、文瑞樓本同，明抄本作“日午”。



并子。各一分<sup>①</sup>

上四味，捣罗为散。每取小许，以竹筒吹入鼻中，五疳悉用之，病重者出虫，每日两度用良。

### 治小儿脑疳，青黛散方

青黛研 一分 甘草炙，剉 地榆炙，剉 蜗牛子有肉者，麸炒黄，去壳 各一两 兰香根烧灰 麝香研 人粪烧灰，研 蝼蛇胆研 龙脑研。各一分

上九味，捣研为散。每服一字至半钱匕，米饮调下，早晨、午间、日晚各一服。更量儿大小，以意加减。亦可以少许吹入鼻中。

治小儿脑疳，鼻痒，头发作穗，面黄羸瘦，益脑吹鼻，地榆散方

地榆剉 虾蟆炙 干蜗牛壳去土 青黛研 麝香研 石蜜炒焦。各一分

上六味，捣罗为散。更研极细，每取少许吹入鼻中，当有黄水出。

### 治小儿脑疳，吹鼻，葶苈散方

葶苈纸上炒香 漏芦去芦头 鹤虱 虾蟆炙焦 丹砂研 滑石 各一分 蟾酥如柳叶。二片子

上七味，捣研为散。每用一字匕，吹入鼻中，嚏即可治。

### 治小儿脑疳，龙脑丸方

龙脑研。一钱 牛黄研。一分 麝香研。一钱 丹砂细研，水飞 一分 熊胆研。一钱 卢会研 干虾蟆烧灰 雄黄研 胡黄连 各一分

上九味，将八味捣研极细如粉，以水化熊胆，和丸如麻子大，若硬，更入糯米饭少许同丸。每服三丸至五丸，薄荷汤下，早晨、午间、日晚各一服。更量儿大小，以意加减。

治小儿脑疳，发枯作穗，脑热如火，烦热满闷，金蟾丸方

① 分：明抄本、乾隆本、文瑞楼本同，日本抄本作“两”。

干蟾一枚。去肠肚并骨爪，酥炙。胡黄连 熊胆研 蝉蜕去土 丹砂研 蛇蛻烧灰 雄黄研 天竺黄各一分 无食子二<sup>①</sup>枚 麝香研。半钱 地龙去土。半两<sup>②</sup>

上一十一味，捣研为细末，烧粟米饭和丸如黄米大。每服七丸至十丸，米饮下，不拘时。

治小儿脑疳，头皮光而急，发枯作穗，脑热如火，或头上生疮，或腮脸虚肿，**麝香丸方**

麝香研。半钱 胡黄连 卢会研 各半两 青橘皮汤浸，去白，焙 使君子去壳。各一分

上五味，捣研为细末，白面糊和丸如绿豆大。每服七丸，乳食前米饮下，日三。

治小儿脑疳，头发作穗，或头上生疮，或腮脸虚肿，或腹冷久泻，**麝香虾蟆丸方**

虾蟆一枚，去肠肚，烧灰 诃黎勒五枚，面裹烧熟，去面并核 胡黄连 黄连去须 各半两 卢会研 熊胆研 各一分 丁香二十粒<sup>③</sup> 丹砂研 麝香研。各一钱

上九味，捣研为末，水浸炊饼心和丸如麻子大。二岁儿，每服十丸，温粥米饮下，日三。

治小儿脑疳、脊疳、齿疳诸般疳疾，口生疮，**熊胆煎吹鼻方**

熊胆一小指节许 蚺蛇胆 卢会 牛黄 麝香 龙脑各一分

上六味，并细研，以井华水一盏和匀，瓷器盛于铛中，重汤煮半日，投三五粒粳米，以米烂为度，仍频搅，勿令干，干即添水，候煎成放冷。令小儿及乳母慎口七日，取四豆许，徐徐吹入鼻中，及涂口疮，两日即停一日，候儿发变青，即止。

治小儿脑疳，头皮光，发枯作穗，脑热头疮，多汗肌瘦，**牛黄丸方**

牛黄研 大青 黄连去须 天麻各一分 丹砂滴水研。半分

① 二：明抄本、日本抄本、文瑞楼本同，乾隆本作“一”

② 半两：乾隆本、日本抄本、文瑞楼本同，明抄本作“五分”

③ 二十粒：明抄本、乾隆本、文瑞楼本同，日本抄本作“一十枚”。

上五味，捣研为末，酒煮面糊和丸如麻子大。每服三丸，熟水下，不拘时候。

### 小儿急疳

论曰：急疳谓疳势急暴，其状<sup>①</sup>唇口忽变青白，齿断腮颊疼痛，或赤或黑，朽烂，脓血俱出。速宜针去恶血，点烙死肌。此盖养护无方，甘肥过度，致风热内积，五脏俱虚，虫因虚动，上蚀口齿，攻注断颊，不早治之，死于旬日，俗谓之走马疳者是也。

治小儿牙齿急疳，虫蚀齿床，及口面肿，开口不得，臭烂疼痛，不可忍，白矾煮散方

白矾烧灰 防风去叉 细辛去苗叶 附子生用 干姜炮 白术 甘草炙。各半两 蛇床子微炒，一分 藜芦去芦头 椒去目并闭口者，炒出汗。各一合

上一十味，捣罗为细散。每用一钱匕，以无灰酒一<sup>②</sup>盏，水半盏，煎十余沸，热含冷吐，日三，以差为度。

治小儿齿损烂及走马急疳，麝香膏方

麝香研。一分 猪牙皂荚三挺。烧存性 白矾一两 绿矾一两半。与白矾同杵碎，入铤子内烧令枯，研 膩粉研 水银各半两 黄檗去粗皮 苦楝根白皮 密陀僧各一两

上九味，捣研为细末，用无灰酒三升熬成膏，先净漱口涂之。如久患者，取药半匙，并砒霜、粉霜末各少许拌匀，使有津吐之。

治小儿急疳，蚀口唇鼻，三矾散方

黄矾 青矾各半两。烧令枯 白矾烧枯，研 麝香研 石胆研 莨菪子微炒 人粪烧灰 莽草 雄黄研 白狗粪烧灰 地龙各一分

上一十一味，捣研为细散。每用半钱匕，糝患处，有涎吐之。

① 状：原作“床”，文瑞楼本同，形近而误，据明抄本、乾隆本、日本抄本改。

② 一：明抄本、乾隆本、文瑞楼本同，日本抄本作“二”。



### 治小儿急疳，蚀唇口鼻，白杨皮汤方

白杨皮剉<sup>①</sup> 一握 地骨皮一两 蜀椒去口者并目，炒出汗三十粒 杏仁汤浸，去皮尖、双仁，炒 苍耳子各一分 高良姜炒 生于地黄切，焙 细辛去苗叶。各半两

上八味，剉如麻豆大 每服五钱匕，水二盏，煎十余沸，去滓，热含冷吐，以差为度。

### 治小儿牙疳出血，牙断臭烂，风牙，走马疳，蚰牙等，酸浆膏方

酸浆草根生者，一握 细切，以净洗乱发缠裹成一团，酸浆草成小窠子，结实红色似椗子，中心有子如樱桃，又名苦聃也 皂荚二<sup>②</sup> 挺。不蚰者，椎，剉 附子去皮脐，生<sup>③</sup>，为末、半两 白矾研。一钱 麝香一皂子大。研，留在乳钵内

上五味，先用米醋一碗，入酸浆草根及皂荚两味，慢火煎至半碗，去滓，入附子、白矾末，更熬成膏，取出候冷，刮入麝香，乳钵内研匀，以瓷合收盛。患者先用盐汤漱，剔牙缝令净，然后以指蘸药膏揩之。如断烂，以帛子摊药贴。

### 治小儿走马疳，蟾蜍散方

蟾蜍一枚。去头、足及肠、胃，烧灰 龙柏花 地骨皮各一分 无食子两枚 麝香研。一钱

上五味，捣罗为细散。每先以盐浆水净漱口，后以消石末少许，先贴一上，次以此药一钱匕贴之，日三。

### 治小儿疳，虫蚀<sup>④</sup>唇口鼻，黄龙散方

销金银锅下黄龙灰细研。一两<sup>⑤</sup> 麝香研。一分 银末小豆大 蟾蜍一枚。一半烧灰，一半炙干，捣末

上四味，捣罗为细散 但有虫蚀处疮上傅之。

### 治小儿急疳，虫蚀唇鼻齿口，硫黄散方

① 二：文瑞楼本同，明抄本、乾隆本、日本抄本作“一”

② 生：乾隆本、日本抄本、文瑞楼本同。明抄本无。

③ 蚀：原无，明抄本、日本抄本、文瑞楼本同，据乾隆本补。

④ 两：明抄本、乾隆本、文瑞楼本同，日本抄本作“分”。

硫黄研。半两 干漆炒烟尽。一两 文蛤烧灰。二两<sup>①</sup>

上三味、捣罗为细散。每用半钱匕，入麝香少许，研令细，取故绵拭去疮上恶血，然后用药傅之。

治小儿走马疳，胆矾散方

胆矾飞 乳香研 铅丹飞。各一钱

上三味，同研为细散。每用纸捻子点少许贴患处，如肉紫烂臭，药到便红。

治小儿急疳，蚀<sup>②</sup>唇鼻，附子丸方

附子炮裂，去皮脐 黄蜡各半两

上二味，捣附子为末，销蜡为丸，内虫<sup>③</sup>孔中。

治小儿走马疳，代赭石散方

代赭石丁头者

上一味，不拘多少，用炭火烧赤，醋淬七遍，湿地上以物盖，出火毒，捣研为散。患者不拘大人小儿，射破唇上下如针眼子者，先用温浆水漱口，剪好纸作细条子，薄蘸药，于疳牙断上贴之，纸落再贴，隔宿即生肌如石榴子，甚者不过再上。寻常牙齿宣露，亦用药贴之。

治小儿急疳及蚀唇鼻，巴豆丸方

巴豆十七枚

上一味，冷水浸一宿，去皮，研，与蜡为丸如梧桐子大。每用一丸含之，仍吐其汁。若误咽在喉中，喉肿闭塞吐利者，急煎黄连汤及蓝叶汁等解之。

治小儿急疳虫蚀，口内生疮，腹大羸瘦，蟾灰丸方

蟾灰 地龙炒 蜗牛壳炒 狗头灰 人粪灰 兰香根灰 麝香各一分

上七味，同研为细散，用浆水调在纸上，时用贴疮。如鼻中有疮，绵裹药安鼻中；如疳入腹，以水浸蒸饼丸如绿豆大，不计

① 两：乾隆本、日本抄本、文瑞楼本同，明抄本作“枚”。

② 蚀：乾隆本、日本抄本、文瑞楼本同，明抄本作“虫蚀”。

③ 虫：乾隆本、文瑞楼本同，明抄本作“蛭”，日本抄本作“乳”。

时候，以粥饮下五丸，日三服。量儿大小，以意加减。

**治小儿急疳，虫蚀口鼻及下部，皆赤烂方**

大蒜二两 甜葶苈半两 干虾蟆一两 地龙去土，炒。二枚 乱发灰一分

上五味，粗捣筛，相和入竹筒内，置瓦中，以煨灰火烧之，取沥少少<sup>①</sup>，涂儿口鼻肉顶及谷道等处。

**治小儿急疳，唇口臭烂，齿宣肿，护命散方**

干蟾一枚。五月五日取，烧存性 白龙骨捣研 雄黄 麝香 石胆 卢会各一分。研

上六味，同研为细散。每用少许傅疮上。

**治小儿急疳，口生疮及诸疳，熊胆膏<sup>②</sup>方**

熊胆 蚺蛇胆 卢会 龙脑 牛黄 麝香各一分。研

上六味，合研令细，以井华水一盏搅和令匀，瓷器内盛，重汤缓火煎数沸，以篦搅盎四畔，勿令药干，著盎。欲吹鼻时，先七日乳母及孩子断食生冷酱豆诸荤辛热面鱼肉等，兼少食盐，然后取二豆许，渐渐吹鼻及涂口疮上。

**治小儿急疳，虾蟆丸方**

虾蟆一枚 去爪，烧作灰 熊胆研 麝香研 猪牙皂荚去支、子，炙<sup>③</sup> 白茺藿各一分<sup>④</sup>

上五味，捣研为末，炼蜜丸如绿豆大，每服五丸至七丸，米饮或温水下，日三服。如急疳曾退落牙齿者，以倒流水化五七丸涂断上。

**治小儿走马疳，四物散方**

粉霜 麝香 石灰 铅丹炒紫色。各一分

上四味，先研前三味细为散，后入铅丹再研匀。如桃花红，用鸡翎扫之，立差。

① 少少：日本抄本、文瑞楼本同，明抄本、乾隆本作“少许”

② 膏：乾隆本、日本抄本、文瑞楼本同，明抄本作“散”。

③ 炙：乾隆本、日本抄本、文瑞楼本同，明抄本此后有“各一分”

④ 各一分：日本抄本、文瑞楼本同，明抄本无，乾隆本作“各二分”。



治小儿急疳，牙断腐烂，恶血口臭，牙齿脱落，立验，麝香散方

麝香研 铜绿研。各一钱 黄连去须。三钱

上三味，捣研为散，以枣肉一枚、水银一钱研如泥，入前末，共研令匀 患处傅少许，以兰香叶覆之，立差 内<sup>①</sup>消者，可待肉生。

治小儿急疳及脾毒骨膈风，蚀动唇口，雄黄散方

雄黄一分 水银半钱 与雄黄同研令星尽 铜绿一钱 麝香一字

上四味，研匀，以瓷合盛。每先以新绵搨去血，甚者剪去恶肉贴之，一日三傅之。

治小儿走马疳，蚀透损骨及小可攻蚀，天南星散方

天南星大者，一枚 雄黄皂子大

上二味，先用天南星当心剉作坑子，次安雄黄一块在内，用大麦面裹合，炭火内烧令烟尽，取出候冷，入麝香一字，同研为细末，先以新绵搨血，然后于疮上掺药，一日三次傅之。

治小儿急疳，虫蚀口内，齿断作疮，熊胆散方

熊胆细研 甜葶苈微炒 蓖苳子炒黑 虾蟆灰 人粪灰 白矾灰 麝香细研 雄黄细研 卢会细研 硫黄细研 以上各一分

上十味，捣研为细散，拌匀。于有疮处，宜薄傅之。如治鼻痒，即取少许，逐日吹鼻中三次，以差为度。

### 小儿口齿疳

论曰：小儿口齿疳者，由脏腑壅热，乳食不调，内有疳虫，上蚀于口齿故也。其候唇口痒痛，牙齿峭黑，舌上生疮，脑中干热，断肉赤烂，颊肿齿疼，热毒熏蒸，口多臭气，故曰口齿疳也。

治小儿牙疳断肿及牙齿诸疾，九仙膏方

① 内：明抄本、乾隆本、文瑞楼本同，日本抄本作“肉”。

猪牙皂荚二挺、烧存性 白矾研、二<sup>①</sup>两 绿矾研 一两半 黄檗去粗皮 苦楝根白皮、各一两 焙 膩粉研 水银各半两 麝香研 一分 密陀僧一两 洗，以水银同一处，用无灰酒少许同熬如泥后，入诸药

上九味，捣研细，以好酒三升调药，用慢火熬成膏，瓷合内盛，勿令泄气。小儿患口疳，即米泔化涂之，及米泔内服如绿豆大三丸；如大人患口齿臭烂者，揩之，亦用米泔内服五七丸，神效。牙疼，即先以米饮漱口，后以米泔化药如菜子大，点牙缝及蛀穴中。

治小儿疳蚀唇颊，齿牙浮动，宣露口臭，丹砂散方

丹砂 雄黄各一钱 麝香 膩粉各半钱 青黛 晚蚕蛾 卢会 胡黄连末。各一钱

上八味，各研为细散，再一处拌匀，每用二字，干贴患处

治小儿齿疳宣露，脓血不止，角蒿升麻散方

角蒿 细辛去苗叶 升麻 地骨皮剉，焙 麻黄去根节，剉，焙 牛膝剉。等分

上六味，捣罗为散。每用少许傅齿断，或以水调药涂在纸上贴，尤妙。

治小儿口疳臭腐，麒麟竭散方

麒麟竭 胡桐泪 白矾各半两 铅丹一分

上四味，先消白矾作汁，次入铅丹，候干，同余药研为散傅齿，不过三两上，差。

治小儿疳蚀损口齿，臭秽不可近者，抵圣散方

铜绿一分 蛤粉半两 麝香二钱

上三味，同研为散，干贴 口齿臭秽者，用盐水净洗拭干，每日一度贴之，三上必效。贴了药，少顷口角有涎出者，可医；如无涎出者，不可治。

治小儿牙疳口臭，三灵散方

绿矾研 白矾烧汁尽。各半两 麝香一钱

① 二：明抄本、日本抄本、文瑞楼本同，乾隆本作“一”

上三味，并细研。每用<sup>①</sup>少许贴牙断上，不计时候。

#### 治小儿牙疳疮，胡桐泪散方

胡桐泪一两 铜绿一钱 麝香少许

上三味，同研令匀。每用药少许，以鸡翎扫之。

#### 治小儿齿疳绝妙方

麝香一钱 蟾酥 轻粉各半两

上三味，同一处研细，滴水捻如丁香样。每用少许化破，揩牙立效。

治小儿齿疳，牙断腐烂，恶血口臭，牙齿脱落，蟾灰散方

虾蟆一枚。烧灰留性 青橘皮汤浸，去白，焙 甘草剉 青黛研。各一分

上四味，捣研为散，入麝香少许。或小儿满口臭烂，落下牙齿，用鹅毛扫于疮上，立差。

治小儿牙宣，常有鲜血不止，断臭烂者方

砒黄<sup>②</sup>一钱 麝香半钱

上二味，同研极细，先用纸条子以生油涂过，糝药末在上，剪作大片如棋子大，看大<sup>③</sup>小用插在烂动处

治小儿风肿牙疼，二圣散方

威灵仙 白茯苓去黑皮。各一两

上二味，捣罗为散。每用药一钱匕，水一盏，醋半盏，葱白一握，切，煎至六分，热漱冷吐。

治小儿口齿疳，唇口痒痛，齿断肿黑，宣露摇动，黄芩散方

黄芩去黑心 升麻 黄连去须 大青 虾蟆烧灰 角蒿灰。各一分 黄檗去粗皮。半两

上七味，捣罗为细散。每用一字匕，贴齿断上，有涎即吐。如患干湿癣，以口脂和涂疮上，或腊月猪脂和亦得。

治小儿口齿鼻舌生疮，卢会散方

① 用：乾隆本、日本抄本、文瑞楼本同，明抄本此后有“一钱”。

② 砒黄：明抄本、乾隆本、文瑞楼本同，日本抄本作“砒霜”。

③ 大：原作“小”，乾隆本、日本抄本、文瑞楼本同，文义不通，据明抄本改。



卢会研 胡粉研 各半两 真珠研，水飞过 蜗牛壳去土 盐绿研 青黛研 黄芩去黑心。各一两半<sup>1</sup> 麝香研。一分

上八味，捣研为散，细如面。先用甘草汤洗及漱口了，将此散绵裹贴齿断上，涂亦得。有涎吐出，勿咽

治小儿口齿疳，唇口痒痛，断肉赤黑色，气息臭秽，牙齿摇动，**蜗牛散方**

蜗牛干者 白狗粪灰 虾蟆灰。各一分 麝香研。少许

上四味，捣研为散。每用一字匕，吹鼻中，并蜜和涂齿上，即差。

治小儿口齿疳，穿蚀口鼻手足肌肉，俗名走马急疳方

砒霜 粉霜二味各研极细 石灰罗过，研细

上三味，等分相合，左右研转，令极腻如面，每以鸡羽尖蘸<sup>2</sup>少许，扫疮上，其疮即干。慎勿多用，恐入腹中，有大毒，慎之。

**治小儿齿疳虫蠹方**

五倍子炙，为末 铅丹研。各一分

上二味和匀，以绵裹贴齿断上，涂亦得。

## 小儿无辜疳

论曰：小儿病面黄发直，时时壮热，饮食不生肌肤，头项生核，状如瘤赘，以无辜而得，故名无辜疳。由小儿嗜肥甘过多，虫因甘动，内缓脾气，饮食不调所致也。治之当如治诸疳之法。凡小儿头项有核如弹丸，按之虚软，法当去之。为此核初生，软而不痛，中有虫如米粉，得热气则能蔓生，蚀儿腑脏。故其外证，肌肤瘦悴，毛发耸直，下痢脓血，体常疮痍，脓漏不已也。

治小儿一切无辜黄瘦，腹痛疳痢，或有虫，冷热悉治之，**丹砂丸方**

丹砂 雄黄各一分，研 干虾蟆一枚。去头、足，涂酥炙焦，

<sup>1</sup> 一两半：明抄本、乾隆本、文瑞楼本同，日本抄本作“二两”。

<sup>2</sup> 蘸：乾隆本、日本抄本、文瑞楼本同，明抄本作“搽”。

为末，研 石菖蒲 漏芦各一两 麝香一分。研

上六味，以菖蒲、漏芦捣罗为末，与余四味入乳钵同研匀再罗，粟米饭为丸如麻子大。每服二丸，米饮化下，空心午后各一服，随儿大小加减。

治小儿无辜疳，肌瘦有虫，漏芦丸方

漏芦去芦头。二两 猪肝焙<sup>①</sup>干，去膜 楮根剉。各半两

上三味，捣罗为末，炼蜜为丸如麻子大。一二岁儿每服三丸，三四岁儿每服五丸，温水下，乳食前，日二服；如患泻，米饮下。

治小儿无辜疳，头干腹大，益脑，地榆散方

地榆微炙。一两半 蜗牛壳去土 青黛研。各一两 麝香<sup>②</sup> 人粪烧灰 兰香根烧灰 蚰蛇胆 龙脑各一分 研

上八味，捣研为散。五十日儿一字匕，百日儿一字强，二百日儿半钱匕，米饮调下，不拘时候，随儿大小加减

治小儿无辜疳，鳖甲丸方

鳖甲醋炙黄，去裙襖 黄连去须 桔梗炒 夜明沙各一两 诃黎勒皮两枚<sup>③</sup> 一生一熟 麝香一分 研 干虾蟆雄者，一枚 涂酥，炙黄焦

上七味，捣罗为末，以糯米饭为丸如绿豆大。粥饮下七丸，疳痢亦宜服，日三。量儿大小加减。

治小儿一切疳无辜，瘦，不下食，腹胀，犀角散方

犀角屑 琥珀研 卢会研 醋石榴东南根皮炙，剉 木香 诃黎勒皮 龙脑各三分 黄连去须 槟榔纸裹煨 麝香研 干姜炮裂。各一分

上一十一味，捣罗为散。一二岁儿半钱匕，三四岁一钱匕，米饮调下，不以时候。量儿大小加减。

治小儿无辜疳气，寒热，积滞不化，心腹胀痛，卢会散方

卢会研 人中白研 虾蟆炙黄。各半两 麝香研。一分

① 焙：明抄本、乾隆本、文瑞楼本同，日本抄本作“培”。

② 麝香：明抄本、日本抄本、文瑞楼本剂量同，乾隆本作“五分”。

③ 两枚：乾隆本、日本抄本、文瑞楼本同，明抄本作“一两”。

上四味，捣研为散，再合研令细。每服一字至半钱匕，熟水调下，不拘时候，日二服，后当下恶物。量儿大小加减。

治小儿无辜，项细腹大，发干作穗，**鳖甲汤方**

鳖甲去裙襕，炙令焦。陈橘皮汤浸，去白，焙。苍术去皮，米泔浸一宿，切，焙。赤茯苓去黑皮。赤芍药各三<sup>①</sup>分。槟榔一枚。煨，剉。

上六味，粗捣筛。一二岁儿一钱匕，水七分，煎至四分，去滓，分温二服，日再。量儿大小加减。

治小儿无辜疳，**鳖甲散方**

鳖甲去裙襕，醋炙焦。诃黎勒<sup>②</sup>去核。苍术去皮，米泔浸，切，焙。木香。赤茯苓去黑皮。牵牛子炒。各一两。

上六味，捣罗为散。一二岁儿半钱匕，熟水调下，食前，日二服<sup>③</sup>。量儿大小加减。

治小儿无辜疳痢，**丹砂散方**

丹砂研。丁香各半两。白马夜眼一分。微炒。

上三味，捣研为散。空心以井华水调半钱匕，后服雉肝散。

治小儿无辜疳，**雉肝散方**

雉肝一具。干者捣，湿者熬为末。

上一味，分三服。每服丹砂散后，即一服，米饮调下半钱匕。

治小儿无辜疳，**蜗牛煎方**

蜗牛壳七枚。旧死者，皮薄黄白色者是。

上一味净洗，不得小有尘土，漉干，内酥蜜壳中，瓷盏盛，纸糊头，炊饭上蒸之，下饭时即坐甑中，装饭又蒸饭熟，细研如水淀，渐渐与服，一日服尽。

治小儿十岁已下至新生百日，无问痢热、无辜等，皆疗之，**雄黄丸方**

雄黄。丹砂。牛黄。麝香。石膏并研细。蕤仁去皮。甘遂。

① 三：乾隆本、日本抄本、文瑞楼本同，明抄本作“一”。

② 诃黎勒：乾隆本、日本抄本、文瑞楼本同，明抄本此后有“二钱”。

③ 服：原作“散”，日本抄本、文瑞楼本同，明抄本无，据乾隆本及文义改。



微炒 牡蛎烧，研。各半两 巴豆去皮、心<sup>①</sup>，醋煮半日，研如膏。一分

上九味，捣研为末，炼蜜和捣，丸如粟米大 一、二岁儿服二丸，米饮下；三四岁三丸，微利为度，随儿大小加減

#### 治小儿无辜疳，四神散方

虾蟆一枚 炙 黄连去须，为末 铅丹炒 各半两 麝香半分  
上四味，细研为散。每服半钱匕，陈米饮调下。

治小儿无辜疳，腹胀气喘，四肢虚浮，乍热乍寒，或即泻痢，心腹坚痛，救生丸方

巴豆去皮取仁，半两<sup>②</sup>。米醋一升，生姜半两，切，同煮醋尽，取巴豆烂研 雄黄半两。研 丹砂一分。研

上三味，合研匀，以汤浸蒸饼心为丸如黄米大，每日以芍药汤下二丸。

#### 治小儿无辜疳<sup>③</sup>，刘老丸方

陈梗米一合。炒过，去火毒用 黄连去须，一两。剉，炒，放冷，出火毒 陈橘皮去白 半两 干漆一分 炒去烟，出火毒存性

上四味，捣为末，猪胆汁煮面糊为丸如小豆大。每服七丸，米饮下，不拘时。

治小儿无辜疳，面黄发直，时时壮热，饮食不成肌肉，棘刚子丸方

棘刚子为末 如无，以水银代之 麝香研 蟾酥研 牛黄研 各一分 白附子末半两 犀角末 半夏末各三钱<sup>④</sup> 干猪胆少许

上八味，并生用，同研细，面糊丸如黍米大。每服十丸，薄荷汤下，乳汁亦得。

① 心：明抄本、乾隆本、文瑞楼本同，乾隆本作“尖”。

② 半两：乾隆本、日本抄本、文瑞楼本同，明抄本作“八两半”。

③ 疳：乾隆本、日本抄本、文瑞楼本同，明抄本作“痢”。

④ 钱：明抄本、乾隆本、文瑞楼本同，日本抄本作“分”。

治小儿无辜疳，面黄发直，时发<sup>1</sup>壮热，饮食不成肌肉，麝香熊胆丸方

麝香研 半两 熊胆研 二<sup>2</sup>钱 卢会研 三分<sup>3</sup> 胡黄连 黄连去须 各一两 使君子去壳 十枚 干蟾大者，一枚 去足并肠胃，烧灰，研

上七味，捣研为细末，以白面稀糊和丸如绿豆大 每服十五丸至二十丸，米饮下。

治小儿无辜疳，面黄发直，时时壮热，食不生肌，长肌丸方

胡黄连半两 木香 无食子各一分 卢会研 麝香研 牛黄研 黄檗去粗皮。各半分

上七味，捣罗四味为末，与三味研者拌匀，滴水 and 丸如绿豆大。每服五七丸，温水下。量儿大小加减。

治小儿无辜疳，发作穗，羸瘦腹胀面黄，蚘蛇胆丸方

蚘蛇胆去脂，炙 黄芩去黑心 枳壳去瓤，麸炒 甘菊花 牛膝酒浸，切，焙。各一分 赤芍药 升麻各半两

上七味，捣罗为末，炼蜜和丸如绿豆大 每服五丸，空腹米饮下。更量儿大小加减。

治小儿诸疳无辜，鼻中出清水，眼上有白晕，或患痢体热，口干生疮，脚肿眼涩，腹中有虫，喜饮冷水，胡粉散方

胡粉 龙骨末各一钱匕

上二味，并炒令黄，以鸡子清调，空心服半钱匕，日二

## 小儿疳渴不止

论曰：小儿宿有疳气，肌肤瘦瘠，内亡津液，心肺壅热，则为疳渴。盖因乳母不慎，恣食热物，不择酸咸，致令壅热潜流乳脉，或即乳儿，致腑脏生热，疳热相搏，上焦干燥，津液枯少，故烦躁而渴。

① 发：乾隆本、日本抄本、文瑞楼本同，明抄本作“发吐”。

② 二：明抄本、乾隆本、文瑞楼本同，日本抄本作“一”。

③ 三分：日本抄本、文瑞楼本同，明抄本作“二分”，乾隆本作“三钱”。

治小儿渴疳，肌肤消瘦，乳食不进，卢会丸方

卢会研 蓬砂研 麝香研 马牙消研 人参 熊胆研 甘草炙，捣为末。各半两

上七味，捣研为末，炼蜜为丸如绿豆大 每服五丸或七丸，薄荷汤化下。

治小儿渴疳，铅霜丸方

铅白霜 铅丹 定粉 铁粉 龙骨 蛤粉 马牙消

上七味，等分，为细末，入麝香少许，用蜗牛肉研和为丸，如梧桐子大。每服一丸，倒流水化下。

治小儿疳渴不止，柳絮矾散方

柳絮矾半两 铅白霜一两 马牙消一分 芒消一分

上四味，细研为散 每服一字匕，冷水调下，一服立效

治小儿渴疳，引饮不止，胡黄连散方

胡黄连 葛根剉 玄参 枇杷叶拭去毛，炙黄 甘草炙，各一分 麦门冬去心，焙。半两<sup>①</sup>

上六味，捣罗为散 每服一钱匕，以水一盂，入生姜少许，煎至五分，去滓，入蜜少许，再煎一两沸，放温服。

治小儿渴疳黄瘦，日夜饮水无足，龙脑丸方

龙脑研 麝香研 丹砂研 牛黄研 胡黄连 熊胆研 卢会研 丁香 木香 黄连去须 大黄剉 麒麟竭各一分 蟾酥研。一钱

上一十三味，捣研为细末，再研匀，饭丸如绿豆大。每服三丸至四丸，薄荷汤下。

治小儿渴疳<sup>②</sup>羸瘦，龙胆散方

龙胆 熊胆研 蜗牛炒令黄 卢会研 夜明沙炒 麝香研 各一分 青黛研 丹砂水飞。各半两 干蟾头炙焦。一枚

上九味，捣研为散 每服半钱匕，米饮调下 量儿大小加减，

① 两：乾隆本、日本抄本、文瑞楼本同，明抄本作“钱”。

② 渴疳：乾隆本、日本抄本、文瑞楼本同，明抄本作“疳渴”。



治小儿渴痢喜水，小便淋，愈金汤方

山梔子炒黄。一两 瞿麦半两 木通剉。半两 滑石研。一分 甘草炙。一两 竹叶切，焙。一两

上六味，粗捣筛。二<sup>①</sup>岁儿，每服一钱匕，水一盞，入砂糖皂子大，同煎五分，去滓温服，日两服。更量儿大小加减

治小儿膈壅渴痢，凉心经，金粉地黄膏<sup>②</sup>方

郁金一两。皂荚水煮软，切，焙 地黄粉半两 生 雄黄水飞一分 绿豆粉半两<sup>③</sup> 白术 人参 甘草炙。各一分 牛黄一钱

上八味，都为细末，炼蜜丸如皂子大。二岁一丸，薄荷汤化下；一岁半丸，更量儿大小加减。

治小儿渴痢，饮水不止，乌梅丸方

乌梅肉焙 茜根去土 木瓜焙 葛根炮。各一两 赤茯苓去黑皮。半两 人参一分 白术一分 甘草炙。半两

上八味，捣罗为末，砂糖和丸如皂子大，每服一丸，新汲水化下。

治小儿痢痢，渴不止，胡粉丸方

胡粉研。半两 鸡子一枚

上一味，将鸡子打头上，破如钱眼大，入定粉于鸡子壳内，以纸糊定，用水一升，入铫子内，慢火煮熟，取出去壳。每服与梧桐子大哺之，一日三五度。量儿大小，以意增减。

治小儿痢渴，泄泻不定，黄瘦，不思食，地骨皮丸方

地骨皮 龙胆 黄芩去黑心 枳壳去瓢，麸炒 木香 赤芍药 猪苓去黑皮 海蛤研。各一分 紫参 黄耆剉 大黄剉，炒。各半两 郁李仁炒，研。一两一分

上一十二味，捣罗为末，炼蜜丸如绿豆大。每服五七丸，温汤下，微利即止。量儿大小加减。

治小儿痢渴不止及急慢惊风，胸膈有涎，天疳疳风，并皆治

① 二：乾隆本、日本抄本、文瑞楼本同，明抄本作“一”。

② 膏：明抄本、日本抄本、文瑞楼本同，乾隆本此后有“丸”。

③ 两：明抄本、乾隆本、文瑞楼本同，日本抄本作“分”。

## 疗、蟾酥丸方

蟾酥 麝香研 犀角镑 牛黄研 丹砂研 卢会研 天竺黄各半两 益智去皮 十枚 青黛研 半两 干蜗牛五枚，全者 白花蛇一寸。去皮、骨，炙

上一十一味，捣研为末，用獾猪胆汁和丸如米粒大，丹砂为衣 每服五丸至七丸，煎薄荷汤下 惊风，用剪刀股研，薄荷汤下；慢惊风，煎荆芥汤下；疳气，麝香汤下；惊风搐搦，目睛上视，煎金银酒化下 此药兼利胸膈，坠涎，压心脏积热，顺气，进奶食，开胃，小儿诸疾皆治。量儿大小加减。

治小儿宿有疳气，心肺壅热，内亡津液，烦渴不止，人参散方  
人参 白茯苓去黑皮 各一两 葛根剉，二两 木香 藿香叶 甘草炙。各一分<sup>D</sup>

上六味，捣罗为细散。每服一钱匕，水半盏，煎三五沸，温服，  
治小儿疳渴不止，调中补虚，草豆蔻散方

草豆蔻五枚 和皮用 人参 白茯苓去黑皮 防风去叉 藿香各半两 陈橘皮去白，焙。一分

上六味，捣罗为散。每服一钱匕，生姜米饮调下。量儿大小加减服。

治小儿久疳多渴，不美乳食，大枣汤方

大枣去核，焙 人参 白术 白茯苓去黑皮 陈曲炒，各一两 甘草炙 檀香剉。各一分

上七味，粗捣筛。一岁儿，一钱匕，水半盏，入枣一枚，擘，煎至三分，去滓温服，日三。量儿大小加减服。

治小儿疳痢发渴方

椿根白皮

上一味，暴干捣末，粟米煮作糊，和丸如绿豆大，每服五丸，若下部开，以干末频吹之。

D 分：乾隆本、日本抄本、文瑞楼本同，明抄本作“两”。

# 卷第一百七十三

## 小儿门

小儿疳痢 小儿疳痢久不差 小儿疳𪔐 小儿五疳出虫  
小儿诸疳

## 小儿门

### 小儿疳痢

论曰：小儿疳痢者，由乳哺不节，生冷过度，伤于脾胃，冷热相搏，致腑脏不调，久而不差，即变诸疳。若大肠虚弱，水谷不化，下痢无度，是为疳痢。其证面色萎黄，肌体羸瘦，盗汗壮热，皮毛焦枯，嗜好酸咸，心腹虚胀，痢下蕴瘀，日夜无度是也。

#### 治小儿一切疳痢，熊胆散方

熊胆研 雄黄研 青黛研 丹砂研 黄矾烧令汁枯 细辛去苗叶 茛菪子炒。各半两 卢会研 龙胆 当归切，焙 白矾烧令汁尽 蝉蜕炒 虾蟆炙焦。各三分 麝香研 黄连去须 黄檗去粗皮 甘草炙。各一两

上一十七味，捣研为散。六十日至百日孩子，每服一字匕，一二岁半钱匕，三四岁一钱匕，并米饮调下，早晚食前服。

#### 治小儿疳痢赤白及一切痢，桃皮散方

桃白皮炙。半两 黄连去须<sup>①</sup> 胡粉炒 赤茯苓去黑皮。各一两 黄檗去粗皮，炙。半两 丁香七粒

上六味，捣罗为散。每服半钱匕，米饮调下，早晚食前服，量儿大小加减。

#### 治小儿疳痢，定命丸方

青黛研。三分 乌蛇去皮、骨，酒浸炙。一分 白附子一

① 须：文瑞楼本同，日本抄本此后有“炒”



枚 干蝎炒 七个 膩粉研 一分 独角仙去足，炙 一枚 棘刚子去壳。七枚 麝香研。一分

上八味，各捣研为末，用猪胆汁丸如黍米大。每服三丸，早晨、晚后温水下。

治小儿急疳痢不止，或脓或血，或青或黄，发结成穗，或发堕落，鼻干咬指，好吃土炭，**金髓丸方**

金牙一分 乌头生，去皮脐。半两 黄连捣末，用鸡子一枚取清，和末作饼，炙干 一两 肉豆蔻去壳，一枚 诃黎勒煨，去核用。二枚 石中黄如无，禹余粮代 麝香研 丹砂研。各一分

上八味，捣研为末，炼蜜丸如绿豆大 每服五丸，空心米饮下，日晚再服。量儿大小加减。

治小儿三岁已上，疳痢口疮，身体脚手心热，**龙骨汤方**

龙骨一两 黄连去须 黄檗去粗皮，炙 地榆炙 各三分 白头翁 干姜炮 当归切，焙 酸石榴皮 白术各半<sup>①</sup>两

上九味，粗捣筛 一二岁儿，每半钱匕，水半盏，生姜三片，同煎至三分，去滓，分温二服，早晚食前服。量儿大小加减。口疮，取卢会、赤地利末傅之；下部生疮，取蛭蛇胆、黄连、麝香等分为末，涂傅之。

治小儿疳痢呕逆，**厚朴丸方**

厚朴去粗皮，生姜汁炙 三分 龙骨半两 白茯苓去黑皮 人参各三分 白石脂半两 陈橘皮去白，切，焙 一分 当归切，焙 三分 肉豆蔻去壳。一枚 乌梅肉炒 干木瓜各半<sup>②</sup>两

上一十味，捣罗为末，炼蜜丸如麻子大 每服五丸七丸，煎生姜枣汤下，食前服。

治小儿一切疳痢，**龙骨丸方**

白龙骨一分 白石脂一两半 鸡屎矾烧灰 黄连去须 胡粉炒 赤茯苓去黑皮 阿胶炙燥。各一两

① 半：文瑞楼本同，日本抄本作“一”

② 半：文瑞楼本同，日本抄本作“五”

上七味，捣罗为末，炼蜜丸如麻豆大。每服五丸七丸，空心食前米饮下。更量儿大小加减。

治小儿气疳，下痢腹胀，胡黄连丸方

胡黄连半两 蛇蛻炙。一分 虾蟆炙。半两 青黛研。一分 蜗牛炒。半两 木香一分 诃黎勒皮半两 麝香一分

上八味，捣研为末，用饭为丸如绿豆大。每服三丸五丸，米饮下，虫出为度。

治小儿无辜疳痢，无食子丸方

无食子煨 甘草炙 龙骨 当归切，焙 黄连去须 人参各一两

上六味，捣罗为末，炼蜜丸如麻子大。每服三丸五丸，米饮下，早晨、日午服，以差为度。

治小儿五疳八痢，砒霜丸方

砒霜研 一钱 凝水石煨 附子炮裂，去皮脐。各一分 定粉炒。半两

上四味，捣研为末，用粟米饭丸如麻子大。每服三丸五丸，米饮下。更量儿大小加减。

治小儿疳痢，铅丹散方

铅丹炒，研 定粉炒，研。各一两 蛇蛻炙焦。二条<sup>①</sup> 夜明沙炒 卢会研，临时入。各一分

上五味，以前四味捣研为散，用醋拌和为饼，就热铤上焙熟，细研为散，后入卢会和匀。每服一字匕，以米饮调服，早晨、日午服。量儿大小加减。

治小儿一切疳痢，青金散方

铅丹 葇蓉子 胡粉各半两 大枣二十枚

上四味，一处杵作团，烧令通赤，取出，候冷研细。每服半钱匕，空腹米饮调下，晚后再服。

治小儿疳痢，百中汤方

① 条：元刻本、文瑞楼本同，日本抄本作“两”。

枳实炙 黄连去须 枳壳去瓢，麸炒 芩薺各半两 生姜一分 豉半两 葱白三茎

上七味，各细剉，以水五合浸经宿，平旦煎取三合，量儿大小，空腹服之。初服经日昏沉，后渐渐苏；未全效，更作一剂；热渴，与竹沥饮之。

治小儿疳痢，久服药不差，诃黎勒散方

诃黎勒炮，去核 龙骨 赤石脂 密陀僧煨 酸石榴皮煨 麝香研，各一分

上六味，捣研为散。每服半钱匕，米饮调下，空心食前服。若是脓血痢，黄连汤调下。量儿大小加减。

治小儿疳痢，兼渴不止，定粉散方

定粉炒，研。半两 鸡子一枚。取白

上二味，将定粉与鸡子白相和，更研如膏。一二岁，每服半钱匕，水七分，煎至三分，放温服之。更量儿大小加减。

治小儿疳痢，日夕不止，手足逆冷，或下鲜血，虚渴不止，乌梅丸方

乌梅肉炒 龙胆 龙骨各一两 黄连去须 一两半 地龙粪炒。一两一分

上五味，捣罗为末，炼蜜丸如麻子大。一岁儿，米饮下三丸，食前服，以差为度。

治小儿疳痢及吐，豆蔻丸方

肉豆蔻去壳 一枚 木香半两 丹砂研 人参 诃黎勒煨，去核 麝香研。各一分

上六味，捣研为末，用饭丸如麻子大。每服二丸，空心米饮下，日再服，更量儿大小加减。

治小儿一切痢久成疳，阿胶丸方

阿胶炙令燥 白龙骨 黄连去须 白石脂 鸡屎白炒 胡粉炒 赤茯苓去黑皮。各一两

上七味，捣罗为末，炼蜜丸如麻子大。每服米饮下三丸，食前服，更量儿大小加减。



治小儿疳痢，龙骨散方

龙骨 胡粉炒 白矾烧令汁尽。各一分 黄连去须。半两

上四味，捣研为散 每服半钱匕，米饮调下，空心服。量儿大小加减。

治小儿疳痢，或口内生疮，龙齿散方

龙齿半两 丁香一分 黄连去须 胡粉炒 赤茯苓去黑皮。各半两 枳壳去瓢，麸炒。一分

上六味，捣罗为散。每服半钱匕，粥饮调下，食前服，量儿大小加减。或加牛黄一钱亦得。有鲜血，加茺莢一分。

治小儿五疳八痢，丹砂丸方

丹砂研 青黛研。各一分 丁香半分<sup>①</sup> 肉豆蔻去壳。一枚 无食子一枚 麝香研。一钱 干虾蟆去头、足，酥涂炙。一枚

上七味，捣研为末，面糊丸如黄米大。每服三丸五丸，空心米饮下。

治小儿疳痢气下痢，腹大肌瘦，常服熊胆丸方

熊胆研 胡黄连 夜明沙炒<sup>②</sup> 青黛研 黄连去须。各一分 肉豆蔻去壳 一枚 卢会研 一分 龙脑研 一钱 蟾头酥炙 一枚 麝香研 二<sup>③</sup>钱 使君子去壳。一分 丁香半分 无食子一分

上一十三味，除研外，捣罗为末，粟米饭为丸如绿豆大。每服七丸至十丸，米饮下，日三。

治小儿脾疳，脏腑滑泻或痢，肉豆蔻丸方

肉豆蔻去壳 一枚 诃黎勒炮，去核 二枚 黄连去须 一分 赤石脂研。一钱 木香一分 蟾头生姜汁炙。一枚

上六味，捣研为末，用蜗牛肉研为丸如黍米大，焙干。每服三丸至五丸，温粥饮下，食前服。

治小儿五疳泻痢，肌肤黄瘦，多困，好吃泥土，五心常热，

① 分：元刻本、文瑞楼本同，日本抄本作“两”。

② 炒：元刻本、日本抄本同，文瑞楼本作“研”。

③ 二：元刻本、文瑞楼本同，日本抄本作“一”。

烦渴引饮，夜多上窜，虚汗，使君子丸方

使君子去壳，面<sup>①</sup>裹煨，剉 无食子各五枚 木香 赤芍药 卢会研。各一分 肉豆蔻去壳 槟榔煨，剉，各一枚 黄连去须 麒麟竭研 麝香研。各一分

上一十味，捣研为末，粟米饭丸如麻子大。每服五丸至十丸，米饮下，不拘时服。夏秋宜常服。

治小儿疳痢羸瘦，饮食减少，引饮，六神丸方

丁香 木香 肉豆蔻去壳，秤，各半两 三味同以面裹，慢火煨 卢会研。一两 使君子去壳 诃黎勒皮各半两

上六味，捣罗为末，枣肉和丸如绿豆大。每服三丸至五丸，米饮下，空心服。

治小儿疳瘦，下痢腹胀，不思饮食，厚朴丸方

厚朴去粗皮，生姜汁炙。半两 陈橘皮去白，切，焙。一分 使君子去壳，面裹煨 甘草炙，剉 诃黎勒皮半生半炮，各半两

上五味，捣罗为细末，炼蜜丸如小鸡头大。儿三岁已上，每服一丸，米饮化下；百日儿，每服作四服，乳汁或清米饮化下。

治小儿疳痢不止，麝香丸方

麝香研。一钱<sup>②</sup> 使君子去壳，半生半炮<sup>③</sup> 无食子半生半炮<sup>④</sup> 各二枚

上三味，捣研为末，以薄面糊丸如小绿豆大。每服三丸五丸，米饮下。

治小儿一切疳痢，兰香散方

兰香 人粪 白狗粪 虾蟆 白矾 蜘蛛 蚯蚓 蜗牛子八味并烧灰 卢会研 蚺蛇胆研。各一分

上一十味，捣研为散。以苇管斜批，吹少许入鼻中及齿上，

① 面：元刻本、文瑞楼本同，日本抄本作“麸”。

② 钱：元刻本、文瑞楼本同，日本抄本作“分”。

③ 炮：元刻本、文瑞楼本同，日本抄本作“炒”。

④ 炮：元刻本、文瑞楼本同，日本抄本作“炒”。

更以蜜和涂纸上贴之。如下部，即内之。

治小儿疳痢羸瘦，大疳丸方

白矾枯 绿矾各一两 胆矾二钱 干虾蟆一枚。去肠肚，炙 蓖蓉子 葶苈炒 各一分 蜗牛四枚。已上七味入在瓶内，盐泥固济，候干，火烧通赤，取出，研为细末 胡黄连一分 生蜗牛研，三枚 麝香研 丹砂研 雄黄研 牛黄研 各一钱 熊胆研 诃黎勒皮 细辛去苗叶。各二钱 青黛半钱

上一十七味，捣研为末，和令匀，烧粟米饭和丸如麻子大。每服三丸至五丸，薄荷汤下，不拘时候。量儿大小加减服。

治小儿疳痢，腹胀肌瘦，泄泻不止，至圣丸方

使君子去壳 二十枚 肉豆蔻去壳 一枚 丁香 陈曲炒 雄黄研 熊胆研 各一钱 麝香研 半钱 诃黎勒皮一分

上八味，捣研为末，白面糊和丸如绿豆大。每服十丸，米饮下，乳食前。量儿大小加减服。

治小儿疳痢无常色，黄连木香丸方

黄连去须 木香各半两 麝香研。一钱 定粉一分 狗肝一具，切 虾蟆一枚，大者。切

上六味，先捣研四味为末，将狗肝、虾蟆用酒三升，煮烂至一升，去滓，煎成膏，丸前末如绿豆大。每服三丸，空心米饮下，更量儿加减。

治小儿疳痢烦渴，肌体羸瘦，安神散方

黄耆椎碎，蜜水炙，剉。半两 甘草炙，剉。二钱 白茯苓去黑皮 人参 石莲肉去心，炒。各一分

上五味，捣罗为细散。每服半钱匕，水半盏，枣一枚，煎三五沸，量儿大小，加减温服。

治小儿疳痢，黄瘦焦枯，壮热胀满，沉香煎方

沉香剉 丁香 醋石榴皮各二钱 木香 肉豆蔻去壳 诃黎勒炮，去核 无食子 缩砂仁各三钱 使君子去皮。半两

上九味，捣罗为末，炼蜜调成煎。每服一豆大，米饮化下。

治小儿疳痢，皮毛焦枯，肌体羸瘦，喜食酸咸，心腹胀，发



### 热，胡黄连丸方

胡黄连一分 芎藭 蓬莪茂煨，剉 青橘皮去白，焙 陈橘皮去白，焙。各半两 干姜炮。一钱 京三棱煨，剉。三分

上七味，捣罗为末，每抄一钱匕，入巴豆十粒，去皮、心、膜，入冷油内，慢火煎黑色，研细，煮醋面糊丸如黍米大。一岁一丸，薄荷汤下。

治小儿疳痢，面黄体瘦，盗汗壮热，心腹虚胀，皮毛焦枯，  
**苣荬丸方**

苣荬子一两 醋浸一宿，炒黑色 木香 胡黄连 卢会研，各一钱 诃黎勒皮二枚 肉豆蔻大者，一枚。去壳

上六味，捣研为末，用烧粟米饭和丸如黄米大。每服五丸至十丸，空心米饮下。

治小儿乳哺不节，生冷过度，下痢不止，面黄肌瘦，腹胀发热，名曰疳痢，**胡黄连丸方**

胡黄连末 白茺莢仁末 卢会研 麝香研，各一分 巴豆五粒。去皮、心、膜，出油，研

上五味，合研匀细，煮面糊和丸如粟米大，每服五丸至七丸，柳枝汤下，不拘时。

### 治小儿疳痢方

丹砂半两。研 麝香研 熊胆研 丁香为末 蟾酥各一钱

上五味，将四味细研如面，取蟾酥和为丸如黍米大，一岁儿一丸，米饮或乳汁相和下，勿令碎。吃药后，以水浓煎桃柳枝淋洗儿，取一丸吹儿鼻中，以湿青衣盖覆体，其虫便出，以疾退为度。

治小儿疳气，腹胀泄痢，小便赤涩，**鳖甲散方**

鳖甲去裙襖，醋炙 诃黎勒 木香 赤茯苓去黑皮 苍术米泔浸一宿，切，焙。各一两 牵牛子熬。一两半<sup>①</sup>

上六味，捣罗为散。食前温水下半钱匕，日再服。量大小

① 一两半：元刻本、文瑞楼本同，日本抄本作“二两半”。

加减。

治小儿疳痢，日夜无数，脱肛，身体瘦羸，丁香丸方

丁香三枚 麝香研。少许 青黛研。一分 虾蟆一枚。去肚、足，炙令黄色

上四味，捣研为末，煮浆水饭为丸如粟米大。温水下三丸，量儿大小加减服。

### 小儿疳痢久不差

论曰：小儿宿挟疳气，加以乳食不节，冷热相乘，肠胃虚弱，遂令下痢，甚则呕哕，变成疳蠹。

治小儿疳痢久不差，食物即呕，獭猪胆丸方

獭猪胆瓦上焙<sup>①</sup>干 二两 胡椒 干姜炮 芫荽炒 陈橘皮去白，焙。各一分 蒟蒻微炒。半两 仓米炒。三分

上七味，捣罗为末，用稀糊和丸如麻子大，每服五丸，米饮下，早晨、晚后各一。量儿大小加减。

治小儿疳痢久不差，黄连散方

黄连去须 白茯苓去黑皮，剉 阿胶炒燥 黄檗去粗皮，剉 人参 丁香各半两 诃黎勒三枚 炮，去核 桃白皮炙，剉 三分 无食子无孔者。二枚

上九味，捣罗为散。每服半钱匕，米饮调下，空心日午近晚各一，更量儿大小加减。

治小儿疳痢，经年不止，进退不定，状如白胶，雄黄丸方

雄黄研 凝水石烧，研 白矾枯，研 水蓼剉 丹砂研。各半两 砒霜研 半钱 铅丹研 鸡子皮烧灰 各一分 大黄炒，剉 一两

上九味，除别研外，捣罗为末和匀，以蟾酥和丸如绿豆大，每服一丸至二丸，石榴皮汤下，生姜汤亦得，早晚食前各一，更量儿大小加减。

① 焙：元刻本、文瑞楼本同，日本抄本作“焙”

治小儿疳痢，或黄或青，项细腹胀，口鼻生疮，日加羸瘦，  
蝉蛻丸方

蝉蛻去足 麝香研 各一分 青黛研 阿胶炙燥，各半两 蛇  
蛻皮一条。烧灰 瓜蒂七枚

上六味，捣罗为末，稀糊和丸如绿豆大 五岁以下，每服三  
丸或五丸，米饮下，空心日午近夜各一，更量儿大小加减。

治小儿疳痢久不差，救急散方

丁香二七粒 鸡屎矾烧灰 麝香研 各一分 黄檗去粗皮，剉  
一两

上四味，除麝香外，捣罗为散，和匀 每服半钱匕，早晨米  
饮调下，相继煮苜蓿并葱令熟与吃，极效 更量儿大小加减

治小儿久患疳痢，当归汤方

当归切，焙 人参 干姜炮 木香各三分 桃白皮炙，剉 槐  
白皮炙，剉 丁香 阿胶炒燥 甘草炙，剉，各半两 龙骨 黄连  
去须。各一两 麝香研。一分

上一十二味，将一十一味粗捣筛，与麝香和匀。一二岁儿，  
每用半钱匕，水一小盏，煎至四分，去滓，分温二服，更量大小  
加减。

治小儿疳痢久不差，茺萸丸方

茺萸炒，为末。半两 羊子肝一枚

上二味，先用米泔煮羊肝令熟，候冷，切作薄片，将茺萸末  
掺在肝内捣烂，更入少糯米糊，和丸如麻子大。每服五丸，米饮  
下，早晚食前各一，更量儿大小加减。

治小儿久疳痢，丁香散方

丁香七枚 桃白皮炙，剉，一分 白茯苓去黑皮 黄檗去粗皮，  
炙 黄连去须。各三分 胡粉炒，研。半两

上六味，捣罗为散 每服半钱匕，米饮调下，空心日午各一，  
更量儿大小加减。

治小儿久痢，无问冷热疳痢，胡粉散方



胡粉研。一分 枣七枚，大者。去核，入胡粉在内

上二味，煅赤，取出候冷，细研为散 每服半钱匕，米饮调下，空心午后各一，更量儿大小加减。

治小儿疳痢久不差，腹内鼓胀，麝香丸方

麝香一分。研 巴豆去心、皮。一两

上二味，先将巴豆入麻油中，煎令黑色，研烂，用纸五重裹，出油尽为度，与麝香同研匀，用稀糊和丸如黍米大，每服一丸或二丸，米饮下，空心午后各一，更量儿大小加减。

治小儿疳痢久不差，丁香散方

丁香 诃黎勒皮 当归切，焙。各半两 龙骨烧 卢会研。各三分 麝香研 胡黄连各一分 肉豆蔻去壳。一枚

上八味，捣罗为散 每服半钱匕，米饮调下，早晨、午后各一，更量儿大小加减。

治小儿疳痢久不差，龙骨散方

龙骨烧 赤石脂各半两 诃黎勒皮 密陀僧 石榴皮暴干 麝香研。各一分

上六味，捣研为散。每服半钱匕，空心米饮下，日晚再服

治小儿疳痢久不差，黄连散方

黄连去须 黄檗去粗皮，剉 各三分 桃白皮炙，剉 胡粉各半两 丁香一分

上五味，捣罗为散。每服半钱匕，米饮调下，空心午后各一量儿大小加减。

治小儿宿挟疳气，因乳食不节，肠胃虚损，下痢日久，五灵脂散方

五灵脂 赤箭 龙骨各一分 麝香研 卢会研 丁香各半钱 熊胆研 胡黄连各一钱

上八味，捣为细散。每服半钱匕，陈米饮调下。

治小儿疳泻不止，渐渐羸瘦，众药不效者，异效散方

桃根白皮剉 黄檗去粗皮，蜜炙，剉 芫荽仁 黄连去须，微炒。各一分 厚朴去粗皮，生姜汁炙，剉 木香 丁香 槟榔剉。

各一钱 无食子一钱半 楝根白皮剉。半分

上一十味，捣罗为散 每服一字，三岁以上半钱匕，五六岁一钱匕，用紫苏木瓜米饮调下，乳食前，一日三服。

### 小儿疳蠹

论曰：小儿宿有疳气，加以肠胃虚弱，寒邪乘之，则变下痢，痢久不止，肠胃益虚，寒湿相乘，虫因虚动，侵蚀脏腑，或口齿生疮，或肛门伤烂，故名疳蠹。

治小儿疳蠹，下部开张，痢有脓血，烂痒赤肿，麝香丸方

麝香研 蝉壳去足 猪牙皂荚去皮、子，炙 卢会研 人中白研。各一<sup>①</sup>分 青黛半两。研

上六味，捣研为细末，先取五月五日虾蟆一枚，以绳子双系后脚倒挂，用胡黄连一寸，以绵系，内虾蟆口中系定，将不津器承虾蟆涎，从午至戌，解放虾蟆，只取胡黄连并涎用，将六味药末就涎和丸如粟米大 每先暖浆水洗儿，软帛拭干后扶坐，取一丸子，以乳汁少许化下，须臾如醉，慎勿惊之，即虫自出。若虫色白或身黄头黑，皆是病浅，易差；若虫子遍体乱出纷纷如碎剪马尾，此必死之候。

治小儿疳疮，蚀口鼻及下部，危急，鸡屎矾傅方

鸡屎矾烧灰为末

上一味，先以米泔洗疮拭干，以药傅之，日三。

治小儿疳蠹下痢，不问赤白，及五种疳气痢疾，麻子膏方

大麻仁二两 黑豆黄一两 青黛半斤 研 虾蟆一枚 烧灰，研 麝香研。一两

上五味，先研麻仁，次捣研黑豆等四味为末，与麻仁同研如稠汤，入少许竹沥和匀，用瓷合收。口鼻疳疮者，每服半匙匕，米饮调下，日三；若脑脊疳，每日涂口鼻三上；若下部开，以绵裹药半匙匕，内下部，日三换。量儿大小加减。

① 一：元刻本、文瑞楼本同。日本抄本作“二”。

# 治小儿疳蝕口鼻及下部赤烂方

大麻仁三合 干蟾一枚 地龙去土，炒。一两 葶苈纸上炒半两 乱发如<sup>①</sup>鸡子大

上五味，除乱<sup>②</sup>发外，并捣碎，与发和匀，都入在一枚新竹筒内，置于瓦上，以塘灰火烧，取沥，少少涂儿口鼻顶上及谷道中

## 治小儿疳痢，下部开并生疮，吹药麝香散方

麝香研 黄连去须，捣末。各半两

上二味，相和研匀，取一苇管，吹少许于下部。

## 治小儿蠹，虫蚀下部，雄黄散方

雄黄研 胡粉熬。各半两

上二味，细研如粉 每服半钱匕，以乳汁调，内下部中，日三上，以差为度。

## 又绯帛膏方

绯帛烧灰，研。一分 倒棘刺四十九枚。烧灰，研 雄黄研 磁石捣研 麝香研 蚬蛇胆研 各一分 槐枝一条 长八寸，剉 猪脂腊月者。五两

上八味，先研六味为细末，次炼脂作油，去滓，下槐枝，煎令焦黄，去槐枝，下六味药末，煎成膏，以瓷器盛，每用少许涂下部，日三。

## 治小儿疳蠹蚀下部，苦参膏方

苦参五两 艾叶二两 青葙子 甘草炙，剉。各三两

上四味，先以青葙、甘草为细末，次用水五升，煎苦参、艾叶成膏，量多少，去滓，入二味药末，和作挺子，长一寸，如箸许大，暴干。涂猪脂，内下部，日再，虫出尽为度。

## 又方

上以铁衣少许，研细，内下部中。

治小儿疳，虫蚀下部，久痢脓血，举体疼痛，面色虚肿，苦

① 如：元刻本、文瑞楼本同，日本抄本作“烧”。

② 乱：原作“乳”，文瑞楼本同，据日本抄本、《普济方》卷三百八十三“婴童诸疳门”及《医方类聚》卷二百五十四“小儿门·诸疳”引《圣济总录》改



## 参丸方

苦参 雌黄研 雄黄研 白矾烧 各半两 藜芦去芦头 一分 麝香少许。研

上六味，捣研为末，以一小枣许大，内下部中，日两三次。

治疳蠹，虫食肛门，治不以时，多至杀人，猪胆饮方

猪胆一枚 苦酒五合

上二味，同煎，量力空心饮之，虫即死。

治小儿宿有疳气，又因肠虚下痢，寒湿相乘，虫因虚动，侵食脏腑，或口齿生疮，或肛门伤烂，病名疳蠹，青金定命丸方

胡黄连末一两 卢会研 青黛研 各三分 白槟榔一枚 为末 肉豆蔻去壳 一枚 为末 诃黎勒五枚 去核，为末 木香为末 麝香研 丹砂研 密陀僧捣研 丁香为末 各半两 红雪研 鹤虱为末。各一分

上一十三味，合研令匀，用酒煎豮猪胆膏，和丸如绿豆大，每服五丸至七丸。奶疳，腊茶下；气疳，丁香汤下；脑疳，黄连汤下；肺疳，橘皮汤下；急疳，干笋汤下；食疳，生姜汤下；脾疳，枣汤下；肝疳，盐汤下。

治小儿疳蠹口疮，齿断露宣，黄檗散方

黄檗根皮炙，剉 黄连去须 黄芩去黑心 升麻剉。各三分 大青半两 干虾蟆酥炙。一两

上六味，捣罗为散。以绵裹贴齿断上，吐涎。

治小儿疳蠹，或口齿生疮，或肛门伤烂，黄连丸方

黄连去须。一两 白茺莢去皮，炒。半两 麝香研。一钱

上三味，捣研为末，面糊和丸如麻子大。一二岁，每服十丸，温米饮下，日三。

## 小儿五疳出虫

论曰：诸疳之病，皆因肥甘所致。盖人之腑脏气血，更相荣养，逢甘则中缓，中缓则荣卫行迟，故腑脏之间，化生诸虫，状如丝发，或如马尾，蚀于腑脏，令儿病疳，以药治之，其虫自出，

或出头项，或出腹背。其虫色黄白赤者可治，青黑者不可治。

### 治小儿诸疳，青黛丸方

青黛研 卢会研 干浮萍草 虾蟆烧灰 蝉蜕去土 绿豆 故皮子巾烧灰，研 鼓炒 白矾烧，研 丹砂研 麝香研。各一分<sup>①</sup>

上一十一味，捣研为末，和匀，用粟米饭为丸如麻子大。一岁儿，每服一粒，用温熟水下。先以桃柳汤浴儿，后与药服。服药后得睡，覆面，看脊骨间必有虫出，形状不定，甚者吐出或嚏出，即愈。

### 治小儿疳，定命夜明沙丸方

夜明沙炒 青黛研 蛇蜕炒 蝉蜕去土 麝香研 地龙去土，炒 干虾蟆烧灰，研。各一分 蚱蝉炙。四十枚

上八味，捣研为末，和匀，粟米饭丸如麻子大。一二岁儿每服三丸，三四岁儿五丸，并用米饮下，空心日午各一服，更水化一<sup>②</sup>丸，滴两鼻中。又以桃柳汤浴儿，以青布裹，良久，虫出青布上。

### 治小儿诸疳，麝香丸方

麝香研 熊胆研 丹砂研 牛黄研 蚺蛇胆研 瓜蒂各一分 赤小豆七粒 蟾酥二片。如柳叶大

上八味，捣研为末，和匀，面糊和丸如麻子大。每服三丸至五丸，米饮下，空心日午近晚各一，更量儿大小加减服。后以桃柳汤浴儿，即以青衣盖覆，当有虫出。

### 治小儿疳<sup>③</sup>，出虫<sup>④</sup>，瓜蒂丸方

瓜蒂烧灰 麝香研 蟾酥各半两 乌蛇尾酒浸，炙 黄连去须。各一分 蛇蜕烧灰 熊胆各半分。研

上七味，捣研为末，用粟米饭丸如麻子大。温熟水化破二丸，滴于鼻中，虫出为效。

① 分：元刻本、文瑞楼本同，日本抄本作“两”。

② 一：元刻本、文瑞楼本同，日本抄本作“十”。

③ 疳：元刻本、文瑞楼本同，日本抄本作“诸疳”。

④ 出虫：元刻本、文瑞楼本同，日本抄本无。

## 治小儿诸疳气，麝香散方

麝香研 白矾灰 胆矾烧过 皂荚烧灰。各一分 猪胆一枚。  
去膜，熬干 膩粉研。十<sup>①</sup>钱

上六味，再同研令极细。每服一字匕，米饮调下。服药后，以青衣盖儿身上，良久有虫出，即差。

## 治五疳吐虫，腹胀羸瘦，除疳散方

丁香 生犀角末 各半钱 苦楝根有子者良，赤者不用 阴干，  
为末 鹤虱各半两 密陀僧 白槟榔炮，剉。各一分

上六味，捣罗为散。每服一钱匕，米汤调下，日三，虫自出，更量大小加减。

治小儿五疳，眼鼻多痒，寒热往来，腹脏不调，或泻脓血，肌体瘦弱，饮食不化，多困少力，眼涩饶睡，兼治惊风，月蟾丸方

干蟾一枚，大者 端午取 蛇蛻皮大者，一条 谷精草二两。  
三味同入一瓶子内，以盐泥固济，烧灰 胡黄连 甜瓜蒂 丁香各  
一分 熊胆研 卢会研 天竺黄研 牛黄研 丹砂研 龙脑研 麝  
香研 雄黄研。各一分 青黛研。半两

上一十五味，捣研为末，再研匀，用豮猪胆汁煮面糊，丸如  
绿豆大 每服三五丸，米泔下，量儿大小加减服 药后以桃柳汤  
浴儿，着青衣盖，疳虫出衣上。

## 治小儿疳，杀虫，卢会丸方

卢会研 茺莢炒 木香 鹤虱炒。各半两

上四味，捣研为末，水浸炊饼丸如黄米大。每服十丸，米饮  
下，更量儿大小加减。

## 治小儿疳蛔，定粉丸方

定粉 猪胆各一分

上二味，研和为丸如绿豆大，每服二丸，米饮下。

## 治小儿疳，杀虫，雄黄散方

① 十：元刻本、文瑞楼本同，日本抄本作“一”。



雄黄研 黄连去须 木香各一分<sup>①</sup> 麝香研。半分

上四味，捣研为散。每服半钱匕，米饮调下。量儿大小加减。

### 小儿诸疳

论曰：小儿疳疾，皆以肥甘而得之，故名诸疳。五脏所受，各各不同。在肝为风疳，其状摇头揉目，白膜遮睛，色青黄，毛焦发立，筋青脑热，覆面而卧，腹有积聚，时下痢，身体自汗，久不愈，转加羸瘦，是为肝疳；若目睛带青脉，左胁下硬，吐涎，眼角有黑气者，不可治。在心为惊疳，其状浑身壮热，吐痢无常，颊赤面黄，胸膈烦满，鼻干心躁，口舌生疮，时有盗汗，或发虚惊，久不愈，则下痢脓血，是为心疳；若惊啼多渴，便食辛味，耳边有脉，舌上有黑靨者，不可治。在脾为食疳，其状腹多筋脉，啼促气粗，乳食不多，心腹胀满，多啼咳逆，面色萎黄，骨立毛焦，形枯力劣，胸膈壅闷，乳食难消，肠胃不和，下痢酸臭，鼻干口燥，爱暗憎明，情意不佳，好吃泥土，是为脾疳；若腹大，唇无血色，人中平满，下痢不禁，皮枯骨露者，不可治。在肺为气疳，其状咳嗽气逆，皮毛干焦，饶涕多啼，咽喉不利，揉鼻咬甲，壮热憎寒，口鼻生疮，唇边赤痒，腹中气胀，食减下痢，皮上粟起，是为肺疳；若咳逆气促，下痢白沫，身有斑纹，黑色如粟米者，不可治。在肾为急疳，其状肌骨消瘦，齿断生疮，逢寒遇热，则鼻干口燥，脑热如火，脚冷如冰，食少吐逆，时或下痢，下部生疮，肛门脱出，是为肾疳；若嗜酸咸，饮乳无度，小便白浊，牙齿青黑，耳脑干燥，肩耸骨枯者，不可治。凡此五疳，又有五绝之候：一掐著脚中指底不觉疼，二抱著手足垂弹无力，三病未退，遍身不暖，四脏腑泻青涎及沫不止，五项筋舒展无力，如此皆不可治也。五疳之外，随十二经脉血气所受，变状不一，故曰诸疳。

治小儿二十四种疳，熊胆散方

① 分：元刻本、文瑞楼本同，日本抄本作“两”

熊胆 牛黄 雄黄 五灵脂 丹砂 麝香各半两 蚺蛇胆已上细研 黄连去须 干蝎去土 天麻 蜗牛炒 马兜铃根干者 大黄剉碎，炒。各一分<sup>①</sup>

上一十三味，熊胆等七味研令如粉，黄连等六味捣罗为散，再同研令极细。每服一字至半钱匕，用米饮调下，早晨、午间、临卧各一服，量儿大小加减服之。或以蜜为丸如麻子大，每服三丸至五丸。

#### 治小儿五疳，无食子丸方

无食子三枚，大者 煨熟用 牛黄研 麝香研 丁香 雄黄研，水飞 青黛研 木香 丹砂研，水飞，各一分 蟾酥三片，如柳叶大。焙过，研 熊胆半两。研 蜗牛壳干者，去土。二十枚

上一十一味，捣研为末，更同研令细，水浸蒸饼为丸如黍米大 一二岁儿临卧乳汁下一丸，三四岁二丸，五六岁三丸，七八岁五丸，米饮下亦得，日再服之。

#### 治小儿五疳羸瘦，腹胀下利，可<sup>②</sup>思饮食，使君子丸方

使君子用水和生面裹，炮，以面熟为度，只取使君子用 丁香 无食子 熊胆研 胡黄连 夜明沙微炒 青黛研 肉豆蔻仁 黄连去须，微炒 卢会研。各一两 蟾头干者，一枚。炙黄 蟾酥一皂子大 麝香一钱。研 龙脑半钱。研

上一十四味，捣研为细末，拌令匀，湿纸裹，粟米烧饭和丸如麻子。每三岁服五丸至七丸，用温米饮下，日三服，不计时候，大小以意加减。

#### 治小儿疳气，卢会丸方

卢会研 钓藤别捣末 各一两 雄黄 青黛各半两。研 蟾酥研 熊胆研 麝香研。三味各一<sup>③</sup>分

上七味，同研匀，入猪胆汁和丸如绿豆大。每日空心临卧，

① 分：元刻本、日本抄本同，文瑞楼本作“两”。

② 可：元刻本、文瑞楼本同，日本抄本作“不”。

③ 一：元刻本、文瑞楼本同，日本抄本作“二”。

煎荆芥汤下三丸至五丸，二岁以下两丸。

治小儿疳气，虾蟆煎丸方

虾蟆一枚。用头，炙黄，为末。胡黄连 地龙去土，炒 木香 各一分 肉豆蔻一枚 去壳 麝香研 黄连去须 各一钱半 夜明沙 白茺萸各一钱。为末 丹砂二钱。研

上一十味，用虾蟆、茺萸末，獾猪胆二枚，法酒一盏，煎成膏，和其余药末为丸如粟米大 每服五丸至七丸，米饮下，日三服。

治小儿一切疳，四胆丸方

龙胆去土 虎胆 熊胆研 猪胆 卢会研 麝香研 白矾灰 荆芥穗各一分

上八味，捣研为末，先取东引石榴根半斤碎剉，以水三碗，煮至半碗，去滓，以慢火煎如膏，下诸药末，又熬令可丸，即丸如绿豆大，用瓷器收之 如遇诸疳有虫，或揩鼻眼，手剉指甲及下部者，取一丸，以荆芥汤化为汁，候儿睡后，点少许于鼻中、脑上、十指、下部，虫闻药气，皆化为水。

治小儿一切疳，吹鼻，青黛散方

青黛研 细辛去苗叶 各半两 瓜蒂 麝香研 地龙微炒 卢会研 黄连去须。各一分

上七味，捣研为细散，每用少许吹鼻中 得嚏喷多，即易治；嚏喷少，难治；不嚏喷，不可治。

治小儿五疳，心脏惊疳，肝脏风疳，肺脏气疳，脾脏滑疳，肾脏急疳，皆治之，常服金蟾丸方

蟾酥一字 胡黄连 使君子 熊胆研 各一分 木香一钱 麝香研。少许 牛黄研。半钱 丹砂研 二钱，飞 大黄半两 虎睛研。一对

上一十味，捣研为末，烧粟米饭丸如麻子大 荆芥汤下三丸至五丸，量儿大小，加减服之。

治小儿一切疳，脑闷昏沉，宜先用吹鼻散方

青黛研 踯躅花各一分 黄连去须 瓜蒂 地龙微炒 麝香



研。各半分

上六味，捣研为细散。每用少许吹在鼻中，看嚏喷多少，嚏喷多即病轻，嚏喷少即病重。

治小儿疳气，面黄肌瘦，发热多困，好吃泥土，扫眉咬甲，时好伏地，**香蟾丸方**

干蟾一枚 炙焦 麝香研 半钱 胡黄连半两 丹砂研 牛黄研 蛇蛻焙炙 雄黄研 天竺黄研 熊胆研 蝉蛻炙 各一分 天仙子半合。水浸出芽子为度，焙干，为细末。肉豆蔻一枚。去壳

上一十二味，捣研为细末，糯米饭和为丸如黄米大，每服七丸至十丸，米饮下，不拘时候，一日三服。

治小儿疳气，身体壮热，毛发焦黄，目常有泪，满口生疮，脚手细弱，腹胁胀满，好吃泥土，**使君子丸方**

使君子去皮 夜明沙炒 白芜荑炒。各半两 胡黄连一两 麝香半钱 研 细辛去苗叶 卢会研 雄黄研 蟾酥 槟榔剉 蝉蛻去翅、足，炒，各一分 蜗牛十枚 干虾蟆二枚 用温水洗去肠肚恶物并骨爪后，慢火炙黄色为度，捣罗为末，用酒一升，同熬成膏

上一十三味，除虾蟆外，捣研为细末，入膏子和为丸如麻子大，每服五丸至七丸，米饮下，不拘时候，一日三服。

治小儿脑脊疳，口生白疮，齿疳，并诸般疳疾，悉主之，**熊胆膏方**

熊胆 蚺蛇胆 卢会 牛黄 麝香 龙脑各一分

上六味，并研如粉，用新汲水两盏，入药末搅令匀，以瓷器盛，重汤煮之，水只可及瓷器五分以来，慢火煮，旋添暖水，煮至半日，更投三五粒粳米同煮，米烂药即成，以篦子搅令匀，勿令药干。欲点鼻中时，先七日，孩子与乳母忌生冷、酱豉、五辛、热面、鱼肉并少食盐，然后取药少许，渐渐吹鼻中及涂口疮上，频使，两日即停一日，看儿发变青即止，至七度停药后，还须慎口。

治小儿一切疳病，**鹤虱丸方**

鹤虱轻炒 胡黄连 卢会研 丹砂研 各一分 青黛研 三分

上五味，捣研为末，更入乳钵内研令细，用米泔煮猪胆令熟，取汁和为丸如麻子大。每服三丸至五丸，米饮下，早晨、午间、日晚各一服。量儿大小加减。

治小儿五疳瘦弱，不思乳食，**黄连猪胆丸方**

黄连去须 卢会研 芫荑 青黛研 槟榔剉 各一分 蝉蜕二十一<sup>①</sup>个。去土 胡黄连半两 麝香研。半钱

上八味，捣研为末，以猪胆丸如麻子大。每服五七丸，量儿加减，米饮下。

治一切疳气，**青金定命丸方**

胡黄连一两 为末 卢会研 青黛研 各三分 肉豆蔻二枚 去壳，为末 诃黎勒五枚 煨，去核，为末 槟榔一枚<sup>②</sup> 为末 麝香研 丹砂研 密陀僧为末 木香为末 丁香为末 各半两 红雪研 鹤虱为末。各一分

上一十三味，再同研令匀，用酒煎猪胆膏，丸如绿豆大。每服五丸至七丸，奶疳，腊茶下；气疳，丁香汤下；脑疳，黄连汤下；肺疳，橘皮汤下；急疳，干笋汤下；食疳，生姜汤下；脾疳，枣汤下；肝疳，盐汤下。

治五疳，杀虫化食，长肌肉，退风热，**青黛丸方**

青黛别研 留一半为衣 使君子肉 槟榔剉 夜明沙 白芫荑醋炒令紫 各半两 蛇蛻一条 炙 肉豆蔻面裹煨，去壳 一分 巴豆半分 用麸<sup>③</sup>炒令紫，去壳，别研 麝香一钱 研 黄连去须，炒。一分半 虾蟆一枚。酒浸，炙令黄紫色，去骨

上一十一味，先研巴豆令细，次用猪胆一枚取汁，同研令匀，旋入其余药末，搜和为丸。如未就，更用少软饭，再研得所，丸如麻子大。每三岁以下者一丸，五岁两丸，十岁三丸，食后用熟水下，日三服。如风热，大便涩，用葱汤下五丸至七丸，以通利

① 二十一：元刻本、文瑞楼本同，日本抄本作“二十”。

② 枚：元刻本、日本抄本同，文瑞楼本作“两”。

③ 麸：元刻本、文瑞楼本同，日本抄本作“面”。

为度。

治小儿，常服，杀疳虫，天浆子丸方

天浆子七枚，去壳 青黛研 乌蛇酒浸，去骨，炙熟 丹砂研 麝香研 各一分 葶苈隔纸炒过 龙脑研 雄黄研 膩粉各半分 白附子炮 独角仙去翅、足，炙，各一枚<sup>①</sup> 干蝎五枚。炒 蝉蜕十枚。去足 蟾酥一分

上一十四味，各捣研为末，用生猪胆为丸如黄米大。每服一粒，早晨、日晚各一服。

治小儿五疳，胡黄连丸方

胡黄连 蛤蚧酥炙 牛黄研 犀角屑 天麻 人参 肉豆蔻仁 大黄研细，炒。各半两 雄黄研如粉。一分

上九味，捣研为末，炼蜜为丸如麻子大，每服五丸，空心午后各一服，温水下。

治小儿诸疳，壮热，黄连丸方

黄连去须 黄檗去粗皮 甘草炙，剉 青橘皮去白，焙。各等分

上四味，捣罗为细末，研麝香少许，和匀，入猪胆内，用线系定，于石器内浆水煮五七沸，取出当风挂一宿，去胆皮，研熟，丸如绿豆大。每服五七丸，米饮下，渐加至十丸。

治小儿诸疳诸痢，食伤气胀，头大体羸，头发作穗，壮热，不食多困，齿烂鼻疮，丁奚潮热等疾，牛黄煎方

虾蟆一枚。去皮、骨、肠胃，炙焦，捣末，以无灰酒一盏，猪胆一枚取汁，同熬成膏 诃黎勒皮炮 使君子去壳 胡黄连 蝉蜕 无食子 卢会研 茺莢仁 熊胆研 夜明沙 丹砂研 雄黄研 木香各一分 肉豆蔻去壳，春夏半分，秋冬一分 牛黄研，二钱 麝香研。一钱 龙脑半钱

上一十七味，捣研十六味为末，入前膏，丸如麻子大 每服五七丸，米饮下。惊疳，金银薄荷汤下；干疳腹胀，桃仁蘘香汤

① 枚：元刻本、文瑞楼本同，日本抄本作“两”。



下；疳虫，东引石榴苦楝根汤下 此丸尤治疳痢 若挟热而痢者，不可服。

治小儿诸疳，肢体羸弱，脏腑虚滑，不思乳食，三和丸方  
胡黄连一两 木香半两 麝香研。一钱

上三味，捣研为细末，面糊和丸如麻子大 一二岁每服十丸，温粥饮下，日三。

## 卷第一百七十四

### 小儿门

小儿伤寒 小儿中风 小儿发黄 小儿疟 小儿水气肿满  
小儿心痛

### 小儿门

#### 小儿伤寒

论曰：小儿伤寒之病，有冬时冒犯严寒而得之者，有伤四时非节之气而得之者。所感虽不同，然皆名伤寒，大率与大人伤寒证状无异，惟用药分剂差少尔。治法兼见伤寒门中。

治小儿伤寒，身热头痛，咳嗽喘鸣鼻干，不得卧，**十味汤方**

前胡去芦头 柴胡去苗 人参 甘草炙，剉 独活去芦头 桔梗炒 赤茯苓去黑皮 枳壳去瓤，麸炒 芎藭 羌活去芦头。各半两

上一十味，粗捣筛。每二钱匕，水一盏，入生姜二片，大枣二枚，擘破，同煎至七分，去滓，分温三服。

治小儿伤寒，头痛肌热，喘粗，**白术汤方**

白术 人参 麻黄去根节 甘草炙，剉 葛根剉 藿香去梗 桔梗炒。各半两

上七味，粗捣筛。每服一钱匕，水半盏，煎至三分，去滓，不计时候温服。

治小儿伤寒，外证身热脉浮，**人参汤方**

人参 麻黄去根节 赤茯苓去黑皮 白术 干葛剉 甘草炙。各半两

上六味，粗捣筛。每二钱匕，水一小盏，入葱白少许，同煎至六分，去滓，分温二服。

治小儿伤寒，嗽啞喘粗，肌热，烦躁作渴，**茯苓汤方**

白茯苓一两 乌梅肉半两。微炒 干木瓜一两

上三味，捣筛为粗末 每服一钱匕，以水一小盏，入生姜钱子一片，煎至五分，去滓温服，不计时候 量儿大小加减。

治小儿伤寒，壮热头痛烦渴，**栝楼根散方**

栝楼根半两 苦参一分。剉 人参一分。去芦头 寒水石半两 甘草一分。炙微赤，剉 石膏半两

上六味，捣筛为粗散 每服一钱匕，以水一小盏，煎至五分，去滓，不计时候温服。量儿大小，以意加减。

治小儿伤寒，四肢烦热，心躁口干多渴，**葛根散方**

葛根半两 剉 麻黄半两 去根节 人参半两 去芦头 甘草一分。炙微赤，剉 桂心一分

上五味，捣罗为粗散。每服大<sup>1</sup>一钱匕，以水一小盏，入生姜钱子一片，枣一枚，擘，去核，煎至三分，去滓温服，不拘时。

治小儿伤寒，头痛肌热，喘粗嗽哑，**石膏汤方**

石膏碎。一钱 白术半两 麻黄去根节 桔梗炒 甘草炙 水萍暴干 杏仁汤浸，去皮尖、双仁，炒。各一分

上七味，粗捣筛。每服一钱匕，水半盏，葱白少许，煎至三分，去滓温服，不拘时候。

治小儿伤寒体热，面赤口干，或咳嗽，**黄芩汤方**

黄芩去黑心 二<sup>2</sup>两 麻黄去根节 一两 桂去粗皮 甘草炙 石膏碎 芍药各半两 杏仁十枚。汤去皮尖、双仁，炒

上七味，粗捣筛。每服一钱匕，水半盏，生姜三片，煎至三分，去滓，量儿大小加减。

治小儿伤寒，**四物汤方**

芍药 黄芩去黑心 升麻 葛根各半两

上四味，粗捣筛 每服一钱匕，水半盏，煎取三分，去滓温

1 大：元刻本、文瑞楼本同，日本抄本无。

2 二：元刻本、文瑞楼本同，日本抄本作“三”



服。量儿大小，以意加减。

### 治小儿四五岁，伤寒取汗，射干汤方

射干 甘草炙，剉 升麻 芍药 石膏捣研 各半<sup>①</sup>两 杏仁二十枚 汤退去皮尖、双仁，麸炒 麻黄去根节 三分 桂去粗皮，一分

上八味，粗捣筛。每服一钱匕，水一小盏，煎至五分，去滓温服，后以衣盖覆出汗，更量儿大小加减。

### 治小儿伤寒，葛根饮方

葛根汁 淡竹沥各三合

上二味相和，煎三五沸。二三岁儿分三服，百日儿斟酌服之。

### 治小儿伤寒，胃气不和，解肌，苍术散方

苍术 厚朴去粗皮，生姜汁炙，剉 陈橘皮汤浸，去白，焙 各一两 干姜炮。三分 甘草炙。半两

上五味，捣罗为散。每服一钱匕，水一小盏，入生姜、大枣各少许，同煎至六分，热服。

## 小儿中风

论曰：风者百病之长，善行而数变。小儿气血未定，肌肉脆弱，腠理虚疏，为邪风所中。以春甲乙得之，则中于肝；以夏丙丁得之，则中于心；以季夏戊己得之，则中于脾；以秋庚辛得之，则中于肺；以冬壬癸得之，则中于肾。各随其腑脏之俞所中，则为脏腑之风。或客于皮肤肌肉荣卫，或留于筋膜骨髓，随其变化，为病不一，各有间甚之状。大率与大人所得证候皆同，特小儿之治，分剂多寡差殊，宜消息以调之。

### 治小儿卒中风，状如欲绝，增损续命长理石汤方

长理石碎 石膏碎 赤石脂碎 白石脂碎 滑石碎 桂去粗皮 大黄剉，炒令香 麻黄去根节，先煎，掠去沫，焙 防风去叉 牡蛎烧，碎 龙骨碎 栝楼根剉 各半两 甘草炙，一两 寒

① 半：元刻本、文瑞楼本同，日本抄本作“二”。

水石一分

上一十四味，粗捣筛。一二岁儿，每服一钱匕，水半盏，煎至三分，去滓温服。服后汗出，以粉傅之。若有热者，增大黄；不汗者，加麻黄；无寒水石，以朴消代之。日三服，量儿大小，加减服之。

治小儿卒中风恶毒及久风四肢不随，并瘫痪不能行步，续命汤方

麻黄去根节，先煎，掠去沫，焙。二两 甘草炙。半两 黄芩去黑心。一两 石膏一分 芍药半两 桂去粗皮。半两 杏仁十枚，汤退去皮尖、双仁，麸炒令熟 葛根剉。半两 升麻半两 当归切，焙。半两 独活去芦头。半两 人参一分

上一十二味，粗捣筛。三四岁儿，每服一钱匕，水七分，煎至四分，去滓，连夜三四服。量儿大小，加减服之。汗出，以粉傅之，避风。

治小儿风痲不能语，口眼喎斜，四肢不随，石膏汤方

石膏碎。一两 麻黄去根节，先煎，掠去沫，焙。一两 甘草炙。半两 射干半两 桂去粗皮。半两 芍药半两 细辛去苗叶。一分 当归切，焙。半两

上八味，粗捣筛。一二岁儿，每服一钱匕，水半盏，煎至三分，去滓温服，日三。量儿大小加减服。

治小儿中风，手足拘急，石膏汤方

石膏研。三分 真珠末水飞过。一两

上二味，同研匀细为末。三四岁儿，每服一钱匕，水七分，煎至四分，去滓温服，日三。量儿大小，以意加减。

治小儿中风，筋脉拘急，或手足瘳痲等，羌活散方

羌活去芦头。三分 芍药三分 防风去叉。三分 天麻半两 白附子一分 麻黄去根节，先煎，掠去沫，焙。半两 当归炙干，切，焙。三分 甘草炙。一两

上八味，捣罗为散。一二岁儿，每服半钱匕，乳汁调服；三四岁儿服一钱匕，日三服。如无乳，熟水调服亦得。量儿大小，

加减服之。乳母亦用暖酒调下一钱匕。

治小儿新生，肌肤嫩弱，喜为风邪所中，身体热，或中大风，手足惊掣，**甘草摩膏方**

甘草炙 防风去叉。各一两 白术 桔梗各三分 雷丸二两半  
上五味，捣罗为粗末，用不入水猪脂一斤，锅内火上先炼过，去滓，入诸药末，更煎令成膏，新绵滤去滓，入瓷合内贮之。每用特取少许炙手，以膏摩之，百度效。小儿无病，每日以膏摩肉上及手足心良，辟风寒也。

治小儿中风，**蓖麻散方**

蓖麻子二十枚、去皮，别研 天浆子去壳。一十枚 生蝎三十枚 石榴一枚 取却石榴子及七分，盛三味药在内，作泥装固济，烧令通赤，候药香气出即熟，取出打破装，便捣罗为末，入后药三味 天南星 半夏 白附子各一分半

上七味，将后药三味，并生用捣罗为散，与前药相和，研令匀。酒调下一字，重者不过两服。

治小儿汗出中风，一日之时，儿头颈腰背热，二日即腹热，手足不屈，宜服**慎火草散方**

慎火草干者，半两 量天草是也 丹参 麻黄去根节，先煎，掠去沫，焙 白术各一分

上四味，捣罗为散。二岁儿，每服半钱匕，浆水调服；三四岁儿，服一钱匕，日三服。量儿大小加减。

治新生小儿中风，**麝香散方**

麝香细研。一分 驴髻头毛手大指大一把

上二味，以乳汁和驴毛，令得所，于铜器中微火炒令焦，取出，与麝香同研令如粉。每服一字，乳汁调下，连夜三服。

治小儿中风，口眼牵急，**丹砂丸方**

丹砂研 干蝎去足，微炒 白僵蚕微炒 天南星炮裂。各半两 白附子一分

上五味，捣罗四味为末，入丹砂研令匀，面糊和丸如绿豆大。一岁儿服一丸，薄荷汤下。



治小儿中风，四肢拘挛，心神烦乱，不得睡卧，独活汤方

独活去芦头。一分 黄耆剉。一两 防风去叉。三分 白鲜皮三分 茯神去木。一两 羚羊角屑。三分 桂去粗皮。半两 酸枣仁一两 甘草炙。半两

上九味，粗捣筛 每服一钱匕，水七分，煎至四分，去滓，量儿大小，以意加减服之。

治小儿中风，口眼喎斜，发歇不定，神识昏昧，紫金丹方

草乌头一分。炭火内烧存性 天南星一分。炭火内烧存一半性 丹砂研。三钱 蜈蚣一条，去足全者 炙 白花蛇生，取肉，焙干 蝎梢炒 牛黄研 麝香研 乳香盏子内榨过，研 各一钱

上九味，先将五味捣罗为细末，入研者药合研匀，用酒煮面糊，和丸如麻子黍米大。量儿大小，每服三丸至五丸，煎桃符汤下。急惊风，研服。

治小儿中风痉，身背强直，牙关紧急，螳螂丸方

螳螂一枚，大者。去翅、足，炒干 棘刚子去皮。三十枚 乌头炮裂，去皮脐。二枚 天南星中者。炮。一枚 防风去叉 一分 细辛去苗叶 一钱 干蝎炒 一钱 白附子大者 一枚 丹砂研。一分 麝香研。半钱

上一十味，捣研为细末，用石脑油为丸如绿豆大，每服一丸至二丸，薄荷水化下，不计时候，如小儿目睛上视，口噤不开，用醋化一丸，灌入鼻中，男左女右灌之。

治小儿中风痉，颈项强直，及风痫潮发，牛黄丸方

牛黄研 丹砂研 天竺黄研 蝎梢 白僵蚕 天南星 白附子 各一分

上七味，并生用，捣研令细，炼蜜丸如梧桐子大。每服金银薄荷汤，化下一丸至二丸服之。

治小儿中风天疔，惊邪风痫，白僵蚕丸方

白僵蚕炒 一两 干蝎炒 一分 白附子炮。一两 天南星炮

① 二：元刻本、文瑞楼本同，日本抄本作“五”。

裂。半两 乌蛇酒炙令香熟，去骨。半两

上五味，捣罗为末，粳米饭为丸如麻子大。一二岁儿，每服三丸，以温酒下，连夜三服。随儿岁数，以意加减服之。

### 小儿发黄

论曰：小儿瘀热在胃，或湿热相搏，熏散肌肉，其证目黄，身或疼痛，肌肉如橘色。或得之伤寒，或得之时气，或得之风温。皆脾胃气虚，邪热与谷气相搏所为也。利其小便则愈。又小儿百日以上，非因伤寒温病，身体微黄者，此由将息过度，胃热所致，慎不可灸。唯宜薄衣裳，兼粉之，自愈。其证不可不辨。

#### 治小儿发黄，升麻汤方

升麻 黄芩去黑心 山茵陈 柴胡去苗 瓜蒂 知母焙 蓝叶各一两 山梔子仁一两一分 大黄剉，炒 石膏捣碎。各一两半 甘草炙 芍药各半两 羚羊角镑。三分

上一十三味，粗捣筛。三四岁儿，每服一钱匕，水七分，煎至四分，去滓温服，早晨、午后、近夜各一服。量大小加减。

#### 治小儿黄病，山茵陈丸方

山茵陈半两 山梔子仁 秦艽去苗、土 大黄剉，炒。各三分 朴消研 郁李仁汤去皮，别研。各一两

上六味，除郁李仁外，捣罗为末，与郁李仁和匀，炼蜜和丸如绿豆大。每服温水下三丸至五丸，日再服。量儿大小，以意加减。

#### 治小儿发黄，桑白皮汤方

桑根白皮剉 麻黄去根节，汤煮，掠去沫 秦艽去苗、土。各一分 大黄剉，炒<sup>①</sup>。半两

上四味，粗捣筛。每一钱匕，水七分，牛乳一合，同煎至五分，去滓，分温食前，日三服。量儿大小加减。

#### 治小儿黄疸，身体、目睛、小便并黄，茵陈汤方

① 炒：元刻本、文瑞楼本同，日本抄本作“炙”

山茵陈一分 大黄剉，炒。半两 山梔子仁五枚

上三味，粗捣筛。五六岁儿，每一钱匕，水七分，煎至四分，入朴消半钱，更煎一两沸，去滓，分温日三服 量大小加减

治小儿天行发黄，心腹胀急，三黄汤方

大黄剉，炒 黄芩去黑心。各一两半 山梔子仁三分

上三味，粗捣筛。三四岁儿，每服一钱匕，水七分，煎至四分，去滓温服，取利为度。

治小儿黄病，青麦汁方

青麦自然汁

上一味，一二岁儿，取半鸡子壳，分二服；三四岁儿，取一鸡子壳，分二服，早晨、午后各一服。

治小儿忽发黄，面目、皮肉并黄，栝楼根饮方

生栝楼根

上一味，捣取汁二大合，蜜一大匙和匀，火暖，分三服。

治小儿黄病，土瓜根汁方

土瓜根汁

上一味，一二岁儿，取半鸡子壳，分二服；三四岁儿，取一鸡子壳，分二服，早晨、晚后各一。

治小儿身目俱黄，秦艽汤方

秦艽三分

上一味，粗捣筛。每一钱匕，入牛乳一合，同煎至五分，去滓，分温日三服。量儿大小加减。

治小儿诸黄，瓜蒂散方

瓜蒂一十四枚 小豆二十粒 糯米四十粒

上三味，捣罗为散。吹少许入鼻中即差。

治小儿黄病，韭根汁方

韭根汁

上一味，滴少许入鼻中，出黄水即差。

治小儿胃热，身体微黄，除热粉方

寒水石碎 芒消 滑石碎 石膏碎 赤石脂碎 木香 大黄



到 甘草到 黄芩去黑心 防风去叉 芍药 麻黄根等分

上一十二味，捣罗为末。以蛤粉一升，药末三合，相和再筛，粉儿，日三。

### 小儿疟

论曰：夏伤于暑，秋成疟疟。小儿血气壅盛，内挟实热，因犯暑邪，客于皮肤分肉之间，至秋为风冷所折，阳盛于外，阴长于内，阴阳相搏，发而成疟。先寒后热者，寒疟也；先热后寒者，温疟也；热而不寒者，瘧疟也。若汗出过多，亡阳而渴，当节其饮。多饮而小便涩，则变为饮癖矣。

治小儿疟，发作不定，多渴心烦，乌梅汤方

乌梅肉炒 常山各半两 甘草炙。三分

上三味，粗捣筛，每服一钱匕，水一盞，入竹叶五片，小麦三十粒，同煎至四分，去滓温服。量儿大小加减，不拘时候。

治小儿温疟，常山汤方

常山 淡竹叶各一两 小麦一合

上三味，粗捣筛。分为四剂，每剂以水二盞，煎至一盞，去滓，分温三服，一日令尽，以差为度，更量儿大小加减。

治小儿诸疟，大青汤方

大青 鳖甲醋炙，去裙襕 赤芍药各半两 当归切，焙 茵陈蒿 麻黄去节，煎，去沫，焙 猪苓去黑皮。各一分

上七味，粗捣筛。每服半钱匕，水半盞，煎至三分，去滓温服，日三，更量儿大小加减。

治小儿疟疾，身体壮热增寒，发作有时，当归汤方

当归切，焙 赤芍药 鳖甲醋炙，去裙襕 柴胡去苗 大黄到，炒 甘草炙。各一分 桃仁去皮尖、双仁，麸炒。半两

上七味，粗捣筛。五六岁儿，每服半钱匕，水半盞，煎至三分，去滓温服，日三，更量儿大小加减。

治小儿疟，大黄汤方

大黄剉，炒 常山各一分 桂去粗皮 甘草生。各半两

上四味，粗捣筛。三四岁儿，每服半钱匕，以水半盏，煎至三分，去滓，未发前温服，吐利为效，更量儿大小加减。

治小儿疟疾，升麻汤方

升麻 常山 蜀漆 大黄剉，炒 萎蕤 黄芩去黑心 桂去粗皮。各一分 芒消一两

上八味，粗捣筛。五六岁儿，每服半钱匕，水半盏，煎至三分，去滓，发时温服，吐利为效，更量儿大小加减。

治小儿疟，癖实壮热，头痛欲吐，甘草汤方

甘草炙 常山各一两

上二味，粗捣筛。三四岁儿，每服半钱匕，水半盏，入竹叶十片，同煎至三分，去滓温服，更量儿大小加减，得吐即止。

治小儿疟，发寒热，腹胀下痢，呕逆黄瘦，柴胡汤方

柴胡去苗，一分 枳壳去瓤，麸炒。二<sup>①</sup>枚 诃黎勒大者，一颗。煨，取皮用 黄芩去黑心 甘草炙，剉 芍药 知母焙。各半两

上七味，粗捣筛。每服一钱匕，水七分，煎至四分，去滓温服。

治小儿诸疟，蛇蛻散方

蛇蛻烧灰

上一味，研细。每服半钱或一钱匕，冷水调下。

又方

鹿角镑。一两

上一味，粗捣筛。每服一钱匕，未发时，水半盏，煎至三分，去滓温服，更量大小加减。

## 小儿水气肿满

论曰：肾者，胃之关，开窍于二阴。水谷入胃，输于下焦，

① 二：元刻本、文瑞楼本同，日本抄本作“一”。

机关在肾 小儿脾肾稟受不足者，关闭不利，水液不能下输，致水聚于胃而生诸病 上不胜水，水液妄行，乘于肌肉，流溢皮肤，故为肿满。然有水肿，有风肿。皮薄如熟李者，水肿也；虚肿如吹者，风肿也。治各有法，宜依证调之。

治小儿水肿腹大，诸疗不差，泽漆丸方

泽漆叶 葶苈纸上炒，各半两 甘遂炒 黄芩去黑心 郁李仁汤浸，去皮尖，炒，研 芍药 猪苓去黑皮 杏仁汤浸，去皮尖、双仁，炒，研 车前子各三分 鳖甲去裙襕，醋炙 柴胡去苗 各半两

上一十一味，捣研为末，炼蜜和捣三五百杵，丸如绿豆大 五六岁儿，每服五丸，温水下，更看儿大小增减

治小儿肿满结实，诸治不差，甘遂丸方

甘遂炒 葶苈纸上炒 车前子 猪苓去黑皮 杏仁汤浸，去皮尖、双仁，炒，研 芍药各三分 泽漆叶 黄芩去黑心 鳖甲去裙襕，醋炙。各半两

上九味，捣研为末，炼蜜和丸如绿豆大。五六岁儿，每服五丸，竹叶汤下，以利为度，更量儿大小增减。

治小儿肿满，枸皮汤方

枸木白皮切，五合 即楮也 赤小豆四合 赤茯苓去黑皮 一两半

上三味，咬咀如麻豆大 五六岁儿，每服一钱匕，水七分，煎至四分，去滓温服，日再，更量儿大小增减

治小儿通体肿满，腹胀气喘，郁李仁汤方

郁李仁汤浸，去皮尖，炒，捣研 大黄煨，剉 柴胡去苗 各一两半 芍药 猪苓去黑心 泽泻各一两 赤茯苓去黑皮 黄芩去黑心 各一两一分 麻黄去根节 一分 升麻 杏仁汤浸，去皮尖、双仁，炒，研 鳖甲去裙襕，醋炙。各三分

上一十二味，粗捣筛 五六岁儿，每用二钱匕，水一盞，煎至五分，去滓，分温二服，日再，以利为度，更量儿大小增减。

治小儿水气肿满，猪苓汤方



猪苓去黑皮 海蛤 防己 白术 葶苈子纸上炒 朴消各一分 桑根白皮剉 赤茯苓去黑皮。各半两

上八味，粗捣筛，五六岁儿，每服一字<sup>①</sup>钱匕，水七分，煎至四分，去滓温服，日再，以差为度，更量儿大小增减

### 治小儿水气，甘遂散方

甘遂炒 大黄剉，炒 牵牛子炒，各三分 葶苈纸上炒，一分 槟榔煨，剉。半两

上五味，捣罗为散，每服一字匕，熟水调下，以利为度，更量儿大小增减。

### 治小儿肿满，服药不退，葶苈煎方

葶苈纸上炒 三分 防己一两半 泽漆叶 郁李仁去皮尖，炒 各一两一分 赤茯苓去黑皮 泽泻 杏仁汤浸，去皮尖、双仁，炒，研如膏。各三两 柴胡去苗。二两

上八味，将七味粗捣筛，以水一斗，煎至二升半，去滓，入杏仁膏及白蜜一斤，慢火煎如稀饧，二岁儿，每服半钱匕，温水调下，渐加之，更随儿大小加减。

### 治小儿水气，槟榔散方

槟榔煨熟，剉 大黄剉，炒 各三分 葶苈纸上炒 牵牛子炒 各半两

上四味，捣罗为散，三四岁儿，每服半钱匕，熟水调下，以利为效，更随儿大小增减。

## 小儿心痛

论曰：经言心无正痛，真心痛即难治。小儿心痛者，心包络脉受邪也。包络者，心之别脉，邪气客之，则厥气上逆，痞而不散，故发为心痛。

### 治小儿冷邪气攻心痛，不欲饮食，桃仁汤方

桃仁三七枚。汤浸，去皮尖、双仁，炒黄 厚朴去粗皮，生姜

① 一：元刻本、文瑞楼本同，日本抄本作“二”。

汁炙 一两 人参半两 陈橘皮汤浸，去白，焙 一分 麦蘖微炒半两 槟榔剉 半两 附子炮裂，去皮脐 桂去粗皮 当归切，焙，各一两

上九味，粗捣筛 一二岁儿，每服半钱匕，水半盏，煎至三分，去滓，不计时候温服，更量大小加减。

#### 治小儿冷气心痛，不思饮食，槟榔散方

槟榔剉 三分 当归切，焙 一两 蓬莪菹煨，剉 三分 吴茱萸汤洗，焙干，微炒 一分 阿魏一分 面裹，煨令面熟为度，去面 木香三分

上六味，捣罗为细散 一二岁儿，每服半钱匕，温酒调下，不计时候。

#### 治小儿心疼不可忍，茱拔散方

茱拔一分 胡椒一分 桂去粗皮 一分 桃仁汤浸，去皮尖、双仁，炒黄 半两 木香半两 当归切，焙 三分

上六味，捣罗为细散 一二岁儿，每服半钱匕，温酒调下，不计时候

#### 治小儿心痛，面色青黄，不欲饮食，麝香丸方

麝香细研 一分 槟榔剉 陈橘皮汤浸，去白，焙 肉豆蔻去壳 吴茱萸汤洗，焙干，炒 木香各一两

上六味，先将茱萸以米醋煮一二沸后，掘一地坑子，可安得茱萸，以炭火半秤，烧坑子令通赤，以米醋半盏及茱萸入在坑内，用瓷碗盖之，四面以灰拥定，勿令泄气，候冷取出，与前药一处捣罗为末，入麝香和匀，醋煮面糊和丸如黄米大 一二岁儿每服五丸，三四岁七丸，温酒下，不拘时候。

#### 治小儿心痛不可忍，桃仁汤方

桃仁去皮尖、双仁，麸炒，研 赤芍药 桔梗炒 桂去粗皮 甘草炙 各半两

上五味，捣罗四味为末，与桃仁同研匀。每服一钱匕，水一盞，煎至半盞，去滓温服。量儿大小加减，不拘时候。

#### 治小儿心痛，木香汤方

木香 高良姜炒 各一分 白术 桔梗炒 白茯苓去黑皮 各半两

上五味，粗捣筛。一二岁儿，每一钱匕，水一盏，煎至五分，去滓，分温二服，发时并吃，更量儿大小加減。

### 治小儿心痛，紫沉消积丸方

沉香剉 硃砂各四两 阿魏 巴豆霜各一两 以上各研，别为末，用蜜一斤，酒化，熬成膏 丹砂研 丁香 干姜炮。各二两 硫黄研 青橘皮汤浸，去白，焙 高良姜 槟榔剉 木香 人参 胡椒 桂去粗皮。各四<sup>①</sup>两

上一十五味，除前膏外，一十一味捣研为细末，入前膏和捣，丸如绿豆大，以瓷合收，密封。每服二丸，食前橘皮汤下，更量度加減。

### 治小儿积气冷气心痛，硃砂丸方

硃砂二钱 干漆微炒 五灵脂 胡椒 桂去粗皮 京三棱炮，剉 蓬莪茂炮。各一两 巴豆二十一枚，去心、皮、膜，醋煮，令出油，研 斑猫二十一枚。去翅、足，炒

上九味，捣罗为末，研令匀，醋煮面糊和丸如黄米大。一二岁儿每服五丸，三四岁儿每服七丸，橘皮汤下，余以意加減。

### 治小儿呕逆，心腹疼痛，化水谷，消积聚，沉香煎丸方

沉香剉 丁香 木香 胡椒 没药研 丹砂研，水飞 高良姜 槟榔面裹煨熟，去面，剉 硃砂拣净，水飞，慢火熬干 青橘皮汤浸，去白，焙 硫黄研，水飞。各一两 缩砂去皮 吴茱萸汤浸，焙干 阿魏醋浸，研，澄去沙，和面作饼子，炙焦，各半两 巴豆去皮、心、膜，研出油尽。一分

上一十五味，各捣研为末，和匀，炼蜜丸如绿豆大，以瓷合收，密封。每服二丸，食前临卧，生姜橘皮汤下。量虚实大小加減。

### 治小儿心痛，胡椒丸方

① 四：元刻本、文瑞楼本同，日本抄本作“一”



胡椒四十九粒 槟榔一枚。剉 斑猫七枚。去翅、足

上三味，捣罗为细末，烧粟米饭为丸黄米大。一二岁儿每服三丸，三岁已上五丸，煎菖蒲汤下。

治小儿心痛，姜黄散方

姜黄 槟榔剉

上二味，等分，捣罗为散。温酒调下，一二岁儿，每服半钱匕已下，余以意加减。

治小儿蛔虫攻，心腹痛，楝根汤方

楝根皮有子者 酸石榴根 槐根各一握。切碎，用东引者

上三味，以水三盏，煎取一盏，去滓，空心顿服，以药盏合之，即泻虫出，仰之即吐虫出，神验。儿小分减服。

治小儿疳虫咬，心痛不时，日夜不睡，人参汤方

人参 桂去粗皮 桃柳枝剉，焙 狼牙 乳香研 青橘皮去白，焙，炒 吴茱萸汤浸，焙，炒 各一分 古老钱四文 火烧，醋淬

上八味，粗捣筛。每服一钱匕，水六分，煎至四分，去滓温服。量儿大小加减。

# 卷第一百七十五

## 小儿门

小儿宿食不消 小儿腹胀 小儿哺露 小儿丁奚腹大  
小儿脾胃气不和不能饮食 小儿咳嗽

## 小儿门

### 小儿宿食不消

论曰：小儿肠胃嫩弱，饮食易伤。若将养失宜，乳哺不节，致脾胃不能传化水谷之气，故令乳食宿夕停滞不消。其候腹满壮热，眠寐不安，诊其三部脉俱沉者，乳不消也。

治小儿宿食不消，体热多眠，呕哕气上，消谷丸方

陈曲炒 木香 人参 干姜炮 麝香研 甘草炙，剉 枳壳麸炒，去瓢

上七味，各等分，捣研为细末，炼蜜为丸如黄米大。每服二十丸，温米饮下。

治小儿宿食不消，心腹胀满，呕吐壮热，木香化滞丸方

木香 京三棱炮 青橘皮去白 各一两 补骨脂二两 炒 黑牵牛四两。炒令黑，罗取面。二两

上五味，捣罗为末，滴水为丸如黄米大。每服二十丸，温水下，不计时候。

治小儿宿食不消，腹痛惊啼，牛黄丸方

牛黄研 杏仁去皮尖、双仁，麸炒，研。各一分 巴豆去皮、心，出油尽，研 真珠末研。各一两 附子炮裂，去皮脐。半两

上五味，各捣研和匀，炼蜜丸如麻子大。三四岁儿，空心温熟水下两丸，日晚再服，更量儿大小加减。

治小儿惊热腹胀，宿食不消，积年瘦弱，代赭丸方

代赭捣研，一两 丹砂别研 麝香别研 犀角镑，各一分 大

黄芩，炒 牛黄研 各三分 当归切，焙 鳖甲酥炙，去裙襕 巴豆去皮、心，出尽油，别研 枳壳去瓢，麸炒。各半两

上一十味，捣罗九味为散，入巴豆再同研匀，炼蜜和捣一二百杵，丸如麻子大 二三岁儿，空腹熟水下二丸；四五岁儿已上，量大小加之。

治小儿不生肌肤，腹大，食不消化，**芍药丸方**

芍药 大黄剉，炒 各一两一分 桂去粗皮 赤茯苓去黑皮，各三分 柴胡去苗。一两

上五味，捣罗为末，炼蜜和捣三二百杵，丸如麻子大，五六岁儿，空腹米饮下三丸，日晚再服。量儿大小加减。

治小儿宿食不消，心腹胀满，止痰逆，利胸膈，进乳食，**犀角丸方**

犀角镑 青橘皮去白，焙 京三棱炮，剉 木香各半两 巴豆去心、膜，出油尽，取霜，抄半钱<sup>①</sup> 皂荚三挺，不蛀，大者。剉，炭火内烧，烟绝为度，净水内蘸，去火毒 黑牵牛炒。二两

上七味，捣六味为细末，与巴豆研匀，面糊丸如麻子大。每服七丸至十丸，食后生姜橘皮汤下。量儿大小加减。

治小儿乳食不消，**紫霜丸方**

代赭二两。捣末 杏仁去皮尖、双仁，炒，研。一钱一字 巴豆七枚。去皮、心、膜，出油尽，研

上三味，再研匀细，水浸炊饼和丸如黄米大。每服三丸，温米饮下。量儿大小加减。

治小儿宿滞不消，止吐逆，利关膈，温脾胃，进乳食，定心腹痛，**小丁香丸方**

丁香四十九枚 肉豆蔻大者，一枚。去壳 五灵脂不夹石者。二钱 木香一钱半 巴豆去皮、膜，研出尽油为霜。抄一字

上五味，将前四味捣为细末，后入巴豆霜令匀，滴水丸如芥子大。每服量儿大小加减，五七丸至十丸，煎桃叶汤下，不拘时。

① 钱：元刻本、文瑞楼本同，日本抄本作“两”。



治小儿乳食不化，腹急气逆，顺气丸方

巴豆十粒。去皮，分作二十片 胡椒二十粒 丁香二十粒 青橘皮二十枚，全者。汤浸，去白，每枚入巴豆半粒，胡椒、丁香各一粒，用线缠之

上四味，用米醋一升煮，俟醋尽取出，焙干为末，烂饭丸如粟米大。每服二丸，米饮下，更量儿大小加减。

治小儿胃虚，宿食不消，人参汤方

人参 赤茯苓去黑皮 白术 半夏各半两 汤浸过，生姜汁炒干 甘草炙。一分

上五味，粗捣筛。每服二钱匕，水一盏，生姜二片，煎至五分，去滓温服，不计时候，日三。量儿大小加减。

治小儿脾胃气弱，乳食迟化，宿昔成积，久而不消，香朴散方

厚朴去粗皮，生姜汁炙，剉。一两 木香 麦蘖炒 陈曲炒 青橘皮去白，焙 陈橘皮去白，焙。各一分

上六味，捣罗为细散。每服半钱匕，汤调下。

## 小儿腹胀

论曰：小儿腑脏怯弱，气血未定，风冷客之，搏于正气，升降不调，故令儿心腹胀满，遇胃气虚则食不消，肠虚则为注泄矣。

治小儿腹虚胀，脾气不调，理中茯苓汤方

赤茯苓去黑皮 犀角镑 赤石脂 黄连去须 龙骨 厚朴去粗皮，生姜汁炙 陈橘皮汤去白，焙 人参 干姜炮，各一两 桂去粗皮 甘草炙。各二两

上一十一味，粗捣筛。五六岁儿，每服一钱匕，水一盏，煎至四分，去滓温服，量儿大小加减。一方，去龙骨，加麦门冬一两。

治小儿腹胀虚热，不能食，白术汤方

白术 人参 甘草炙 枳壳去瓤，麸炒 当归切，焙。各一两 牡蛎熬。半两

上六味，粗捣筛。一二岁儿，每一钱匕，水七分，煎至四分，去滓，分温二服，更量儿大小加减。

**治小儿胸膈痞塞，心腹胀满，木香丸方**

木香二两 黑牵牛二十四<sup>①</sup>两，炒香，别捣取末一十二两 补骨脂炒 芫澄茄 槟榔酸粟米饭裹湿纸煨熟，去饭 各四两

上五味，捣四味为末，与牵牛末和匀，渐滴清水和丸如绿豆大。每服三丸或五丸，食后茶汤熟水任下，更量儿加减。

**治小儿心腹胀满，下利，干呕不止，人参汤方**

人参 陈橘皮去白，焙。各一分 甘草炙。半两

上三味，粗捣筛。五六岁儿，每服一钱匕，水七分，生姜二片，煎至四分，去滓温服，日再，更量儿大小加减。

**治小儿腹胀，通气散方**

青橘皮汤去白，焙 木香 槟榔各一分

上三味，细剉，用巴豆三十粒，同炒令赤色为度，不用巴豆，只捣三味为细散。每服半钱匕，煎紫苏木瓜汤调下，更量儿大小加减。

**治小儿腹胀，胡椒丸方**

胡椒 蝎梢炒 甘遂炒

上三味，等分，捣罗为末，用烧饭丸如黍米大。每服二丸，陈米饮下，乳食前服，并理脾积气，更量儿大小加减。

**治小儿心腹气胀，喘粗不下食，款气汤方**

牵牛子炒熟。一两 马兜铃一两 木香半两

上三味，粗捣筛。每服一钱匕，水七分，煎至四分，去滓温服，更量儿大小加减，不拘时候。

**治小儿腹胀，消气丸方**

续随子去壳，研 胡椒各五十粒 丁香二十一枚 木香一钱 蝎梢十四枚。炒 阿魏一字。研

上六味，捣罗四味为末，入研药合研匀，烧粟米饭丸如麻子

① 二十四：元刻本、文瑞楼本同，日本抄本作“三十四”。

大，淡醋汤下五丸至七丸。

治小儿胃虚腹胀，豆蔻散方

肉豆蔻一枚。去壳 青橘皮汤去白，焙。半分 木香一分 陈粟米一合

上四味，将陈粟米同巴豆三七枚炒，巴豆每枚刺作窍子，候色焦，去巴豆不用，将粟米并余药为细散。每服半钱匕，生姜汤下，更量儿大小加减。

治小儿发歇寒热，心腹胀满，调中丸方

人参 赤茯苓去黑皮。各一两 桂去粗皮。三<sup>①</sup>分 柴胡去苗 大黄剉，炒。各二<sup>②</sup>两 枳壳麸炒，去瓢 木香各半两

上七味，细捣罗为末，炼蜜丸绿豆大 一<sup>③</sup>二岁，每服二丸至三丸，温熟水下，更量大小加减。

治小儿胃虚腹胀硬，橘红丸方

陈橘皮汤去白，焙 半两 胡椒 黑牵牛各一百粒<sup>③</sup> 巴豆三十粒。去皮，通前三味同炒令焦，去巴豆不用 木香一分

上五味，除巴豆外，为细末，用葱白汁丸绿豆大 每服三丸至五丸，菜菔子汤下，乳食后临卧服，更量儿大小加减。

治小儿腹胀硬，款气丸方

巴豆十五枚。灯上烧成灰，细研 丁香二钱 木香一分 麝香半钱

上四味，为细末，面糊丸粟米大。每服三丸，煎菜菔子汤下，乳食后服，更量儿大小加减。

治小儿腹胀，手足渐细，精神昏冒，不欲乳食，缩砂散方

缩砂仁 木香 丁香 牵牛炒，一半熟，一半生用。各一两 膩粉一分

上五味，捣罗为散。每服一字匕，酒调下。

治小儿气胀，胸膈腹满，丁香汤方

① 三：元刻本、文瑞楼本同，日本抄本作“二”。

② 二：元刻本、文瑞楼本同，日本抄本作“一”。

③ 一百粒：元刻本、文瑞楼本同，日本抄本作“一两”。



丁香 甘草炙 人参各一分

上三味，粗捣筛。周岁内儿，每服半钱匕，水半盏，煎至三分，去滓温服，日三；三四岁儿，渐加至一钱匕。

治小儿腹胀，冷气结块，疼痛，黄连饮方

黄连去须，炒。一两 人参 黄芩去黑心 当归炙，剉 桂去粗皮 高良姜各半两

上六味，细剉如麻豆大。每服一钱匕，以水七分，煎取四分，去滓温服。

治小儿腹胀欲死方

上取半夏不拘多少，汤洗去滑，炮熟，切。酒服如米粒大五块，一日三服。

又方

上捣薤根，以猪脂为膏，煎服之。

### 小儿哺露

论曰：哺露之病与伤饱丁奚之病本同，皆本于乳哺不调，伤于脾胃，致气血减损，不荣肌肉，故柴辟羸露，谓之哺露。甚则腑脏之气不宣，焮焮苦热，是其候也。

治小儿哺露，化肠胃食滞，疳气腹满，发热，破积丸方

木香一两 青橘皮汤浸，去白，焙。一两 桂去粗皮。一两 吴茱萸汤洗，焙干，炒。三两 硃砂醋熬成霜，研末。抄一钱匕 巴豆霜抄半钱匕

上六味，捣罗前四味为末，与硃砂、巴豆霜同拌研匀，醋煮面糊为丸如绿豆大。每服三丸，加至五丸，早晚食后临寝服，大便溏为度。量儿大小虚实，以意加减。

治小儿哺露伤饱，烦热羸瘦，鸡骨丸方

鸡骨煮熟黄雌鸡左右肋骨 一两<sup>①</sup> 炙黄 赤芍药半两 川大黄半两 剉，微炒 紫菀半两。洗去苗、土 赤茯苓半两 细辛一

① 一两：元刻本、文瑞楼本同，日本抄本作“一两半”。

分 黄芩一分 桂心一分 柴胡半两。去苗

上九味，捣罗为末，炼蜜丸如绿豆大。每服温水下五丸，早晚各一服。量儿大小加减。

治小儿哺露失衣，当风湿浴，腹大时痢，寒热如疟，不欲饮食，纵食难消化，四肢羸瘦，**人参黄耆丸方**

人参去芦头 黄耆剉 麦门冬去心，焙 半夏汤洗七遍，去滑 川大黄剉碎，微炒 白茯苓 柴胡去苗 黄芩已上各三分 诃黎勒一两。煨，用皮 甘草半两 炙微赤，剉 鳖甲一两 涂醋炙令黄，去裙襕 芎藭半两

上一十二味，捣罗为细末，炼蜜为丸麻子大。每服三丸，温粥饮下，五岁服五丸。量儿大小加减。

治小儿寒热久不解，仍不能食饮，若食不消，哺露坚痞大腹，下痢不止，**芍药丸方**

芍药三分 桂去粗皮。半两 柴胡去苗 大黄剉，炒。各一两 赤茯苓去黑皮 鳖甲去裙襕，醋炙。各半两

上六味，捣罗为末，炼蜜丸如麻子大。一岁已上，每服三丸，米饮下，早晨、日午、夜卧各一。

治小儿哺露，胁下痞坚，腹满虚胀，手足烦热，往来无时，**大黄丸方**

大黄剉，炒。二两 干姜炮。半两 人参二两 丹参去芦头 沙参 苦参 防风去叉。各一两 桂去粗皮。半两 玄参一两半 廑虫炙焦 八枚 附子炮裂，去脐皮 半两 白术 赤茯苓去黑皮，各一两 葶苈纸上炒 半两 杏仁去皮尖、双仁，麸炒，研 蜀椒去目并闭口者，炒出汗 各一分 巴豆十枚 去皮、膜，研出油尽

上一十七味，捣罗十五味为末，与巴豆、杏仁同研，炼蜜丸如麻子大。每服二丸至三丸，米饮下。量儿大小加减。

治小儿哺露，腹胀身热，下痢不止，**鳖甲丸方**

鳖甲去裙襕，醋炙 常山剉 肉苁蓉酒浸，切，焙，各一分<sup>1</sup>

上三味，捣罗为末，炼蜜丸如麻子大。一、二岁每服三丸，三五岁五丸，米饮下，空心午后各一服，更量儿大小加减。

治小儿哺露，腹胀体瘦，诃黎勒丸方

诃黎勒皮三分 肉豆蔻去壳，一枚 青黛研 麝香研 卢会研 熊胆研 丹砂研。各一分

上七味，捣研为末，和匀，酒煮粳米饭，丸如黍米大。每服三丸，粥饮下，日二，更量儿大小加减。

治小儿哺露，腹胀体瘦，代赭丸方

代赭研 赤石脂 丹砂研。各一分 巴豆十粒。去皮、心，研，纸压去油尽 杏仁二七粒。针穿灯上，燎作声为度

上五味，先别研细，再合研匀，烂饭丸如粟米大。每服一丸，乳汁或粥饮下，更量儿大小加减。

治小儿哺露，腹胀体瘦，槟榔丸方

槟榔剉 丹砂研 阿魏面裹煨，面熟为度，去面 代赭捣研 乳香研 木香 五灵脂 麝香研 肉豆蔻去壳 各一分 蟾头一枚。炙焦 巴豆七粒。去皮、心、膜，纸压去油尽，研

上一十一味，捣研为末，面糊丸如黍米大。每服二丸，温生姜汤下，更量儿大小加减。

### 小儿丁奚腹大

论曰：小儿病腹大、颈小、黄瘦者，名曰丁奚。此由哺食过度，脾胃气弱，不能消化，内成痼滞，故令津液减损，不能荣其气血，丰其肌体，久而不差，变谷坚之病。

治小儿骨中微热，腹内不调，食不为肌，或苦寒热，丁奚腹大，鸡骨丸方

雄鸡骨一具 炙黄 赤茯苓去黑皮 石膏捣末，研 芍药 大黄剉，炒 紫菀去苗、土 陈橘皮汤浸，去白，焙 矾石烧令汁尽，

1) 分：元刻本，文瑞楼本同，日本抄本作“两”。



研 细辛去苗叶 附子炮裂，去皮脐，各半两 黄芩去黑心 桂去粗皮 葶苈子炒，各三分

上一十三味，捣罗为末，炼蜜丸如麻子大，每服五丸，米饮下，早晨、日午、夜卧各一服，更量大小加减。

治小儿新生，客忤所中，惊痫发热，哺乳不消，中风掣缩，𦓐口<sup>①</sup>吐舌，卒注面青，目上摇，腹满丁奚，羸瘦胫交，三岁不能行，麝香紫霜丸方

麝香研 牛黄研 雄黄研 丹砂研，各一两 黄连去须 桂去粗皮 乌贼鱼骨各半两 特生礬石炼成者，一分 赤足蜈蚣半枚，炙 附子炮裂，去皮脐，一两 巴豆三十枚，去皮、心，绢袋贮灰汁煮半日，别捣如泥

上一十一味，并捣研为末，炼蜜和成剂，蜜器盛勿令泄气，每用旋丸 儿生十日至三十日，服如黍米大二丸，乳汁下；四十日至百日，服如麻子大三丸，米饮下，一岁至三岁，以意增之 儿虽小而宿实甚者，亦当增丸数。

治小儿丁奚坚癖，黄瘦发脱，代赭丸方

代赭碎 大黄剉，炒 丹砂研，各一两 鳖甲醋炙黄，去裙襕三分 芍药 木香 杏仁汤浸，去皮尖，炒黄，别捣如膏 知母焙 巴豆去皮、心，研，纸裹出油，七遍，各一<sup>②</sup>两

上九味，捣研为末，炼蜜为丸，百日儿，如绿豆大一丸；二百日儿，二丸；二岁儿三丸，米饮下，以溏利为度。

治小儿丁奚腹大，疳气羸瘦，黄连丸方

黄连去须 桂去粗皮 代赭碎，各一两 木香 杏仁汤浸，去皮尖、双仁，麸炒，别研 肉豆蔻去壳，各半两 丹砂研 麝香研各一分<sup>③</sup> 巴豆去皮、心、膜，出油尽，一钱。别研

上九味，捣研为末，令匀，炼蜜和丸如麻子大，每服粥饮下

① 𦓐(cù促)口：合口，撮口。𦓐，合拢。《释名·释天》：“风，充豫司冀横口合唇言之，风，泛也，其气博泛而动物也。青徐言风，𦓐口开唇推气言之。”

② 一：文瑞楼本同，元刻本、日本抄本作“半”

③ 分：元刻本、文瑞楼本同，日本抄本作“两”。

三丸。量儿大小加减服之。

治小儿食不生肌肉，丁奚腹大，饮食不消，**芍药丸方**

芍药炒 三两 大黄剉，炒 桂去粗皮 赤茯苓去黑皮 柴胡去苗。各二两

上五味，捣罗为末，炼蜜和丸。一岁儿，如麻子大二丸，煎蜜汤下，早晚各一服，更量儿大小加减。

治小儿丁奚腹大，羸瘦骨立，疳气，水谷不消，**诃黎勒丸方**

诃黎勒煨，去核。三分 肉豆蔻一枚。去壳 青黛研 麝香研 卢会研 熊胆研 丹砂研。各一分

上七味，捣研为末，粟米饭和丸如黍粒大。每服七丸，粥饮下，日二服。量儿大小增减。

治小儿腹大羸瘦，疳气胀满，腹痛减食，**使君子丸方**

使君子一两 木香 胡黄连 麝香研 卢会研。各半两 蟾头一枚。炙令焦 墨搗研 青黛研 雄黄研 熊胆研。各半两

上一十味，捣研为细末，炼蜜和丸如绿豆大。每服以粥饮下十丸，量儿大小增减。

治小儿伤食，失衣当风，湿冷水浴，腹大丁奚，时下痢，寒热如疟，不欲饮食，虽食不充肌肉，又不能消化，羸瘦不耐，**人参丸方**

人参 麦门冬去心，焙 半夏汤浸十遍，去滑 黄耆剉 大黄剉，炒 苦参剉 矾石烧汁尽，研 甘草炙，剉 远志去心 黄芩去黑心。各三分 消石研 芎藭各半两

上一十二味，捣研为末，炼蜜为丸如麻子大。一二岁儿，每服三丸，米饮下；四五岁儿五丸，早晚各一服。量儿大小加减。

治小儿坚痞面黄，羸瘦丁奚，不欲食，食不充肌，心中躁闷，时发寒热，五脏虚胀，腹中疔痛，**蜀漆丸方**

蜀漆 细辛去苗叶 龙胆 附子炮裂，去皮脐。各半两 干姜炮 牡丹皮 虻虫微炒 桂去粗皮 曾青研。各三分

上九味，捣罗为末，炼蜜和丸如绿豆大。空心五丸，米饮下。量儿大小加减。

治小儿丁奚腹大，项细贪食，不充肌肉，黄瘁，又名无辜，

## 黄芩丸方

黄芩去黑心 黄连去须 各半两 附子炮裂，去皮脐 一枚，半两者

上三味，捣罗为末，用黄雌鸡肥嫩者一只，去毛，勿令著水，腹上开一小窍子，取去肠肚，内药末，于饭上蒸软，即取出暴干，不用鸡，为末，软饭丸如绿豆大。量儿大小，十丸至十五丸、二十丸，米饮下，不拘时候，日三。

## 小儿脾胃气不和不能饮食

论曰：脾胃者，仓廩之官。水谷入胃，脾主磨而消之。脾与胃合，俱象土，其气喜温而恶寒，故腑脏内温，则消谷引食，若脾胃虚寒，则食物化迟，故不能饮食。

治小儿脾胃气不和，不能饮食，温脾，人参汤方

人参三分 白术半两 诃黎勒皮三分 木香半两 黄耆剉 半两 白茯苓去黑皮 三分 藿香叶半两 陈橘皮汤浸，去白，焙 半两 桔梗半两。炒 甘草炙微赤，剉。一分

上一十味，粗捣筛。每服一钱匕，水七分，入生姜二片，枣一枚，擘，煎至四分，去滓，不计时候。量儿大小增减，温服。

治小儿脾胃气弱，乳不消化，陈橘皮汤方

陈橘皮汤浸，去白，焙 高良姜 人参各一分 白茯苓去黑皮 半两 甘草炙，剉。半分

上五味，粗捣筛。一二岁儿，每服一钱匕，水七分，煎至三分，去滓，食前温服，至晚三服。随儿大小增减。

治小儿脾胃气不和，增寒壮热，不内乳食，白豆蔻汤方

白豆蔻去皮 甘草炙赤，剉 陈橘皮汤浸，去白，焙 芎藭 枇杷叶拭去毛，炙微黄 各一分 干木瓜 黄耆剉 人参各半<sup>①</sup>两

上八味，粗捣筛。每服一钱匕，水七分，入生姜二片，枣一

① 半：元刻本、文瑞楼本同，日本抄本作“十”。



枚，擘破，煎至四分，去滓，不计时候，量儿大小，分减温服。

治小儿脾胃气不和，腹胁妨闷，不能饮食，四肢羸弱，六味人参汤方

人参 甘草炙，剉 丁香 黄耆剉，各一分 陈橘皮汤浸，去白，焙 诃黎勒皮各半两

上六味，粗捣筛。每服一钱匕，水七分，入生姜二片，枣一枚，擘，煎至四分，去滓，食前温服。量儿大小，以意加减。

治小儿脾胃虚冷，吐利，不思饮食，和中汤方

人参一两半 白术 白茯苓<sup>①</sup>去黑皮。各一两 甘草炙，剉 厚朴去粗皮，生姜汁炙。各三分

上五味，粗捣筛。三四岁儿，每服一钱匕，水半盏，同煎至三分，去滓，带热服，至夜可三服。量儿大小，以意增减。

治小儿脾胃气不调，不嗜食饮，干地黄丸方

生干地黄焙 半两 大黄剉碎，炒令香<sup>②</sup>。半两 白茯苓去黑皮一分 当归炙干，半两 柴胡去苗 半两 杏仁汤浸，去皮尖、双仁，麸炒黄。半两

上六味，捣罗为末，炼蜜为丸如麻子大。每服五丸，生姜汤下，日三服。随儿大小，以意加减，不拘时。

治小儿脾胃虚冷，气逆，不能饮食，橘皮汤方

陈橘皮汤浸，去白，焙 桂去粗皮。各一两<sup>③</sup>

上二味，剉碎，分作三贴。每用一贴，以水三盏，入薤白五茎细切，黍米一合，同煮稀粥熟去药，分二服。

治小儿伤冷，脾胃气不和，腹痛，不欲饮食，高良姜汤方

高良姜剉 陈橘皮汤浸，去白，焙 草豆蔻去皮 当归剉碎，微炒 桂去粗皮。各一分 人参半两

上六味，粗捣筛。每服一钱匕，水七分，煎至四分，去滓，不计时候。量儿大小，分减温服。

① 白茯苓：元刻本、文瑞楼本同，日本抄本作“白豆蔻”。

② 炒令香：元刻本、文瑞楼本同，日本抄本作“焙”。

③ 两：元刻本、文瑞楼本同，日本抄本作“分”。

治小儿脾胃气虚，乳不消，腹胀，白术汤方

白术 人参 厚朴去粗皮，生姜汁炙，各一分

上三味，粗捣筛 一二岁儿，每服一钱匕，水半盏，煎至三分，去滓温服，至晚三服 随儿大小，以意加减

## 小儿咳嗽

论曰：肺之合皮也，其荣毛也，而主气，其俞在背 若风冷伤之，皆令咳嗽 小儿血气肌肤嫩弱，若襁褓解脱不时，风寒伤于皮毛，搏于肺气，则成咳嗽 其乳子未满百日，伤于背，循俞而入者，则病难治

治小儿一切咳嗽，解寒壅，杏仁汤方

杏仁生，去皮尖、双仁 知母焙 贝母去心 款冬花 仙灵脾 麻黄去根节 甘草炙 人参 赤茯苓去黑皮 玄参等分

上一十味，粗捣筛 每服一钱匕，水七分，煎四分，去滓温服 如伤寒嗽，入葱白、盐、豉煎，更量儿大小加减

治小儿咳嗽，紫菀散方

紫菀去土 贝母去心。各半两 款冬花一分

上三味，捣罗为散。每服一字至半钱匕，用生姜米饮调下，更量儿大小加减。

治小儿咳嗽汗出，杏仁汤方

杏仁去皮尖、双仁，炒。四十九枚 皂荚去皮，酥炙。一挺 甘草生用 蛤粉各一两 恶实炒 半分 紫菀去苗、土 一分

上六味，粗捣筛 每服半钱匕，水半盏，入膏汁少许，煎三五沸，去滓温服，更量儿大小加减。

治小儿暴嗽，五味子汤方

五味子 桂去粗皮 干姜炮。等分

上三味，粗捣筛 每服一钱匕，水七分，煎至四分，去滓，量大小加减温服。

治小儿肺经感寒，语声不出，人参汤方

人参 甘草炙 黄明胶炙烱。各一分 杏仁汤浸，去皮尖、双

仁，炒 麻黄去根节 贝母去心。各半两

上六味，粗捣筛。每服一钱匕，水七分，入糯米少许，同煎至四分，不计时候，去滓，量大小加减温服。

### 治小儿咳嗽，金黄散方

郁金一两。入防风去叉、皂荚各半两，巴豆十四枚，用河水两碗煮水尽，不用三味，只取郁金捣为末 甜消研 雌黄研，各半两

上三味，捣研为散 每服一字匕，煎蝉蜕乌梅汤调下。

### 治小儿哽气，咳嗽痰热，盆消丸方

盆消 马牙消 甜消 铅白霜 丹砂 续随子 青黛 白矾 烧汁尽 膩粉各一钱 龙脑 麝香各一字

上一十一味，并细研为末，粳米饭为丸。三岁已上，如鸡头实大；二岁以下，如梧桐子大；三两个月儿，如小豆大一丸，并用茶汤化下。

### 治小儿胃虚哕逆，咳嗽，吐乳食，香枳散方

藿香二十一叶 枳壳二片 湿纸裹，焙 蚌粉一块。如枳壳大

上三味，捣罗为散。每服半钱匕，米饮调下，更量儿大小加减。

### 治小儿咳嗽喘闷，贝母散方

贝母去心，麸炒。半两 甘草炙。一分

上二味，捣罗为散。如二三岁儿，每一钱匕，水七分，煎至四分，去滓，入牛黄末少许，食后温分二服，更量儿大小加减。

### 治小儿咳嗽，三灰散方

巴豆去壳 杏仁去尖 半夏等分

上三味，用瓷合盛，以赤石脂闭口，炭火煨令透赤，取出放冷，细研。二岁儿，每服半钱匕，淡生姜汤下，更量大小加减。

### 治小儿一切咳嗽，郁金散方

郁金剉。半两 防风去叉，切 半夏切。各一分 巴豆去壳。二十一粒 皂荚剉。一挺

上五味，以水一升，同于银石器内煮令干，去巴豆、皂荚不用，以温汤洗余三味，焙干，捣罗为末。每服半钱匕，生姜蜜熟水调下，更量儿大小加减。



治小儿感寒咳嗽，痰涎不利，贝母散方

贝母去心 皂荚子炒焦色 各半两 葶苈子隔纸炒，一分 甘草炙，剉。半两

上四味，捣罗为散。每服半钱匕，米饮调下，乳食后服。

治小儿痰嗽，半夏丸方

半夏七枚，圆大者 汤洗七遍，切，生姜汁浸一宿，焙 定粉研 白矾烧令汁尽。各一钱

上三味，捣罗为末，面糊丸如麻子大，浓煎白茅根汤，下三丸五丸，量儿大小加减，食后服。

治小儿咳嗽，杏仁煎丸方

杏仁去皮尖、双仁，生，研。四十九枚 皂荚椎碎。半挺<sup>①</sup> 栝楼大者，一枚 生百部一两，四味并用水浸搗，绞取浓汁后，同入银石器内，慢火熬成膏 牵牛子捣末。一两 木香半分

上六味，后二味捣为末，入前四味膏内，和丸如绿豆大。每服三丸五丸，糯米饮下。量儿大小加减。

治小儿咳嗽，蜂房灰散方

露蜂房二两

上一味，以快火烧为灰，研细。每服一字匕，饭饮调下。

治小儿涎嗽不止，注唇散方

防风肥实者，三握。去叉 用半夏七枚、郁金一枚，并椎碎，猪牙皂荚三条，剉，用水一碗，同煮水尽为度，只取防风，切，焙，为末 滑石碎 白僵蚕炒，二味为末。各一钱<sup>②</sup>

上三味，同研匀，每服一字匕，用蜜调涂在儿唇上，令儿啞吃。

治小儿涎嗽，延胡索散方

延胡索半两 铅白霜研。一分

上二味，捣研为散，和匀。每服一字匕，涂乳上，令儿啞之

① 挺：元刻本、文瑞楼本同，日本抄本作“两”。

② 钱：元刻本、文瑞楼本同，日本抄本作“两”。

治小儿奶食冲脾，伤风咳嗽，坠涎，**葶苈子丸方**

葶苈子纸上炒。一分 牵牛子炒 防己 杏仁去皮尖、双仁，炒，研。各一两

上四味，捣研为末，煮枣肉，丸如绿豆大。每服三丸至五丸，量儿大小加减，生姜汤下，日再。

治小儿咳嗽，**桃花散方**

蛤蚧酥炙。一钱 蛤粉研。二钱 芎藭一分 丹砂研。半钱

上四味，捣研为散。每服半钱匕，温齏汁调下，量大小加减，乳食后服。

治婴儿未滿百日，咳嗽，**注唇膏方**

白僵蚕蜜炙。十五枚 雄黄研。半钱 杏仁汤浸，去皮尖、双仁，炒，研 贝母去心。各七枚 龙脑研。一字

上五味，捣研为末，生蜜和为膏。每用少许注唇上，令儿舐之。

治小儿月内及百晬，暴嗽吐乳，呕逆不得息，**桔梗汤方**

桔梗炒 紫菀去苗、土。各三分 麦门冬去心，焙。一两三分<sup>①</sup> 甘草炙，剉。一分

上四味，粗捣筛。每服一<sup>②</sup>钱匕，水七分，煎至四分，去滓温服。量儿大小加减。

治小儿寒壅痰涎，咳嗽不止，**润肺汤方**

麻黄去根节，煎，掠去沫，焙 人参各二两 杏仁汤浸，去皮尖、双仁，炒 贝母去心。各二两半 甘草炙。一两 陈橘皮去白，焙。一分 桔梗炒 阿胶炒令燥。各半两

上八味，粗捣筛。每服一钱匕，水七分，煎至四分，去滓温服，不拘时候。量儿大小加减。

治小儿寒壅不调，咳嗽痰涎，**半夏丸方**

半夏热汤洗三七遍，去滑，焙 葶苈子水净淘洗，别研为

① 一两三分：元刻本、文瑞楼本同，日本抄本作“一两一分”。

② 一：元刻本、文瑞楼本同，日本抄本作“二”

膏 杏仁汤浸，去皮尖、双仁，麸炒，别研为膏 各半两 五灵脂  
微炒 丹砂别研。各一两

上五味，捣研为末，生姜汁煮面糊，丸如黍米大，每服五丸  
至七丸，食后淡生姜汤下。

#### 治小儿咳嗽，白散子方

栝楼根 知母焙 贝母去心 甘草炙，剉。等分

上四味，捣罗为散，每服半钱匕，煎黄蜡米饮调下。

#### 治小儿咳嗽，贝母饮方

贝母去心，麸炒 麻黄去根节，煎，掠去沫，焙 紫菀去苗、  
土 甘草炙。各一分 杏仁汤浸，去皮尖、双仁，炒。三分 麦门  
冬去心，焙。半两

上六味，粗捣筛。五六岁儿，每服一钱匕，水七分，煎至四  
分，去滓温服。

#### 治小儿肺感风寒，呀呷咳嗽，清膈丸方

半夏汤浸七遍，去滑，焙 白矾熬枯 铅白霜 滑石 天竺黄  
各等分

上五味，捣研为细末，面糊丸如绿豆大，每服五丸，量儿大  
小加减，薄荷汤下。

#### 治小儿热嗽，消矾散方

马牙消 白矾各半斤 铅丹一分

上三味同研，入合子固济，火烧合红，覆润地一夜，加龙脑  
半钱匕同研。每服一字匕，甘草汤下，更量大小加减。

#### 治小儿呀呷不止方

猪肠一截 郁金末 蚌粉各一两

上三味，将二味内肠中，系两头，慢火炙干，细罗，每服半  
钱匕，夜卧熟水调下，三服顿服尽，永不发。



## 卷第一百七十六

### 小儿门

小儿咳逆上气 小儿呕吐 小儿啰 小儿吐衄 小儿乳癖  
小儿癥瘕癖结

### 小儿门

#### 小儿咳逆上气

论曰：小儿咳逆上气者，肺经有寒也。肺者，气之主，处于膈上。小儿啼呼未定，因以饮乳，与气相并，停滞胸膈，引乳射肺，令咳而气逆，故谓之咳逆。或由肺挟风冷，乳哺不节，《难经》云形寒饮冷则伤肺，此之谓也。

#### 治小儿咳逆上气，杏仁煎丸方

杏仁去皮尖、双仁，研 紫菀去苗、土 款冬花炒。各一两  
麻黄去根节。八两 五味子 桂去粗皮，各半两 甘草炙，剉  
干姜炮。各二两

上八味，除麻黄、杏仁外，捣罗为末，以水一斗，先煎麻黄至六<sup>①</sup>升，去滓，下杏仁，更煎至三升，乃内诸药，及饴糖四两，蜜八两，于慢火上，搅不停手，熬令可丸即丸如大豆大。五六岁儿，每服三丸，食后温熟水化下，日三。

#### 治小儿咳逆，吴茱萸汤方

吴茱萸汤洗五遍，炒。二两 桂去粗皮。半两 款冬花炒 射干  
紫菀去苗、土。各一两

上五味，粗捣筛。每用一钱匕，水一盏，生姜一枣大<sup>②</sup>，拍碎，

① 六：文瑞楼本同。日本抄本作“三”。

② 生姜一枣大：文瑞楼本同。日本抄本作“大枣一枚，生姜少许”。

煎至五分，去滓，分温三服<sup>①</sup>，更量儿大小加减。

治小儿咳逆喘息如水鸡声，麻黄汤方

麻黄去根节，煎，去沫，焙。射干。紫菀去苗、土。甘草炙，剉。各一两。桂去粗皮。半两。半夏五枚。生姜汤洗十遍，炒。

上六味，粗捣筛。五六岁儿，每服一钱匕，水一盏，枣一枚，生姜少许，煎至五分，去滓，内蜜半钱匕，更煎一二沸，食后温服，日三。量儿大小加减。

治小儿上气咳逆不止，七味半夏汤方

半夏汤洗十遍，炒。二两。紫菀去苗、土。桂去粗皮。阿胶炙令燥。甘草炙，剉。各一两。细辛去苗叶。款冬花各半两。

上七味，粗捣筛。每服一钱匕，水一盏，生姜少许，煎至五分，去滓，投蜜一匙搅化，食后服，日三，更量儿大小加减。

治小儿咳逆上气，五味半夏汤方

半夏生姜汤洗十遍，炒。紫菀去苗、土。细辛去苗叶。阿胶炙令燥。桂去粗皮。各二两。

上五味，粗捣筛。每用一钱匕，水一盏，煎至六分，去滓，分温三服，空心午间日晚各一，更量儿大小加减。

治小儿咳逆上气，喉中有声，不通利，紫菀散方

紫菀去苗、土。一两。杏仁去皮尖、双仁，炒。细辛去苗叶。款冬花各一分。

上四味，捣罗为散。二三岁儿，每服半钱匕，米饮调下，日三，更量大小加减。

治小儿上气喘息如水鸡声，射干汤方

射干。半夏汤浸洗七遍，焙。各一两。桂去粗皮。一两半。

上三味，粗捣筛。五六岁儿，每服一钱匕，水一盏，生姜少许，煎至四分，去滓热服，日三，更量儿大小加减。

治小儿咳逆上气，杏蜜煎方

① 分温三服：文瑞楼本同，日本抄本作“内蜜半钱匕，更煎一二沸，食后温服，日三”。

杏仁去尖、皮、双仁，生，研如膏 蜜各二两

上二味，和匀，于银石锅内慢火熬成煎，旋丸。一二岁儿，每服如绿豆大一丸，温水化下，更量儿大小加减

治小儿上气咳嗽，不得安卧，桔梗饮方

桔梗剉，炒 一两 桑根白皮剉 贝母去心 白茯苓去黑皮 大青 五味子 吴蓝 人参各三分 甘草炙，剉。一两半

上九味，粗捣筛。每服一钱匕，水八分，煎至四分，去滓，食后温服。量大小加减。

治小儿咳逆上气，喘满气促、调顺胃气，进益饮食，前胡丸方

前胡去苗 人参 半夏汤浸去滑，七遍，切，焙 白术各一两 丁香一分

上五味，捣罗为细末，生姜自然汁煮面糊，丸如绿豆大 每服五丸至七丸，食后临卧生姜汤下。

治小儿咳嗽气急，紫菀汤方

紫菀去苗、土。二两 贝母去心，洗 款冬花各一两

上三味，细剉。每服一钱匕，以水七分，煎取四分，去滓温服，食后。

## 小儿呕吐

论曰：小儿呕吐者，脾胃不和也。或因啼呼未定而遽饮乳，或因乳中伤冷令儿饮之，皆致呕吐。盖儿啼未定，气息未调，遽令饮乳，其气尚逆，乳不得下，停滞胸膈，胸满气急，故令呕吐。乳母乘凉，冷气入乳，乳汁变坏，不捻除之，因以饮儿，坏乳入胃，则令腹胀气逆，故亦变呕吐。又有小儿沐浴不避风冷，风冷与血气相搏，胃生蕴热，亦为呕吐。当审其形证冷热，依法治之。

治小儿呕吐，膈上有冷，橘皮汤方

陈橘皮汤浸，去白，焙 细辛去苗叶 干姜炮裂。各一分 大黄剉，炒 甘草炙。各三分

上五味，粗捣筛 每一钱匕，水七分，煎至四分，去滓，分



温三服，一日令尽。更量儿大小，以意加减。

治小儿呕吐不止，厚朴汤方

厚朴去粗皮，生姜汁炙 人参各一分 粟米炒。一合

上三味，粗捣筛 每一钱匕，水七分，入生姜二片，同煎至四分，去滓，分温二服，早晨、日晚各一服。更看儿大小，以意加减。

治小儿吐逆，丁香汤方

丁香半分 桂去粗皮。一分 人参半两 甘草炙。半两 藿香叶一分 干姜炮裂。半两 白茯苓去黑皮。一分

上七味，粗捣筛 每服半钱匕，水五分，同煎至三分，去滓温服，大枣煎更妙。

治小儿吐逆不定，丁香汤方

丁香 花桑叶如无，枇杷叶代 人参 白茅根剉 藿香用叶 各一分

上五味，粗捣筛 每服一钱匕，水七分，入生姜一片，煎至四分，去滓。量儿大小，加减服之。

治小儿脾胃不和，吐逆不止，诃黎勒丸方

诃黎勒皮煨，去核。二枚 丁香一钱 陈橘皮汤浸，去白，焙一分 半夏汤洗去滑，炮。一分 人参一分

上五味，捣罗为末，用生姜汁煮面糊，丸如绿豆大。每服七丸，生姜汤下，乳食前。

治小儿吐逆不止，石亭脂散方

石亭脂一分 白滑石二<sup>①</sup>钱

上二味，细研为散。煎竹叶糯米汤调下一字匕，立止。

治小儿胃气虚弱，多痰吐逆，乳食难停，丁香温胃丸方

丁香二钱 天南星一分。浆水煮透软，切作片子，焙令干 半夏一分。浆水煮令软，切作片子，焙令干 水银一分 黑铅半分

① 二：文瑞楼本同，日本抄本作“一”。

② 二：文瑞楼本同，日本抄本作“三”。

与水银结成沙子 白豆蔻去皮。一分

上六味，捣罗为末，用黄蜡一两熔和成煎，丸如绿豆大。每服二丸或三丸，丁香汤下。

治小儿胃虚，可<sup>①</sup>思乳食，嘔逆膈闷，肉豆蔻丸方

肉豆蔻去皮。一枚 生姜切，焙干。一钱 木香一钱 人参一分 青橘皮汤浸，去白，焙。一分 白术一分

上六味，捣罗为末，白面糊丸如绿豆大 每服五丸，米饮下，不拘时服。

治小儿吐逆不定，木瓜汤方

木瓜生者 生姜不去皮

上二味各半两，切作片子，水一盞，煎至五分，去滓，量儿大小，分减温服。

治小儿一切吐逆不止，水银丸方

水银结沙子 半<sup>②</sup>钱 丁香 葛根各一两 半夏汤浸七遍，焙。一钱

上四味，捣研为末，用生姜汁和面煮糊，为丸如黄米大。每服三丸，煎金银汤下，更量儿大小加减。

治小儿吐逆，麦门冬散方

麦门冬去心，焙。一两 石膏生用。半两 甘草一分。炮

上三味，捣罗为散。每服半钱匕，量儿大小加减，煎茅香根生姜汤调下。

治小儿吐逆，木香丸方

木香末 黑犬胆各一分

上二味，以胆汁和木香末，丸如大豆大。每服二<sup>③</sup>岁已下，粥饮化一丸。

治小儿吐逆，滑石散方

① 可：文瑞楼本同，日本抄本作“不”

② 半：文瑞楼本同，日本抄本作“三”。

③ 二：文瑞楼本同，日本抄本作“一”。

白滑石二<sup>①</sup>钱 鲤鱼胆干者。五枚

上二味，捣研为散。每服半字匕，倒流水调下。

治小儿胃热吐逆，妙圣丸方

龙脑 粉霜 膩粉 滑石

上四味，各等分，研为细末，面糊丸如绿豆大。每服一丸，煎干柿汤下，不拘时服。

治小儿心膈伏热生涎，霍乱躁闷，身体多热，乳食难停，吐逆不定，大戟丸方

大戟浆水煮过，切，焙干，捣罗取末 三钱 膩粉 粉霜各一钱半 水银 铅各一分。二味结沙子 乳香研 丁香为末。各一钱 龙脑半钱

上八味，研令匀，熔黄蜡一分，和为膏，旋丸如麻子大 每服三丸至五丸，量儿大小加减。如烦躁，研生脂麻，马齿水下；吐逆，煎马齿丁香汤下。

治小儿冷气，吐逆不止，心胸痞满，金针丸方

阳起石研。一分 杏仁十五枚。汤浸，去皮尖、双仁，炒 不灰木生，研。半两 阿魏半钱 巴豆去皮、膜。十二枚

上五味，除巴豆、杏仁别研外，捣为细末，后入二味，再研令匀，用糯米饭丸如鸡头仁大，焙干 每服一丸，用针穿，灯焰上燎透为度，入盐少许同研细，冷生姜汤调下，量儿大小，分减与之。

治小儿风热，吐不止，甜消散方

甜消一钱 滑石白膩者。半两

上二味，同研为散 每服半钱匕，用浆水半盏已下，入生油一点打匀，调下立止。

治小儿脾胃不和，腹胀气逆，变成呕吐，人参散方

人参 白茯苓去黑皮。各一两 葛根剉。二两 木香 藿香取叶 甘草炙，剉。各一分

① 二：文瑞楼本同，日本抄本作“一”



上六味，捣罗为散。每服一钱匕，水一盞，煎至六分，温服。

### 治小儿吐逆不定，乳香丸方

乳香研 丹砂研 麝香研，各一钱 半夏半两。汤洗七次，生姜汁炒黄。

上四味，捣研为末，面糊和丸如绿豆大。每服五丸，米饮下。量儿大小加减服。

### 治小儿胃气虚寒，呕吐不止，不下乳食，丁香汤方

丁香二钱 胡椒一钱 槟榔一枚。剉

上三味，粗捣筛。每服半钱匕，水半盞，入白茅根少许，同煎至三分，去滓温服，不计时候。量儿大小加减服。

### 治小儿吐逆不止，麝香汤方

麝香一钱。研 五灵脂一两。为末

上二味，拌匀，每一钱匕，水、酒各半盞，煎至半盞，去滓，温分二服。量儿大小加减。

## 小儿啰

论曰：小儿气弱，不能胜乳，致乳满胃中。气既不得传导，复遇呼吸风冷，则使胃气上逆，故令啰。能节其乳，仍温胃气，则啰自愈。

### 治小儿啰逆，麝沉散方

麝香研 沉香剉。各一分

上二味，捣研为散，拌匀。每服半钱或一钱匕，沸汤点服。量儿大小加减。

### 治小儿啰逆不止，诃黎勒散方

诃黎勒皮一分 人参 槟榔剉 甘草炙 陈橘皮汤浸，去白，切，炒 沉香剉。各半两

上六味，捣罗为散。每服一字，或半钱至一钱匕，量儿大小，煎麦蘖汤调下。

### 治小儿啰，牛乳饮方

牛乳 生姜自然汁。各一合

上二味，于银器中慢火煎沸。一岁儿饮二分盏，更量大小加减。

治小儿嘔不止，羊乳饮方

羊乳一升

上一味，慢火于银器中煎令减半。分作五服，更量儿大小加减。

治小儿胃气虚，嘔逆，丁香补胃丸方

丁香一钱 藿香叶一分 附子炮裂，去皮脐。二钱 定粉炒，研 槟榔剉。各一分

上五味，捣研为末，滴水丸如梧桐子大。每服一丸至二丸，米饮下，不计时。量大小加减。

治小儿胃气虚冷，嘔逆不止，枇杷叶散方

枇杷叶炙，去毛 丁香各一钱 白茅根 人参各一分

上四味，捣罗为细散 每服半钱或一钱匕，煎马齿苋汤调下，不计时。量儿大小加减。

治小儿嘔逆不止，乳食不进，遂愈散方

滑石末一钱 丁香二七<sup>①</sup>粒。为末 藿香末半钱

上三味，同研匀细。每服一字或半钱匕，生油调下。量儿大小加减。

治小儿嘔逆腹胀，消乳进食丸方

陈橘皮汤浸，去白，焙干 生姜去皮，切，二味同炒黄色 各一两

上二味，同捣罗为末，水浸炊饼心和丸如麻子大。每服一二岁儿，橘皮汤下七丸。量儿大小加减服。

治小儿脾胃虚寒，嘔逆不止，木香丸方

木香 草豆蔻去皮 槟榔剉 青橘皮去白，焙 陈橘皮去白，焙。各一分 肉豆蔻去壳。一颗 京三棱炮，剉。一两

上七味，捣罗为末，面糊和丸如绿豆大。每服五丸，温生姜

① 二七：日本抄本、文瑞楼本同，乾隆本作“二四”

汤下。量儿大小加减服。

治小儿脾胃虚寒，嘔逆，不入乳食，**人参丸方**

人参 白茯苓去黑皮。各一分 白术 木香 山芋 丁香各一钱

上六味，捣罗为细末，白面糊和丸如绿豆大。每服七丸，生姜汤下，奶食前服。量儿大小加减服

治小儿胃寒多嘔，**人参丸方**

人参半两 白茯苓去黑皮 陈橘皮去白，焙 白术 半夏汤洗去滑。各半分 甘草炙，剉 干姜炮。各一分

上七味，捣罗为末，面糊和丸如黄米大，每服十丸或十五丸，煎藿香汤下。量儿大小加减服。

## 小儿吐哕

论曰：小儿饮乳后忽吐逆乳汁者，名曰吐哕。盖由乳哺冷热不调，停在胸膈，复因饮乳，旧乳未消，新乳又入，气不通宣，新陈相压，所以吐哕。当节乳则愈。

治小儿吐哕，胸中否满，乳饮停积，**麝香汤方**

麝香研 木香 人参 沉香剉 赤茯苓去黑皮 各一分 丁香半分

上六味，粗捣筛 每半钱匕，水半盏，煎数沸，去滓，分温二服。

治小儿吐哕，胸中冷气停结，**黄耆汤方**

黄耆 人参各三分 当归切，焙 芍药 甘草炙，剉 芎藭各半两 细辛去苗叶。一分

上七味，粗捣筛。每一钱匕，水七分，煎至四分，去滓，分温二服，早晚各一，更量儿大小加减。

治小儿初生吐不止，**盐黄散方**

盐两黄米大 牛黄两粟米大。研 人参 白茯苓各一小豆大 甘草两小豆大。炙

上五味，先捣研四味为末，以乳汁半合，煎三五沸，入牛黄



末搅匀，分减服之。

治小儿吐乳，麝香丸方

麝香一钱。研 丁香捣末 杏仁去皮尖、双仁，炒，研。各一分

上三味，研捣为细末，以粟米饭丸如麻子大。每服五丸，人参汤研下，更量儿大小加减。

治小儿饮乳后吐呃不止，丁香丸方

丁香一分 藿香叶半两 人参三分

上三味，捣为细末，炼蜜丸如绿豆大 每服三丸，粥饮下。

治小儿吐呃不定，枇杷叶散方

枇杷叶去毛，炙 丁香各一分

上二味，捣罗为散。儿小者，于乳头上涂一字，令儿啞之；儿大者，煎枣汤调下，不拘时，更量大小加减。

治小儿吐奶不止，妙功散方

藜芦洗，焙

上一味，捣为细散。以少许吹入鼻中，嚏三两次，立止。

治小儿吐乳，莎草根散方

莎草根炒，去毛。香附子是也 甘草炙，剉。各半两

上二味，捣罗为散 每一钱匕，水七分，煎至四分，去滓，温分二服，早晚各一，细细呷之，更量大小加减

治小儿吐呃，乳母服，人参汤方

人参 陈橘皮去白，焙。各二两

上二味，捣罗为散 每一钱匕，水七分，生姜半枣大，拍破，煎至四分，去滓，分温二服，服后与儿乳吃。

治小儿呕吐不止，人参散方

人参一两。为末 丹砂半两。研

上二味，同研令匀 每服半钱匕，熟米饮调下，更量大小加减。

治小儿吐不止，双石散方

石亭脂一钱 白滑石三钱

上二味，研为细散。每服一字匕，煎竹叶糯米汤调下，更量大小加减。

#### 治小儿吐逆不止，丁香散方

丁香半分 桂去粗皮 藿香叶各一分 人参 甘草炙，剉 干姜炮。各半两 白茯苓去黑皮。一钱

上七味，捣罗为细散。每服半钱匕，水七分，煎至四分，温服，更量大小加减。

#### 治小儿吐逆不止，二生汤方

生木瓜 生姜不去皮

上二味，等分。切作薄片，量儿大小，以水煎热，去滓与服。

### 小儿乳癖

论曰：小儿脾胃气弱，保养不慎，则令三焦不调，乳饮不化，聚而成痰，流于胁下，寒气乘之，遂成癖聚，久不消，横连少腹，上至心下，按之苦痛，肌肤渐瘦，面色青黄，多睡目涩，寒热往来，呕吐咳嗽，故谓之乳癖，世呼为奶脾是也。

#### 治小儿乳癖，积气散方

粉霜研。一钱半 诃黎勒皮为末<sup>①</sup>。四钱 硫黄研。一钱半 京三棱为末。七钱 密陀僧研。五钱 白丁香研。二钱

上六味，捣研为散，再同研匀。每服一钱匕，用生姜浆水调下后，于五更服青灵丸。

#### 治小儿乳癖，青灵丸方

粉霜 丹砂研 膩粉各一钱 水银二钱，用铅少许结沙子 麝香研。半钱 青黛二钱 巴豆三十粒，去皮、心、膜，出油尽，研

上七味，各细研，再同和匀，用面糊为丸如黄米大。薄荷汤下五丸至七丸，新水亦得。

#### 治小儿乳癖，二香散方

白丁香直者。四十九粒 丁香二十一枚。为末 石燕子一枚。

① 为末：文瑞楼本同，日本抄本作“生”。

搗研 硫黃研 三錢 膩粉抄一錢匕 研 密陀僧研 硃砂研 各三錢

上七味，同研勻為細散。每服一歲半錢匕，二歲一錢匕，十歲以上二錢匕，用面湯調下。如左肋下病，卧左边；如右肋下病，卧右边，至曉取下癖積是驗。

治小兒乳癖食癖，每至午后，時作寒熱，微有咳嗽，脇肋癖硬，**燒青丸方**

輕粉二錢 太陰玄精石研 一分 粉霜 硃砂研 各一兩 白面三錢

上五味，再同研細，滴水為餅子，以文武火燒熟為度，再研，滴水為丸如黃米大。三歲以上，每服五丸，漿水下；三歲以下，以意增減。

治乳癖，**硃砂丸方**

硃砂 礞石 粉霜 鷹屎 无食子 京三稜各用末 一錢匕 膩粉三字 龍腦研。一字

上八味，再同研勻，以面裹大棗燒熟，取棗肉和藥，丸如綠豆大，每服三丸或五丸，煎古老錢湯下，量兒大小加減。兼治久積。面燒棗不燒藥。次用外貼藥。

治乳癖，**外貼散方**

芸臺子末。三<sup>①</sup>錢 寒食面一錢半

上二味，再同研勻，用新水調如糊，紙上攤，貼乳癖上，頻以水潤之。

治小兒乳癖，脇下結塊不消，**膩粉丸方**

膩粉 白丁香微炒。各一分

上二味，再同研勻，以棗肉和丸如黍米大。每服一丸，新汲水下，取下黏滯惡物效，量兒大小加減，不計時候。

治小兒乳癖，神效，**金花散方**

① 三：文瑞樓本同，日本抄本作“二”。



白丁香直者，微炒。七十粒 丁香二十五<sup>①</sup>粒。二味为末 密陀僧研 硫黄研 黄鹰屎白研。各半钱

上五味，再合研匀。每服三岁以下一字匕，三岁以上半钱至一钱匕，并用奶汁调下，临卧服，至来日取下青黑稠黏物即愈；未尽，不过再服。

### 治小儿乳癖方

独窠蒜一头

上一味，将蒜捣烂，看儿乳癖大小，候儿睡着，随病大小贴，听儿腹内作声，便急取去不用。

### 治虚中挟积并乳癖，圣饼子方

石燕子末，二<sup>②</sup>钱 粉霜三钱 膩粉 硃砂研，各二钱 延胡索一分。为末 鹰屎白研。一钱 白面四钱 丹砂研。一钱

上八味，用鸡子清和丸如鸡头大，作饼子，煨灰火内微烧过。每服米饮化下半饼子。

### 治小儿乳癖积块，消癖丸方

牵牛子一两 半生半炒 皂荚肥者，三<sup>③</sup>挺，烧令烟尽为度 巴豆去皮、心，研出油。夏秋半两，春冬一两

上三味，除巴豆外，捣罗为末，后入巴豆，再同研匀，用粟米饭丸如绿豆大。每服三丸，橘皮汤下。如常服，丸如粟米大，茶下三丸。量儿大小加减。

### 治小儿乳癖攻胁肋紧痛，如神散方

独头蒜一颗，研 楼葱一寸，研 膩粉半钱 凌霄花末，一钱

上四味，再同研匀，调涂胁肋上硬处，用醋面饼子贴盖之，候口内闻蒜气，急用温汤洗去。

### 治小儿奶癖，腹肋紧硬，时作寒热，牵牛丸方

白牵牛末，二钱 粉霜一钱 膩粉三钱 硃砂研。一钱半 黄鹰屎末，一钱 白丁香为末 一钱 延胡索大者，七枚。捣末 石

① 二十五：文瑞楼本同，日本抄本作“一十五”。

② 二：文瑞楼本同，日本抄本作“一”。

③ 三：文瑞楼本同，日本抄本作“二”。

燕子捣研、一枚 白滑石末 一钱 没药研、一钱 白面五钱

上一十一味，研为细末，拌和匀，滴水作饼子，先于火上炙干，次入灰火煨熟为度，放冷细研，更入硫黄一钱同研匀，滴水为丸如绿豆大。看儿大小，每服三丸至五丸，煎柳枝干柿汤下，临睡服。

治小儿乳癖，肌瘦寒热，肋下硬痛，化癖丸方

生姜切片子，暴干，为末 丹砂研。各二钱 巴豆霜一字 硃砂研 白滑石捣研。各二钱

上五味，再同研匀，粟米饭和为丸如黄米大。每服二丸，薄荷汤下，奶食后临卧服。

治小儿乳癖，肋肋坚硬，喘粗，时作疼痛，水银丸方

水银一钱 硫黄二钱 同研 密陀僧二钱，捣研 膩粉三钱 巴豆二粒 去皮、膜、心，研出油尽 硃砂研。半钱 石燕子捣研。二钱

上七味，再同研匀，白面糊为丸如黄米大。每服三丸，煎槐叶汤下，奶食后临卧服，更量儿大小加减。

治小儿乳癖，滴水丸方

黄蘗去粗皮，剉 轻粉研 丹砂研 天南星炮 半夏生姜汁浸一宿，汤洗去滑，焙 各一钱 巴豆十粒，去心、皮，出油尽 水银结沙子。半皂子大

上七味，捣罗研为末，再同研匀，滴水为丸如绿豆大。每服二丸或三丸，煎生姜葱白汤下。量儿大小加减。

治小儿虚积乳癖，软金丸方

膩粉二钱 蓬砂研 皂子大 硃砂研。半皂子大 黄连去须。半钱 太阴玄精石研。半钱 黄鹰屎半钱 巴豆一枚。半生半烧 粉霜半钱

上八味，捣研为末，再同研匀，枣肉和，用面剂裹，文武火中煨，以面熟为度，去面取药，旋丸如黄米大。每服一二丸，甘草薄荷汤下。量儿大小加减。

治小儿乳癖，硫黄散方

硫黄研 密陀僧别捣研 膩粉研 诃黎勒皮为末，各一钱

上四味，和令匀。每服一钱匕，奶汁调下，更量儿大小加减。

### 治小儿乳癖，大黄丸方

大黄剉，炒 桔梗剉，炒 木香剉 陈橘皮去白，焙。各一分 马牙消研 郁李仁去皮 各三分 诃黎勒皮一枚 乌梅肉炒，半分

上八味，捣罗为末，炼蜜和丸如黄米大。一岁儿，每服七丸，米饮下，更量大小加减。

治小儿初生至百日周晬，腹内有气冲心喉，及壮热头疼，呕逆腹痛，寒热乳癖，宜下胎中宿物，**大黄丸方**

大黄剉，炒。一两 丹砂研 人参 枳壳去瓤，麸炒 白茯苓去黑皮，各一分半 柴胡去苗 桂去粗皮 各半分<sup>①</sup> 木香一分

上八味，捣研为末，炼蜜丸如绿豆大。每服五丸，乳汁下，日三；大者，加至二十丸。

治小儿乳癖积聚，按之苦痛，肌肤渐瘦，面色青黄，**妙应丸方**

槟榔剉。二枚 陈橘皮汤浸，去白，焙 青橘皮汤浸，去白，焙。各半两 木香 黄连去须，炒 蓬莪茂煨，剉 桂去粗皮，各一分

上七味，捣罗为末，每抄一钱匕，入巴豆一粒，去皮、心、膜，醋煮令黑色，并杏仁一粒，去皮尖，灯上烧作黑灰，同研令细，与药末再合研令匀，用白面糊和丸如粟米大。每服二丸，食后生姜汤下。量儿大小加减。

治小儿脾胃气弱，乳食不化，乳饮留于胁下，因寒成癖，**蓬莪茂散方**

蓬莪茂炮，切。半两 阿魏一钱。水化开，浸蓬莪茂一宿，慢火炒干

上二味，捣罗为细散。每服半钱匕，紫苏米饮调下 量儿大

① 分：文瑞楼本同，日本抄本作“两”



小加减。

## 小儿癥瘕癖结

论曰：小儿腹中胁下结聚之病，有形可验，按之不动者，癥也；假结有形，推之浮移者，瘕也；僻在左右者，癖也。诸癥本于食，诸癖本于饮，诸瘕本于气。皆由腑脏不和，三焦不调，又为寒湿之气所乘，故令乳哺不化，食饮结聚，而为癥瘕癖结之病。

治小儿阴阳气不顺，虚痞胀满，呕逆腹痛，成癥瘕癖结等病，**万应丸方**

槟榔二枚。剉 陈橘皮去白，焙 青橘皮去白，焙。各半两 木香 黄连去须 蓬莪茂煨，剉 桂去粗皮。各一分

上七味，捣罗为末，每用一钱匕，入巴豆一粒，去皮、心、膜，醋煮紫色，研，杏仁一枚，去皮尖，灯上烧黑，研，将前药末同二味合研匀细，用白面糊和丸如粟米大。每服二丸，食后生姜汤下，更量大小加减。

治小儿癖气，手脚心热，面色黄，不下食，日渐羸瘦，往往覆卧，久不治，变成恶病，入夏即泻痢，**木香丸方**

木香 茯神去木 人参 白术 枳壳去瓢，麸炒 当归切，炒 京三棱煨，剉 知母焙。各半两 鳖甲醋炙，去裙襕。三分 大黄剉，炒 生姜切，焙 槟榔煨，剉 桂去粗皮。各一分

上一十三味，捣罗为末，炼蜜和丸如麻子大。一二百日儿，每服一丸；二三岁儿，二丸至三丸，并空腹日晚米饮下，微利下恶物为度，更随儿大小增减。

**治小儿癥癖，大鳖甲丸方**

鳖甲醋炙，去裙襕 犀角镑 丹砂研 桂去粗皮。各半两 大黄剉，炒 当归切，焙 草薢炒 代赭捣研 巴豆去皮、心、膜，研如膏。各一两 枳壳去瓢，麸炒 牛黄研 麝香研。各一分

上一十二味，捣研为末，炼蜜和丸如麻子大。三四岁儿，每服二丸至三丸，空心新汲水下，差即止，更随儿大小加减。

治小儿食癖，本于肠胃气弱，吃食不化，结聚不散，腹中隐

隐成块，按之即痛，芍药丸方

芍药 大黄剉，炒 鳖甲醋炙，去裙襕 麻仁研。各三分 防葵 陈曲炒 白术各一分

上七味，捣研为末，炼蜜和丸如绿豆大 一<sup>①</sup>岁儿每服三丸，三岁至五岁五丸，并温熟水下，日再，更量儿大小加减。

治小儿脾积气，三稜丸方

京三稜剉 石三稜剉 鸡爪三稜剉 蓬莪茂剉 各半两 木香一分

上五味，并生杵罗为末，酒煮面糊和丸如麻子大，膩粉为衣。每服五丸，乌梅生姜汤下。量儿大小加减。

治小儿癥瘕食癖，京三稜散方

京三稜煨，剉 鳖甲醋炙，去裙襕 枳壳去瓤，麸炒 陈曲炒 大腹子剉 诃黎勒皮半生半熟 厚朴去粗皮，生姜汁炙 麦蘖炒 蓬莪茂煨，剉 青橘皮去白，焙。各一分

上一十味，捣罗为散。六七岁儿，每服半钱匕，空腹米饮调下，日三，更量儿大小加减。

治小儿食疳，长肌肤，益颜色，化宿食，治腹胀，破积聚，和气温中，槟榔丸方

槟榔剉 丹砂研 阿魏面裹煨熟 代赭研 乳香研 木香 五灵脂炒 肉豆蔻去壳。各一两 巴豆去皮、心、膜，出油尽 半两 蟾头一枚。炙焦

上一十味，杵研匀细，面糊和丸如黍米大。每服二丸，温生姜汤下，更量儿大小加减。

治小儿脾积气，肌瘦，胆矾丸方

石胆矾研 卢会研。各半两 龙脑研 麝香研。各一钱 丹砂研 胡黄连末各一分 黄连末一两。用豮猪胆一枚，入末在内，以好醋煮十余沸，取出，挂，候干，研为末

上七味，同研匀细，醋煮面糊和丸如绿豆大。每服十丸，早

① 一：文瑞楼本同，日本抄本作“二”

晨、临卧，温米饮下，更量儿大小加减。

治小儿奶癖、食癖，每至午后，时作寒热，微有咳嗽，肋肋癖硬，**炼青丸方**

太阴玄精石一分 粉霜 硃砂各一钱 轻粉二钱 白面三钱

上五味，同研极细，滴水成饼子，文武火烧熟再研，滴水丸如黄米大。每服七丸，浆水下，三岁以下五丸，更量儿加减。

治小儿癖气，发即腹肋疼痛，减食黄瘦，**鳖甲丸方**

鳖甲去裙襕，醋炙 二两 防葵 人参各五分 诃黎勒皮七枚 大黄蒸。一两 桑菌三分 郁李仁去皮，炒。一两半

上七味，捣罗为末，炼蜜丸如绿豆大 每服三丸至五丸，空腹米饮下，更量大小加减。

治小儿癥瘕，腹痛胀满，或作块，或皮肤浮肿，不能食，**雄鼠粥方**

雄鼠肉五两 切，炙 陈橘皮去白，焙 半两 鳖甲醋炙，去裙襕 京三棱煨，剉 郁李仁去皮，研。各三分 生姜切，焙 半两

上六味，粗捣筛，作三贴，每贴以水一升煎，去滓，取半升，入粳米一合，五味煮作粥，空腹食之。

治小儿气癖，上下左右，移动不常，**木香丸方**

木香一分 白槟榔剉。三分 大黄蒸，焙，剉 枳实麸炒。各三分 附子炮裂，去皮脐 干姜炮。各半分 朴消一两

上七味，捣研为末，炼蜜和丸如绿豆子大 每服三丸至五丸，空腹温汤下，更量大小加减。

治小儿水癖，按之作声，**牵牛子丸方**

牵牛子炒 枳壳去瓤，麸炒 各半两 槲皮去粗皮，炙 甘遂炒 桂去粗皮 牡丹皮各一分 大黄剉。三分

上七味，捣罗为末，炼蜜和丸如绿豆子大，每服五丸，空腹温汤下。量大小加减。



# 卷第一百七十七

## 小儿门

小儿骨蒸 小儿痰实 小儿客忤 小儿中恶 小儿中蛊 小儿尸注  
小儿胎寒

## 小儿门

### 小儿骨蒸

论曰：水为阴，火为阳，水者精气也，火者阳气也。小儿精气未盛，体性多热，若衣裘伤厚，过食热物，或患时气大病之后，重亡津液，阳气偏盛，水不胜火，腑脏积热，熏灼肌体，甚则消烁骨髓，是为骨热之病，久不已，变成骨蒸也。

治小儿十五岁已下，骨蒸热劳，盗汗体热，咳嗽，烦躁发渴，长肌肉，退热，**桃仁青蒿煎丸方**

桃仁汤浸，去皮尖，研，半两 麝香研 一分 柴胡去苗 升砂研 紫苑去苗、土 鳖甲去裙襖，醋炙。各一两

上六味，除麝香、升砂外，并捣罗为末，共研匀，用青蒿汁、童子小便、生地黄汁各一盞，于银石器内熬汁，入药末一半，慢火再熬，搅得所余药末尽，和匀，杵三百下，丸如绿豆大。每服五七丸至十丸，空心食前，煎陈粟米饮下，日三服。

治小儿不生肌肤，羸瘦骨热，小便黄赤，**麦门冬丸方**

麦门冬去心，焙。一两 人参 黄耆剉 青蒿子 黄连去须 桑根白皮剉 地骨皮 枳壳去瓤，麸炒 各半两 柴胡去苗 三分

上九味，捣罗为末，炼蜜丸如绿豆大。每服五丸至七丸，温熟水下。量儿大小加减。

治小儿骨热生风，**龙胆丸方**

龙胆一两 熊胆研。一分 马牙消研 朴消研 山梔子去

皮 玄参 人参 枳壳去瓤，麸炒 柴胡去苗 当归切，焙 陈橘皮去白，焙 各半两 麝香研 半钱 沉香半两 甘草炙，剉 赤茯苓去黑皮。各一两

上一十五味，除研外，捣罗为末，共研匀，炼蜜丸如梧桐子大。一岁一丸，温水化下。

治小儿骨热，日晚发热，面赤，五心烦躁，四肢无力，饮食减少，夜多盗汗，面色萎黄，**犀角汤方**

犀角镑 柴胡去苗 枳壳去瓤，麸炒 麦门冬去心，焙 赤茯苓去黑皮 芍药 大黄剉，炒 桑根白皮剉 黄耆剉 人参各一分<sup>①</sup> 鳖甲去裙襴，醋炙。半两

上一十一味，粗捣筛 每一钱匕，水一盏，入桃仁七枚，去皮尖，浆水煮过，麦门冬四十九粒，去心，煎至七分，去滓，分温三服，食后临卧

治小儿潮热，骨蒸羸瘦，久嗽咳喘，**犀角汤方**

生犀角镑。半两 柴胡去苗 秦艽去苗、土。各一两 白术 人参 赤茯苓去黑皮 木香各半两 甘草炙。一分

上八味，粗捣筛，每服一钱匕，水七分一盏，入小麦三七粒，同煎至六分，去滓温服，日三。

治小儿肌瘦，五心潮热，解骨热，长肌肉，益气，**保童丸方**

丹砂研。一分 大黄剉，炒 赤芍药 梔子仁各半两 知母切，焙 鳖甲去裙襴，醋浸，炙。各一两 人参 胡黄连各半两

上八味，除研外，捣为细末，入丹砂同研，浸蒸饼为丸如小绿豆大。每服五丸至十丸，温蜜汤或人参汤下。

治小儿骨热劳疾，面黄肌瘦，发热，夜卧有汗，**胡黄连丸方**

胡黄连 夜明砂 五灵脂各半两 柴胡去苗。一两 麝香研。半钱 鳖甲去裙襴，醋炙 人参各半两

上七味，捣罗为末，用猪胆汁煮面糊，丸如绿豆大。每服十丸至十五丸，米饮下，不拘时。

① 分：文瑞楼本同，日本抄本作“两”。

治小儿骨热，皮肤生疮，肌体瘦弱，身热，**连翘汤方**

连翘 山梔子去皮 甘草炙 黄芩去黑心 秦艽去苗、土 防风去叉 麦门冬去心，焙。各一两 知母焙 荆芥穗各半两

上九味，粗捣筛。每服一钱匕，水七分，煎至四分，去滓，食后临卧温服。

治小儿骨蒸潮热，瘦瘁颊赤，烦躁盗汗，食不生肌，病后余毒久不解，**羚羊角汤方**

羚羊角镑 地骨皮 秦艽去苗、土 麦门冬去心，焙 枳壳去瓢，麸炒 大黄剉，炒 柴胡去苗 赤茯苓去黑皮 芍药 桑根白皮剉 黄耆剉 人参 鳖甲去裙襕，醋炙。各一两

上一十三味，粗捣筛。每服一钱匕，水一盏，入青蒿少许，煎至六分，去滓，食后温服。量儿大小加减。

治小儿骨热，十五岁以下骨蒸热劳，遍身如火，日渐黄瘦，夜卧多汗，咳嗽烦渴，**丹砂丸方**

丹砂二两。飞，研 柴胡去苗，为末。四两

上二味，研匀，用豮猪胆汁拌和，饭甑上蒸一次，候冷，丸如绿豆大。每服十丸，用桃仁乌梅煎汤下，日三服。

## 小儿痰实

论曰：小儿乳食不下，吐涎沫而微壮热者，痰实也。此因乳哺冷热不调，停积胸膈，或水饮留滞，气不升降，致令痰热壅滞，壮<sup>①</sup>热烦闷，心神不宁，不差则变惊痫之病。

治小儿痰实，壮热头痛，**石膏汤方**

石膏别捣研。一两一分 大黄剉，炒。一两半 柴胡去苗。一两一分 升麻 知母焙 黄芩去黑心 芍药 枳实去瓢，麸炒。各三分 甘草炙。一两半 大青半两

上一十味，粗捣筛。每二钱匕，水一盏，入生姜少许，同煎

① 壮：原作“肚”，文瑞楼本同，文义不通，据日本抄本及前句“微壮热”之义改。



至六分，去滓，分温三服。量大小加减。

治小儿八岁已上，热结痰实，不能食，**大黄汤方**

大黄剉，炒。一两 柴胡去苗 升麻 黄芩去黑心 知母焙 芍药 栀子仁各三分 枳实去瓤，麸炒黄，半两 细辛去苗叶，一分

上九味，粗捣筛，每二钱匕，水一盏，入竹叶十片，同煎至六分，去滓，分温三服，早晚各一 量儿大小加减。

治小儿痰壅结实，**陈橘皮汤方**

陈橘皮汤浸，去白，炒，三分 升麻一分 桑根白皮剉 麦门冬去心，焙。各半两 前胡去芦头 大黄剉，炒。各一分

上六味，粗捣筛 每服一钱匕，水半盏，煎至三分，去滓温服，食后日三。量儿大小加减。

治小儿百日已来痰实，**柴胡汤方**

柴胡去苗。三分 当归切，焙。一分 赤茯苓去黑皮 大黄剉，炒。各半两 甘草炙。一分

上五味，粗捣筛 每一钱匕，水半盏，煎至三分，去滓，分温三服，早晚各一。量儿大小，以意加减。

治小儿百日已来，痰实壮热，兼惊，**龙齿汤方**

龙齿 大黄剉，炒。各一分 枳壳大者，一枚。去瓤，麸炒黄 朴消 甘草炙，剉。各一分

上五味，粗捣筛 每服一钱匕，水半盏，煎至三分，去滓，食前温服，日二。量儿大小加减。

治小儿百日已来痰实，**人参饮方**

人参半两 赤芍药一分

上二味，粗捣筛 每一钱匕，水半盏，入生姜一片，同煎至三分，去滓，分温三服。量儿大小加减。

治小儿痰实壮热，**茯苓汤方**

赤茯苓去黑皮 人参 黄芩去黑心 大黄剉，炒。各半两

上四味，粗捣筛 八九岁儿，每服二钱匕，水一盏，煎至半盏，去滓温服，日再，更量儿大小加减。

治小儿痰壅结实，**四通汤方**

桔梗炒 大黄剉，炒，各半两 陈橘皮汤浸，去白，焙 紫苑去苗、土。各一分

上四味，粗捣筛。每服一钱匕，水八分，煎至四分，去滓，食后温服，日再，更量儿大小加减

### 小儿客忤

论曰：小儿无故吐下青黄赤白色，水谷解离，腹痛夭矫反倒，面变五色，其状似痫，但眼不上戴者，名曰客忤。此由小儿血气未充，精神未定，忽见非常之物，或见未识之人，或为异类触犯，暴然发作，故名客忤。诊其脉弦急数者，忤也。若乳母醉后及房劳喘困气乏，即便乳儿，最为切忌，剧则不可救矣。

治小儿客忤卒痛及气满，常腹痛，麝香汤方

半夏汤洗十遍，生姜汁炙 黄耆各一两 甘草炒 干姜炮 桂去粗皮。各半两

上五味，粗捣筛。一二岁儿，每一钱匕，水七分，煎至四分，去滓，内麝香少许，分温二服，不拘时候，更随儿大小加减。

治小儿客忤吐利，白石脂汤方

白石脂一两 蜀漆半两 附子炮裂，去皮脐 一分 牡蛎煅，一两

上四味，剉如麻豆。一二岁儿，每一钱匕，水七分，煎至四分，去滓，分温二服，空心午后，更量儿大小加减。

治小儿客忤，惊啼壮热，犀角散方

犀角镑 麦门冬去心，焙 钩藤 丹砂研。各一分 牛黄研。半分<sup>①</sup> 麝香研。三大豆许

上六味，捣研为散。每服半钱匕，煎金银汤调下，不计时候。

治小儿客忤，腹满痛，大便不通，人参汤方

人参 龙胆 钩藤 柴胡去苗 黄芩去黑心 桔梗炒 赤芍药 茯神去木 当归切，焙 各半两 蜣螂去足，炙 二枚 大黄

① 分：文瑞楼本同，日本抄本作“两”。

剉，炒。一两

上一十一味，粗捣筛。每一钱匕，水一盏，煎至五分，去滓，分温二服，更量儿大小加减。

**治小儿客忤惊啼方**

牛黄末。一字 猪乳一栗壳许

上二味相和，渐渐滴儿口中。

**治小儿卒忤僵啼，腹坚满，雀屎丸方**

雀屎一两一分 当归切，焙。半两

上二味，捣罗为末，炼蜜丸如麻子大。五十日儿，每服一丸，以奶汁下，空心午后服，更量儿大小加减。

**治小儿中忤欲死，心腹痛，雄黄散方**

雄黄 麝香各一分

上二味，细研为散。周晬儿，每服一字，用刺鸡冠血调灌之，空心午后服，更量儿大小加减。

**治小儿客忤，惊邪鬼魅，安神，犀角丸方**

犀角镑 车前子 白茯苓去黑皮 人参各半两 雄黄研 一两

上五味，捣研为末，取桃白皮十两，桃符十两，水三升，煎一升，去滓，煎成膏，和前药丸如麻子大。每服三丸，桃柳汤下，

治小儿中客忤，吐青白沫，及食饮皆出，腹中痛，气欲绝，  
**桂参汤方**

桂去粗皮。一两 人参一分

上二味，粗捣筛。一二百日儿，每半钱匕，水半盏，煎至三分，去滓，分温三服；儿大，以意增之。

**治小儿卒中客忤，惊啼大叫，伏龙肝膏方**

伏龙肝研。二两 鸡子去壳。一枚 地龙粪研。一<sup>①</sup>两

上三味，相和研匀，或干，更入少水，调如膏。先用桃柳汤浴儿，后将药涂儿五心及顶门上。

治小儿中客忤，吐青白沫，及食饮皆出，腹中痛，气欲绝，

① 一：文瑞楼本同，日本抄本作“二”。



**桂枝汤方**

桂去粗皮。一两

上一味，粗捣筛。一二百日儿，每半钱匕，以水半盏，煎至三分，去滓，分温三服，空心午后，更量儿大小加减。

**治客忤，桂汤涂之方**

上取桂浓煎去滓，涂儿五心，常令湿。

**治小儿卒客忤，铜鉴鼻饮方**

铜鉴鼻<sup>①</sup>

上一味，烧令赤，淬酒中，以酒少许灌儿。若儿小未能饮者，令含之亦愈。

**治小儿客忤，浴方**

上取马粪三升，烧令烟绝，以酒煎三五沸，去滓，温温浴儿即愈。

**治小儿客忤壮热，浴方**

上取李叶煎汤，去滓，温温洗浴儿，差。

治小儿被客气忤犯，状似惊痫，但眼不戴上，耳后脉急数，

**龙胆饮方**

龙胆 钩藤剉 柴胡去苗 黄芩去黑心 桔梗剉，炒 赤芍药 茯神去木。各一分 蛭螂二枚 炙，去足、头、甲 大黄蒸三度，炒。一两

上九味，粗捣筛。每服二钱匕，水一小盏，煎取四分，量儿大小加减，分数服。

**治小儿客忤，吐沫如病方**

上青钱十四文，以水一斗五升，煎取一斗，浴儿，立差。

**小儿中恶**

论曰：小儿无故卒然心腹刺痛，闷乱欲绝者，中恶也。由儿阴阳气血不调，神守不强，故鬼毒恶气得以中之。凡腹大而满，

① 铜鉴鼻：古代铜镜背后用于穿孔的鼻钮。

脉紧大而浮者死，紧细而微者生。若余势久留，再发则变为注。

### 治小儿中恶，心腹卒痛，鬼箭羽汤方

鬼箭羽半两 真珠末<sup>①</sup>一分 羚羊角镑 桔梗炒 朴消细研 升麻 芍药 柴胡去苗。各一两 桃仁三十枚 去双仁、皮尖，麸炒 黄芩去黑心 大黄剉，炒 鬼臼各一两半

上一十二味，粗捣筛。一二岁儿，每一钱匕，以水一小盏，煎至六分，去滓，分温二服，空心午后各一服。量儿大小，以意加減。

### 治小儿中恶心痛，辟邪气，雄黄丸方

雄黄研 真珠研。各一两 麝香研。半钱 牛黄如枣大，研 巴豆四十<sup>②</sup>枚 去皮、膜、心，研去油尽 大枣十四<sup>③</sup>枚。蒸熟，去皮、核，研膏

上六味，除枣外，同研为末，入枣膏，和少许蜜涂臼中，捣一千杵，丸如粟米大。一二岁儿，每服三丸，薄荷汤下，空心午后各一服。量儿大小，以意加減。

### 治小儿中恶，心腹坚胀痛，颜色青黑，大便不通，芍药汤方

芍药 桔梗炒 桃仁七枚。去皮尖、双仁，炒 黄芩去黑心 柴胡去苗 升麻各一两 大黄剉，炒。二两 鬼臼一两 甘草炙 半两 杏仁四十枚 汤浸，去皮尖、双仁，炒 麝香半钱 研<sup>④</sup>

上一十一味，内十味粗捣筛，入麝香和匀。一二岁儿，每一钱匕，以水一小盏，煎至六分，去滓，分温二服，空心午后各一服，以利为度，随儿大小加減。

## 小儿中蛊

论曰：人有聚毒虫为蛊者，随饮食入腹，能变惑，食入五脏，小儿时有中之者，遂心腹刺痛，懊闷，急者即死，缓者涉历年月，

① 一：文瑞楼本同，日本抄本作“半”。

② 四十：文瑞楼本同，日本抄本作“六十”。

③ 十四：文瑞楼本同，日本抄本作“十六”。

④ 研：文瑞楼本同，日本抄本作“炒”。

渐至羸困。若注易傍人，则为蛊注之病。

治小儿中蛊毒，腹内坚如石，面目青黄，小便淋沥，变易无常，羶羊角汤方

羶羊角屑 藁荷各一两 梔子仁七枚 黄连去须 赤芍药 牡丹皮各一分 犀角屑。半两

上七味，粗捣筛，每二<sup>①</sup>钱匕，水一小盏，煎至六<sup>②</sup>分，去滓，分温二服，日三<sup>③</sup>，更量儿大小加减。

治小儿初中蛊毒，升麻汤方

升麻 桔梗剉，炒<sup>④</sup> 栝楼根各半<sup>⑤</sup>两

上三味，粗捣筛 每服一钱匕，水半盏，煎至三分<sup>⑥</sup>，去滓温服，日三<sup>⑦</sup>。量儿大小加减。

治小儿中蛊，腹内坚痛，鼓皮<sup>⑧</sup>汤方

败鼓皮三分。炙令黄，剉 苦参剉 藁荷根各一两

上三味，粗捣筛 每二<sup>⑨</sup>钱匕，以水一盏，煎至六<sup>⑩</sup>分，去滓，分温二服，日三<sup>⑪</sup>，更量儿大小加减。

治小儿飞蛊，状如鬼气，雄黄散方

雄黄研 麝香研<sup>⑫</sup> 犀角镑，捣为细末。各半两

上三味，同研令匀。每服以温水调下半钱匕，日四<sup>⑬</sup>服，更量

① 二：日本抄本、文瑞楼本同，明抄本、乾隆本作“一”

② 六：日本抄本、文瑞楼本同，明抄本、乾隆本作“五”。

③ 分温二服日三：日本抄本、文瑞楼本同，明抄本、乾隆本作“温服，日三四服”。

④ 剉炒：日本抄本、文瑞楼本同，明抄本、乾隆本作“去芦头”。

⑤ 半：日本抄本、文瑞楼本同，明抄本、乾隆本作“一”。

⑥ 水半盏煎至三分：日本抄本、文瑞楼本同，明抄本、乾隆本作“用水一小盏，煎至五分”

⑦ 三：日本抄本、文瑞楼本同，明抄本、乾隆本作“四五服”。

⑧ 鼓皮：日本抄本、文瑞楼本同，明抄本、乾隆本作“苦参”。

⑨ 二：日本抄本、文瑞楼本同，明抄本、乾隆本作“一”。

⑩ 六：日本抄本、文瑞楼本同，明抄本脱，乾隆本作“五”。

⑪ 分温二服日三：日本抄本、文瑞楼本同，明抄本、乾隆本作“温服，日三四服”。

⑫ 研：日本抄本、文瑞楼本同，明抄本、乾隆本作“各细研”。

⑬ 四：日本抄本、文瑞楼本同，明抄本、乾隆本作“四五”。



儿大小加减。

治小儿五种蛊毒，比圣汤方

马兜铃根

上一味，粗捣筛 每服二<sup>①</sup>钱匕，水一小盏，煎至五分，去滓，空腹顿服，当时随吐蛊出；未快吐，再服。

又方

败鼓皮一片。烧灰

上一味，细研如粉 空心粥饮调服一钱匕，须臾病儿呼蛊主姓名，病即愈。

又方

荠苳一两

上一味，捣罗为末 以粥饮调下一钱匕，更量儿大小加减

治小儿中蛊毒，腹内坚痛，面目青黄，羸瘦骨立，病变无常，神功散方

桃上寄生二两

上一味，捣罗为散，每服半钱匕，如茶点服，日三<sup>②</sup>。

又方

麝香

上一味，研细 每服一字匕<sup>③</sup>，空腹温水调下，即吐出蛊毒；未效，再服。

治小儿中蛊危急，再造汤方

甘草半两。生，剉

上一味，粗捣筛 水一中盏，煎至五分，去滓，分温二服，当吐蛊出。若预防蛊者，宜熟炙甘草，煮汁服之，即内消不吐，神效

## 小儿尸注

论曰：人有三尸，能为人患，无问老幼，但精神衰弱，'气血

① 二：日本抄本、文瑞楼本同，明抄本、乾隆本作“一”

② 三：日本抄本、文瑞楼本同，明抄本、乾隆本作“四五服”。

③ 一字匕：日本抄本、文瑞楼本同，明抄本、乾隆本作“半钱”。

不足者，率多被害。小儿血气未具，精神未全，因有尸注之病，其状沉默默，不的知病之所苦，或寒或热，弥引岁月，遂至于死，死后注易傍人，故名尸注。

治小儿尸注及中恶诸病，犀角散方

犀角镑 升麻 木香 槟榔剉 桑根白皮剉 大黄剉，炒。各半两 桃仁汤浸，去皮尖、双仁，炒，研 二七枚 麝香细研，一钱 上八味，捣研为散。每服半钱匕，温水调下，日四五服，更量儿大小加减。

治小儿尸注，心腹满胀疼痛，不可忍，木香汤方

木香 鬼箭羽 桔梗炒 当归剉，炒 紫苏茎叶 槟榔剉，各半两

上六味，粗捣筛。每服一钱匕，水七分，生姜二片，煎至四分，去滓，不拘时温服，更量儿大小加减。

治小儿注病，诸蛊魅精气入腹刺痛，黄瘦，雄黄丸方

雄黄研如粉 雌黄研如粉 各一两 丹砂研如粉，半两 麝香研 半钱 白头翁去苗 徐长卿各三分 羚羊角镑，炒 大黄剉，炒。各一两一分

上八味，捣研为末，以青羊脂炼过，和丸如麻子大。一二岁儿，每服三丸，熟水下，空心午后各一服，更随儿大小加减。

治小儿客忤霍乱，腹痛胀满，若尸注恶风，癫狂鬼祟，蛊毒妖魅，温疟，无所不治，太一<sup>①</sup>神精丸方

丹砂研 曾青研 雄黄研 雌黄研 磁石煨，醋淬三遍，捣研。各四两 金牙研。二两半<sup>②</sup>

上六味，各研罗为末，先将丹砂等五味用酖醋渍之，唯曾青用好酒铜器中渍，以纸密封头，日中暴经夏，急待用亦须五日，无日，以火暖之，其丹砂等五味日数亦然，各研如粉，以酖醋拌令干湿得所，内土釜中，以六一泥固济令密，候泥干，然后安铁

① 太一：日本抄本同，文瑞楼本作“太乙”。

② 二两半：文瑞楼本同，日本抄本作“一两半”。

环施脚高一尺五寸，置釜于环上，初取熟炭火两枝各长四寸，置于釜下，待三分消尽二分，更加熟火两枝，如此三度，然后用生炭烧，增之渐多，乃至一复时，火近釜底，即使满，其釜下炭经两度即罢，待火尽极冷，然后出之，其药精飞化凝著上釜，光明皎洁如雪者最佳；若飞上不尽，更合与火如前。以雄鸡翼扫取，多少不定，和以枣肉，丸如黍米大，平旦空腹服一丸。又常以绛囊带之，男左女右，小儿系头上，辟瘴毒恶气射工。小儿患，可以苦酒和之，涂方寸纸，贴儿心腹上；亦有已死者，冬二日，夏一日，与药得下便活。若服药闷乱，可煮防己汤，饮之则定。兼治大风恶癩，偏风风癩，历节鬼击，痲疹，小儿惊忤，不能乳哺，痲疽痔痿，腹内积冷，妇人产死未经宿，狂狗所啖，丁肿蛲虫，寸白恶肿，邪鬼精妖，并去一切恶。

治小儿尸注鬼击，惊痫魍魎，三十六种无辜，天行急黄，保童丸方

牛黄研 麝香研 甘草炙，剉 真珠末各一分 丹砂研，水飞 杏仁汤浸，去皮尖、双仁，麸炒 赤芍药 赤茯苓去黑皮 各半两 虎睛酒浸，炙。一对 甘遂炮。半分 巴豆五枚。去皮、心、膜，研，纸裹，压出油尽

上一十一味，捣研为末，和匀，炼蜜丸如麻子大。三四岁，每服二丸，荆芥汤下，更量儿大小加减。

治小儿尸注，邪气入腹疼痛，立效散方

雄黄细碎。一分 梔子仁十枚 赤芍药半两

上三味，捣罗二味为末，入雄黄研匀。每服半钱匕，温水调下，更量儿大小加减。

治小儿尸注劳瘦，或时寒热，鬼臼丸方

鬼臼去毛。半两 升麻三分 麝香细研 一钱 柴胡去苗。一两

上四味，捣罗三味为末，入麝香研匀，炼蜜和丸如绿豆大。每服十丸，暖酒下，日三，更量儿大小加减。

治小儿尸注，灶煤散方



灶突中煤三指撮 盐少许

上二味，同研为散。一二岁儿，每服半钱匕，熟水调下，空心午后各一服，更随儿大小加减。

治小儿尸注鬼癖，心腹往来疼痛，或加寒热恍惚，形色多般，

### 桃仁散方

桃仁二七枚。汤浸，去皮尖、双仁，麸炒 木香 人参 桂去粗皮 虎头骨酥炙 槟榔剉 京三稜煨，剉 麝香研 芥子炒。各一分 款冬花 丹砂研，水飞 干桃柳叶各半两

上一十三味，捣研为散。每服半钱匕，温水调下，更量儿大小加减。

治小儿尸注劳瘦，或时寒热，**桃仁汤方**

桃仁二十枚。汤浸，去皮尖、双仁，生，研

上一味，以水一盞，煎至五分，去滓，量儿大小，分减与服，以吐为效。如不吐，即非注也。

治小儿尸注，**鳖头散方**

鳖头一枚。烧灰

上一味，细研为散。每服半钱匕，新汲水调下。

## 小儿胎寒

论曰：小儿胎寒之病，本于在胎时禀受不足，或犯寒冷，既生之后，腑脏又怯，乳哺不化，或胀或利，颜色青葩，甚则邪冷与正气相搏，令儿腹痛腹胀，蹙气而啼，是为胎寒之病。

治小儿胎寒腹胀啼，腹中痛，舌上青黑，**蜀椒丸方**

蜀椒去目及闭口者，炒出汗。一分 当归切，焙。半两 吴茱萸汤浸，焙干，炒。半分 狼毒剉，炒。一分 细辛去苗叶。三分 干姜炮。一分 巴豆十枚。去心、膜，研细，纸裹出油尽 豉炒。二合 附子炮裂，去皮脐。三分

上九味，将八味捣罗为末，以巴豆一处同研令匀，炼蜜和丸。一月儿，服如黍米大一丸，早晨、晚后各一服；一岁儿两丸，三至五岁儿，服五丸，并用米饮下，更量儿大小加减。

治小儿胎寒，腹中疝痛，黄耆汤方

黄耆切，焙 人参 芍药各一两半 当归切，焙 甘草炙 芎藭各一两

上六味，粗捣筛。每二钱匕，以水一小盏，生姜二片，煎至五分，去滓，分温三服，早晨、日午、近晚各一。

治小儿胎寒腹痛，羶啼下利，理中丸方

人参 干姜炮 白术 甘草炙。等分

上四味，捣罗为末，炼蜜为丸如弹丸大。每一丸，水一盏，入大枣一枚，擘破，同煎至半盏，分温三服，或以姜枣汤化下。

治小儿胎寒，聚唾弄舌，羶啼反张怒惊，当归散方

当归切，焙 黄耆剉 细辛去苗叶 黄芩去黑心 龙骨烧 桂去粗皮 芍药各一两

上七味，捣罗为散。每服一字匕或半钱匕，乳汁调下，早晨、日午、近晚各一。量儿大小加减。

治小儿胎寒羶啼，温中止痛，逐痛丸方

雀屎一分，炒 牛黄别研 芍药 芎藭各半两 当归切，焙。一两

上五味，捣罗为末，炼蜜和丸麻子大。百日儿，每服一丸，乳汁下，早晨、日午、近晚各一。量儿大小加减。

治小儿胎寒，羶啼惊痫，虚胀，不嗜食，大便青或夹脓，并治诸痢证，当归丸方

当归切，焙。半两 蜀椒去目及闭口者，炒出汗。一分 附子一枚。炮裂，去皮脐 杏仁十二<sup>①</sup>枚，汤浸，去皮尖、双仁，麸炒 狼毒剉，炒。半分 巴豆二十<sup>②</sup>枚。去皮、心，研烂，出油尽 豉微炒 细辛去苗叶。各一分

上八味，捣罗为末，炼蜜和杵，以瓷器盛之，每用旋丸。未满百日儿，服如麻子大一丸，温水下；一二岁儿二丸，早晨只一

① 十二：文瑞楼本同，日本抄本作“十”。

② 二十：文瑞楼本同，日本抄本作“二”。

服。更量儿大小加减，以利为度。

治小儿胎寒，大便青，不欲食，**芍药丸方**

芍药 当归切，焙 芎藭 人参各三分 甘草炙。一两

上五味，捣罗为末，炼蜜和丸如麻子大。每服一丸，以乳汁下，早晨、日午、近晚各一。量儿大小加减。

治小儿胎寒，腹痛羶啼，**芎藭汤方**

芎藭 当归切，焙 黄耆剉，焙。各二两 干姜炮 甘草炙 黄芩去黑心。各半两

上六味，粗捣筛。每一钱匕，以水一小盏，煎至五分，去滓，分温二服，早晨、日晚各一。量儿大小加减。

治小儿胎寒，腹痛，大便青，**芎藭丸方**

芎藭 黄耆各三分 牛黄研。一分 麝虫炙。半两 麝香研。一钱 当归切，焙 芍药各半两

上七味，捣罗为末，炼蜜和丸如麻子大。每服两丸至三丸，米饮下，早晨、晚间各一。量儿大小加减。

治小儿五十日以来胎寒，腹痛微热，聚唾弄舌，羶啼上视，**当归酒方**

当归切，焙，粗捣。一分 猪肉一两。薄切小片

上二味相和，以清酒一碗，煮至七分，去滓。每服取半呷许，令儿咽之，日三夜一。量儿大小加减。

治小儿胎寒，腹痛汗出，**衣中白鱼摩方**

衣中白鱼二七枚

上一味，以薄熟绢包裹，于儿腹上回转摩之。



# 卷第一百七十八

## 小儿门

小儿冷痢 小儿热痢 小儿赤白痢 小儿血痢 小儿脓血痢  
小儿蛊毒痢

## 小儿门

### 小儿冷痢

论曰：凡痢皆由乳食不节，伤动胃气，肠胃虚弱，清浊不分，因虚而泄，滞久不散，故为痢也。虚而冷者，则所下青白，或如凝脂，久不差，则陈寒结痼，或下黑瘀，诊其脉沉<sup>①</sup>而迟者，冷痢也。

治小儿五岁已下、百日已上冷痢，龙骨饮方

龙骨 黄连去须。各一两半 人参 甘草炙，剉 干姜炮裂 半夏汤洗十遍，焙干 厚朴去粗皮，生姜汁炙，剉 赤石脂各一两

上八味，粗捣筛。一<sup>②</sup>岁儿，每一钱匕，水半盏，入枣一枚，擘破，同煎至三分，去滓，分温二服，空心午后各一服，量儿大小，以意加减。

治小儿秋后大肠挟冷，下痢不止，诃黎勒散方

诃黎勒煨，去核。半两 肉豆蔻去壳。二枚 当归切，焙 赤石脂 密陀僧别研如粉 枳壳去瓤，麸<sup>③</sup>炒 龙骨 干姜炮裂 厚朴去粗皮，姜汁炙。各半两

上九味，捣罗为散。一、二岁儿，每服半钱匕，米饮调，空心午后各一服。更量儿大小，以意加减。

① 沉：乾隆本、日本抄本、文瑞楼本同，明抄本作“涩”

② 一：明抄本、乾隆本、文瑞楼本同，日本抄本作“二”

③ 麸：乾隆本、日本抄本、文瑞楼本同，明抄本作“面”。

## 治小儿下痢白脓，黄耆汤方

黄耆剉 芎蒭 干姜炮裂 人参 黄芩去黑心 当归切，焙 甘草炙。各半两 桂去粗皮。一分

上八味，粗捣筛。一岁儿，每一钱匕，水半盏，同煎至三分，去滓，分温二服，空心日晚各一服。量儿大小，以意加减。

## 治小儿冷痢，心腹胀满，干呕不止，陈橘皮汤方

陈橘皮汤浸，去白，焙。一分 人参一分 甘草炙。半两

上三味，粗捣筛。一岁儿，每一钱匕，水半盏，生姜二片，同煎至三分，去滓，分温三服，食前，日再。随儿大小，以意增减。

## 治小儿虚冷，脏腑滑泄不止，白丸子方

硫黄半两。研 附子炮裂，去皮脐。取末，秤，半两 消石研 钟乳研 白龙骨研 寒食面各一分

上六味，同研令匀细，面糊丸如麻子大。每服三五丸，量儿大小加减，粥饮下，疾愈即止。

## 治小儿冷痢腹痛，艾香散方

艾叶炒 木香 黄连去须 各半两 龙骨研 诃黎勒煨，取皮 当归切，焙。各三分 干姜炮裂。一分

上七味，捣研为散。每服半钱匕，米饮调下，食前服。

## 治小儿秋深冷痢，止腹痛，蜀椒丸方

蜀椒去目及闭口者，炒汗出。一两 干姜炮裂<sup>①</sup>。一分

上二味，捣罗为末，炼蜜和丸小豆大。一岁儿，空心面汤下五丸；未止，日午再服。量儿大小，以意加减。

## 治小儿冷痢白脓，脐下绞刺痛，木香丸方

木香一两 诃黎勒煨，去核。一两

上二味，捣罗为末，以粳米饭和为丸如麻子大。一二岁儿三丸，五岁儿五丸，米饮下，食前服。

## 治小儿白痢，人参汤方

① 炮裂：乾隆本、文瑞楼本同，明抄本作“炮制”，日本抄本作“炮”。

人参二两半 厚朴去粗皮，生姜汁炙。一两 甘草炙。一两 白茯苓去黑皮。一两一分 桦皮炙。二两 桔梗炒。一两一分 上六味，粗捣筛。一二岁儿，每一钱匕，水半盏，煎至三分，去滓，分温二服，乳食前。量儿大小，以意加减。

### 治小儿冷痢，诃黎勒丸方

诃黎勒煨，去核。半两 桂去粗皮。一分 赤石脂半两

上三味，捣罗为末，炼蜜和丸，更入臼中捣三五百杵，丸如麻子大。一二岁儿三丸，三四岁儿五丸，空心午后各一服，米饮下。

### 治小儿白痢，阿胶饮方

阿胶炙令燥。一两一分 黄芩去黑心。一两 黄连去须。半两

上三味，粗捣筛。一二岁儿，每一钱匕，水半盏，煎至三分，去滓，分温二服，空心日晚各一服。量儿大小，以意增减。

### 治小儿冷痢白脓，茯苓饮方

白茯苓去黑皮 一两一分 人参一两半 厚朴去粗皮，生姜汁炙，剉。一两半 桔梗炒。一两 桦皮炙。一两

上五味，粗捣筛。每一钱匕，水半盏，煎至三分，去滓，分温二服，食前，日二。量儿大小，以意增减。

### 治小儿下痢色白，小便赤，调中，人参饮方

人参三分 龙骨一两 厚朴去粗皮，生姜汁炙，剉。一分 当归切，焙 干姜炮裂<sup>①</sup> 白茯苓去黑皮 甘草炙。各一两

上七味，粗捣筛。一二岁儿，每一钱匕，水半盏，煎至三分，去滓，分温二服，空心日晚各一。量儿大小，以意加减。

### 治小儿冷痢腹痛，龙骨汤方

龙骨 甘草炙 黄连去须 各一两 干姜炮裂<sup>②</sup> 当归切，焙 各三分

上五味，粗捣筛。一岁儿，每半钱匕，水半盏，煎至三分，

① 炮裂：乾隆本、文瑞楼本同，明抄本无，日本抄本作“炮”。

② 裂：乾隆本、文瑞楼本同，明抄本、日本抄本无。



去滓，分温二服，日再。量儿大小，以意加減。

### 治小儿冷痢，当归汤方

当归切，焙 黄连去须 赤石脂 干姜炮裂<sup>①</sup> 龙骨 酸石榴皮微炙 厚朴去粗皮，生姜汁炙，剉，各三分

上七味，粗捣筛 每一钱匕，水一盞，煎至五分，去滓，分温二服，食前日一。量儿大小，以意加減。

治小儿肠胃虚弱，清浊不分，痢下青白，或如凝脂，陈寒痼冷，或下黑瘀，豆蔻散方

肉豆蔻去壳 一枚 缩砂去皮 七枚 诃黎勒去核 三枚 铅丹炒 胡粉炒 龙骨各二钱 白矾一分 天仙子一分 与白矾和令匀，入在橡斗子内合定，用麻线缠定，炭火内烧黑存性，细研

上八味，捣研为散，再研令匀，每服半钱匕，米饮调下，乳食前服。

### 治小儿冷痢，心腹痛闷，不美乳食，呕逆不止，丁香丸方

丁香 硫黄 胡椒 桂去粗皮 各一钱 陈橘皮去白，焙 附子炮裂，去皮脐。各一分 肉豆蔻去壳。一枚

上七味，捣罗为细末，用生姜汁煮面糊，和丸如绿豆大，每服五丸，生姜艾汤下，奶食前服。量儿大小加減服。

治小儿脾胃虚弱，清浊不分，因成冷痢，其色青白，甚则色黑，厚朴丸方

厚朴去粗皮，生姜汁制，炙黄色，一两 肉豆蔻面裹，炮裂<sup>②</sup> 一两 诃黎勒三枚。面裹炮，用皮 龙骨半两 木香一两

上五味，捣罗为细末，水浸炊饼心和丸如麻子大。一二岁儿，每服十丸，温米饮下，日三服。

### 治小儿冷痢，便下青白，或如凝脂，或下瘀黑，厚朴汤方

厚朴去粗皮，生姜汁炙，剉 苍术米泔浸，切，焙 陈橘皮去白，焙。各一两 甘草炙，剉。半两 干姜炮。三分

① 炮裂：乾隆本、文瑞楼本同，明抄本无，日本抄本作“炮”。

② 面裹炮裂：乾隆本、文瑞楼本同，明抄本作“面煨”，日本抄本作“面裹炮”。

上五味，粗捣筛。每服一钱匕，水一盞，入生姜二片，枣一枚，擘，煎至五分，去滓温服。

治小儿冷痢，或下青白，或下瘀黑，或如凝脂，补脾丸方

肉豆蔻炮，去壳，一枚。为末。龙骨烧，研。乳香研。芫荽仁炒，研。麝香研。各一钱。

上五味，同研匀，软饭丸如麻子大。每服五七丸，陈米饮下。

治小儿冷痢，或下青白，或下瘀黑，或如凝脂，草节丸方

乌头炮裂，去皮脐。黄连去须。吴茱萸汤洗，焙，炒。干姜焙。各一钱。

上四味，捣罗为末，醋煮面糊和丸如黍米大。每服七丸，草节汤下。

## 小儿热痢

论曰：小儿挟热痢，此由邪热在于肠间，因胃气不和，乳食伤动，故令腹痛肠鸣，下痢黄赤，名热痢。

治小儿热痢下重，或下痢如血汁，香连丸方

木香。黄连去须。各半两。

上二味，捣罗为细末，醋浸炊饼和丸如绿豆大。每服二十丸，米饮下，不计时候。

治小儿赤痢，经时不止，犀角丸方

犀角镑屑。一两一分。黄连去须。一两半。女萎一两。白头翁去芦头。一两半。茜根三分。枳壳去瓤，麸炒黄。三分。甘草炙。半两。赤石脂一两一分。黄芩去黑心。一两。干蓝半两。樺皮炙。三分。龙骨一两。黄檗去粗皮，炙。半两。

上一十三味，捣罗为细末，炼蜜和捣五百杵，丸如麻子大，一二岁儿，每服三丸，三岁至六岁儿可四五丸，空心午后各一服，米饮下。

治小儿卒下热痢，赤石脂汤<sup>①</sup>方

① 汤：明抄本、日本抄本、文瑞楼本同，乾隆本作“散”。

赤石脂一两 黄连去须 石膏碎 甘草炙 龙骨 知母焙 前胡去芦头 赤茯苓去黑皮 桂去粗皮 芍药各一分<sup>①</sup>

上一十味，粗捣筛 一二岁儿，每半钱匕，入枣一枚，擘破，水七分，煎至四分，去滓，分温二服，空心午后各一服。

治小儿热毒下痢如鱼脑，手足壮热，**黄连白头翁汤方**

黄连去须 一两 白头翁 醋石榴皮炙 犀角镑屑 各半两

上四味，粗捣筛 一二岁儿，每半钱匕，水七分，煎至四分，去滓，分温二服，空心午间日晚各一服

治小儿热痢，**牡蛎丸方**

牡蛎煨 黄连去须 黄檗去粗皮，炙 龙骨 赤石脂 人参 甘草炙。各一两

上七味，捣罗为末，炼蜜和捣千余杵，丸如麻子大。一二岁儿，每服三丸，四岁至六岁儿五丸，米饮下，空心午后各一服。

治小儿热痢不止，**梔子丸方**

梔子仁七枚 黄檗去粗皮，炙 三分 白矾熬汁枯，一<sup>②</sup>两 枣大者，四枚。烧令黑色

上四味，捣罗为细末，炼蜜和丸如麻子大。一二岁儿，每服三丸，三四岁儿，每服五丸，米饮下，空心午后各一服。

治小儿热痢壮热，全不食乳，食乳即吐，**熊胆散方**

熊胆半两 黄连去须 三分 马齿苋干者，炒 一两 无食子煨。一枚 蚺蛇胆半两 犀角镑屑。一两

上六味，捣罗为细散。一二百日儿，每服一字匕，新汲水调服，空心午后各一服。

治小儿热痢不止，**黄芩知母汤方**

黄芩去黑心 知母焙 各一两 萎蕤三分 黄檗去粗皮，炙 半两 甘草炙。半两

上五味，粗捣筛 一二岁儿，每半钱匕，水七分，煎至四分，

① 分：乾隆本、日本抄本、文瑞楼本同，明抄本作“两”。

② 一：此前原有“各”，明抄本、乾隆本、日本抄本、文瑞楼本同，据文义删



去滓，分温二服，空心午后各一服。

治小儿热毒痢，下脓血，羚羊角汤方

羚羊角镑屑 三分 地榆一两 吴蓝三分 黄连去须，一  
两 黄芩去黑心，半两 茜根三分 当归切，焙 阿胶炙燥 赤石  
脂各一两 甘草炙，半两

上一十味，粗捣筛。一二岁儿，每半钱匕，水七分，煎至四  
分，去滓，分温二服，空心午后各一服。

治小儿热毒痢，下血，黄连饮方

黄连去须 一两半 白蘘荷根一两 犀角镑屑 一两 黄芩  
去黑心，一两 白头翁去芦头，三<sup>①</sup>分 茜根到 一两 蓝青干者，  
三<sup>②</sup>分 甘草炙，半两

上八味，粗捣筛。一二岁儿，每半钱匕，水七分，煎至四分，  
去滓，分温二服，空心午后各一服。

治小儿热痢，壮热多渴而痢，乌梅汤方

乌梅肉去核，二枚，焙 黄连去须 蓝叶各一分 犀角镑  
屑 阿胶炙燥 甘草炙，各半两

上六味，粗捣筛。一二岁儿，每半钱匕，水七分，煎至四分，  
去滓，分温二服，空心午后各一服。

治小儿热痢，黄连汤方

黄连去须 一两 黄檗去粗皮，炙，半<sup>③</sup>两 阿胶半两，炙燥

上三味，除阿胶外，粗捣筛。每服半钱匕，酒半盏，入阿胶  
一片，同煎至二分，去滓，空心日午近晚各一服。

治小儿热痢，腹中疼痛，或血痢，黄连汤方

黄连去须 山栀子仁各三<sup>④</sup>分

上二味，粗捣筛。一二岁儿，每半钱匕，水七分，煎至四分，

① 三：乾隆本、日本抄本、文瑞楼本同，明抄本作“二”

② 三：乾隆本、日本抄本、文瑞楼本同，明抄本作“二”

③ 半：乾隆本、日本抄本、文瑞楼本同，明抄本作“一”

④ 三：明抄本、乾隆本、文瑞楼本同，日本抄本作“一”

去滓，分温二服，空心午后<sup>①</sup>各一服。

治小儿赤痢血痢，诃黎勒散方

诃黎勒煨，去核 梔子去壳。各一两

上二味，捣罗为细散。一二岁儿，每服半钱匕，米饮调下，空心午后各一服。

治小儿久热痢，不下乳，三物汤方

大黄生，剉 甘草炙，剉 麦门冬去心，焙。等分

上三味，粗捣筛。每二钱匕，水一盏，煎至五分，去滓，分温三服，空腹。量儿大小加减服。

### 小儿赤白痢

论曰：小儿痢下赤白，由脾胃不和，乳食所伤，留滞肠中，与津液相搏，肠虚则泄，故为痢也。虚而有热则赤，虚而有寒则白，冷热不调，则赤白相兼，脓血杂下，故名赤白痢。

治小儿赤白痢，腹肚疼痛，不思饮食，羸瘦，赤石脂丸方

赤石脂 白矾烧令汁尽 诃黎勒皮 白术 黄耆剉 厚朴去粗皮，生姜汁炙，剉 醋石榴皮 干木瓜焙 各半两 肉豆蔻去壳一枚 干姜炮。一分

上一十味，捣罗为末，炼蜜丸如麻子大 每服五丸，温米饮下，空心午后服。量儿大小加减。

治小儿赤白痢不止，当归丸方

当归切，焙 半两 黄连去须 龙骨 人参各一分 无食子炮。二枚 鹿角镑 豉炒。各一分

上七味，捣罗为末，炼蜜丸如麻子大。每服五丸，温米饮下，空心午后服。量儿大小加减。

治小儿下痢赤白，鹿角丸方

鹿角镑 茺莢仁炒 附子炮裂，去脐皮。各一分 赤石脂半两

上四味，捣罗为末，炼蜜和丸如麻子大。每服五丸，温米饮

① 午后：乾隆本、日本抄本、文瑞楼本同，明抄本作“日午、晚间”。

下，空心日晚各一服。量儿大小加减。

治小儿赤白痢，日夜三五十行，**白术汤方**

白术一两一分<sup>①</sup> 干姜炮。一分 白茯苓去黑皮 甘草炙。各一两 附子炮裂，去皮脐。半两

上五味，粗捣筛 每一钱匕，水半盏，煎至三分，去滓，分温二服，空心食前服。量儿大小加减。

治小儿赤白痢，**人参汤方**

人参一两半 厚朴去粗皮，生姜汁炙。一两 白茯苓去黑皮 桔梗剉，炒。各一两一分 樗皮去粗皮，炙。二两 甘草炙。一两半

上六味，粗捣筛 每服一钱匕，水半盏，煎至三分，去滓，早晨、午后服。量儿大小加减。

治小儿赤白痢，腹痛，日夜频数，**厚朴散方**

厚朴去粗皮，生姜汁炙 三分 人参半两 赤石脂 龙骨各一两 地榆 干姜炮 当归切，焙。各半两 黄连去须。一两

上八味，捣罗为散 每服半钱匕，空心米饮调下，午后再服 量儿大小加减。

治小儿赤白痢，日夜数十行，腹痛后重，**犀角汤方**

犀角镑 苦参 黄连去须 地榆 黄檗去粗皮，炙 各一两

上五味，粗捣筛 每一钱匕，水半盏，煎至三分，去滓，分温二服，空心午后服。量儿大小加减。

治小儿赤白痢，久痢成疳，**黄檗散方**

黄檗去粗皮，炙 黄连去须 桃白皮炙，剉 胡粉炒 白茯苓去黑皮。各一两 丁香一分

上六味，捣罗为散 每服半钱匕，米饮调下，空心午后服。量儿大小加减。

治小儿赤白痢，挟热多渴，宜服**蓝叶汤方**

蓝叶一分 黄连去须 半两 白茯苓去黑皮 一分 冬瓜子炒

① 一两一分：乾隆本、日本抄本、文瑞楼本同，明抄本作“一两”



半两

上四味，粗捣筛。每一钱匕，入蜜少许，水一小盏，煎至五分，去滓，分温二服，空心午后服。量儿大小加减。

#### 治小儿赤白痢，鹿茸散方

鹿茸去皮、毛，酥<sup>①</sup>炙甘草炙诃黎勒煨，去核。各半两

上三味，捣罗为散。每服半钱匕，食前日三，米饮调下。量儿大小加减。

#### 治小儿赤白痢，黄连散方

黄连去须 槟榔剉

上二味，各捣罗为散。如患赤痢，黄连末二钱匕，槟榔末一钱匕；白痢，黄连末一钱匕，槟榔末二钱匕，和匀。每服半钱匕，米饮调下。量儿大小加减。

#### 治小儿赤白痢，腹内疼痛，烦渴，木香黄连散方

木香 黄连去须 各半两 诃黎勒炮，去核 十二枚 肉豆蔻去壳。二枚 甘草炙。半两

上五味，捣罗为散。每服半钱匕，米<sup>②</sup>饮调下。

#### 治小儿赤白痢及水泻，麝香丸方

麝香研。半钱 巴豆七粒。去皮，水半盏，用蛤粉一匙头同煮，水尽，去心、膜，细研 丹砂研 硫黄各一分 研 草乌头炮，去皮取末。一钱 砒霜研。半钱

上六味，捣研为末，用枣肉和丸如黍米大。每服一丸。水泻并痢，秋后蛤粉水下，夏至后新汲水下；赤白痢，生姜汤下。更量儿大小，以意加减。

#### 治小儿赤白痢，神捷散方

大枣四枚 梔子仁五枚 干姜半栗子大

上三味，并烧黑色，研为散。每服半钱匕，米饮调下。

#### 治小儿赤白痢方

① 酥：乾隆本、日本抄本同，明抄本无，文瑞楼本作“醋”。

② 米：乾隆本、日本抄本、文瑞楼本同，明抄本作“水”。

苘麻子一两。炒

上一味，捣罗为散。蜜水调下半钱匕，食前，加减服。

治小儿赤白痢，龙骨散方

龙骨研 白石脂研 胡粉炒 白矾枯过 各一两<sup>①</sup> 诃黎勒皮二两 黄连去须 陈橘皮去白，麸炒 阿胶炙，燥 当归切，焙 人参<sup>②</sup> 厚朴去粗皮，生姜汁炙。各一两半<sup>③</sup>

上一十一味，捣罗为散。每一钱匕，空腹煮白粥饮调下，日二。

治小儿赤白痢，黄连丸方

黄连去须 龙骨 赤石脂 当归切，炒 各二分 白石脂 乌梅肉炒 黄芩去黑心。各半两

上七味，捣罗为末，炼蜜丸如梧桐子大。每服五丸，空腹煮白粥饮研下，日二服，渐加至十丸。

治小儿赤白痢，里急后重，诃黎勒丸方

诃黎勒煨，去核 地榆去苗，微炙<sup>④</sup> 醋石榴皮炙焦 高良姜 赤石脂各半两 吴茱萸汤洗，焙干，炒 一分 黄连去须。三分

上七味，捣罗为末，炼蜜和丸如麻子大。每服七丸，温米饮下，空心午后各一。看儿大小，以意加减。

治小儿下痢赤白，乳食减少，腹痛满闷，中黄散方

定粉 铅丹二味银器内，同炒令赤 海螵蛸 龙骨各一钱 诃黎勒炮，去核。二钱

上五味，捣罗为散。每服半钱匕，紫苏木瓜汤调下。量儿大小加减服。

治小儿赤白痢，腹痛，黄连汤方

黄连去须。一两 干姜炮 艾叶炒 各半两 乌梅肉三枚

① 两：乾隆本、日本抄本、文瑞楼本同，明抄本作“升”。

② 人参：乾隆本、日本抄本、文瑞楼本同，明抄本此后有“一两”。

③ 各一两半：乾隆本、日本抄本、文瑞楼本同，明抄本作“一两”。

④ 炙：明抄本、文瑞楼本同，乾隆本、日本抄本作“炒”。

上四味，哎咀。每服二钱匕，以水八分一盞煎，去滓，取三分，空腹温服。

### 小儿血痢

论曰：热痢不差，则变血痢。由痢久肠虚，热毒留滞，血脉妄行，流渗肠间，肠虚则泄，故为血痢也。

#### 治小儿血痢，茜根饮方

茜根剉。一两 地榆根。剉。三<sup>①</sup>分 马蔺子微炒。一分 黄连去须 黄檗去粗皮，微炙 黄芩去黑心。各一两半 当归切，焙一两

上七味，粗捣筛。一二岁儿，每一钱匕，水七分，入生姜二片，同煎至四分，去滓，分温二服，空心晚食前各一服。更随儿大小，以意加减。

#### 治小儿血痢无度，黄连汤方

黄连去须。一两半 艾叶微炒 一分 阿胶炙令燥。半两 豉一十粒。炒令黄焦

上四味，粗捣筛。一二岁儿，每一钱匕，水七分，入葱白二寸并须切，同煎至四分，去滓，分温二服，空心午后各一服。量儿大小，以意加减。

#### 治小儿血痢无度，黄连汤方

黄连去须。半两 甘草炙，剉。半两 黄药子一分 吴蓝叶一分 梔子仁二枚 犀角屑一分

上六味，粗捣筛。一二岁儿，每一钱匕，水七分，煎至三分，去滓，分温二服，食前，日二。随儿大小，以意加减。

#### 治小儿泻血不定，樗根汤方

樗根白皮炙香，剉。三分 无食子一枚 肉豆蔻去壳。一枚 茜根剉。半两 茶末一分

上五味，粗捣筛。每一钱匕，水七分，煎至四分，去滓，分

① 三：明抄本、乾隆本、文瑞楼本同，日本抄本作“二”。



温二服，早晨、晚后各一。量儿大小加减。

治小儿血痢不止，麝香散方

麝香一钱 鹿角屑。半两。炒微焦 乱发灰半两

上三味，同研为散。每服半钱匕，粥饮调下，日三四服。量儿大小加减。

治小儿血痢，地榆汤方

地榆剉 黄檗去粗皮，微炙 黄连去须 黄芩去黑心 各一两半 马蔺子微炙。半两 茜根剉。一两

上六味，粗捣筛。一二岁儿，每一钱匕，水半盏，入生姜一片，同煎至三分，去滓，分温二服，食前，日再 随儿大小，以意增减。

治小儿血痢，薤白饮<sup>①</sup>方

薤白十<sup>②</sup>茎。切 香豉一合半<sup>③</sup> 山梔子仁五枚 黄连去须。半两

上四味，除香豉、薤白外，余粗捣筛。一二岁儿，每一钱匕，水七分，入香豉二七粒，薤白一<sup>④</sup>茎，切，同煎至三分，去滓，分温二服。量儿大小增减。

治小儿脏腑虚滑，泻血腹痛，固肠丸方

槐蛾<sup>⑤</sup>半两 炒黄色 肉豆蔻三枚 面裹烧香 干姜炮裂<sup>⑥</sup>半两 枯矾一分

上四味，捣研细为末，面糊为丸如麻子大。乳香汤下，一二岁儿，每服十丸，日进二服。

治小儿脾毒泻血，猬皮散方

刺猬皮剉 陈槐花 白矾 鹿角屑各一两 王瓜半两

上五味，同入沙合子内，用盐泥固济令干，烧令通赤，取出，

① 饮：明抄本、乾隆本、文瑞楼本同，日本抄本作“散”。

② 十：乾隆本、文瑞楼本同，明抄本作“七”，日本抄本作“半”。

③ 一合半：乾隆本、日本抄本、文瑞楼本同，明抄本作“一合”。

④ 一：乾隆本、日本抄本、文瑞楼本同，明抄本作“二”。

⑤ 槐蛾：即槐耳。寄生在槐树上的木耳。首见《太平圣惠方》。

⑥ 炮裂：乾隆本、文瑞楼本同，明抄本无，日本抄本作“炮”。

为细散。每服半钱匕，入生姜自然汁两三点，用腊茶清调下。

治小儿肠虚腹胀，泻血不止，地榆丸方

地榆一两 草豆蔻三枚，炮，去皮 黄耆剉，一两 枳壳麸炒，去瓢。半两

上四味，捣罗为细末，面糊为丸麻子大。二岁儿，每服十丸，草节汤下，日三服。

治小儿血痢不止，胡黄连丸方

胡黄连 黄连去须，各半两 丁香 卢会 五灵脂 干姜炮裂<sup>①</sup> 槟榔剉，各一分 木香 麝香研，各一钱

上九味，捣研为末，用炊饼丸如麻子大。每服三五丸，量儿加减，温米饮下。

治小儿血痢，犀角饮方

犀角镑末。半两 桦皮去粗皮，微炙。四两

上二味，粗捣筛。一二岁儿，每服一钱匕，水七分，煎至四分，去滓，分温二服，空心午后各一服。量儿大小加减。

治小儿毒热血痢，香豉饮方

香豉微炒。一分 梔子五枚。去皮 黄连去须。一分

上三味，粗捣筛。每一钱匕，水七分，入薤白两茎，切，同煎至四分，去滓，分温二服，空心日晚各一。量儿大小加减。

治小儿血痢，腹痛减食，四肢瘦弱，渴不止，黄芩丸方

黄芩去黑心 地榆 龙骨 人参 白术 厚朴去粗皮，生姜汁炙，剉 各一两 白茯苓去黑皮 漏芦去芦头 各一两半 酸石榴皮切，炒<sup>②</sup>。三分

上九味，捣罗为末，炼蜜和丸如绿豆大。每服七丸，空腹米饮下，日二，更量儿大小加减服。

治小儿热痢不差，血脉妄行，变成血痢，青橘丸方

青橘皮去白，焙 黄连去须。等分

① 炮裂：乾隆本、文瑞楼本同，明抄本、日本抄本无。

② 炒：明抄本、日本抄本、文瑞楼本同，乾隆本作“焙”。

上二味，捣为末，用豮猪胆汁和，却入胆内，以米泔煮熟取出，入麝香少许研匀，丸如黍米大。每服十五丸，米饮下。

### 治小儿血痢烦躁方

上取蓝青汁，量儿大小，分减服之。

## 小儿脓血痢

论曰：小儿脓血痢者，由肠胃虚弱，冷热不调。寒多则色白，或如凝脂，与脓兼下；热多则色赤，或似梔子汁，甚则纯下鲜血，冷热交攻，脓血杂下。治法当分其冷热疳虫而治之，则无不差。

### 治小儿下痢脓血，肠鸣腹痛，赤石脂散方

赤石脂研 龙骨研 地榆 黄连去须 各一两 厚朴去粗皮，生姜汁涂炙五遍 人参各三分<sup>①</sup> 当归剉，焙 干姜炮裂 各半两

上八味，捣罗为散。每服半钱匕，用米饮调下，日二。如要丸，炼蜜丸如麻子大，乳汁下五丸至七丸，空心午后各一服。随儿大小，以意加减。

### 治小儿脓血痢，石榴皮散方

醋石榴皮微炒 干姜炮裂 黄连去须 诃黎勒煨，去核 各一分

上四味，捣罗为细散。每服半<sup>②</sup>钱匕，空心午后各米饮调下一服。随儿大小，以意加减。

### 治小儿下痢脓血，腹痛肠鸣，干姜散方

干姜炮裂 一分 黄连去须 三分 人参三分 肉豆蔻去壳，一枚 当归剉，焙 三分 厚朴去粗皮，涂生姜汁炙五遍 半两

上六味，捣罗为细散。每服半钱匕，以粥饮调下，空心午后各一服。量儿大小加减。

### 治小儿脓血痢，肉豆蔻散方

肉豆蔻二枚 去壳 当归剉，焙 密陀僧研 诃黎勒煨，去

① 各三分：乾隆本、日本抄本、文瑞楼本同，明抄本无。

② 半：明抄本、日本抄本、文瑞楼本同，乾隆本作“二”。



核 黄连去须 枳壳去瓤，麸炒 各一分 龙骨半分 干姜炮裂<sup>①</sup>  
半<sup>②</sup>两

上八味，捣罗为散。每服半钱匕，空心米饮调下。随儿大小，以意加減。

#### 治小儿脓血痢，黄连丸方

黄连去须 龙骨研 黄芩去黑心 白石脂研 当归剉，焙 赤石脂研。各三分 乌梅肉微炒。各半两

上七味，先以四味捣罗为细末，入研药和匀，炼蜜丸如麻子大。每服五丸，空心晚食前，米饮下。量儿大小加減。

#### 治小儿下痢脓血，腹痛虚烦，肉豆蔻丸方

肉豆蔻去壳 木香 诃黎勒炮，去核。各三钱 密陀僧一钱 人参 白茯苓去黑皮。各一分<sup>③</sup>

上六味，捣罗为细末，用烧粟米饭丸如绿豆大。每服七丸，温米饮下。

#### 治小儿百疳内，下痢如鱼脑，赤白杂痢，腹痛多啼，干蓝汤方

干蓝叶 升麻 芍药各一两 梔子仁四枚

上四味，粗捣筛。百疳至二百日儿，每一钱匕，以水半盏，入香豉七枚，薤白一茎，拍破，同煎至三分，去滓，分温三服，食前。随儿大小，以意增减。

#### 治小儿脓血滞痢，当归黄连汤方

当归剉，焙。一两 黄连去须 三分 桂去粗皮。三分 赤石脂一两一分 人参三分 干姜炮裂 三分 龙骨一两 白头翁三分 甘草炙。三分 附子炮裂，去皮脐。一两一分

上一十味，剉如麻豆。每一钱匕，水七分，煎至四分，去滓，分温二服，空心午后各一服。儿大，以意加之。久冷者，去白头翁，加牡蛎三分。

① 裂：乾隆本、文瑞楼本同，明抄本、日本抄本无。

② 半：乾隆本、日本抄本、文瑞楼本同，明抄本作“一”。

③ 各一分：乾隆本、日本抄本、文瑞楼本同，明抄本作“一钱”。

### 治小儿肠澼下脓血，白石脂散方

白石脂烧令赤。一分 乱发烧灰。一分 甘草炙令赤。半两  
上三味，捣研为细散 每服一字至半钱匕，早晨、午后各一服，米饮调下。随儿大小，以意加减。

### 治小儿脏毒，久痢下脓血，如圣散方

上用好枣一枚，去核，入铅丹半钱匕，硃砂一皂子大，膩粉抄一钱匕，三味细研，入在枣内，用大麦面裹，煨灰火烧香熟为度，去面，烂研为粉 每一枚枣分两服，煎槐花汤调下，二<sup>1</sup>服定

### 治小儿纯痢脓血，鲑汤丸方

粉霜 膩粉 丹砂 硃砂各一钱 白丁香一钱 乳香半钱 巴豆去皮、心。半钱。不出油，研

上七味，研为细末，煮枣肉和成剂，每服旋丸如粟米大，二丸，量儿大小加减，煎鱼鲑汤下，次用调胃药和之。

### 治小儿下痢脓血，寒热不除，蜡蜜丸方

豉八十<sup>②</sup>粒。炒令黄焦 大豆炒令黄香，去皮。半两 黄连去须。一分 巴豆二十枚。去皮、心，麸炒令香，出油尽 芫花醋炒焦 消石各一分<sup>③</sup>

上六味，捣罗为细末，入熔蜡一分，并炼蜜和丸如黍米大一二百日内儿，每服二丸；一二岁儿，每服可五丸；三四岁儿，每服七丸，米饮下，空心，随儿大小加减服之。

### 治小儿一切痢疾，丹砂丸方

丹砂研 半钱 砒霜研 半钱 巴豆霜研 硫黄研 麝香研 绿豆粉研。各一分

上六味，同细研令匀，用烧饭为丸如绿豆大。每服二丸 血痢，煎黄芩汤下；白痢，煎附子汤下；疳痢，蛤粉汤下。

### 治小儿热毒痢，下脓血，羚羊角汤方

羚羊角屑 茜根 吴蓝各三分 黄连去须 赤石脂炒 地

① 二：明抄本、乾隆本、文瑞楼本同，日本抄本作“三”

② 八十：乾隆本、日本抄本、文瑞楼本同，明抄本作“十八”。

③ 分：乾隆本、日本抄本、文瑞楼本同，明抄本作“两”。

榆 当归剉，炒 阿胶炙燥。各一两 黄芩去黑心 甘草炙。各半两

上一十味，粗捣筛 每服二钱匕，水一盏煎，去滓，取五分，空腹分温三服

### 小儿蛊毒痢

论曰：小儿下痢瘀血如鸡鸭肝片，随痢而下者，蛊毒痢也。此由岁时寒暑不调，有毒厉之气中儿肠胃，其邪与血气相搏，变而成痢，血毒气盛，热则伤损腑脏，如中蛊之状，故名蛊毒痢。

治小儿蛊毒痢，下血体羸，黄连饮方

黄连去须 一两 犀角镑 白蓂荷根 黄芩去黑心 茜根各三分 败鼓皮炙焦 蓝青 甘草炙，剉 白头翁去芦头 各半两

上九味，粗捣筛 一二百日儿，每半钱匕，水半盏，煎至三分，去滓，分温二服，更量儿大小加减。

治小儿蛊毒痢，下血不止，犀角饮方

犀角镑 地脉草各一两

上二味，粗捣筛 一二岁儿，每一钱匕，水一盏，煎至五分，去滓，分温二服，更量儿大小加减。

治小儿蛊毒血痢，地榆饮方

地榆 黄檗去粗皮，炙 黄连去须 马芹子炒 黄芩去黑心 各三分 蔓菁根洗，切。半两

上六味，粗捣筛。一二岁儿，每一钱匕，水一盏，入生姜少许，煎至五分，去滓，分温二服。

治小儿蛊毒血痢发甚，心神烦闷，腹胀，不欲饮食，犀角散方

犀角屑三分 白蓂荷根三分 地榆三分 微炙，剉 桔梗三分 去芦头 苏枋木三分。剉

上五味，捣罗为散 每服一钱匕，水一盏，煎至五分，去滓温服，不拘时候。量儿分减服。



又方

葱白三两 香豉三合 梔子七枚 黄连一两

上四味，捣筛为散 每服二钱匕，水一盞，煎至七分，去滓温服。

治小儿蛊毒血痢，犀角桺皮散方

梁州桺皮二两半<sup>①</sup>。炙，剉 犀角屑一两半

上二味，剉，筛令匀 每服二钱匕，水一盞，煎至五分，去滓温服。量儿大小，以意加减。

治小儿蛊毒血痢，身体壮热，烦闷，升麻散方

升麻 白藜荷根各一两 犀角镑 芍药各三分 败鼓皮炙焦一分 干蓝 甘草炙。各半两

上七味，粗捣筛 一二岁小儿，每用半钱匕，水半盞，入豉七粒，煎至三分，去滓，分温二服，空心午后各一 更量儿大小加减。

治小儿蛊毒血痢，犀角地榆汤方

犀角镑 地脉草各一两 地榆剉。三分

上三味，粗捣筛 一二岁儿，每半钱匕，水一小盞，入蜜半匙，煎至五分，去滓，分温二服，更量儿大小加减

① 二两半：乾隆本、日本抄本、文瑞楼本同，明抄本作“一两半”

# 卷第一百七十九

## 小儿门

小儿下痢烦渴 小儿胃风腹胀泄痢 小儿洞泄注下  
小儿下痢后脱肛 小儿诸淋 小儿小便不通 小儿大便不通  
小儿诸虫 小儿盗汗 小儿吐血 小儿鼻衄

## 小儿门

### 小儿下痢烦渴

论曰：小儿肠胃虚弱，水谷不分，冷热相交，赤白相杂，痢久不差，则津液少而内烦，虚阳上燥于胸膈，故引饮而渴。小便利者，为欲愈。小便不利者，则湿归胃土，土气衰弱，不能制湿，散溢皮肤而为浮肿，久变水病。

#### 治小儿下痢，兼渴不止，黄芩饮方

黄芩去黑心 栝楼根 黄连去须 各三分 乌梅肉一分  
焙 诃黎勒煨，去核 樗皮炙。各半两 当归切，焙。三分

上七味，粗捣筛。每一钱匕，水一小盏，煎至五分，去滓，分温徐徐令服。更看儿大小，以意加减。

#### 治小儿痢渴不止，甘草饮方

甘草炙。一分 乌梅肉焙。一分 诃黎勒煨，去核。三枚

上三味，粗捣筛。每一钱匕，水一小盏，入生姜二片，枣一枚，擘破，同煎至五分，去滓，徐徐温服。随儿大小，以意增减。

#### 治小儿下痢，虚热烦渴，知母饮方

知母焙。半两 栝楼根 黄连去须 麦门冬去心，焙。各三分  
糯米炒。半合 芦根剉。半两

上六味，粗捣筛。每服一钱匕，水六分，煎至四分，去滓温服。量儿大小加减。

#### 治小儿下痢，兼渴不止，乌梅饮方

乌梅去核，焙。三枚 白茯苓去黑皮 干木瓜各一两

上三味，粗捣筛。每服一钱匕，水六分，煎四分，去滓温服，量儿大小增减服。

治小儿下痢不止，烦渴引饮，栝楼汤方

栝楼根一两半 剉 冬瓜绞汁 白茯苓去黑皮 麦门冬去心，焙 知母焙。各一两 粟米一合

上六味，除冬瓜外，粗捣筛。一、二岁儿，每服一钱匕，水六分，煎至四分，去滓，入冬瓜汁半合，若渴即徐徐饮服。随儿大小，以意加减。

治小儿热痢烦渴，茆根饮方

茆根 龙骨 白茯苓去黑皮。各三分<sup>①</sup> 人参半两 麦门冬去心，焙。三分 厚朴去粗皮，生姜汁炙。一分

上六味，粗捣筛。每一钱匕，水一盏，煎至七分，去滓，分作二服，令温徐徐服。量儿大小，以意增减。

治小儿下痢兼渴，枳皮散方

枳皮炙 一两 栝楼根剉 白茯苓去黑皮 各二分 人参半两

上四味，捣罗为散。每服半钱匕，粟米饮调下，徐徐令服，随儿大小增减。

治小儿下痢渴不彻，腹胀，不能食，诃黎勒煮汤方

诃黎勒煨，去核。一两半<sup>②</sup> 桑叶二两半。切

上二味，咬咀如麻豆。每服一钱匕，水一小盏，煎至五分，去滓，分温徐徐服。量儿大小，以意增减。

治小儿疳痢不知行数，手足逆冷，或下鲜血，渴不止，龙胆丸方

龙胆 地龙粪炒令干 乌梅去核，炒令干 龙骨各一两 黄连去须。二分

上五味，捣罗为末，炼蜜为丸如麻子大。一、二岁每服三丸，

① 分：乾隆本、日本抄本、文瑞楼本同，明抄本作“两”

② 一两半：明抄本、乾隆本、文瑞楼本同，日本抄本作“一两”。



三五岁儿五丸，并用新汲水下，食后服，日三。随儿大小，以意增减。

治小儿久痢烦渴，黄耆汤方

黄耆剉 人参各一两<sup>①</sup>

上二味，粗捣筛。一二岁儿，每一钱匕，水一小盏，煎至五分，去滓，分温二服，空心午后各一服。随儿大小，以意加减。

治小儿久痢及腹痛兼渴，人参汤方

人参 桔梗炒。各半两 当归切，焙。三分 乌梅去核，焙。二枚 艾叶微炙 黄耆剉。各半两

上六味，粗捣筛。一二岁儿，每一钱匕，水半盏，入生姜二片，同煎至三分，去滓，分温二服，空心午后各一服，更随儿大小，以意增减。

治小儿但渴多，热痢不止，黑豆饮方

黑豆炒令微熟。半合 甘草炙，剉碎。半两

上二味，一处用水二盏，同煎至一盏，去滓，分温五服，徐徐饮之。

治小儿夏秋患痢后渴不止，变作疳，人参饮方

人参 龙骨 地龙粪各半两 乌梅七枚。去核，炒干

上四味，粗捣筛。一二岁，每服半钱匕，水七分一盏，煎至四分，去滓，分为二服，空心午后各一服。更随儿大小，以意增减。

治小儿大热痢兼渴，增损黄檗汤方

黄檗去粗皮，炙。半两 黄芩去黑心。一两 枳壳去瓢，麸炒。半两 石膏先捣罗为末。一<sup>②</sup>两 樺皮炙，一两一分 竹叶 人参各半两

上七味，剉如麻豆。一岁儿，每一钱匕，水七分一盏，煎至四分，去滓，分温二服，空心午后各一服。量儿大小，加减。

① 各一两：乾隆本、日本抄本、文瑞楼本同，明抄本作“三两”。

② 一：乾隆本、日本抄本、文瑞楼本同，明抄本作“半”。

服之。

治小儿有热不调，渴痢不止，栝楼汤方

栝楼根剉 一两 知母焙 三分 赤茯苓去黑皮 半两 黄芩去黑心 一两 甘草炙 半两 人参三分 黄檗去粗皮，炙 半两

上七味，粗捣筛。一二岁儿，每一钱匕，水七分，煎至四分，去滓，分温二服，空心午后各一服。量儿大小加减服。

治小儿渴痢，黄耆饮方

黄耆剉，炒 白茯苓去黑皮 麦门冬去心，焙 黄芩去黑心 各三分 高良姜炮，一分 乌梅肉焙。二<sup>①</sup>枚。去核 白术剉 半两

上七味，粗捣筛。每服二钱匕，水八分一盏煎，去滓，取三分，空腹温服。

治小儿渴痢不止，壮热，黄连汤方

黄连去须 犀角屑 甘草炙，剉 阿胶炙令燥。各半两 乌梅二枚。焙，去核 蓝叶一分 黄芩去黑心。三分

上七味，粗捣筛。每服三钱匕，水一盏煎，去滓，取三分，空腹温服。

治小儿下痢烦渴，附肿，桃皮汤方

白桃皮 黄连去须，炒 龙骨各一两 丁香一十四<sup>②</sup>粒

上四味，粗捣筛。每三钱匕，水一盏半，煎至八分，去滓，分温三服。

## 小儿胃风腹胀泄痢

论曰：小儿肌肤肠胃脆弱，若解脱不时，风邪易侵，客于肌肉，搏于胃经，则为胃风。其状腹善满，食寒则泄，诊形瘦而腹大。盖足阳明胃之经，其支者起胃下口，循腹里，下至气冲，故风冷入中，则腹善胀大。又胃为水谷之海，得寒则食物不化，气血亏损，故泄痢而形瘦也。

① 二：明抄本、乾隆本、文瑞楼本同，日本抄本作“一”。

② 一十四：乾隆本、日本抄本、文瑞楼本同，明抄本作“四十”。

治小儿胃风泄痢，腹胀肠鸣，**胃风汤方**

人参 白茯苓去黑皮 芎藭 桂去粗皮 当归切，焙 白芍药 白术各一两

上七味，粗捣筛。每服一钱匕，水七分盏<sup>①</sup>，入粟米半匙，煎取三分，去滓温服，空心食前日二，更量儿大小加减。

治小儿胃风，腹胀下痢，**黄耆汤方**

黄耆剉 芎藭 干姜炮 人参 黄芩去黑心 当归切，焙 甘草炙，剉。各半两 桂去粗皮。一分

上八味，粗捣筛。每服一钱匕，以水七分，煎取四分，去滓温服。量儿大小增减。

治小儿肠胃怯弱，风冷入乘，泄泻，饮食全少，渐至羸瘦，**木香汤方**

木香 白术 干姜炮裂，剉。各一分 厚朴去粗皮，涂生姜汁，炙令香熟 龙骨 当归 诃黎勒煨，用皮。各半两

上七味，粗捣筛。每一钱匕，以水七分，入枣二枚，擘破，同煎至四分，去滓，食前。量儿大小，分减温服。

治小儿胃风泄泻，两胁虚胀，腹痛，不欲饮食，**诃黎勒散方**

诃黎勒煨，用皮 厚朴去粗皮，涂生姜汁，炙令香熟 枳壳麸炒微黄，去瓤 当归剉，微炒 赤芍药各等分

上五味，捣罗为散。每服半钱匕，米饮调下，日三。更量小儿大小，加减服之。

治小儿胃风腹胀，得冷则泄痢，**诃黎勒汤方**

诃黎勒煨，用皮 当归剉，微炒 黄连去须，剉，微炒。各一两 甘草炙微赤，剉 木香 干姜炮裂。各半两

上六味，粗捣筛。每一钱匕，以水七分，煎至四分，去滓，放温，不计时候。量儿大小，分减服之。

治小儿肠胃风冷，泄痢水谷，腹胁胀满，不欲饮<sup>②</sup>，**厚朴散方**

① 盏：明抄本、日本抄本、文瑞楼本同，乾隆本此前有“一”。

② 饮：日本抄本、文瑞楼本同，明抄本、乾隆本作“食”。



厚朴去粗皮，涂生姜汁，炙令香熟 黄连去须，微炒。各半两 丁香 肉豆蔻去壳 当归剉，微炒 木香 龙骨 白术各一分 上八味，捣罗为散，每服半钱匕，以粥饮调下，食前服，日三 量儿大小，加減服之。

治小儿胃风腹胀泄痢，脾胃气不和，羸瘦食少，厚朴散方

厚朴去粗皮，涂生姜汁，炙令香熟 人参各三分 肉豆蔻去壳一枚 干姜炮裂，剉 半两 诃黎勒煨，用皮 白术 黄连去须，微炒 地榆微炙，剉。各一分 甘草炙微赤，剉。半分<sup>①</sup>

上九味，捣罗为散 每服以粥饮调下半钱匕，食前，日三四服。量儿大小，以意加減。

治小儿胃风，下痢水谷不止，羸瘦腹胀，不欲饮食，调中汤方

厚朴去粗皮，涂生姜汁，炙令香熟 黄连去须，微炒 各一两 木香半两

上三味，粗捣筛。每一钱匕，水七分，煎至四分，去滓，不计时候。量儿大小，分減服之。

治小儿胃风，泄痢不止，腹胀羸瘦，白术汤方

白术三分 赤茯苓去黑皮 人参各一两 当归切，焙。半两 厚朴去粗皮，涂生姜汁，炙令香熟。半两

上五味，粗捣筛。每服一钱匕，水半盏，入生姜二片，煎至三分，去滓，带热服，至夜三四服。随儿大小，以意增減。

### 小儿洞泄注下

论曰：小儿下利不止，食已即泄，名为洞泄注下。此由风邪客于肠胃所致。盖方春之时，为风冷所伤，藏在肌肉，至长夏阴气方盛，或因饮食居处不慎，复被风冷入于肠胃，其病下利，冷盛则重，故为洞泄注下，俗谓之水谷痢是也。病本于风，若甚则变胃风证。

① 分：明抄本、乾隆本、文瑞楼本同。日本抄本作“两”。

## 治小儿洞泄不止，草豆蔻汤方

草豆蔻二枚，去皮 高良姜 人参 甘草 干木瓜剉，各一分 白茯苓去黑皮 桔梗炒。各半两

上七味，粗捣筛。每一钱半，水七分，生姜二片，同煎至四分，去滓，分温三服，乳食前各一，更量儿大小加减。

治小儿风冷乘虚入客肠胃，水谷不化，泄泻注下，腹胁虚满，肠鸣疔痛，胃风汤方

人参 白茯苓去黑皮 芎劳 桂去粗皮 当归切，焙 白芍药 白术各一两

上七味，粗捣筛。每服一钱匕，水半盏，入粟米少许，同煎至三分，去滓，空心食前热服，更量儿大小加减

## 治小儿洞泄注下，水谷不分，粱米汤方

粱米 稻米 黍米各三分 蜡如半弹丸

上四味，以东流水二升，煮粱米三沸，去滓留汁，煮稻米三沸，去滓，复以汁煮黍米三沸，去滓，置蜡于汁中和之，候蜡消放温。每以半合分为二服，空心午后各一，更量儿大小加减。

## 治小儿洞泄不调，人参茯苓汤方

人参 赤茯苓去黑皮。各一两半 枳壳去瓢，麸炒 甘草炙 各一两 黄芩去黑心。二<sup>①</sup>两 桦皮二两半。粱<sup>②</sup>州者佳

上六味，粗捣筛。一二岁儿，每一钱匕，水五分盏，煎至三分，去滓，分温二服，空心午后各一。儿大者，稍增之。

## 治小儿洞痢，昼夜不止，干姜丸方

干姜炮 人参 黄芩去黑心。各半两

上三味，捣罗为末，炼蜜丸如绿豆大。每服三丸，米饮下，空心日午夜卧各一，更量儿大小加减。

## 治小儿泄痢不止，厚朴汤方

厚朴去粗皮，生姜汁炙 黄连去须。各一两

① 二：乾隆本、日本抄本、文瑞楼本同，明抄本作“七”

② 二：乾隆本、日本抄本、文瑞楼本同，明抄本作“一”。

③ 粱：原作“梁”，乾隆本、日本抄本、文瑞楼本同，据明抄本改

上二味，粗捣筛。一二岁儿，每一钱匕，水七分盏，入生姜二片，煎至四分，去滓，分温二服，空心午后各一，更量儿大小加减。

治小儿春夏秋冬晨夕暴冷，折其四肢，热不得泄，发为壮热，冷气入胃，洞泄下痢，或赤白频数，小腹胀痛，脉洪大或数者，**调中葛根汤方**

葛根剉 黄芩去黑心 芍药 白术 藁本去苗、土 甘草炙，剉。各一分 赤茯苓去黑皮。半两 大黄剉，炒。一两

上八味，粗捣筛。一<sup>①</sup>岁以下儿，每一钱匕，水七分盏，煎至四分，去滓，分温三服，食前，日三，更量儿大小增减

治小儿脾胃冷气，洞泄注下，腹痛呕逆，肠鸣胀满，大便青白，**大安丸方**

木香 诃黎勒皮 人参 白茯苓去黑皮。各半两 陈橘皮汤浸，去白，焙 厚朴去粗皮，生姜汁炙 白术 乌药<sup>②</sup>各一两

上八味，捣罗为末，炼蜜丸如鸡头大。每服一丸，温米饮化下；岁数小者半丸。

治小儿洞泄，心腹胀痛，不思奶食，和胃气，**香橘丸方**

陈橘皮汤浸，去白，焙。二两 丁香 诃黎勒皮 甘草炙 青橘皮汤浸，去白，焙。各半两

上五味，捣罗为末，炼蜜丸如梧桐子大。每服一丸，生姜汤化下；三岁以上二丸。

治小儿洞泄不止，**草节丸方**

无食子 肉豆蔻去壳 各一枚<sup>③</sup> 吴茱萸汤洗，焙干，炒 黄连去须，炒 干姜炮 诃黎勒炮，去核。各一钱<sup>④</sup>

上六味，捣罗为末，汤浸蒸饼心和丸如绿豆大。每服五丸，草节汤下，乳食前服，更量儿大小加减。

① 一：乾隆本、日本抄本、文瑞楼本同，明抄本作“一二”

② 乌药：明抄本、乾隆本、文瑞楼本同，日本抄本作“乌梅”。

③ 枚：明抄本、乾隆本、文瑞楼本同，日本抄本作“两”。

④ 钱：乾隆本、日本抄本、文瑞楼本同，明抄本作“两”。



治小儿洞泄下痢，壮热兼渴，增损黄芩汤方

黄芩去黑心 枳壳去瓤，麸炒 枳皮剉 甘草炙，剉 黄檗去粗皮，炙，剉 各一两 女萎 石膏碎 栝楼根 竹叶切 各一两半 赤茯苓去黑皮。一两三分<sup>①</sup>

上一十味，粗捣筛 每一钱匕，水七分，煎至四分，去滓，分温二服，空心晚后各一，更量儿大小加减。

治小儿肠胃虚寒，洞泄下痢，腹痛，香连丸方

黄连去须，炒。半两 干姜炮 吴茱萸汤浸，焙干，炒。各一分 肉豆蔻去壳。二<sup>②</sup>枚 草豆蔻去皮。一枚

上五味，捣罗为末，烧粟米饭和丸如绿豆大 每服七丸，乳食前米饮下，更量儿大小加减。

治小儿泄痢不止，进食和气，木香豆蔻丸方

木香 草豆蔻去皮 槟榔剉 陈橘皮汤浸，去白，焙 青橘皮汤浸，去白，焙 各一两 京三棱煨，捣碎 四两 肉豆蔻去壳，五枚

上七味，捣罗为末，面糊丸如小豆大 每服五丸至七丸<sup>③</sup>，枣汤下，更量儿大小加减。

治小儿洞泄不止，豆蔻丸方

草豆蔻三枚 去皮 乌头三枚 剉，盐水浸少时，炒 益智去皮 青橘皮汤浸，去白，焙。各一分<sup>④</sup>

上四味，捣罗为末，生姜汁煮面糊，丸如绿豆大。每服七丸，煎木瓜汤或生姜汤下，乳食前服，更量儿加减。

治小儿洞泄，日夜数十行，附子丸方

附子炮裂，去皮脐 一枚<sup>⑤</sup> 诃黎勒皮一枚 白矾三分，烧令汁尽 甘草炙。半两

上四味，捣罗为末，饭丸如梧桐子大 每服三丸至五丸，空

① 一两三分：乾隆本、日本抄本、文瑞楼本同。明抄本作“一两半”。

② 二：乾隆本、日本抄本、文瑞楼本同。明抄本作“三”。

③ 至七丸：乾隆本、日本抄本、文瑞楼本同。明抄本无。

④ 分：乾隆本、日本抄本、文瑞楼本同。明抄本作“两”。

⑤ 枚：乾隆本、日本抄本、文瑞楼本同。明抄本作“两”。

腹米饮研下。

### 治小儿洞泄，白石脂丸方

白石脂 厚朴去粗皮，生姜汁炙 当归剉，炒 各一两 干姜炮 赤石脂 诃黎勒皮各三分 陈橘皮去白，焙 半两

上七味，捣罗为末，饭丸如梧桐子大。每服五丸，空腹米饮下。

### 治小儿忽洞泄不止，黄连汤方

黄连去须。一两

上一味，粗捣筛。用浆水二盏，煎至一盏，去滓，分温四服，空心食前，一日服尽，更量儿大小加减。

### 治小儿洞泄注下，腹胀，不思乳食，诃黎勒丸方

诃黎勒皮二钱 炮 青橘皮去白，焙 干姜各一分 炮 白豆蔻去皮 乌头炮裂，去皮脐 木香 茱澄茄各一钱<sup>2</sup>

上七味，捣为细末，煮枣肉和丸如绿豆大。每服七丸，米饮下，不拘时候。量儿大小加减。

治小儿暴冷，洞泄注下，或乳冷结不消，或吐下呕逆及赤白利下，若中乳，或乳母洗浴，水气未消，饮儿为霍乱者，大黄汤方

大黄剉，炒。一两半 厚朴去粗皮，生姜汁炙 干姜炮 桂去粗皮 甘草炙 各一分 当归切，焙 人参 白茯苓去黑皮 白术 各半两 桔梗微炒。三分

上一十味，粗捣筛。一二百日儿，每用一钱匕，水半盏，煎至三分，去滓，分温三服；二三岁儿，每二钱匕，水一盏，煎至六分，去滓，分温二服，空心午后各一。更量儿大小加减。若已服诸利药，胃中虚冷，大下如水，干呕眼白者，可去大黄

## 小儿下痢后脱肛

论曰：肛门者，大肠之候。若小儿大肠虚冷，久痢不已，𦏧

① 三：明抄本、乾隆本、文瑞楼本同，日本抄本作“一”

② 钱：明抄本、乾隆本、文瑞楼本同，日本抄本作“分”。

气于下，里急后重，或致用力则其气下坠，故令肛门脱出，是为下痢脱肛之病。

治小儿腹中积冷，脱肛疼痛不入，**鳖头丸方**

鳖头炙焦 猬皮炙焦。各一枚 磁石煅，醋淬七遍。四两

上三味，捣罗为末，炼蜜丸如绿豆大。每服五丸至七丸，温酒空腹下；三岁以上，稍增丸数。

治小儿下痢久不差，肛肠下脱方

大蜘蛛湿纸裹，烧焦存性，入麝香少许，同研细，先用温汤淋洗肛边，软帛搥干，糝药傅之立效。

治小儿痢后肠头脱出，**蚺蛇胆丸方**

蚺蛇胆去皮，汤浸软，一枚 乌梅焙干，七枚 茺莢仁炒，研 黄连去须。各一两

上四味，捣研三味为细末，以蚺蛇胆和捣，如硬更加炼蜜少许，和丸如麻子大。每服三丸至五丸，米饮下，日三，更量儿大小加减。

治小儿脱肛，**黄连丸方**

黄连去须 黄檗去粗皮，炙。各半两

上二味，捣罗为末，炼蜜和丸如麻子大。每服五丸至七丸，早晚食前米饮下，更量儿大小加减。

治小儿因患泻痢后，脱肛不得收，**地龙散方**

地龙炒 干姜炮 当归切，焙 缩砂仁各一分

上四味，捣罗为散。每服半钱匕，生蜜少许和，热酒调下，日三。

治小儿脱肛，先用洗药，**蛇床子散方**

蛇床子 藜芦 槐白枝 苦参 茺莢仁 白矾各一两<sup>①</sup>

上六味，捣罗为散。每用半两，水三升，煎取一升，密室中洗肛门，一日一度，仍傅后方黄耆散。

治小儿脱肛洗后，**黄耆散傅方**

① 两：明抄本、乾隆本、文瑞楼本同，日本抄本作“分”



黄耆剉，炒。三分 附子去皮脐，生用 桑黄蜜炙熟。各一两 白矾烧灰。半两

上四味，捣罗为散。以新绵搥药傅之，更以手按入肠头

### 治小儿脱肛方

莨菪子炒 橡实五枚 蔓陀罗一枚

上三味，捣罗为末。干糝在上，以手按入，续令嚏喷，更不脱下。

### 治小儿脱肛，鳖头散方

鳖头一枚。烧灰存性 莨菪子炒。三分

上二味，捣罗为散。先以新砖<sup>①</sup>一片烧赤，以醋半升泼之，候冷热得所，即糝药于砖上坐之，三两次即差。

### 治小儿久痢，肠头挺出，黄连丸方

黄连一两 去须，微炒<sup>②</sup> 蚬蛇胆半两 芩藁一两 微炒

上三味，捣罗为末，用软饭和丸如绿豆大。每服以粥饮下五丸，日三四服。量儿大小，以意加减。

## 小儿诸淋

论曰：小儿诸淋者，由肾虚而膀胱热故也。膀胱与肾为表里，俱主水，入小肠，下于胞，行于阴，为小便也。肾气通于阴，津液下流之道也。若乳食无节，悲啼不恒，虚实不调，则腑脏不和，致肾虚而膀胱热也。膀胱，津液之府，热则津液内溢而水道不通，水不止不下，停积于胞，肾虚则小便数，膀胱热则水下少，数而且涩，致淋漓不宣，故谓之淋。又有热淋、血淋、气淋、石淋、寒淋。三焦壅盛，移热于膀胱，则溲便赤者，为热淋；热甚而搏于血脉，流入胞中，溺血者，为血淋；小腹满，溺涩有余沥者，为气淋；溺出沙石者，为石淋；寒淋之病，本于寒客下焦，余皆本于膀胱有热，令少腹急痛，水道不利，故数起而不能出也。

① 砖：乾隆本、日本抄本、文瑞楼本同，明抄本作“瓦砖”。

② 微炒：明抄本、乾隆本、文瑞楼本同，日本抄本作“焙”。

治小儿淋或涩痛，小便如血色，桑白皮汤方

桑根白皮剉，焙干 山梔子仁 芦根剉 赤茯苓去黑皮<sup>①</sup> 冬葵子 茅根剉 甘草炙。各一分 滑石研入。半两

上八味，粗捣筛。五六岁儿，每服一钱匕，水一小盏，煎至五分，去滓，食前，日三。量儿大小，以意加减。

治小儿诸淋，腹中妨闷，石燕丸方

石燕子研 瞿麦穗 梔子仁 滑石研 木通剉 葵子 海蛤研。各半两

上七味，捣研为末，炼蜜丸如绿豆大。每服七<sup>②</sup>丸，葱白汤下，日三。量儿大小加减。

治小儿淋或涩痛，小便如血，石韦汤方

石韦去毛 赤芍药 大黄剉，炒 滑石研 麦门冬去心，焙 甘草炙 升麻各一分

上七味，粗捣筛。每服一钱匕，水一小盏，煎至五分，去滓，食前服，日三。量儿大小加减。

治诸淋涩，心烦闷乱，车前子汤方

车前子 石燕研 麦门冬去心，焙。各半两

上三味，粗捣筛。每服<sup>③</sup>一钱匕，水一小盏，煎至五分，去滓，不计时候温服。

治小儿淋，兼石淋，榆白皮汤方

榆白皮剉，焙 瞿麦穗各一两半

上二味，粗捣筛。每一二岁儿，每一钱匕，水一小盏，煎至五分，去滓，分温二服，空心日晚各一服。随儿大小加减。

治小儿诸淋，闭涩不通，麦葱汤方

小麦一合 葱白两茎。切

上二味，以水一盏，煎至五分，去滓，不计时候温服。量儿大小加减。

① 去黑皮：明抄本、乾隆本、文瑞楼本同，日本抄本作“焙干”。

② 七：明抄本、日本抄本、文瑞楼本同，乾隆本作“十”。

③ 服：乾隆本、日本抄本、文瑞楼本同，明抄本此后有“一二岁儿”。

### 治小儿诸淋，葵子汤方

葵子三分。陈者 石韦去毛。三分 滑石别研。一两半

上三味，粗捣筛。五六岁儿，每一钱匕，水一小盏，枣二枚，同煎取五分，去滓，分温二服，早晚食前各一 量儿大小加减。

### 治小儿小便淋沥或尿血，滑石散方

滑石研 车前子各半两

上二味，捣罗为散 二三岁儿，每服半钱匕，空心粥饮调下，近晚再服。量儿大小，以意加减。

### 治小儿诸淋，木通汤方

木通剉碎 桑根白皮剉，焙 滑石研 芒消 葵子陈者，各三分

上五味，粗捣筛。每服一钱匕，水一小盏，煎至五分，去滓温服，食前，日三。随儿大小加减。

### 治小儿淋，蜂房散方

蜂房炙 乱发各三分

上二味，同烧灰研令细。每服半钱匕，米饮调下，日三 量儿大小，以意加减。

### 治小儿石淋气淋，桂心蜂房散方

桂去粗皮。一分<sup>①</sup> 蜂房炙。半两

上二味，捣罗为散 三四岁儿，每服半钱匕，煎小麦汤或酒调服，空心午时各一。量儿大小加减。铜器盛溺，与石俱出。

### 治小儿淋，瞿麦丸方

瞿麦穗 龙胆 石韦去毛 桂去粗皮 皂荚炙，去皮、子 各半两 鸡肠草 人参各一两 车前子一两一分

上八味，捣罗为末，炼蜜丸如梧桐子大。每服六丸至十丸，空腹热汤研下。更量儿加减。

## 小儿小便不通

论曰：肾主水，与膀胱合为表里。膀胱者，津液之府，其气

① 分：明抄本、乾隆本、文瑞楼本同，日本抄本作“两”。



下通，故能渗泄而作小便。或胞络有热，津液内燥，气不宜畅，故水道热涩，甚则不通。

**治小儿小便不通，石韦汤方**

石韦去毛 瞿麦各一两半 滑石一两

上三味，粗捣筛。五六岁儿，每服一钱匕，水八分，入小麦一百粒，同煎至五分，去滓温服；如人行十里再服。量儿大小，以意加減。

**治小儿小便不通，二三日闷绝者，葵根汤方**

葵根剉。一握 壁鱼研。七枚

上以水一盞，煎葵根取汁六分，后人壁鱼，同煎五七沸，放温服。量儿大小，以意加減。

**治小儿小便淋闭不通，神散方**

石燕一枚。先为细末，再研 石韦去毛。半两

上二味，为细散。每服一字匕，煎三叶酸浆草汤调下，甚者三服，差。一方有海金沙一两。

**治小儿小便不通，脐腹急痛，冬葵子散方**

冬葵子 滑石 海蛤 蒲黄各半两

上四味，捣罗为散。每服以葱白汤调下半钱匕。量儿大小，以意加減。

**治小儿小便涩少，妨闷不通，葱白汤方**

葱白二茎 木通 冬葵子各半两

上三味，剉如麻豆大。以水二盞，煎取一盞，去滓，量儿大小，分减服之。

**治小儿小便淋涩不通及小便血，滑石散方**

滑石研 车前子各半两

上二味，细捣罗为散。如二三岁儿，每服半钱匕，空心食前粥饮调下，日二服。

**治小儿小便不通，欲死，万安散方**

海金沙 滑石 续随子炒。各半两 蝼蛄七枚。炒令黑

上四味，捣罗为细散。每服半钱匕，煎灯心汤温调下，空心

食前服。

治小儿热极，小便赤涩不通，小便辄大啼呼疼痛，**木通黄芩汤方**

木通剉。一两 黄芩二<sup>①</sup>两。去黑心 滑石一两半 冬葵子三分 车前子二两 赤茯苓去黑皮。二两

上六味，粗捣筛。五六岁儿，每服一钱匕，以水一中盏，煎至五分，去滓温服；如人行十里已来，再一服 更看儿大小，以意加减。

治小儿小便不通，心闷，**瞿麦汤方**

瞿麦穗 赤芍药 陈橘皮汤浸，去白，焙 牵牛子炒 木通剉 冬葵子各一分

上六味，粗捣筛。五六岁儿，每服一钱匕，水一中盏，入葱白一茎，擘碎，同煎至四分，去滓温服；如人行十里已来再服。量儿大小，以意加减。

治小儿小便不通，**茯苓汤方**

赤茯苓去黑皮 冬葵子 木通剉 车前子各半两

上四味，粗捣筛。五六岁儿，每服一钱匕，以水一中盏，煎至五分，去滓温服；如人行十里已来再服，量儿大小，以意加减。

治小儿小便不通，**车前草汤方**

车前草细剉 小麦各一两

上二味，用水二盏，煎至一盏，去滓，下粳米少许，又煮至半盏。三四岁儿为三服；如人行一二里已来再服 量儿大小，以意加减。

治小儿小便不通，热发腹满，**七物浴汤方**

滑石屑。二两 大黄二两 雷丸三十枚 麻黄一两半 苦参一两 石膏半两 秦皮一两

上七味，粗捣筛。以水七升，煮取五升，去滓，温浴，儿避

① 二：明抄本、乾隆本、文瑞楼本同，日本抄本作“一”。

风处，先从脐淋之。

### 小儿大便不通

论曰：水谷皆入于上焦，至中焦而腐熟，下焦而化出。小儿腑脏挟热，三焦壅滞，津液枯少，不能传道，实热之气，归于大肠，故大便燥涩而不通也。

#### 治小儿大便不通，大黄丸方

大黄剉，炒 一两一分 枳壳去瓤，麸炒 梔子仁 郁李仁炒，去双仁、皮尖 大麻仁研。各三分

上五味，捣研为末，炼蜜丸如麻子大。一二岁儿，每服五丸，熟水下，空心午后各一服，更随儿大小加减。

#### 治小儿大便不通，滑石汤方

滑石研 大黄剉 冬葵子 甘草炙。各半<sup>①</sup>两

上四味，粗捣筛。三四岁儿，每服一钱匕，水一盏，入灯心七茎，同煎至五分，去滓温服，更随儿大小加减。

#### 治小儿大便不通，橘皮汤方

陈橘皮去白，焙 牵牛子炒 甘草炙 大黄剉，炒。各一分<sup>②</sup>

上四味，粗捣筛。五六岁儿，每服一钱匕，水一小盏，入葱白一茎，擘碎，同煎至五分，去滓温服；未通再服。更量儿大小加减。

#### 治小儿大便不通，木通汤方

木通剉 大黄剉，炒 陈橘皮去白，焙。各一两

上三味，粗捣筛。三四岁儿，每服一钱匕，水一小盏，煎至五分<sup>③</sup>，去滓温服，更量儿大小加减。

#### 治小儿大便不通，妨闷，丹参汤方

丹参 消石碎 甘草炙。各一两

① 半：明抄本、乾隆本、文瑞楼本同，日本抄本作“三”。

② 一分：乾隆本、日本抄本、文瑞楼本同，明抄本作“二两”。

③ 水一小盏煎至五分：乾隆本、日本抄本、文瑞楼本同，明抄本作“入葱白一茎同煎”。



上三味，粗捣筛。五六岁儿，每二<sup>1</sup>钱匕，水一盞，枣二枚，擘破，同煎至七分，去滓，分温二服，更随儿大小加减。

### 治小儿大便不通，橘皮汤方

陈橘皮去白，焙。一分。大黄剉，炒。半两。

上二味，粗捣筛。三四岁儿，每服一钱匕，水一小盞，煎至五分，去滓温服，更量儿大小加减。

### 治小儿大便不通，调中，二黄丸方

大黄一两。剉，炒。牛黄研。甘草炙。人参各一分。

上四味，捣研为末，炼蜜丸如小绿豆大。每服二丸，米饮化下，日再服，得利即止。

### 治小儿风热壅滞，大便秘涩，黄连丸方

黄连去须。大黄剉，炒。各一分<sup>2</sup>。巴豆三粒。去心、膜、皮，出油，研。

上三味，捣研为细末，面糊为丸如麻子大。每服三丸至五丸，临睡柳枝汤下。

### 治小儿大便不通，代赭丸方

代赭研。丹砂研。大黄剉，炒。各二两。木香。当归焙。各一两一分。桂去粗皮。一两。生犀角镑。三分。巴豆炒熟，去皮、心，捣烂。一两半。

上八味，捣研为末，炼蜜丸如小豆大。每服一丸至二丸，空心米饮化下，六七岁三丸，二百日儿半丸，但得溏利为度。

### 治小儿大便不通，不能饮食，鳖甲丸方

鳖甲醋炙黄，去裙襕。防葵。诃黎勒煨，用皮。大黄剉，炒。人参。当归剉，焙。郁李仁汤浸，去皮尖，微炒，别研入。

上七味，等分，六味捣为细末，入郁李仁和匀，炼蜜丸如绿豆大。粥饮下五丸，微利即差。

### 治小儿大便不通，口燥颊赤，牛黄散方

① 二：乾隆本、日本抄本、文瑞楼本同。明抄本作“三”。

② 分：乾隆本、日本抄本、文瑞楼本同。明抄本作“两”。

牛黄研。一分 大黄剉，炒 甜消研。各一钱 甘草炙，  
剉 人参各二钱

上五味，捣研为细散。每服半钱匕，新水调下，乳食后服。

### 小儿诸虫

论曰：小儿有九虫，一曰伏虫，长四分；二曰长虫，一名蛔虫，长一尺，贯心则杀人；三曰白虫，长一寸，长至四五尺，亦能杀人；四曰肉虫，状如烂杏，令人烦满；五曰肺虫，状如蚕，令人咳嗽；六曰胃虫，状如虾蟆，令人呕吐喜啖；七曰弱虫，又名鬲虫，令人多唾；八曰赤虫，状如生肉，令人肠鸣；九曰蛲虫，状如蜗虫，令人下部中痒。九虫之中，三虫最甚，而为病之尤者莫如蛔。皆由小儿气血不调，腑脏虚弱，或食生冷，或嗜肥甘，胃中气缓，故生诸虫，居肠胃之间，多则为痔，剧则为癰，或因疮疡，变成痈疽恶疮。又有寸白虫者，长一寸，色白形小扁，因食生鱼牛腊冷物后饮乳，致生此虫，损人精气，令人心腹痛，若长及一尺，亦能杀人。凡此诸虫，品类不可悉数，皆可通以化虫药治之。欲知虫证者，凡腹痛之脉当沉弦，若反洪大者，蛔也；肘外垢聚甚者，虫也。

#### 治小儿九虫，贯众丸方

贯众一两一分。去白虫 萆芦三两。去长虫 茺莢去肉虫 狼牙去胃虫 各一两 雷丸一两半。去赤虫 蜀漆去蛲虫 白僵蚕去弱虫 厚朴去粗皮，生姜汁炙，去肺虫 石蜜去蛔虫，各三分

上九味，捣罗为末，炼白蜜和丸如麻子大。每服量儿大小加減，四五岁以苦酒浆下五丸，空腹服之，以知为度；未知，稍加至十丸。

#### 治小儿三虫，雷丸散方

雷丸微煨过 芎藭各半两

上二味，捣罗为散。一二岁儿每服半钱匕，五六岁儿一钱匕，

① 三：明抄本、乾隆本、文瑞楼本同，日本抄本作“一”

用米饮调下，空心服之，日三。

治小儿蛲虫，桃叶自然汁方

桃叶一两

上一味，捣绞取汁，空腹服半合。

又方

苦楝根白皮半两。细剉

上一味，以水一盞，煎至七分，空腹温服；未差，再服。

又方

篇蓄嫩者。一两

上一味，捣绞取汁，空腹服半合，日再服。

治小儿腑脏虚弱，或因食甘肥，致蛔虫动作攻心腹痛，痛有休止，喜吐涎及清水，此虫贯心者死。诊其病，但腹中痛者，脉当沉若弦，今反洪大，即是蛔虫，萆芦汤方

萆芦五两 黍米二合

上二味，粗捣筛。以水五盞，煮取二盞，去滓，每服半合，空心午后各一服。随儿大小，以意加减。

治小儿蛔虫，使君子散方

使君子 芦会研 干楝皮 槟榔剉 芫荽各三两 肉豆蔻去壳 丁香 苦参各二两 膩粉研。少许

上九味，捣罗为散。每服一字匕，空心饭饮调下。

治小儿疳渴，虫动心痛，万安<sup>①</sup>散方

虾蟆 蛇蛻皮 蝉壳各一<sup>②</sup>分。烧

上三味，捣为散，用麝香半钱同研。每服一字匕，午时温水调下，午后煎柳枝汤洗浴，用青纱帛子盖之，即虫自出而安。

治小儿疳虫痛，取效，胜金丸方

龙胆 定粉研 黄连去须 乌梅肉炒

上四味，等分，为末，炼蜜丸如麻子大。每服十丸，米泔下。

① 万安：乾隆本、日本抄本、文瑞楼本同，明抄本作“虾蟆”。

② 一：乾隆本、日本抄本、文瑞楼本同，明抄本作“三”。



治小儿诸虫，但是疳虫并疔，麝香散方

麝香研。一分 夜明砂一两

上二味，研为散。每服半钱匕，葱白汤调下。

治小儿蛔动，卒叫如心痛，万金<sup>①</sup>散方

干漆炒烟出。一两 雄黄二两

上二味，捣研为细散。每服半钱匕，油一点，温水调下。量儿大小，以意加减。

治小儿诸虫，定疼痛，抵圣<sup>②</sup>汤方

楝实大者。二两 白茺萸半两

上二味，粗捣筛。每服一钱匕，水一盞，煎取四分，去滓，放冷，临发时服。

治小儿诸虫心痛，发歇无时，止痛杀虫，鹤虱散方

鹤虱炒黄 槟榔剉，生用 胡粉炒黄 苦楝根皮剉 各一两 白矾烧过。一分

上五味，捣罗三味为散，入白矾、胡粉同研匀细。每服米饮下一字匕。

治小儿寸白虫，白茺萸散方

白茺萸一两半 狼牙草一两 白敛半两

上三味，捣罗为散。每服一钱匕，以苦酒二合，空腹调下，立差。

又方

东行茺萸根皮四两 桃白皮三两

上二味，细剉，以酒一升，浸一宿，去滓，一二岁儿每服半合，三四岁儿一合，空心午后各一服。量儿大小，以意加减。

治小儿疳，蛔动心痛，面伏地卧，口吐清水痰涎，千金散方

白槟榔剉。一钱 紫楝根剉 石榴根皮剉 鹤虱炒令烟出 卢会研。各半两

① 金：乾隆本、日本抄本、文瑞楼本同。明抄本作“全”。

② 抵圣：乾隆本、日本抄本、文瑞楼本同。明抄本作“白茺萸”。

上五味，捣研为散。空心热茶调下一钱匕，更看儿大小加减。

治小儿虫痛频发，面青，呕吐冷痰，渐至肌瘦，**槟榔散方**

槟榔剉 一枚 酸石榴皮剉 苦楝根剉 陈橘皮汤浸，去白，焙。各一分

上四味，捣为散。每服半钱匕，米饮调下，食前服

治小儿虫痛不可忍，**化虫散方**

白丁香一钱 槟榔剉。一枚 雷丸一钱

上三味，捣为细散 每服一字或半钱匕，米饮调下，奶食后服。

治小儿诸虫，大啼，时作心腹痛，**白鲜皮丸方**

白鲜皮 苦楝根 鹤虱炒 青橘皮汤浸，去白，焙 各半两 定粉 石灰各一分

上六味，捣为细末，面糊和丸如绿豆大，每服十丸，煎使君子汤下，不拘时。

治小儿虫动心腹痛，**滴金丸方**

雄黄半两 白矾三钱 麝香半钱

上三味，细研为末，粟米饭和丸如麻子大 每服五丸，煎苦楝汤下。

治小儿诸虫心痛方

干漆烧烟出，三分 雄黄研。半两 麝香研。一钱匕

上三味，捣研为散 每服一钱匕，煎苦楝汤调下，不计时候量儿大小加减。

治小儿胃虚虫动，**赤石脂丸方**

赤石脂细研。二<sup>①</sup>钱 肉豆蔻烧存性 一枚<sup>②</sup> 橡实五枚 茛菪子淘去浮者，满五橡实中

上四味，将橡实并茛菪一处炒令黑色，与赤石脂、豆蔻同捣

① 二：乾隆本、日本抄本、文瑞楼本同，明抄本作“三”

② 枚：明抄本、日本抄本、文瑞楼本同，乾隆本作“钱”

罗为末，入蟾酥少许，用面糊和丸如黄米大。每服五丸，米饮下。虫痛，煎苦楝根汤下；小儿泄泻，频服良。

治小儿寒气伤脾虫痛，泻青黑色，减乳食，化虫丸方

木香一分 槟榔炮<sup>①</sup> 二枚 胡粉 苦楝根 鹤虱炒 各二分

上五味，为细末，面糊丸如麻子大。一二岁，每服十丸，温粥饮下，日二<sup>②</sup>，差即止。

治小儿疳虫腹痛，干漆散方

干漆炒烟出 一钱 使君子取肉 十四枚 楝木皮东边皮厚者，暴干，去粗皮。一两 茺莢一钱半

上四味，捣为散。每服半钱匕，量儿大小加减，砂糖熟水调下。

治小儿疳虫，疔刺腹痛，化虫丸方

茺莢一分 槟榔剉。二钱<sup>③</sup> 鹤虱炒。半两

上三味，为末，猪胆丸如麻子大。每服五丸，量儿大小加减。

治小儿虫痛，楝实散方

楝实 鸡粪等分

上二味，为散。每服半钱匕，冷水调下。

治小儿虫痛，面好伏地，口吐清水，鹤虱散方

鹤虱炒 苦楝根各一分 槟榔剉 一枚 牵牛子炒。一分 使君子去皮。十枚

上五味，捣为细散。每服半钱匕<sup>④</sup>，米饮调下。

治小儿胃虚虫动，吐逆，干漆散方

干漆烧出烟。一两

上一味，捣罗为散。每服半钱匕，煎葱白汤调下，立效。

① 炮：明抄本、乾隆本、文瑞楼本同，日本抄本作“烧”

② 二：乾隆本、日本抄本、文瑞楼本同，明抄本作“三”

③ 钱：乾隆本、日本抄本、文瑞楼本同，明抄本作“分”

④ 匕：原作“七”，形近而误，明抄本无，据乾隆本、日本抄本、文瑞楼本改



## 小儿盗汗

论曰：小儿盗汗者，由心气不足，风邪入于阳经，阳经虚故也。以其眠睡之间，盗人气血，故谓之盗汗。久不已，令儿皮肤虚疏，潮热时作，肌肉消瘦，治不宜缓。

### 治小儿盗汗，睡中惊啼，犀角汤方

生犀角屑三分 茯神去木。一两 麦门冬去心，焙。一两半 白术一分 甘草炙，剉。半两

上五味，粗捣筛。每二钱匕，以水一小小盏，煎至五分，去滓，分温二服，食后临卧。量儿大小加减。

### 治小儿盗汗，故扇散方

故扇烧灰。一分 麻黄取根节。三分

上二味，捣罗为散。每服半钱匕，乳汁调下。量儿大小加减

### 治小儿盗汗，柴胡秦艽汤方

柴胡去苗 秦艽去苗、土 常山 贝母去心 甘草微炙 乌梅肉焙干 山梔子仁 豉 鳖甲去裙襕，醋炙 黄芩去黑心 各一两 生姜切 大黄剉，炒 各半两 桃枝剉 柳枝剉 葱白切 薤白切。各一握 糯米半合

上一十七味，粗捣筛。每一钱匕，水半盏，酒二分，同煎至四分，去滓温服，早晨、日午、临卧各一。五岁以下，分作二服；二岁以下，分作三服。

### 治小儿骨蒸盗汗，乳食减少，猪肚丸方

鳖甲去裙襕，醋炙 柴胡去苗 木香 青蒿去茎 生干地黄焙。各一两 黄连去须，炒。二两 青橘皮去白，焙。半两

上七味，捣罗为末，用一枝<sup>①</sup>嫩小猪肚净洗，入药末在内系定，蒸令极烂，研和药末，丸如绿豆大。每服十丸，温水下，食前、日午、临卧，日三，更看儿大小加减。

### 治小儿盗汗肌热，青蒿煎丸方

① 枝：乾隆本、日本抄本、文瑞楼本同，明抄本作“枚”。

青蒿切。一斤 甘草炙，剉为末 杏仁汤浸，去皮尖、双仁，炒，研。各一两 鳖甲去裙襕，醋炙为末。一两半 柴胡去苗，为末。一两 白蜜二<sup>①</sup>分

上六味，用童子小便五升，先煎青蒿，取一升，去滓，更煎令如稀<sup>②</sup>汤，入酥少许及蜜诸药末等，熬成煎，丸如绿豆大 每服十五丸至二十丸，空心熟水下，更量儿大小加减。

治小儿骨蒸壮热，肌肉减瘦，多困少力，夜多盗汗，地骨皮汤方

地骨皮 秦艽去苗、土 柴胡去苗 枳壳去瓤，麸炒 知母焙 当归切，焙 鳖甲去裙襕，醋炙

上七味，等分，粗捣筛 每服一钱半匕，水八分，入桃、柳心各五枚，姜二片，乌梅半枚，同煎至四分，去滓温服，空心临卧各一。五岁以下，分作二服。

治小儿骨蒸肌瘦盗汗，鳖甲柴胡煎丸方

鳖甲九肋者，一<sup>③</sup>枚 去裙襕，醋炙 柴胡去苗 二两 甘草炙 杏仁汤浸，去皮尖、双仁，研 桔梗炒<sup>④</sup> 各一两 胡黄连一分 当归切，焙 地骨皮 赤芍药各一两 木香半两 黄连去须，一分 桂去粗皮 半两 人参一两 麝香少许，研 酥 蜜各三两

上一十六味，除酥、蜜外，捣研为末，用青蒿一斤，剉，童子小便五升，好酒一升，熬蒿至二升，去蒿，入酥、蜜，再熬成煎，候冷入药末，和丸如绿豆大 每服十丸，米饮下，日二服 如秋冬合时，更入桃、柳心各七枚，宜与后方柴胡人参汤相间服。

治小儿骨热盗汗，肌瘦减食，柴胡人参汤方

柴胡去苗 人参 白茯苓去黑皮 当归切 桔梗 青橘皮去白 芍药 芎藭 麦门冬去心 白术 升麻 桑根白皮 甘草各一两

① 二：明抄本、日本抄本、文瑞楼本同，乾隆本作“一”

② 稀：乾隆本、日本抄本、文瑞楼本同，明抄本作“稠”。

③ 一：乾隆本、日本抄本、文瑞楼本同，明抄本作“十”

④ 炒：乾隆本、日本抄本、文瑞楼本同，明抄本作“炙”

上一十三味，并生剉如麻豆大。每二钱匕，水一盞，煎至六分，去滓，分温二服，食后临卧，与前鳖甲柴胡煎丸相间服，速效。

#### 治小儿盗汗，潮热往来，重汤丸方

胡黄连 柴胡去苗。等分

上二味，捣罗为末，炼蜜和丸如鸡头实。每服二丸至三丸，银器内用酒少许化开，更入水五分，重汤上煮三二十沸，放温，食后服。量儿大小加减。

#### 治小儿肌热盗汗，丹砂散方

丹砂研。一两 白矾熬汁枯，研。二<sup>①</sup>钱

上二味，再同研匀细。每服半钱匕，薄荷自然汁调下。

#### 治小儿心热盗汗，芎蒭汤方

芎蒭 大黄煨，剉 羌活去芦头 甘草炙，剉。各一两

上四味，粗捣筛。每二钱匕，水一中盞，入薄荷数叶，同煎至六分，去滓，分温二服。量儿大小加减。

#### 治小儿盗汗，黄连散方

黄连去须。三<sup>②</sup>分 牡蛎烧，研如粉 贝母去心。各半两

上三味，捣研为末。以米粉一升，相和令匀，如有汗，粉儿身。

#### 治小儿盗汗，麻黄根散方

麻黄根 雷丸 牡蛎火煨过。各一两半<sup>③</sup> 甘草炙。一两 干姜炮。半两 粱米半升

上六味，捣罗为散。以粉儿身体及头，甚验。

### 小儿吐血

论曰：小儿阳气盛壮，上焦有热，伏于肝、心二脏，播流脉中，血得热则妄行，下入胃中，胃受之则胀满，与气俱上冲击，

① 二：明抄本、乾隆本、文瑞楼本同，日本抄本作“一”

② 三：明抄本、乾隆本、文瑞楼本同，日本抄本作“一”

③ 一两半：乾隆本、日本抄本、文瑞楼本同，明抄本作“一两”



故令吐血。

治小儿心肺百热吐血，黄连饮方

黄连去须。一两<sup>①</sup> 豉二百粒

上二味，将黄连粗捣筛。每服半钱匕，水七分，入豉二十粒，同煎取三分，去滓温服，日三，更量大小加减。

治小儿吐血不定方

刺蓊自然汁。不计多少 朴消半两

上二味，先研朴消为末，二百日儿及晬儿，每服用刺蓊汁调朴消末一字至半钱匕，日再服。更量大小加减。

治小儿吐血，大黄汤方

大黄剉，炒 黄芩去黑心。各一分

上二味，粗捣筛。三四岁儿，每服一钱匕，水七分，入黑豆三十粒，同煎至四分，去滓温服，日三，更量大小加减。

治小儿积热攻肺，卒吐血方

飞罗面二两 生地黄汁二盏

上二味，相和匀，暴干，研为末。每服半钱匕，新汲水调下，日三。随儿大小加减。

又方

刺蓊花暴干。不拘多少<sup>②</sup>

上一味，捣罗为末。每用黄牛乳调下一钱匕，日三。

治小儿吐血，地黄饮方

地黄一升。研取自然汁

上一味，一岁儿服半合，二三岁每服一合，量儿大小增减，日三。

又方

蛇退皮烧灰，研细

上一味，乳汁调下一字匕，日三服，随大小加减。

① 两：文瑞楼本同。明抄本、乾隆本、日本抄本作“分”。

② 少：乾隆本、日本抄本、文瑞楼本同，明抄本此后有“炒”。

## 小儿鼻衄

论曰：小儿体本挟热，舍于经络，血脉扬溢，则为鼻衄。盖血与气，循行经脉，通于腑脏。邪热乘血，血得热则妄行，随气上溢，出于鼻者，为鼻衄；血虚受热，散漫失度，出于七窍者，为大衄。

治小儿中热积惊及时疾后鼻衄，玉屑散方

寒水石研 马牙消研。各一分 贝母去心 知母各一分半 荷叶一两。水煮七沸，焙<sup>①</sup>干

上五味，捣研为细散，每服半钱匕，蜜水调下，食后

治小儿鼻衄，地黄煎方

生地黄汁 刺蓊汁各二盏 杏仁汤浸，去皮尖及双仁，麸<sup>②</sup>炒黄，研。一两 阿胶炙令燥，碾为末。半两

上四味，同入银器中，慢火熬为煎，每服一钱匕，新汲水化下，不计时候。量儿大小加减。

治小儿卒热，毒气攻脑，鼻中衄血不止，梔子散方

梔子仁一两。一半生用，一半微炒 槐花半两。生用

上二味，捣罗为细散，每服半钱匕，加至一钱，熟水调下，日三。量儿大小加减。

治小儿阳毒烦躁，吐血衄血，渐生赤斑，绛雪丹方

丹砂研。半两 焰消研。一两

上二味，各研令细，再同研，炼蜜和丸如梧桐子大，每服一丸，砂糖水调化服，取下涎即安。

治小儿鼻衄不止，刺蓊散方

刺蓊焙 蒲黄各半两 乱发烧灰。一分

上三味，捣罗为细散。每服半钱匕，以新汲水调下，不计时候。量儿大小加减。

① 焙：乾隆本、日本抄本、文瑞楼本同，明抄本作“暴”。

② 麸：明抄本、乾隆本、文瑞楼本同，日本抄本作“面”。

# 卷第一百八十

## 小儿门

小儿鼻鼈塞 小儿鼻多浊涕 小儿脑热鼻干无涕 小儿多涕  
小儿喉痹 小儿重舌 小儿木舌 小儿燕口疮 小儿口疮

## 小儿门

### 小儿鼻鼈塞

论曰：肺气通于鼻，鼻和则知香臭。小儿鼻鼈塞者，肺气不利也。肺主气，诸阳之气，上荣头面，其气不和，风冷乘虚客于脑，与气停滞，搏于津液，鼻道壅遏，故为鼻鼈塞。

#### 治小儿鼈鼻，黄连丸方

黄连去须。一两一分 艾叶炒 升麻各三分 防风去叉。半两 朴消二两 大黄剉，炒。三分

上六味，捣为细末，炼蜜和，更捣一二百下，丸如绿豆大，每服三五丸，温水下，食后临卧服。随儿大小加减。

#### 治小儿鼻塞，不通利，丹参膏方

丹参 细辛去苗叶 芎藭 当归剉，焙 羌活去粗皮 防风去叉。各一两 蜀椒去目并闭口者，炒出汗 干姜炮。各半两

上八味，剉如麻豆大，猪脂五两，羊髓五两，与药相和，入铫子内，慢火熬，候药黄色，取下，绞去滓，贮瓷器中。每以大豆许内鼻中，日三。

#### 治小儿凶气虚肿，鼻塞不通，白芷膏方

白芷 细辛去苗叶 木通剉 当归切，焙。各半两

上四味，剉如麻豆大，以羊髓四两，与药同入铫子内，慢火熬，候白芷黄，成膏，绞去滓，贮瓷器中。每用少许傅凶上，兼内鼻中。

#### 治小儿鼻塞不通，细辛膏方



细辛去苗叶 木通剉 辛夷各一分<sup>①</sup> 杏仁汤浸，去皮尖、双仁，炒。半两

上四味，剉如麻豆大，以羊髓、猪脂各三合，同药入铫子内，慢火熬，候色黄，绞去滓，瓷器中贮之 涂鼻内。

治小儿鼻鼾，不闻香臭，龙脑散方

龙脑研。一字 瓜蒂十四枚 赤小豆七粒 黄连去须。半钱

上四味，先以三味为细散，入研者药和匀 临卧，粟米许吹入鼻中，少顷有清水出。

治小儿鼻塞不通，不能乳，木香膏方

木香 零陵香各一两

上二味，为细末，用醍醐三合，与药末同入铫子内，煎成膏。用涂头上及鼻中，如小豆许，日再。

治小儿鼻塞生肉，细辛散方

细辛去苗叶 木通剉。各一两

上二味，为细散 以绵缠裹大豆许，内鼻中，日再。

治小儿鼻塞不通，羊髓膏方

羊髓 薰陆香各三两

上二味，于铫子中慢火熬成膏，去滓，入瓷器中盛贮 以膏摩背，候鼻通为效。

## 小儿鼻多浊涕

论曰：人之津液涕唾，得热则燥涸，得冷则流溢。小儿因解脱不时，风冷伤于肺经，或冷中肉户，皆令儿涕液不收 盖肺气通于鼻，脑液下通于鼻故也。

治小儿鼻多浊涕，菊花汤方

甘菊花择 甘草炙。各一分 防风去叉。半两 山茱萸七枚

上四味，粗捣筛 每一钱匕，水一盏，煎至六分，去滓，分温三服，早晨、日午、晚后各一，更量大小加减。

① 分：明抄本、文瑞楼本同，日本抄本作“两”

## 治小儿肺伤冷，鼻流浊涕，前胡橘皮汤方

前胡去芦头 陈橘皮汤浸，去白，焙 各半两 白茯苓去黑皮 桂去粗皮 白术 人参 细辛<sup>①</sup>去苗叶 甘草炙。各一分<sup>②</sup>

上八味，粗捣筛 每服一钱匕，水一盏，煎至五分，去滓温服，日三。随儿大小加减。

## 治小儿脑户伤风冷，鼻多浊涕，精神昏闷，防风汤方

防风去叉 甘菊花择 白术 人参 细辛去苗叶 白茯苓去黑皮 甘草炙，剉。各一分

上七味，粗捣筛 每服一钱匕，水一盏，人生姜少许，同煎至五分，去滓温服，不拘时，更量大小加减。

## 治小儿鼻塞多涕，杏仁膏方

杏仁汤浸，去皮尖、双仁，炒。半两 蜀椒去目并闭口者，炒出汗 附子炮裂，去皮脐 细辛去苗叶。各一分

上四味，除椒外，剉如麻豆大，以醋五合，渍药一宿，明日以猪脂半斤，与药相和，入铫子内，慢火同熬，候附子黄，成膏，去滓取出，贮瓷器内放冷。取涂鼻中，兼摩顶上，日三五度。

## 治小儿肺寒，鼻多浊涕，精神不爽，不思乳食，通肺汤方

人参 前胡去芦头 细辛去苗叶 杏仁汤浸，去皮尖、双仁，麸<sup>③</sup>炒黄 桂去粗皮 甘草炙。各一分

上六味，粗捣筛 每服一钱匕，水一盏，人生姜少许，枣一枚，擘破，煎至五分，去滓温服，不拘时，量大小加减。

## 治小儿风冷伤风，鼻塞多涕，细辛膏涂方

细辛末。一两<sup>④</sup> 麻油二合

上二味，以油煎细辛，令微黑，入蜡半两，候消令凝。每日薄涂鼻上，日三易

① 细辛：日本抄本、文瑞楼本同，明抄本此后有“各一两”。

② 各一分：日本抄本、文瑞楼本同，明抄本作“一两”。

③ 麸：明抄本、文瑞楼本同，日本抄本作“面”。

④ 两：明抄本、文瑞楼本同，日本抄本作“分”。

## 小儿脑热鼻干无涕

论曰：肺气通于鼻，鼻上通于脑，脑髓下渗而为涕。故涕为肺之液，而其出从鼻。小儿肺脏壅滞，内有积热，上攻于脑，津液内涸，故令鼻干无涕也。

### 治小儿脑热鼻干无涕，升麻丸方

升麻 防风去叉 梔子仁各半两

上三味，捣罗为末，青羊脑髓和丸如麻子大。一、二岁，每服三丸，温熟水研化下，食后午时临卧各一。量儿大小加减。

### 治小儿脑热鼻干燥，常闭目，黄芩汤方

黄芩去黑心 青箱子 大黄剉，炒 各半两 蜀漆 甘草炙 各一两<sup>①</sup>

上五味，粗捣筛。五六岁儿，每服一钱匕，水一盏，煎至五分，去滓，放温，食后日二服。量大小加减。

### 治小儿脑热鼻干无涕，茯神汤方

茯神去木 栝楼根 麦门冬去心。各一两 黄耆剉。一两半 生干地黄洗，焙。三<sup>②</sup>两 酸枣仁炒。半两 羌活去芦头 葛根剉 羚羊角镑。各一分

上九味，粗捣筛。每服一钱匕，水七分，浸药良久，煎至四分，去滓，放温服，日三，食后良久。

### 治小儿脑热鼻干无涕，藁本汤方

藁本去苗、土，剉。一分 羚羊角镑 防风去叉。各一<sup>③</sup>两 芍药 菊花去萼，熅 细辛去苗叶 白术 人参 柴胡去苗 白茯苓微炒 山梔子仁 白茯苓去黑皮。各半两 甘草炙 黄芩去黑心 各一分

上一十四味，粗捣筛。每服一钱匕，水七分，入青竹叶五片，同煎至四分，去滓澄清，放温细呷，食后，日再

① 两：文瑞楼本同，明抄本、日本抄本作“分”。

② 三：日本抄本、文瑞楼本同，明抄本作“二”。

③ 一：明抄本、文瑞楼本同，日本抄本作“三”。



## 治小儿脑热鼻干无涕，犀角散方

犀角镑。半两 升麻 恶实微炒。各一两<sup>①</sup> 麦门冬去心，焙 茯神去木 百合 桑根白皮炙，剉 大黄剉，炒 柴胡去苗 山梔子仁 枳壳去瓤，麸炒。各半两 甘草炙，剉 桔梗炒 黄芩去黑心。各一分<sup>②</sup>

上一十四味，粗捣筛。每服一钱匕，水七分，煎至四分，去滓，放温，食后临卧服。

## 治小儿脑热肺壅，鼻干无涕，喘息不得，柴胡煎方

柴胡去苗 麻黄去根节，汤煮，掠去沫 甘草炙 木通剉 紫苑去苗、土 五味子 大青 干百合各一两半 款冬花 蓝叶 人参 赤茯苓去黑皮 各三分 大黄剉，炒 半两 酥一斤 蜜炼熟，去白沫，一斤

上一十五味，除酥、蜜外，细剉，水七升，慢火煎至三升，去滓，入酥、蜜，同熬成煎，瓷器盛 五六岁儿，食后温熟水调下一钱匕，日三。看病轻重，量大小加减。

## 治小儿脑热鼻干无涕，大黄汤方

大黄剉，炒 柴胡去苗 防风去叉 甘草炙。各一分

上四味，粗捣筛。每服一钱匕，水七分，煎至三分，去滓，放温，食后、临卧各一服。量儿大小加减。

## 治小儿脑热黄瘦，黄连汁方

黄连半两

上一味，粗捣为末。童子小便一盏，浸一宿，每日取清汁半合服之。量大小加减。

## 治小儿鼻干身热，韭根汁方

韭根

上一味，捣取汁澄清。两鼻孔各滴如黑豆许。勿多，多则有毒。

① 两：明抄本、文瑞楼本同，日本抄本作“分”。

② 分：日本抄本、文瑞楼本同，明抄本作“两”。

# 治小儿脑热鼻干，白矾涂方

白矾生，末 黄米粉各一两

上二味，每用一钱匕，清水半合，调如泥，涂脑上，日三

## 小儿多涕

论曰：鼻之气，有出有入，入则界<sup>①</sup>内，已而复出，出则界外，已而复入。肺开窍于鼻，肺气不和，风冷乘之，使气道遏而不通，则风冷与气上界，蒸而为液，其液复界于下，故令鼻多涕。

### 治小儿肺寒，鼻多清涕，精神不爽，减乳食，人参汤方

人参 前胡去芦头 细辛去苗叶 杏仁汤浸，去皮尖、双仁，麸炒 桂去粗皮 甘草炙，剉。各一分

上六味，粗捣筛。每服一钱匕，水半盏，入生姜少许，枣一枚，擘破，煎至三分，去滓温服，不拘时 更量儿大小加减。

### 治小儿肺脏伤冷，鼻流清涕，前胡汤方

前胡去芦头 陈橘皮汤浸，去白，焙 各半两 白茯苓去黑皮 桂去粗皮 白术 人参 甘草炙，剉 细辛去苗叶。各一分<sup>②</sup>

上八味，粗捣筛。每服一钱匕，水半盏，煎至三分，去滓温服，日三，更随儿大小加减。

### 治小儿脑户伤于风冷，鼻内多涕，精神昏闷，甘菊花汤方

甘菊花 白术 细辛去苗叶 白茯苓去黑皮 防风去叉 人参 甘草炙，剉。各一两

上七味，粗捣筛。每服一钱匕，水半盏，入生姜少许，煎至三分，去滓温服，不拘时，更量大小加减。

### 治小儿风伤囟门，致鼻塞不通，涂囟方

麻油二合 细辛末一两

上二味，同煎微黑色，入蜡半两，熔化停凝 每日三度，薄涂之。

① 界：文瑞楼本同，明抄本、日本抄本作“鼻”。

② 分：明抄本、文瑞楼本同，日本抄本作“两”。

## 小儿喉痹

论曰：喉痹之病，喉中肿塞痹痛，水饮不下，呼吸有妨，寒热往来，得之风热客于脾肺，熏发咽喉。小儿纯阳，尤多是疾，若不速治，毒邪入心，则烦闷懊恼，立致危殆。

治小儿喉痹，由脾肺蕴热，血气结塞。慎勿刺破，但以此方治之，**木通汤方**

木通剉。一两 升麻一分 大黄剉，炒。一分 麻黄去根节。一分 犀角镑。一分 石膏碎。半两 甘草炙。一分

上七味，粗捣筛。每二钱匕，水一盞，煎至七分，去滓，下朴消末一钱匕搅匀，再煎一二沸，分温二服，早食后、临卧各一服。五岁已上，以意加之。

治喉痹，水浆不下，**备急三物丸方**

大黄剉，炒 干姜炮 巴豆去皮、心，别捣如脂

上三味，等分，先捣二味为细末，入巴豆再研，炼蜜丸如绿豆大。每服三丸，温水下，取利为度

治小儿喉痹，咽喉傍肿如疮子，身体壮热，如不作颗结，空气急，喉中噎塞，即是肺胀，**犀角汤方**

犀角镑屑。一分 射干一两 桔梗炒 络石 升麻 甘草炙 山梔子仁各一分

上七味，粗捣筛。每二钱匕，以水一盞，煎至六分，去滓，下朴消末半钱匕，搅令匀，分温三服，早晨、日午、临卧各一。

治小儿喉痹，咽喉傍肿如疮子，身体壮热，如不作颗结，空气急，喉中噎塞，即是肺胀，**射干汤方**

射干 升麻 百合 木通剉 桔梗炒 甘草炙。各一分

上六味，粗捣筛。每用一钱匕，以水七分，煎至四分，去滓，下马牙消末半钱匕搅匀，食后细细温呷。

治小儿喉痹痛，咽塞不利，**羚羊角汤方**



羚羊角镑屑。一分 升麻三<sup>①</sup>分 射干 陈橘皮汤浸，去白，焙。各一分 白药半两

上五味，粗捣筛。每一钱匕，以水七分，煎至四分，去滓，分温二服，早晨、日午、夜卧各一。五岁已上，以意加減。

**治小儿喉痹，上焦积热壅毒，天竺散方**

天竺黄 马牙消 甘草炙。各半两 蛤粉白者。二两 丹砂研。一<sup>②</sup>分

上五味，捣研为细散。每服半钱匕，取新汲水揉薄荷相和，入龙脑少许，量儿大小，汤化服之，食后临卧。

**治小儿喉痹，咽喉傍肿，喉中噎塞，麻黄汤方**

麻黄去根节。半两 桂去粗皮。一分 射干一分 杏仁汤浸，去皮尖、双仁，炒。一分

上四味，粗捣筛。每一钱匕，以水七分，煎至四分，去滓，食后分温二服。

**治小儿走马喉痹，白矾散方**

白矾煨，焙，研。一两 消石研 雄黄研。各一分 苦参末半两

上四味，同研为细散。每服半钱匕，冷水调下，并三服。

**治小儿喉痹，马兰汤方**

马兰子炒 升麻各一分

上二味，粗捣筛。每一钱匕，水半盏，煎至三分，去滓，下白蜜少许搅匀，分温二服。如无马兰子，即用根少许，入水捣绞取汁，细呷。

**治小儿喉痹方**

葛蔓

上一味，烧为灰。水服一钱匕。

**治小儿喉痹方**

① 三：明抄本、文瑞楼本同，日本抄本作“二”

② 一：日本抄本、文瑞楼本同，明抄本作“三”。

棘刺

上一味，烧灰。水调服半钱匕。

又方

鱼胆二七枚

上一味，以灶下黄土同研。涂吹喉中，立差。

### 小儿重舌

论曰：小儿重舌者，舌本之下，或如卧蚕，亦如小舌之状，此由心脾二脏壅热所致。盖心主舌，脾之络脉连舌本，散舌下，故二脏有热，热随脉上，至于舌本之下，血脉胀起，变生重舌，宜急治之，刺法中论刺舌下两边出血，后以药治之。不然，即满口塞喉，便致危殆。

治心脾经为邪热所客，重舌肿胀，语声不出，水饮不下，三物备急丸方

大黄剉，炒 干姜炮 巴豆去皮、心、膜。各等分

上三味，捣研为末，炼蜜丸如绿豆大。每服五丸，温水下，大便利为度。

治小儿重舌，舌强不能收唾，鹿角散方

鹿角末一两

上一味，每用少许傅舌上，日三度。

治小儿重舌，口中生疮，涎出，桂矾傅方

桂去粗皮。一分 白矾烧令汁尽。半分

上二味，捣研为末。干傅舌上，日三<sup>①</sup>。

又方

蒲黄 露蜂房各一分<sup>②</sup> 白鱼烧灰。一钱

上三味，都研令匀。用酒少许调，傅重舌上，日三。

治小儿重舌，蛇蛻皮方

① 三：日本抄本、文瑞楼本同，明抄本作“二”。

② 分：日本抄本、文瑞楼本同，明抄本作“两”。

上取蛇蛻皮烧作灰，涂舌下 一法以醋调，鹅毛掠舌下，愈。  
又方

上以乌贼鱼骨烧灰，和鸡子黄，涂喉及舌上，差。  
又方

上取黄檗，以竹沥渍取汁，细细点口中，良。  
又方

上以嚼粟哺之，差。  
治重舌，衣鱼散方

上取衣鱼烧作灰，傅舌上。  
治小儿重舌，口中疮，涎出，蒲黄傅方  
上以蒲黄傅舌上，不过三次，愈。

治小儿重舌欲死者方  
上取乱发烧灰，傅舌下，良。

治小儿重舌，木兰皮方  
上取木兰皮一尺，广四寸，削去粗皮，细剉，以苦酒一升，煮取半升，适寒温，渍两手，食顷间小渴，须臾干，复渍两足，出干复渍，大良。

治小儿重舌方  
上烧甌带灰傅之。

又方  
上取桑汁涂乳，饮之。

### 小儿木舌

论曰：小儿木舌者，以心气蕴热，热气随脉上至于舌，则血脉胀起，渐渐肿大，满口塞喉。若不急治，便致危殆。经云畜则肿热，砭射之也。先宜砭射，后以药治之。

治小儿木舌肿胀，满塞口中，三物备急丸方

大黄剉，炒 巴豆去心、皮，研 干姜炮。各等分

上三味，捣研为末，炼蜜为丸如绿豆大 每服五丸，温水下，大便利为度。



治小儿木舌，紫雪散方

紫雪细研。一分 竹沥

上二味，每用紫雪一字，竹沥少许调服，一日四五服。

治小儿木舌方

衣中白鱼五枚 朴消研。一分 盐半钱

上三味，捣研为细末。每用少许傅舌上。

治小儿木舌长大，鲤鱼贴方

鲤鱼一枚。去骨，切肉作片

上一味，将鱼肉贴于舌上，以线系定。

治小儿木舌长大，蓬砂散方

蓬砂研 甘草炙 各半两 白芷二钱 白药子二两 蒲黄一两

上五味，捣研为散 每服半钱匕，薄荷煎汤，入蜜少许调下，食后服。三岁已上，每服一钱匕。

治小儿木舌，日渐长大，满塞口中，人参散方

人参一两 白茯苓去黑皮。二两 甘草炙。一两 白药子二两 白术一两 槐花 白芷各半两

上七味，捣罗为散。用薄荷汁调如糊，涂舌上，咽下不妨，不拘时用。如患重舌，亦可服。

小儿燕口疮

论曰：小儿燕口疮者，口吻两际，疮生如燕口，世亦谓之肥疮 此由脾胃客热上冲口唇，熏发为疮。或者以燕泥傅之，甚良。盖治之以其意也。

治小儿燕口疮，石胆散方

石胆研。半两 龙脑研。少许

上二味，共研匀。以少许涂疮上，差。

治小儿燕口疮，胡粉散方

胡粉炒，研。一分 黄连末半两

上二味，同研匀。以少许傅疮上。

治小儿燕口及口内生疮方

殺羊髭烧灰

上一味，研细，以腊月猪脂和。日三四上涂之。

又方

鸡胫胫黄皮不以多少。烧灰

上一味，研为末。以乳汁调半钱匕服之，日三。

治小儿心脏虚热，生燕口疮方

柘木根

上一味，以水三盏，煎取半盏，去滓，用汁涂疮上，不拘度数，以差为止。

治小儿燕口黄肥疮方

上取殺羊角烧灰，和腊月猪脂傅之，差。

治小儿燕口黄肥疮方

上取燕窠上一分，入麝香半钱研匀，临卧傅之。

治小儿燕口黄肥疮方

上烧乱发一分，为灰研细。和猪脂涂之，差。

治小儿燕口疮，槩皮散方

上用黄槩皮为末，甌汗调，涂傅疮上，差。

## 小儿口疮

论曰：小儿口疮者，由血气盛实，心脾蕴热，熏发上焦，故口生疮。盖小儿纯阳，易生热疾，或衣服过厚，饮食多热，血脉壅盛，皆致此疾。

治小儿口疮，一捻散方

青黛 黄槩去粗皮 诃黎勒炮，去核 密陀僧

上四味，等分，捣研为散 取一捻掺舌上；如喉咽内有疮，亦掺喉中，微微咽津。

治小儿口疮，紫金散方

黄槩如两指面大二片，去粗皮，涂蜜，炙令紫 诃黎勒煨，去核 麝香研。少许 膩粉研。少许

上四味，捣罗为散。每服一字许掺舌上，立差。

治小儿口疮，寒水石散方

寒水石一分。烧通赤，地上碗合一宿，出火毒 白矾熬令汁枯。  
一分 铅白霜一分

上三味，研为散，每用少许掺口疮上，食后临卧，以差为度，  
咽津无妨。

治小儿口疮，香白芷散方

香白芷半两 盐绿一钱 五倍子一分 麝香少许

上四味，捣研为细散。每用一字，掺疮上。

治小儿口疮，蓬砂散方

蓬砂研 矾蝴蝶研 密陀僧各半钱。研

上三味，用生蜜四两，与药同熬紫色，以新水冰冷，瓷合盛。  
每用以鸡翎傅之。

治小儿口疮，铅丹煎方

铅丹半两 密陀僧半两 白蜜四两

上三味，先以蜜于铫子内煎令沸，下铅丹，同煎令紫色，次  
下密陀僧，搅令匀成煎，于瓷合盛 每用小豆大，咽津。

治小儿口疮，蚬蛇胆散方

蚬蛇胆研。一分 石胆研。一分 龙脑一分

上三味，同研细。每用一字涂疮上，日三五次。

治小儿口疮，大青汤方

大青三分 黄连去须。三分

上二味，粗捣筛。每服半钱匕，以水半盏，煎至二分，去滓，  
食后服。

治小儿口疮，地黄汤方

生地黄汁 桑根白皮汁。各一合<sup>①</sup>

上二味，入蜜半合，同煎十余沸。每服二分，日三。

治小儿口疮，黄檗膏方

黄檗去粗皮。一分 大豆一合

① 合：文瑞楼本同，明抄本作“两”，日本抄本作“分”。



上二味，粗捣筛。以水一盞，煎至二合，去滓，重煎如饴，入少许龙脑研和，涂傅。

治小儿口疮烂臭，神验散方

寒食面五钱 消石七钱

上二味，同研，遇夜，新水调药半钱匕，涂在纸花子上，男左女右，贴脚心。

治小儿口疮，蛇蛻拭方

上取蛇蛻，水渍令湿软，拭口内疮，一两度即差。

治小儿口疮，蟾蜍散方

蟾蜍一枚。炙令焦

上一味，捣罗为散。每用一字傅疮上。

治小儿口疮，牛膝酒方

牛膝一两。切

上以清酒二盞，煎至七分，去滓，分温三服，日二，以差为度。

治小儿口疮，蚕蛾散方

晚蚕蛾一两

上捣罗为散。每用一字，傅口疮，日三两次。

治小儿口疮赤烂，羊乳饮方

上取羊乳五合，冷点口中，不过三两上，差。

治小儿口疮赤烂，赤葵散方

赤葵茎焙干。半两

上捣罗为散。每用一字，蜜调涂之。

治小儿口疮赤烂，乱发拭方

上以父母乱发净洗，缠桃枝，蘸井华水，东向以拭口中。

治小儿白口疮，满口如浸饼起者，贝母散方

贝母去心。二两

上一味为散，先煮面拨粥七个，抱孩儿门限内坐，将逐个拨粥，撮儿口内疮了，弃门限外，令犬吃。便以药末半钱，水五分，蜜少许，煎三分，冷与服，仍以药糝贴。每日用三四次，即差。

治小儿口生白疮，桑汁涂方

桑根白皮汁

上以涂儿唇口，即差。

治口疮舌硬，言语不得方

白矾烧令汁尽 桂去粗皮。各一两<sup>①</sup>

上二味，捣研为末，掺舌上，即差。

治小儿口疮，马芹涂方

马芹子汁

上先揩唇上血出，涂药，日三<sup>②</sup>次，验。

① 两：文瑞楼本同，明抄本、日本抄本作“分”。

② 三：日本抄本、文瑞楼本同，明抄本作“三四”。

# 卷第一百八十一

## 小儿门

小儿语迟 小儿齿不生 小儿咽喉诸病 小儿误吞物  
小儿紧唇 小儿涎液不收 小儿胎赤眼 小儿斑疮入眼  
小儿眼生翳膜 小儿目赤痛 小儿聾耳百虫入耳附

## 小儿门

### 小儿语迟

论曰：心为言，肝为语。其经属手少阴、足厥阴，其气上通于舌。舌者，声之机。若禀受之初，母怀惊怖，则子之心火不足，而肝木弱，故令机关不利，气不宣扬而语迟。甚者有经数岁<sup>①</sup>不能言者。

治小儿心气不足，舌本无力，语迟，**芍药汤方**

赤芍药一两 黄耆剉 三分 犀角镑 槟榔剉 甘草炙 各半两  
上五味，粗捣筛。每服一钱匕，水一小盏，煎至五分，去滓  
量儿大小，不计时候，加减温服。

治小儿诸病后，六七岁不能语，**鸡头丸方**

雄鸡头烧灰。一枚 鸣蝉去翅足，炒。三枚 甘草炙。半  
两 大黄剉，炒 麦门冬去心，焙 各一两半 当归切，焙 黄耆  
剉 芎藭各三分 远志去心 木通剉。各半两 人参一两

上一十一味，捣罗为末，炼蜜丸如绿豆大。每服以粥饮下五  
丸至七丸，量儿大小加减，不计时候。

治小儿五六岁不语，**菖蒲丸方**

菖蒲 人参 黄连去须 各半两 丹参 赤石脂各三分 天门  
冬去心，焙 麦门冬去心，焙。各一两

① 岁：日本抄本、文瑞楼本同，明抄本、乾隆本及日本抄本小字注此后有“月而”。



上七味，捣罗为末，炼蜜丸如绿豆大，每服五七丸，温水下，不拘时候，日三。量儿大小，以意加减。

### 小儿齿不生

论曰：牙齿者，是骨之所终，髓之所养。手阳明、足太阳之脉，并入于齿。若血气充实，则骨髓强盛。虽其齿损落，犹能更生也。若虚弱者，血气衰耗，风冷乘之，致令齿久不生。假令生者，或龋，或虫，落不能复生也。

#### 治小儿齿不生或因落不生方<sup>①</sup>

牛粪中黑豆

上一味，取二七枚，小开去头上皮。此<sup>②</sup>豆头开处注齿根上，时时用之当效。

#### 治小儿牙齿不生方

雄鼠粪二七枚

上一味，每日用粪一枚，齿根上拭。至二十一日，其齿当生。

#### 又方

道傍遗稻粒

上一味，于齿落处点三七下，其齿自生。

#### 治小儿齿不生，无问远近，皆得便生，神效方

雄鸡粪二七枚。头尖者 雌鸡粪二七枚。头圆者

上二味，烧灰存性。先用针挑开齿龈<sup>③</sup>上，以鸡粪灰点之。

### 小儿咽喉诸病

论曰：咽喉者，肺脾经所主也。小儿肺脾有热，蕴积上焦，熏发喉间，故令咽喉赤肿，吞吐不利，或塞或壅，憎寒壮热，咳嗽痰涎，是其候也。昔人谓脏热则咽门肿而闭塞，岂虚言哉。

#### 治小儿咽喉中鸣，咳嗽喘急，款冬花丸方

① 或因落不生方：日本抄本、文瑞楼本同，明抄本、乾隆本作小字注。

② 此：日本抄本、文瑞楼本同。明抄本、乾隆本作“以”，义胜。

③ 龈：明抄本、乾隆本、文瑞楼本同，日本抄本作“断”。

款冬花 甘草炙 紫菀去苗上 麻黄去根节，煎去沫，焙干 各半两 贝母麸炒 麦门冬去心，焙。各三分

上六味，捣罗为细末，炼蜜丸如绿豆大。每服三丸至五丸，食后米饮下。五岁以上，以意加之。日三。

治小儿咽喉、舌肿胀，咽气不利，朴消散方

朴消一分 衣中白鱼炒。三枚 盐少许

上三味，捣研为细散。每服以指搨少许在舌下。

治小儿咽喉项肿，啼声不出，牛黄散方

牛黄研 半分 代赭三两 麝香研 半钱 玄参三分 厚朴去粗皮，生姜汁炙。三分 升麻一两 射干半两 大黄剉，炒。一两一分 木香三分 白术半两 犀角镑屑<sup>①</sup>。三分 甘草炙半两

上一十二味，捣罗十味为细散，入研药和匀。每服半钱匕，以人乳汁一蛤蜊壳许调下，空腹日一服。三岁至五岁已上，每服一钱匕，枣汤调下，米饮亦得，日再。

治小儿咽喉中鸣，咳嗽痰壅，牵牛散方

牵牛子炒半生半熟。二两 杏仁去皮尖、双仁，炒 甘草炙 吴茱萸汤洗<sup>②</sup>，焙干，炒 陈橘皮去白，焙。各一分

上五味，捣罗为细散。每服半钱匕，空腹以沸汤调下，微利出恶物，即差。量儿大小加减服。

治小儿咽喉肿热，肺胀气急，喉中似有物塞，麻黄汤方

麻黄去根节，煎去沫，焙干 桑根白皮剉 桂去粗皮 各半两 大黄生 射干 杏仁汤浸，去皮尖、双仁。各一分

上六味，粗捣筛。每服一钱匕，以水半盏，煎至三分，去滓温服。

治小儿咽喉肿胀，咽气不利，黄檗汤方

黄檗去粗皮，蜜炙 甘草炙。各一分

① 镑屑：乾隆本、文瑞楼本同。明抄本作“屑”，日本抄本作“镑”

② 汤洗：明抄本、乾隆本同，日本抄本、文瑞楼本作“汤浸”。

上二味，粗捣筛。每服<sup>1</sup>一钱匕，以水半盏，煎至三四分，去滓温服。不计时候。

治小儿热病口烂，咽喉生疮，水浆不下，当归膏方

当归去芦头，剉，炒 射干剉 升麻剉。各一两 附子半两。炮，去皮脐，剉 白蜜四合

上五味，切，以猪脂四两先煎成油，后内诸药入于油中，用文火熬令附子黄色，滤去滓，投蜜更熬一两沸，成膏，以瓷器收。每取杏仁大含化咽津，无妨日三四用之。

治小儿咽喉肿痛，毒气热极，咽塞不利，生姜汤方

生姜二两。切 升麻二两。剉 射干二两。剉 陈橘皮一两。汤浸，去白

上四味，剉如麻豆 每服三钱匕，水一盏，煎至七分，去滓温服。

治小儿咽喉肿痛，壮热躁渴不止，升麻汤方

升麻 射干 大黄剉，炒。各半两

上三味，粗捣筛。每服一钱匕，水半盏，煎至四分，去滓，分温二服，早晨、日午各一。

治小儿膈热，唇口生疮，咽喉肿痛，玉芝散方

甘草剉作半寸许，劈破，汤浸一日，微炒 石膏研如粉。各一两 山梔子去皮，微炒。二两 藿香叶半两

上四味，捣研为细散。每服半钱匕，以新汲水调下，量儿大小加减服。

治小儿风热，咽喉肿塞生疮，摇头烦闷，及虫咬心痛，龙脑丸方

龙脑研。半钱 白矾铤子内炼沸，泣尽汁为度，研 玄明粉一钱 蝉壳三十枚。去足，炒，研末 牛黄研。半字 蛇蛻皮一条，长二尺。铁器上焙焦，研为末

上六味，再一处细研，入砂糖少许和丸，如梧桐子大。冷水化破一丸服之。

治小儿咽喉肿痛，苦药子散方

1) 每服：明抄本、乾隆本同，日本抄本、文瑞楼本作“每”。



苦药子 白僵蚕等分

上二味，捣为细散。每服半钱匕，白矾水调下，量儿大小加減。

治小儿忽肿毒著咽喉，露蜂房散方

露蜂房烧灰 白僵蚕各一分

上二味细研。每服半钱匕，用乳香汤调下，看儿大小，以意加減。

治小儿喉痹，血气结塞，慎勿刺破，但与药通利，升麻汤方

升麻 木通剉 大黄生 麻黄去根节 各一分 犀角镑 石膏碎 甘草生，剉。各半两 朴消研。一两

上八味，粗捣筛。每二钱匕，水一盞，煎至七分，去滓，量大小分減服。

## 小儿误吞物

论曰：小儿多以珠玑钱环之类为玩弄之具，或藏于<sup>1</sup>口中 因惊或啼，遂误吞咽，仓卒不得出，为害亦大 当随物所宜，以方术治之。

治小儿误吞钱，在喉中不下方

麸炭研为细末

上一味，以指弹少许入喉中，少顷自吐出 一方，用羊胫炭研细为末。

治小儿误吞针方

磁石一块。小弹子大，吸铁紧者<sup>2</sup>

上一味，入口内，吸令针出。或丝系定，送咽喉引出亦得。

治小儿误吞钩<sup>③</sup>绳方

上凡吞钩绳犹在手者，莫伸引。俱以珠玑若<sup>④</sup>穿了慈苡子之

① 藏于：日本抄本、文瑞楼本同，明抄本、乾隆本作“于”。

② 者：乾隆本、文瑞楼本同，明抄本、日本抄本无。

③ 钩：明抄本、乾隆本、文瑞楼本同，日本抄本本方凡“钩”均作“钩”。

④ 若：日本抄本、文瑞楼本同，明抄本、乾隆本作“或”。

类，就其绳穿，稍稍推至钩畔，即急推前入。才钩离刺处，复缓缓引出。

### 治小儿误吞珠珙方<sup>①</sup>

上烧铜弩牙令赤，淬水一碗，旋饮，其物即出。

### 治小儿误吞银环及钗方

上以饴糖随儿大小多少食之。若能多食<sup>②</sup>，钗环即随出。

### 治小儿误吞发方

上用木梳烧灰细研，粥饮调下半钱匕。不下，再服。

### 治小儿误吞梅李核方

上以温水旋从小儿头淋下，却接其水，与儿饮之。

### 治小儿误吞环方

上以鹅毛半两烧灰细研，米饮调下半钱。未效，再服。

## 小儿紧唇

论曰：脾主肉，其华在唇。脾胃有热，熏发于口，则令唇际生疮，又为风邪寒湿<sup>③</sup>之气，搏于肿处。故焮结不消，湿烂汁出，时发时差，积久不愈，谓之紧唇疮，又名沈唇也。

治小儿唇疮未已，复被风冷所搏，疮口湿肿<sup>④</sup>，此名紧唇。顺脾散方

山芋一两<sup>⑤</sup> 人参三分 桂去粗皮。一分 木香半两 甘草炙，剉 白术各一分 诃黎勒炮，去核。半两 肉豆蔻炮，去壳。二枚 白茯苓去黑皮 黄芪剉。各半两 白芷一分

上一十一味，捣罗为散。每服半钱匕，沸汤点服，量儿大小加減。

### 治小儿紧唇疮，二铅散傅方

① 方：日本抄本、文瑞楼本同，明抄本、乾隆本无此字。

② 食：日本抄本、文瑞楼本同，明抄本、乾隆本作“食糖”。

③ 湿：明抄本、乾隆本、文瑞楼本同，日本抄本作“温”。

④ 湿肿：明抄本、乾隆本、文瑞楼本同，日本抄本作“温肿”。

⑤ 两：明抄本、乾隆本、文瑞楼本同，日本抄本作“分”。

铅丹一分 铅霜研 半分 蛤粉研 晚蚕蛾微炒 各半钱 麝香研。一钱

上五味，各为散，用蜜合调，傅疮上。

治小儿紧唇，疮肿皮急，黄连散傅方

黄连去须 黄檗去粗皮，剉 甘草生，剉 凝水石碎 各半两 槟榔生，剉。一分。

上五味，捣罗为散 用蜜调傅唇上，频换为效。

治小儿紧唇，及脾热攻唇疮肿，乌蛇散傅方

乌蛇烧灰

上一味，细研。以酥和傅唇上，频换为效。

治小儿唇疮，白及膏傅方

白及 白敛 白蜡各一两 黄耆剉 乳香研 牡丹皮 芍药 丁香各一分<sup>①</sup> 麻油二两

上九味，除油蜡外，并细剉。先煎麻油令沸，次入前项药，以柳木枝不住手搅，绵滤过，去滓再煎，入蜡，膏成，入银石器中盛，候冷。不拘多少，取傅疮上。

治小儿唇疮不合，龙胆丸方

龙胆 大黄剉，微炒。各一分 人参 梔子仁 朴消 郁李仁 去皮，别研入<sup>②</sup>。各半两 茵陈蒿一分

上七味，捣罗为末，炼蜜和丸如麻子大，每服五丸至七丸，温水下，量儿大小加减。

治小儿唇疮方<sup>③</sup>

黄檗去粗皮，为细末

上一味，浓煎蔷薇根汁调涂疮上，立效。

治小儿唇生疮方

桑根白皮细切<sup>④</sup>

① 分：日本抄本、文瑞楼本同，明抄本、乾隆本作“两”

② 入：日本抄本、文瑞楼本同，明抄本、乾隆本无

③ 方：日本抄本、文瑞楼本同，明抄本、乾隆本作“黄檗傅方”

④ 细切：明抄本、乾隆本、文瑞楼本同，日本抄本作“细剉”。



上一味，捣取汁，涂疮上，大效。

### 治小儿唇疮方

蓝叶细切

上一味，研取汁洗之，日三上差。

## 小儿涎液不收

论曰：小儿因气不升降，膈腕否滞，致令乳饮不化，流入胃中，随气上溢，故令多涎。其候胸满短气，饮食迟化。《内经》谓脾为涎。当调脾胃，升降其气，则病可愈。

治小儿脾风多涎，心胸壅闷，不下乳食，昏昏多睡，铅霜散方

铅霜<sup>①</sup>研 牛黄研 半夏生姜汁制，焙干 龙脑研。各半分 白附子炮 马牙消研 防风去叉 丹砂研 天竺黄研 犀角屑 细辛去苗叶 黄芩去黑心<sup>②</sup> 甘草炙，剉。各一分。

上一十三味，捣研为散，再同研匀。每服一字，用<sup>③</sup>生姜蜜温水调下。更量儿大小，以意加减，不计时候。

治小儿脾肺风热，膈上多涎，心神昏闷，少欲乳食，防风汤方

防风去叉 羚羊角屑 黄芩去黑心<sup>④</sup> 人参 枳壳去瓤，麸炒 甘草炙，剉。各一分 半夏半分。生姜<sup>⑤</sup>汁制，焙干

上七味，粗捣筛。每一钱匕，水八分，入生姜少许，煎至五分，去滓。不计时候，量儿大小，分减温服。

治小儿脾热乳食不下，胸膈多涎，半夏丸方

半夏半分。生姜汤洗七遍，去滑 皂荚子仁半两

上二味，捣罗为末，用生姜汁和丸，如麻子大。不计时候，

① 铅霜：原作“霜铅”，据明抄本、乾隆本、日本抄本、文瑞楼本及本方方名乙正

② 去黑心：日本抄本、文瑞楼本同，明抄本、乾隆本无。

③ 用：日本抄本、文瑞楼本同，明抄本、乾隆本作“同”。

④ 去黑心：日本抄本、文瑞楼本同，明抄本、乾隆本无。

⑤ 生姜：文瑞楼本同，明抄本、乾隆本作“姜”，日本抄本误作“去姜”。

以温水下三丸，随儿大小，以意加減。

治小儿脾胃气不升降，气溢于上，涎液不收，半夏丸方

半夏微炒<sup>①</sup>。一两 白矾生，研。半两

上二味，先以半夏为细末，再入白矾和匀，面糊和丸如粟米大。每服五七丸，量轻重加減，食后临卧生姜汤下。

治小儿胃气上溢，气不升降，涎液不收，清膈降气丸方

牛蒡子 梔子仁 甘草炙微赤，剉 川消 郁金已上各半两 枳壳一分。麸炒微黄，去瓢<sup>②</sup> 龙脑半两。研<sup>③</sup>

上七味，捣罗为末，面糊和为丸如麻子大。用薄荷水化下二丸至三丸，不计时候，量儿大小，加減服之。

治小儿脾热，乳食不下，胸膈痞闷，涎溢不收，桑白汁方

新桑根白皮不以<sup>④</sup>多少，细剉

上一味，取自然汁，涂于儿口内，立效。如无新桑根白皮，取干桑根白皮一两，细剉，用水一盏，煎至半盏，放温，涂儿口内，极妙<sup>⑤</sup>。

## 小儿胎赤眼

论曰：小儿眼胎赤<sup>⑥</sup>者，是初生洗目不净，令秽汁浸渍于眦中，使睑赤烂，至大不差，故云胎赤眼<sup>⑦</sup>也。

治小儿胎赤眦烂，黄连丸方

黄连去须。一两 防风去叉 龙胆去土 大黄剉，炒 细辛去苗叶。各半两

上五味，捣罗为末，炼蜜丸如绿豆大。每服五丸至七丸，温熟水下，日三。更量儿大小加減。

① 微炒：日本抄本、文瑞楼本同。明抄本、乾隆本作“炒”

② 麸炒微黄去瓢：日本抄本、文瑞楼本同。明抄本、乾隆本作“麸炒黄”

③ 龙脑半两研：日本抄本、文瑞楼本同。明抄本、乾隆本无。

④ 以：日本抄本、文瑞楼本同。明抄本、乾隆本作“计”。

⑤ 极妙：日本抄本、文瑞楼本同。明抄本、乾隆本作“立效”。

⑥ 眼胎赤：日本抄本、文瑞楼本同。明抄本、乾隆本作“胎赤眼”。义胜

⑦ 胎赤眼：日本抄本、文瑞楼本同。明抄本、乾隆本作“赤眼”。

治小儿眼胎赤，风毒所攻，肿痛，升麻汤方

升麻 黄耆剉 玄参 甘草炙 各半两 犀角屑 防风去叉 蕤仁汤浸，去皮，研。各一分

上七味，粗捣筛。每一钱匕，以水七分，煎至四分，去滓，分温二服。更量儿大小加减。

治小儿眼胎赤肿痛，上焦壅热，麦门冬汤方

麦门冬去心，焙 犀角屑 芒消 防风去叉 甘草炙。各半两 旋覆花一分

上六味，粗捣筛。每一钱匕，水七分，煎至四分，去滓，量儿大小分减温服，日四五<sup>①</sup>。

治小儿眼胎赤，久不差，牛黄丸方

牛黄一分。细研 黄连半两。去须<sup>②</sup> 决明子一分 蕤仁一分。汤浸，去皮 犀角屑半两 龙脑一钱。细研

上六味，捣罗为末，炼蜜和丸如麻子大。每服以温水下五丸，日三四服。更量儿大小，以意加减。

治小儿眼胎赤及生疮，怕见风日方

龙脑半钱。细研 蕤仁一分。汤浸，去皮，研 杏仁一两。汤浸，去皮尖、双仁，研

上三味，滴少水，都细研如乳汁，每日三四度点之。

治小儿眼胎赤痒痛方

龙脑半钱<sup>③</sup>。细研 桑叶五两。烧作灰

上二味，水一升半，先煎桑叶灰取半升，绵滤去滓，后入龙脑搅令匀。日三四上，少点。

治小儿眼胎赤，龙脑煎方

龙脑一钱 盐绿半两 蕤仁汤浸，去皮。一分

上三味，都研令极细，以蜜调似面脂。用点眼，日三两上。

治小儿眼胎风赤烂，不以年月发歇，视物泪出，涩痛不可忍，

① 四五：日本抄本、文瑞楼本同，明抄本、乾隆本作“三”。

② 去须：日本抄本、文瑞楼本同，明抄本、乾隆本无。

③ 半钱：日本抄本、文瑞楼本同，明抄本、乾隆本作“五分”。



## 黄连膏方

黄连去须，捣。一两 卢会研。一分 龙脑一钱。别研

上三味，先将黄连、卢会捣研罗为末。以新绵裹，用水一盞，于银器中以重汤煮。候药汁三分减二，即去药绵，入龙脑搅匀，以瓷瓶收。每日三两上点之。

## 治小儿眼胎赤，兼有翳膜，杏仁膏方

杏仁去皮尖、双仁，研如膏 一两 膩粉一钱 盐绿 黄连末<sup>①</sup>各一分

上四味，同研极细，以真酥调如膏，摊于铜碗内，以<sup>②</sup>熟艾如鸡子大，掘小坑子，烧艾烟出，便覆铜碗熏之，勿令气泄。候烟尽，更研令匀。每取少许，以绵裹，用人乳汁浸一宿，日三四度点之

## 治小儿眼胎赤，经年月深远者，铜青散方

铜青 膩粉各一钱 龙脑半钱 干地龙一条。去土，为末

上四味，同研极细。每用半小豆许点目眦，日一两度。

## 小儿斑疮入眼

论曰：小儿脾肺壅热，或缘时气温病<sup>③</sup>，表里俱虚，邪毒发于肌表，致生斑豆，甚者遍体。斑如玳瑁，头作燂浆，毒气炎盛，上攻眼目，发于睛轮。先须于睑肤上用药贴熨，次可调利脾肺。切不得用药点眼，点药则令斑疮溃烂，穿坏睛轮，不可不慎也。

## 治小儿斑疮入眼，连翘散方

连翘去子 芎藭 黄檗去粗皮。各一钱 胡麻三钱。去油 甘草炙。三分

上五味，捣罗为散。用白汤调，放冷，食后服。五岁以下半钱，五岁以上一钱。如眼内有白丁子者，不日退去。

## 治小儿热盛攻眼及斑疮入眼，井泉石散方

井泉石为末，再研，飞过 蝉壳去土 蛇蛻皮炙 甘草炙 各

① 黄连末：文瑞楼本同，明抄本、乾隆本、日本抄本作“黄连”。

② 以：明抄本、乾隆本、文瑞楼本同，日本抄本无。

③ 温病：明抄本、乾隆本、文瑞楼本同，日本抄本作“温”。

一两

上四味，捣罗为散。每服半钱至一钱匕，蜜水调下。

治小儿斑疮入眼，柳絮散方

柳絮 谷精草 石决明 夜明沙各等分

上四味，捣罗为散。每服一钱匕，獾猪肝一片批开，掺药在内，以线子扎定。米泔一大盏，煮至五分取出，乘热以汤熏眼，良久服之，日一服。

治小儿斑疮入眼，生翳膜遮睛，乌龙散方

乌鱼骨 贝齿 猪指甲各一两

上三味，同入沙盒子内，用盐泥固济，令干，烧通赤为度，取出细研，每服半钱匕，用羊子肝一具批开，掺药在内，麻缕扎定，粟米泔一盏，煮熟为度。细嚼，米饮<sup>①</sup>下。

治小儿斑疮入眼，成皰疮，如圣散方

蛇蛻皮一尺 皂子十四枚 马勃一分

上三味，以蛇皮裹皂子，更用马勃裹蛇皮，入罐子中，瓦盖，黄泥裹合，暴干，炭火煨，候烟欲断即止。取出，油单贴入地中，出火毒一宿。研细，入麝香少许，再研。每服半钱匕，葱汤调下，日三服。忌一切发眼物。

治小儿斑疮入眼及生翳，通圣散方

白菊花如无，用甘菊花代 绿豆皮 谷精草各一两

上三味，捣罗为散。每服一钱匕，用干柿一枚，生粟米泔一盏，与药同煎，水尽为度。只吃干柿，一日可二服<sup>②</sup>，不计时候。若患十日已里，三五服即差。一月已里，十数服差。

治豆疮子入眼，妙应散方

蛇蛻皮一两<sup>③</sup> 蝉壳二十五枚

上二味，用罐子泥固济，暴干，火煨<sup>④</sup>过，地上出火毒一宿，

① 米饮：日本抄本、文瑞楼本同，明抄本、乾隆本作“饮”。

② 二服：文瑞楼本同，明抄本、乾隆本、日本抄本作“三服”。

③ 一两：日本抄本、文瑞楼本同，明抄本、乾隆本作“一条”。

④ 煨：原作“断”，乾隆本、日本抄本、文瑞楼本同，音近致误，据明抄本改。

研为末。蜜水调下一字匕，食后，日三

治小儿出疮子后，眼内生青膜翳晕，蛤粉散方<sup>①</sup>

蛤粉一分 甘草炙。一握

上二味，将甘草捣罗为末，与蛤粉同研令匀。每服一钱匕，新汲水调下，不拘时候。

治小儿斑疮入眼成白膜，但不作丁子者，服之必效，螵蛸散方

桑螵蛸二两 麝香少许。研

上二味，捣研为细散，每服一钱半匕<sup>②</sup>，生米泔调下，临卧服。

治小儿疮疹入眼，成翳膜，蝉壳汤方

蝉壳 羊子肝<sup>③</sup>

上二味，捣罗为末。每服二钱匕，用水煎羊子肝汤调下，日三。

治小儿斑疹<sup>④</sup>入眼，生翳膜方

谷精草 细蛤粉已上各一两

上二味，捣研为细末。每用一钱匕，猪肝二两<sup>⑤</sup>批开，掺药在内卷了，用青竹叶裹，麻缕扎定，水一碗，煮令熟，入收口瓷瓶内熏眼，后取肝食之。服不过十日，必差，日二。

治小儿斑疮入眼，轻粉散方

轻粉一两。用银器内炒令黑色

上一味，如患左眼，用纸捻缠左耳，右耳亦如之，以填满为度。如耳根痛，其膜自落。

## 小儿眼生翳膜

论曰：眼者，肝之候也。五脏六腑精气，皆上注于目。小儿

① 蛤粉散方：明抄本、乾隆本、文瑞楼本同，日本抄本作“蛤粉方”。

② 一钱半匕：日本抄本同，明抄本、乾隆本作“一钱”，文瑞楼本作“半匕”。

③ 羊子肝：明抄本、乾隆本、日本抄本同，文瑞楼本作“羊”。

④ 斑疹：明抄本、乾隆本、文瑞楼本同，日本抄本作“斑疮”。

⑤ 二两：明抄本、乾隆本、文瑞楼本同，日本抄本作“一两”。



体本挟热，将养过温，致腑脏积蓄邪热，熏渍肝经，上冲于目，始则赤痛，若不即治，蕴结变生障翳，热气轻者，生白翳如黍米，大者如麻豆。重者，乃生<sup>1</sup>两三翳。又甚，则翳生白障，侵遮瞳仁，满目悉白，遂致失明。然障亦有轻者，黑睛边微有白膜来侵，黑睛渐染散漫，当急治之，即免侵遮黑睛，有瞽蒙之患。

治小儿热毒气盛，翳膜侵睛，兼赤眼疼痛，**蕤仁丸方**

蕤仁汤浸，去皮，别捣。一两半。兔肝炙。一具。梔子仁。黄芩去黑心。黄连去须。各半两。升麻。决明子各三分。细辛去苗叶。一分。

上八味，捣罗为末，炼蜜丸如绿豆大。每服三丸至五丸，温水下，早晨日晚各一服。更随儿大小加减。

治小儿风翳散漫<sup>2</sup>，侵瞳仁，及风疳眼，**恶实散方**

恶实炒。木通剉。蒺藜子炒，去角。各一两。

上三味，捣罗为散。每服半钱匕，以水捣羊子肝汁调下。早晨日晚各一服，更量儿大小加减。

治小儿眼赤，或生翳膜，或眼常合不开，**决明子散方**

决明子。车前子。梔子仁。防风去叉。黄连去须，各一两半<sup>3</sup>。

上五味，捣罗为散。每服一字至半钱匕，捣生猪肝，投热汤取汁调下。早晨日晚各一服，更量儿大小加减。

治小儿肝受病，目昏，渐生翳膜，散漫侵睛，因此失明，须内外治之，**龙胆饮方**

龙胆。钩藤。土瓜根<sup>4</sup>。茯神去木，各半两。甘草炙。桑根白皮炙。防风去叉。各一分。

上七味，粗捣筛。每一钱匕，水一盏，入枣半枚，去核，同煎至六分，去滓，分作二服。量儿大小加减，早晚服。

治小儿肝热，眼生翳膜，或生血轮肿胀，切宜急治<sup>5</sup>，**车前子**

① 乃生：明抄本、乾隆本、文瑞楼本同，日本抄本作“乃至生”。

② 散漫：明抄本、乾隆本、文瑞楼本同，日本抄本作“散”。

③ 各一两半：日本抄本、文瑞楼本同，明抄本、乾隆本作“各一两”。

④ 土瓜根：日本抄本、文瑞楼本同，明抄本、乾隆本作“王瓜根”。

⑤ 切宜急治：日本抄本、文瑞楼本同，明抄本、乾隆本作“切忌发物，宜急治之”。

# 汤方

车前子 防风去叉 甘菊花 甘草炙，剉 人参 苈藋子 青  
稍子各三分 梔子仁 黄连去须。各半两

上九味，粗捣筛。每服一钱匕，水一盏，入淡竹叶七片，煎  
至五分，去滓温服。日三，量儿大小加减。

## 治小儿疳眼，翳膜沙涩，煮肝散方

黄连去须 沙参 玄精石 决明子

上四味等分，捣罗为散。每半钱匕，用羊子肝一片，竹篦子  
切作缝子，掺末在内，线系，入沙罐子内垂挂，勿令到底，以米  
泔煮熟，淡食羊肝。每一片分作两服或三服，量儿大小与食。

## 治小儿五岁已下，肝脏热毒，目生丁翳，黄芩汤方

黄芩去黑心 升麻 甘草炙，剉 各半两 萎蕤 玄参 犀角  
镑。各一分

上六味，粗捣筛。每服一钱匕，水七分，煎至四分，去滓，  
分温二服。量儿大小加减。日三四服。

## 治小儿肝脏壅热，眼生疮翳，车前子丸方

车前子 甘菊花 芎藭 黄连去须 当归切，焙。各一分 大  
黄湿纸裹煨 黄芩去黑心。各半分

上七味，捣罗为末，炼蜜丸如绿豆大。每服五七丸，量儿大  
小加减，煎桑枝汤下。

## 治小儿风热，疳气攻眼，赤痛障翳，拨云膏方

桃仁 杏仁各四枚 并去皮尖、双仁 蕤仁 郁李仁各五枚  
并去皮

上四味，同生研细，滤入蜜、龙脑、麝香、膩粉各少许，再  
研极匀，点之。

## 治小儿因泻痢日久，眼生翳膜，并疳眼，退翳如圣散方

蛇蛻两条。用纸烛烧灰，研 谷精草一两 蝉蛻去土。一分  
附子生，去皮脐。二钱 石决明刷净。一分 胡粉研。四钱

上六味，捣研为散。每服一字半<sup>①</sup>，羊子肝一片，批破，掺末，用麻皮线缠，米泔煮熟，先熏眼，后与食，量大小加减。如未能食，研汁灌之。

治小儿眼有障翳。七八岁瞳子未坚，不宜点药，用蚀翳珊瑚散方

珊瑚半两

上一味，细研如粉。每点时，取如黍米大内翳上，日再点。

治小儿目睛有膜，白矾膏方

白矾熬令汁尽。一分

上一味，以清水四合，置熟铜器中，煎取半合，去滓，入少许白蜜，以绵滤过。每日三度，点如黍米大。

### 小儿目赤痛

论曰：目者，腑脏之精华，肝之外候也。小儿脏腑有热，与膈间痰饮相搏，气不宜通，熏渍于肝。肝经受热，则血脉壅滞，循经上冲于目，故令目赤痛。不即治，热甚则生障翳。

治小儿眼赤，隐涩不开，膈中有热，决明汤方

决明子炒 黄芩去黑心 各一两一分 柴胡去苗 大黄研，炒。各一两半 升麻 石膏碎<sup>②</sup> 梔子仁各一两 甘草炙，剉 枳壳去瓢，麸炒。各半两

上九味，粗捣筛。每服一钱匕，水七分，入竹叶五片，同煎至四分，去滓，分温二服。随儿大小加减，食后服

治小儿赤眼，黄芩饮方

黄芩去黑心。半两 寒水石一两一分 升麻 甘草炙，剉。各一分

上四味，粗捣筛。每一钱匕，水七分，入竹叶五片，同煎至四分，去滓，分温二服。食后临卧，随儿大小加减。

① 一字半：明抄本、乾隆本、文瑞楼本同，日本抄本作“一字”。

② 碎：明抄本、乾隆本、文瑞楼本同，日本抄本作“研”。



治小儿赤眼，决明丸方

决明子 牛黄别研<sup>①</sup> 蕤仁等分

上三味，捣研为末，炼蜜丸如麻子大，临卧时乳汁下二丸，随儿大小加减。如热痛不可忍者，用猪胆汁丸，立差。

治小儿肝热，眼赤疼痛，凉膈退热，白华散方

蛤粉水飞，研 连翘 甘草剉 白药子 白附子炮，等分

上五味，捣研为散 每服半钱匕，用麦门冬蜜熟水调下，量儿大小加减。

治小儿目赤肿痛，清肝散方

芍药 防风去叉 各一分 大黄剉 羌活去芦头 甘草剉 各半两

上五味，捣罗为散 每服一钱匕，水半盏，入灯心、黑豆各少许，煎五七沸，去滓，食后温服 量儿大小加减

治小儿风热，眼赤痛，败毒汤方

大黄剉碎<sup>②</sup>，麸炒 甜消别研 甘草炙，剉，各二两 陈橘皮去白，焙。三两

上四味，粗捣筛。每服一钱匕，水七分，入薄荷三叶，煎至四分，去滓，食后，量儿大小加减服 无薄荷，入乳香亦得。

治小儿赤眼，朴消膏点方

朴消烧令干。一分 黄连去须。三分

上二味，捣为粗末。绵裹，以乳汁浸之点眼，良。

治小儿眼<sup>③</sup>烂，眦痒痛，泪出，不能视物，风伤则痛，黄连膏方

黄连去须。三分 大铜钱七文 白矾烧灰。一分

上三味，以水并白蜜各三合，用铜器盛，于饭上炊一次，绵滤去滓，贮瓷合内。点眼。

治小儿眼赤痛不开，洗眼，生地黄汤方

① 别研：明抄本、乾隆本、文瑞楼本同，日本抄本作“剉研”。

② 碎：明抄本、乾隆本、文瑞楼本同，日本抄本作“研”。

③ 眼：日本抄本、文瑞楼本同，明抄本、乾隆本作“赤”。

生干地黄二两 决明子 黄芩去黑心 竹叶各一两 芍药半两  
上五味细剉，以水二升，煮五六沸，去滓澄清，洗眼，一日三次，大人通用。

#### 治小儿赤眼，黄檗汤洗方

黄檗去粗皮。剉 秦皮各一两。剉 蕤仁去皮。半两  
上三味，粗捣筛 每用两匙头，以水一碗，入干枣三枚，同煎三五沸，去滓，适寒温洗眼。

#### 治小儿目暴赤痛，铅丹丸洗眼方

铅丹一两。再研

上一味，用白沙蜜调如稀糊，同入银器内搅匀，炒，候铅丹紫色可丸，即丸如皂子大 每用一丸，沸汤化，乘热淋洗

#### 治小儿目赤涩痛，渐生翳膜，昏暗，大黄丸方

大黄剉 郁金 人参 黄连去须。各二钱<sup>①</sup>

上四味，捣罗为末，研鼠肝和丸如绿豆大 每服三丸，米泔下。奶食后服，量儿大小加减。

### 小儿聾耳百虫入耳附

论曰：肾气通于耳，心寄窍于耳。疏通不窒，则其听为聪。小儿心脏热实，贯冲耳脉，开窍者塞结而为肿，或生脓汁，故谓之聾耳。或因沐浴，水入耳内，停积不化，亦为聾耳。久不治，则致聋聩。

#### 治小儿聾耳，汁出不止，矾石散方

白矾熬令汁枯 龙骨 铅丹炒 各半两<sup>②</sup> 麝香 竹蛭末各一分

上五味，同捣研细。先用绵杖子拭干耳内，以药少许掺之。

#### 治小儿聾耳出脓汁，疼痛不可忍者，竹蛭散方

竹蛭粪一两 白矾熬令枯。半两 雄黄二钱 麝香一字

① 各二钱：明抄本、乾隆本、文瑞楼本同。日本抄本作“各一钱”。

② 铅丹炒各半两：日本抄本、文瑞楼本同。明抄本、乾隆本无。

上四味，同研匀细，先用绵裹杖子，拭干耳中，次以药少许掺之  
治小儿聤耳，脓血塞耳，赤石脂散方

赤石脂 白矾熬令汁枯 黄连去须 乌贼鱼骨去甲 各一分

上四味，捣研为散，每取少许，绵裹塞耳中，大人可用一钱匕。一方无赤石脂，有龙骨。

治小儿聤耳，夜明沙散方

夜明沙二钱 麝香一字

上二味，同研极细，先以绵杖子拭去脓，用药半钱匕掺入耳中

治小儿聤耳出脓，螵蛸散方

桑螵蛸须桑上者。微炙，末之

上一味，入麝香少许同研。先用物拭脓净，然后掺药。

治小儿耳聋脓出，久不差者，红白散方

白矾熬令汁枯 染胭脂

上二味等分，研为细末，先以绵杖子缠去脓极干，用药半钱匕掺之，不过三两次。

治小儿水入耳内，脓出疼痛，日夜不止，如圣散方

箭竿内蚰末如有虫者，同研令细用。三钱 膩粉 麝香各一钱。研<sup>①</sup>

上三味，同研细。先以绵杖子拭耳干，取药三刺耳子，深掺入耳，以绵塞定，如觉刺扎，即是恶物要出，去绵侧耳令出，甚者三度差，大人亦可用。

治聤耳有脓水，狼牙散方

狼牙 白敛 竹蛀屑各一分

上三味，捣研细。每用少许，掺耳内。

治聤耳脓水不绝，矾脂散方

白矾熬令汁枯 松脂 木香 花胭脂各一分

上四味，捣罗为散，每用绵拭脓后，满耳填药

治小儿聤耳汁方

① 研：日本抄本、文瑞楼本同，明抄本、乾隆本无。



黄连去须。三分 龙骨烧，研。半两 乌贼鱼骨去甲。一枚。炙  
上三味，捣研为末。麻油调少许，日三四度，点耳中<sup>①</sup>。

治小儿聾耳汁出，渍外生疮，雄黄散<sup>②</sup>方

雄黄研。一两 黄芩去黑心 曾青研。各半两

上三味，捣研为散 以少许掺外疮，更用绵裹一大豆塞耳中，  
日再换之。

治小儿蚰蜒入耳，胡麻枕耳方

胡麻不拘多少

上一味，先熬后捣。贮以葛囊，枕之即出

治小儿飞虫入耳，雄黄油方

雄黄一分

上一味，研细。以麻油调，抹耳中。

治小儿虫入耳，桃心塞耳方

桃心叶二七叶。焙 胡麻子一升。炒

上二味，先以桃叶塞耳中，其虫必出 如不出，以胡麻子炒  
令香，以葛袋盛枕头，耳中虫自出。

治蚊子入耳方

炙肉

上一味，安在耳边，蚊子自出。

又方

韭

上一味，捣绞取汁，滴耳中。

又方

蓝青

上一味，捣绞取汁，滴耳中。

又方

葱

上一味，取涎滴耳中。

① 点耳中：日本抄本、文瑞楼本同。明抄本、乾隆本作“点耳中差”。

② 雄黄散：明抄本、乾隆本、文瑞楼本同。日本抄本作“雄散”。

## 卷第一百八十二

### 小儿门

小儿诸丹 小儿游肿赤痛 小儿痛疮 小儿疽疮  
小儿瘰癧结核 小儿恶疮 小儿冻烂疮 小儿疥 小儿癣  
小儿风瘙癢疹 小儿癰疽

### 小儿门

#### 小儿诸丹

论曰：风热发丹，古方谓小儿得之最忌。以其气血未定，肌肤柔脆，无以胜悍毒故也。是以诸丹不同，其发无定处，俗又谓之溜，流走经络，散发肌表，如涂丹之赤。有法可镰<sup>①</sup>，泄去毒气。不尔，则丹毒入腹，近心即死。但初发于心头者，不可镰尔。

治小儿丹毒，赤肿壮热，百治不差者，**蓝青汤方**

干蓝青二两 凝水石碎 石膏研 山梔子仁各一两半 柴胡去苗<sup>②</sup> 犀角镑 黄芩去黑心<sup>③</sup> 杏仁汤浸，去皮尖、双仁，炒<sup>④</sup> 甘草炙，剉 赤芍药 羚羊角镑 葛根剉，各半两 知母一两

上一十三味，粗捣筛。每一钱匕，水半盏，煎至四分，下蜜半钱、竹沥少许，再煎至三分。去滓，空心日晚分温二服，更量大小加减。

治小儿丹毒遍身，**黄芩汤方**

① 镰：中医外治方法，指用三棱针或刀尖挑破皮肤黏膜放血以外泄毒的方法。

② 去苗：文瑞楼本同，明抄本、乾隆本、日本抄本无。

③ 去黑心：乾隆本、文瑞楼本同，明抄本、日本抄本无。

④ 汤浸去皮尖双仁炒：文瑞楼本同，明抄本、乾隆本作“去皮尖、双仁，炒”，日本抄本作“炒”。

黄芩去黑心<sup>①</sup> 麻黄去根节<sup>②</sup> 秦艽去苗、土<sup>③</sup> 升麻各一分 大黄剉，炒<sup>④</sup> 防风去叉<sup>⑤</sup>。各半两

上六味，粗捣筛。每一钱匕，水七分，煎至四分，下朴消末半钱匕，去滓，空心分温二服，晚再服。更量儿大小加减。

#### 治小儿丹毒，黄耆汤方

黄耆剉 蒺藜子炒，去角 黄芩去黑心<sup>⑥</sup> 大黄剉，焙 甘草炙，剉。各一分

上五味，粗捣筛。每一钱匕，水七分，煎至四分，下朴消末半钱匕，去滓，食前分温二服，更量儿大小加减

#### 治小儿丹，若入腹及下部阴卵，百疗不差，麻黄散方

麻黄去根节<sup>⑦</sup> 升麻各半两 消石研。一两

上三味，捣罗为散。每服半钱匕，井华水调下，空心日晚各一。

#### 治丹入腹，泽兰汤方

泽兰 芎藭 附子炮裂，去皮脐<sup>⑧</sup> 莽草 藁本去苗、土<sup>⑨</sup> 细辛去苗叶<sup>⑩</sup> 茵芋等分

上七味，剉如麻豆。每一钱匕，水七分，煎至四分，去滓，分温<sup>⑪</sup>二服，空心日晚<sup>⑫</sup>各一。

#### 治小儿丹毒，防入腹，甘草散方

甘草炙，剉。一分。为末 油麻半升

① 去黑心：文瑞楼本同，明抄本、乾隆本、日本抄本无。

② 去根节：明抄本、乾隆本、文瑞楼本同，日本抄本无。

③ 去苗土：文瑞楼本同，明抄本、乾隆本、日本抄本无。

④ 剉炒：文瑞楼本同，明抄本、乾隆本无，日本抄本作“炒”。

⑤ 去叉：文瑞楼本同，明抄本、乾隆本、日本抄本无。

⑥ 去黑心：文瑞楼本同，明抄本、乾隆本、日本抄本无。

⑦ 去根节：明抄本、乾隆本、文瑞楼本同，日本抄本无。

⑧ 炮裂去皮脐：文瑞楼本同，明抄本、乾隆本作“去皮脐”，日本抄本作“炮”。

⑨ 去苗土：明抄本、乾隆本、文瑞楼本同，日本抄本无。

⑩ 去苗叶：明抄本、乾隆本、文瑞楼本同，日本抄本无。

⑪ 分温：明抄本、乾隆本、文瑞楼本同，日本抄本作“温”。

⑫ 日晚：明抄本、乾隆本、文瑞楼本同，日本抄本作“晚”。



上二味，先取油麻，去皮研细，绞取汁一合 调甘草末半钱匕<sup>①</sup>服，日再。

### 治小儿丹毒，青蓝汁方

青蓝汁一合 竹沥二合

上二味和匀，空心温服一合，日晚再服，以差为度。

### 治小儿丹数十种，大黄搗汤方

大黄 甘草炙，剉 当归切<sup>②</sup>，焙 芎藭 白芷 独活去芦头<sup>③</sup> 黄芩去黑心<sup>④</sup> 芍药 升麻 沉香剉 木香 木兰皮各半两 芒消三两

上一十三味，粗搗筛，拌匀 每用二两，以水六升，煎至四升，去滓 以绵二片蘸之，更互温搗丹上，冷即易，日五七度，即差

### 治小儿发丹毒热痛，吴蓝汤搗方

吴蓝 大黄 槐白皮 商陆 榆皮各二两

上五味，细剉 每用三<sup>⑤</sup>两，以水五升，煎至四升，去滓，入朴消半两搅匀，以绵二片，浸于汤中，更互搗丹上。日三五度，即差。

### 治小儿发丹，苈麻根汤洗方

苈麻根剉。三合<sup>⑥</sup> 小豆二合

上二味，都用水七升，煎至四升，去滓，温洗丹上，冷即再暖。日三五度，即差

### 治丹毒遍身绛色，鲫鱼涂方

生鲫鱼一头<sup>⑦</sup>，三两 麻油二两

上二味，捣鱼令细，入油研匀，涂丹上 日三五度，即差

治丹走行皮中没广者，名丹火也，入腹杀人，蛭蟥散涂方

1 半钱匕：日本抄本、文瑞楼本同，明抄本、乾隆本作“一钱”。  
 ② 切：文瑞楼本同，明抄本、乾隆本、日本抄本无。  
 ③ 去芦头：明抄本、乾隆本、文瑞楼本同，日本抄本无。  
 ④ 去黑心：文瑞楼本同，明抄本、乾隆本、日本抄本无。  
 ⑤ 三：日本抄本、文瑞楼本同，明抄本、乾隆本作“二”。  
 ⑥ 合：明抄本、乾隆本、文瑞楼本同，日本抄本作“分”。  
 ⑦ 头：日本抄本、文瑞楼本同，明抄本、乾隆本作“条”。

干蛭螬

上一味，碾末<sup>①</sup>，油调涂之，以差为度

治小儿野灶丹从膝起，莽叶涂方

干莽叶末<sup>②</sup> 香薷末 赤小豆末 各半两<sup>③</sup> 生蒴藿叶茎一握  
细剉

上四味，细研蒴藿，入诸药末，和调如糊涂丹，干<sup>④</sup>即易之，以差为度。

治小儿胡吹灶丹，从阴下起，泥醋涂方

上用磨刀水棚下泥，和醋调膏涂之 干即更涂，以差为度。

治小儿胡漏灶丹，从脐中起，伏龙肝涂方

伏龙肝

上一味，用屋漏水去清取淀，和调如糊，涂之，干即再涂，以差为度。

治小儿神气丹，从项起，犬骨灰涂方

犬枯骨

上一味，为末，以青羊脂调如糊，涂之，日三五次。

治小儿飞灶丹，从项起，铁槽水洗方

上取淬铁槽<sup>⑤</sup>中水，日洗三五度。

治小儿家火丹，发如大指，日长一寸，遍著两胁<sup>⑥</sup>傍、两颊上，梓木灰涂方

梓木白皮 蓼叶各一分

上二味，烧灰研末，以鸡子白调如糊，涂之，以差为度。

治小儿烟火丹，从身起，猪槽泥涂方

猪槽下泥一合 生麻油一两

① 碾末：文瑞楼本同，明抄本、乾隆本作“研末”，日本抄本作“末”

② 末：明抄本、乾隆本、文瑞楼本同，日本抄本无

③ 末各半两：明抄本、乾隆本、文瑞楼本同，日本抄本作“各末半两”。

④ 干：日本抄本、文瑞楼本同，明抄本、乾隆本脱。

⑤ 淬铁槽：明抄本、乾隆本、文瑞楼本同，日本抄本作“淬槽”。

⑥ 遍著两胁：文瑞楼本同，明抄本、乾隆本作“遍身著两胁”，日本抄本作“偏著两胁”

上二味，和调如糊，涂之，以差为度。

治小儿烟火丹，从背上起，或走两臂，足赤如火，真珠涂方  
真珠细研如粉<sup>①</sup>。一两 慎火草研，绞汁。景天是也

上二味，和调如糊涂之，以差为度。

治小儿神灶丹，起两额傍，不出一日，变为赤黑色，慎火草  
汁涂方

慎火草

上一味，绞取汁，先以刀子微镰丹上令血出，涂药，以差  
为度。

治小儿天灶火丹，发尻间，正赤，流阴头赤肿血出，葱茺萆  
涂方

葱五茎，和须切研 茺萆五茎 生者，和梗切研 赤小豆  
末 灶门上灰研。各一合

上四味，合研匀细。以青羊脂三两调匀涂之，以差为度。

治小儿地灶丹，从阴下起，入踝骨上，废砖涂方

废灶砖末 屋四角茅烧灰。各一两

上二味，和研匀细。以新汲水调如糊，涂丹，干即易之，  
以差为度<sup>②</sup>。

治小儿私灶丹<sup>③</sup>，从背上起，灶土涂方

灶中黄土研

上一味，取打铁磨刀槽中水，和调如糊，涂丹，干即易，  
以差为度<sup>④</sup>。

治小儿废灶丹，从两脚赤，及从臂曲上起，五加灰涂方

五加叶根烧灰

上一味，研为细末。取打铁磨刀槽中水调如糊，涂丹，干即

① 细研如粉：日本抄本、文瑞楼本同，明抄本、乾隆本作“研如粉”。

② 以差为度：日本抄本、文瑞楼本同，明抄本、乾隆本脱。

③ 私灶丹：文瑞楼本同，明抄本、乾隆本作“松灶丹”，日本抄本作“和灶  
丹”

④ 以差为度：日本抄本、文瑞楼本同，明抄本、乾隆本无。



易之，以差为度。

治小儿鬼火丹，发两臂，赤起如李子，及从面上起，戎盐涂  
傅方

戎盐一分 附子一枚

上二味，烧过研细。用雄鸡血调涂丹上，日五遍<sup>①</sup>，以差为  
度<sup>②</sup>。

治小儿野火丹发，遍身斑如梅李<sup>③</sup>状，雌黄涂方

雌黄研 戎盐研。各一两

上二味，以鸡子白调涂丹上，日三五次，以差为度。

治小儿茱萸丹，初从背起，遍身如细纈<sup>④</sup>，一宿成疮者，鸡子  
涂方

鸡子白 赤小豆末

上二味，和调如糊，涂之，以差为度。一方云<sup>⑤</sup>治水丹。

治小儿萤火丹发，灼灼在胁下，正赤色而长，初从额起而多  
痛，伏龙肝涂方

伏龙肝研细。五合<sup>⑥</sup> 生麻油

上二味，和研如糊。涂傅，干即易之，以差为度<sup>⑦</sup>。

治小儿五色丹，蒴藿涂方

蒴藿叶

上一味，烂捣涂傅丹上，干即易之，以差为度。

治小儿白丹，猪通<sup>⑧</sup>灰涂方

猪屎灰 鸡子白

上二味，调和如糊，涂之，以差为度。

① 五遍：日本抄本、文瑞楼本同，明抄本、乾隆本作“三五次”。

② 以差为度：日本抄本、文瑞楼本同，明抄本、乾隆本无。

③ 梅李：日本抄本、文瑞楼本同，明抄本、乾隆本作“李”。

④ 纈（xié 协）：古代用带染料丝线对丝织品进行印染的方法，此指遍身出现细丝状斑片。

⑤ 云：明抄本、乾隆本、文瑞楼本同，日本抄本无。

⑥ 研细五合：明抄本、乾隆本、文瑞楼本同，日本抄本作“五合研”。

⑦ 以差为度：日本抄本、文瑞楼本同，明抄本、乾隆本无。

⑧ 猪通：日本抄本、文瑞楼本同，明抄本、乾隆本作“猪屎”。

治小儿火丹，走皮中，发赤如火烧状，须臾燔浆起，醋豉涂方

豉

上一味，研细。入醋调涂丹上，以差为度。

又芭蕉涂方

芭蕉叶根

上一味，取捣汁涂之，以差为度。

治小儿火丹，热如火绕腰，须急救之，芸薹涂方

芸薹叶

上一味，烂捣和汁涂傅之，以差为度。

又治火丹，针挑方

上于儿男左女右大拇指面螺文上针挑，有筋断之，即差。

治小儿火丹，从两胁下起，青黑色，羊脂涂方

煅铁下槽中铁屎捣研为末<sup>①</sup> 半两 羊脂二两 猪粪烧灰 一两

上三味，研匀如糊，涂之，以差为度。

治小儿骨火丹，初在臂起，赤黑色，二蒜涂方

大蒜 小蒜各一两

上二味，烂捣厚涂傅之，以差为度。

治小儿尿<sup>②</sup>灶火丹，发膝下，从两股起，及脐间，走入阴头，

桑木根洗方

桑木根五两<sup>③</sup>

上一味，细剉，以水五升，煎至三升，去滓温洗，日五七度，即差。

治小儿尿<sup>④</sup>灶丹，从踝及胝起，茅灰涂方

茅草屋四角者，取烧灰，研 鸡子白<sup>⑤</sup>

① 捣研为末：日本抄本、文瑞楼本同，明抄本、乾隆本作“为末”。

② 尿：文瑞楼本同，明抄本、乾隆本、日本抄本作“屎”。

③ 五两：明抄本、乾隆本、文瑞楼本同，日本抄本无。

④ 尿：明抄本、乾隆本、文瑞楼本同，日本抄本作“屎”。

⑤ 鸡子白：明抄本、乾隆本、文瑞楼本同，日本抄本作“鸡子白一枚”。

上二味，和调如糊，涂之，以差为度。

治小儿朱田火丹，先发背，遍身一日一夜而成疮，棘根汤洗方

棘根剉碎。半斤<sup>①</sup>

上一味，以水五升，煎至三升，去滓，温洗丹上，三五度即差。

治小儿赤丹，色纯赤，为热毒搏于气血，马齿苋汁方

马齿苋

上一味，烂捣绞取汁三合。空心温服一合，早晚再服，即差。

治小儿丹毒，赤肿壮热，百医不差者，蓝青煎方

蓝青切 竹沥各一升 生葛根汁澄清。四合 蜜二升 寒水石研。四两 石膏研。三两 山梔子仁二两一分 知母焙。二两半 柴胡去苗<sup>②</sup> 犀角镑 黄芩去黑心<sup>③</sup> 杏仁去皮尖、双仁，炒<sup>④</sup> 赤芍药 羚羊角灰研 甘草炙，剉。各一两一分

上一十五味，除研药并汁外，哎咀。以水五升，并竹沥先煎，去滓，取三升。次内杏仁、葛汁及蜜，微火煎成煎<sup>⑤</sup>。每服半合至一合，米饮化下，日三。

治小儿月内发丹，升麻黄芩汤方

升麻 黄芩去黑心 犀角镑 大黄剉，炒 柴胡去苗 山梔子仁各半两 蓝叶切。二合 石膏三分 甘草炙，剉。一分

上九味，粗捣筛。每二钱匕，水一盞，煎至半盞，去滓，食后分温二服。更量大小加减。

### 小儿游肿赤痛

论曰：小儿游肿，由风热客于经络，随气行移，流走肌肤，

① 剉碎半斤：文瑞楼本同，明抄本、乾隆本作“半斤”，日本抄本作“半斤碎研”。

② 去苗：文瑞楼本同，明抄本、乾隆本、日本抄本无。

③ 去黑心：文瑞楼本同，明抄本、乾隆本、日本抄本无。

④ 去皮尖双仁炒：文瑞楼本同，明抄本、乾隆本作“去皮尖、双仁”，日本抄本作“炒”

⑤ 煎：明抄本、乾隆本、文瑞楼本同，日本抄本作“膏”



致赤肿疼痛 治法当内服药以涤其蕴热，外傅剂以散其焮痛，则游肿自消。

治小儿风热游肿色赤，犀角饮方

犀角镑 黄芩去黑心<sup>①</sup> 升麻 山梔子仁 黄耆<sup>②</sup> 牛黄<sup>③</sup> 防己各一分 朴消三分

上八味，除牛黄外，粗捣筛，每二钱匕，以水一盏，煎取六分，去滓，下牛黄一大豆许，分作二服，早晨、日晚各一，随儿大小，以意加减。

治小儿游肿，猪脂膏方

猪脂炼过 四合 附子生，去皮脐<sup>④</sup> 蜀椒生，去目、闭口者各一分 食盐研。三分<sup>⑤</sup>

上四味，捣研三味为末，入脂内熬过，候冷涂之，以差为度

治小儿头及体赤游毒肿痛，升麻膏方

升麻二两 犀角镑 射干 黄芩去黑心<sup>⑥</sup> 梔子仁 玄参各一两一分 芍药 大黄 蓝实 羚羊角镑 各一两 大青半两 生干地黄二两三分<sup>⑦</sup>

上一十二味，细剉，以猪脂二斤半入铛中，于慢火上熬，不住手搅，煎成膏，去滓，瓷器中盛，取摩肿处<sup>⑧</sup>，差，不拘多少。

治小儿风热赤游肿，栝楼散方

栝楼剉<sup>⑨</sup>

① 去黑心：文瑞楼本同，明抄本、乾隆本、日本抄本无。

② 剉：文瑞楼本同，明抄本、乾隆本、日本抄本无。

③ 研：明抄本、乾隆本、文瑞楼本同，日本抄本无。

④ 生去皮脐：文瑞楼本同，明抄本、乾隆本作“去皮脐”，日本抄本作“生”。

⑤ 食盐研三分：文瑞楼本同，明抄本、乾隆本无，日本抄本作“食盐三分。研”。

⑥ 去黑心：文瑞楼本同，明抄本、乾隆本、日本抄本无。

⑦ 二两三分：日本抄本、文瑞楼本同，明抄本、乾隆本作“三两三分”。

⑧ 处：明抄本、乾隆本、文瑞楼本同，日本抄本作“所”。

⑨ 剉：文瑞楼本同，明抄本、乾隆本、日本抄本无。

上一味，捣罗为散。以酃醕和，涂之。

治小儿赤游肿，行流于体，若不急治，入腹即死，白豆散涂方

上取白豆末<sup>①</sup>，水和涂之，勿令干，差。

治小儿赤游肿，渐渐长引不止，涂傅方

牛膝剉<sup>②</sup> 甘草剉。各二两<sup>③</sup>

上二味，捣罗为散。每用二钱匕，以水一盞，煎至六分，去滓。调灶下黄土和涂之，干即易。

治小儿风热赤游肿方

上以麦面末，水和涂之

又方

上取伏龙肝，和鸡子白涂之，干即易。

### 小儿痈疮

论曰：经谓六腑不和，则留结为痈。盖小儿荣卫否涩，不得通利，逆于肉理，致肌肉肿结，皮薄而泽，是痈之状也。痈既不得内消，则脓<sup>④</sup>溃穿穴而成疮，故谓痈疮也。

治小儿痈肿成疮，犀角汤方

犀角屑 菱薤 升麻 甘草 麦门冬去心，焙<sup>⑤</sup> 赤芍药 莽苳 玄参各半两

上八味，粗捣筛。每服一钱匕，水半盞，煎至四分，更入消石末<sup>⑥</sup>一字匕，再煎熔，去滓温服。量儿大小加减。

治小儿痈疮，脏腑壅热，心神烦躁，大小便不利，大黄汤方

大黄剉，炒 升麻 梔子仁 朴消剉研 枳壳去瓤<sup>⑦</sup>，麸炒 黄

① 取白豆末：明抄本、乾隆本、文瑞楼本同，日本抄本作“白豆取末”。

② 剉：文瑞楼本同，明抄本、乾隆本、日本抄本无。

③ 剉各二两：文瑞楼本同，明抄本、乾隆本无，日本抄本作“各一两”。

④ 脓：明抄本、乾隆本、文瑞楼本同，日本抄本作“肿”。

⑤ 去心焙：文瑞楼本同，明抄本、乾隆本作“去心”，日本抄本作“焙”。

⑥ 消石末：日本抄本、文瑞楼本同，明抄本、乾隆本作“芒消石末”。

⑦ 去瓤：文瑞楼本同，明抄本、乾隆本、日本抄本无。

耆刳。各半两

上六味，粗捣筛。每服一钱匕，水七分，煎四分，去滓温服。量儿大小加减。

治小儿痈疮，烦热疼痛，黄芩汤方

黄芩去黑心<sup>①</sup> 梔子仁 玄参 升麻 大黄刳，炒 黄耆刳 连翘 蓝叶 甘草 木香 芎藭 犀角屑各半两

上一十二味，粗捣筛。每服一钱匕，水半盏，煎三分，去滓温服。量儿大小加减。

治小儿痈疮肿痛，益母草饮方

生益母草不拘多少。洗，刳<sup>②</sup>

上一味，捣取汁。每取三二分服之，更量大小加减，以滓傅痛上，干则易。

治小儿一切痈肿毒，诸风热，神验，黄檗散方

黄檗去粗皮，蜜炙<sup>③</sup> 郁金各一两 陈橘皮汤浸，去白，炒<sup>④</sup> 人参 葛根刳。各半两

上五味，捣罗为散。用温水调下半钱匕。量儿大小加减，日三两服<sup>⑤</sup>。

治小儿痈疮肿痛方

上取猪脑，涂纸上贴之，干即易，日数遍。

又方

上用芥子，烂研，水和涂纸上贴之。

又方

上用马齿苋，捣傅之。

又方

① 去黑心：文瑞楼本同，明抄本、乾隆本、日本抄本无

② 洗刳：日本抄本、文瑞楼本同，明抄本、乾隆本无。

③ 去粗皮蜜炙：文瑞楼本同，明抄本、乾隆本作“蜜炙”，日本抄本作“炙”。

④ 汤浸去白炒：文瑞楼本同，明抄本、乾隆本作“去白，炒”，日本抄本作“炒”。

⑤ 日三两服：日本抄本、文瑞楼本同，明抄本、乾隆本无



上以地龙粪，新汲水调涂之。

又方

上用姜石末，和蒜捣封上。

又方

上用马鞭草捣傅之，即消。

又方

上以芸薹菜，捣涂之。

治小儿痈有脓令溃方

上取鸡羽毛七枝<sup>①</sup>，烧末服之，即溃。

又方

上用人乳和面封上，至晚脓血出尽。

### 小儿痘疮

论曰：小儿因五脏不和，寒邪壅滞，荣卫闭塞，逆于肤肉，遂生痘肿。其状肿结皮强，上如牛领，然疼焮坚硬，深附筋骨。既得脓后，其痘可愈，更须用排脓换肌之药。若余毒未去，封敛稍疾，则源流复至，或痒或痛，肌汁不断，疮窍不得合矣。

治小儿热毒痈疽，赤白诸丹，毒热疮疖，漏芦汤方

漏芦去芦头<sup>②</sup> 连翘 白敛剉 芒消 甘草炙，剉 升麻 麻黄去根节，汤煮，掠去沫<sup>③</sup> 黄芩去黑心<sup>④</sup> 枳实麸炒黄<sup>⑤</sup>。各一分 大黄剉，炒。一两

上一十味，粗捣筛，每二钱匕<sup>⑥</sup>，水一盏，煎至五分，去滓。分温二服，量大小加减。

① 枝：文瑞楼本同，明抄本、乾隆本、日本抄本作“枚”。

② 去芦头：明抄本、乾隆本、文瑞楼本同，日本抄本无。

③ 去根节汤煮掠去沫：文瑞楼本同，明抄本、乾隆本作“去根节，汤煮，去沫。一分”，日本抄本作“制如常”。

④ 去黑心：文瑞楼本同，明抄本、乾隆本、日本抄本无。

⑤ 麸炒黄：明抄本、乾隆本、文瑞楼本同，日本抄本作“麸炒”。

⑥ 每二钱匕：文瑞楼本同，明抄本、乾隆本作“每服一钱”，日本抄本作“每三钱匕”。

治小儿热毒肿，色白，或恶核瘰癧，附骨痈疽，节解不举，白丹走<sup>①</sup>遍，身中疹瘙，五香连翘汤方

木香 薰陆香 沉香剉 鸡舌香 黄芩去黑心<sup>②</sup> 麻黄去根节，汤煮，掠去沫<sup>③</sup> 麝香研。各一分 连翘 海藻洗去咸，焙<sup>④</sup> 射干 升麻 枳实去瓢，麸炒<sup>⑤</sup>。各半两 大黄剉，炒。二两

上一十三味，粗捣筛 每二钱匕<sup>⑥</sup>，水七分，煎至四分，去滓，入竹沥一合，更煎一两沸，分温二服。量大小加减。

治小儿痈疽，疮疖肿毒，黄耆汤方

黄耆剉 连翘 升麻 恶实炒 各半两 玄参<sup>⑦</sup> 丹参 露蜂房炙 枳壳去瓢<sup>⑧</sup>，麸炒 甘草炙。各一分

上九味，粗捣筛 每服一钱匕，水七分，煎至四分，去滓 食后临卧温服，量大小加减。

治小儿疽疮，蓝叶汤方

吴蓝叶<sup>⑨</sup> 犀角镑 升麻 黄耆剉 山梔子仁 连翘 甘草炙。各半两 黄芩去黑心<sup>⑩</sup> 大青 玄参各一分 大黄剉，炒。三分

上一十一味，粗捣筛。每服一钱匕，水七分，煎至四分，去滓。食后临卧温服，量儿大小加减。

治小儿疽疮，木通汤方

木通剉 升麻 赤芍药 黄芩去黑心<sup>⑪</sup> 山梔子仁 麦门冬去

① 走：明抄本、乾隆本、文瑞楼本同，日本抄本作“起”。

② 去黑心：文瑞楼本同，明抄本、乾隆本、日本抄本无。

③ 去根节汤煮掠去沫：文瑞楼本同，明抄本、乾隆本作“去根节，汤煮，去沫”，日本抄本作“煮去沫”。

④ 洗去咸焙：文瑞楼本同，明抄本、乾隆本作“洗去咸”，日本抄本作“焙，洗”。

⑤ 去瓢麸炒：文瑞楼本同，明抄本、乾隆本作“麸炒”，日本抄本作“面炒”。

⑥ 每二钱匕：文瑞楼本同，明抄本、乾隆本作“每服二钱”，日本抄本作“每一钱匕”。

⑦ 玄参：日本抄本、文瑞楼本同，明抄本、乾隆本无。

⑧ 去瓢：文瑞楼本同，明抄本、乾隆本、日本抄本无。

⑨ 吴蓝叶：日本抄本、文瑞楼本同，明抄本、乾隆本作“蓝叶”。

⑩ 去黑心：文瑞楼本同，明抄本、乾隆本、日本抄本无。

⑪ 去黑心：文瑞楼本同，明抄本、乾隆本、日本抄本无。

心，焙<sup>①</sup> 各二分 犀角镑<sup>②</sup> 大黄剉，炒 各一两 枳壳去瓤<sup>③</sup>，炒。半两

上九味，粗捣筛。每二钱匕，水一盞，入生地黄汁半合，同煎至七分，去滓。分温二服，食后临卧服<sup>④</sup>，量大小加减。

### 治小儿疮肿痈疽，黄耆汤方

黄耆剉 葛根剉 麦门冬去心，焙<sup>⑤</sup> 黄芩去黑心 犀角镑 升麻<sup>⑥</sup> 甘草炙。各一两 木香半两

上八味，粗捣筛。每服一钱匕，水七分，煎至四分，去滓。食后服，量大小加减。

### 治小儿痈疽，犀角知母汤方

犀角镑<sup>⑦</sup> 知母焙 黄耆剉 黄芩去黑心<sup>⑧</sup> 人参 丹参 葛根剉 大黄剉，炒 甘草炙。各一两 玄参三分<sup>⑨</sup> 麦门冬去心，焙。一两半<sup>⑩</sup>

上一十一味，粗捣筛。每服一钱匕，水半盞，入生地黄汁半合，同煎至四分，去滓。食后临卧温服，量大小加减。

### 治小儿痈疽，疔毒未破，或脓未溃，憎寒壮热，五香丸方

木香一分 沉香剉 苏合香研。各三合<sup>⑪</sup> 麝香研。半分 犀角镑。二两 大黄生，剉。一两半 鸡舌香<sup>⑫</sup>研 吴蓝叶 梔子仁 熟

① 去心焙：文瑞楼本同，明抄本、乾隆本作“去心”，日本抄本作“焙”。

② 镑：文瑞楼本同，明抄本、乾隆本、日本抄本无。

③ 去瓤：文瑞楼本同，明抄本、乾隆本、日本抄本无。

④ 食后临卧服：日本抄本、文瑞楼本同，明抄本、乾隆本作“食后临卧各一”。

⑤ 去心焙：文瑞楼本同，明抄本、乾隆本作“去心”，日本抄本作“镑”。

⑥ 升麻：日本抄本、文瑞楼本同，明抄本、乾隆本无。

⑦ 镑：日本抄本、文瑞楼本同，明抄本、乾隆本无。

⑧ 去黑心：文瑞楼本同，明抄本、乾隆本、日本抄本无。

⑨ 三分：文瑞楼本同，明抄本、乾隆本作“一分”，日本抄本无。

⑩ 去心焙一两半：文瑞楼本同，明抄本、乾隆本作“去心。一两”，日本抄本作“焙。一两半”。

⑪ 三合：文瑞楼本同。明抄本、乾隆本、日本抄本作“三分”，当是。

⑫ 鸡舌香：日本抄本、文瑞楼本同，明抄本、乾隆本此药移于沉香前同作“三分”。



干地黄二两 白芍药一两 人参一两<sup>①</sup> 去芦头 白茯苓一两

上一十三味，捣罗为末，炼蜜和丸如梧桐子大 每服二十丸，煎黄耆汤下，食前服。

又方

干虾蟆一个

上一味，烧灰细研，以猪脂和傅之。

又方

败鼓皮不以<sup>②</sup>多少，烧灰

上一味，细研，以猪脂和傅之。

### 小儿瘰癧结核

论曰：小儿身生热疮，久不差者，必生瘰癧。其状作结核在皮肉间，三两个相连瘰也。是风邪搏于血气，焮结所生也

治小儿瘰癧，焮肿疼痛，身体壮热，大肠壅滞，小便赤涩，心神烦躁，少得眠卧，犀角散方

犀角镑屑 一两 恶实一两 连翘二两<sup>③</sup> 麝香研 一两 木通剉，炒 一两 玄参二两 沉香剉 一两半 丁香一两半<sup>④</sup> 朴消一两

上九味，粗捣筛。每二钱匕，以水一盏，煎至六分，去滓。分温三服，早晨、日午、晚后各一。以利为度，更量儿大小，以意加減。

治小儿颈生瘰癧，榆白皮傅方<sup>⑤</sup>

上以榆白皮烂捣如泥，封颈上，频易。

治小儿瘰癧，铅丹涂方

铅丹三两

① 一两：文瑞楼本同，明抄本、乾隆本作“三两”，日本抄本无。

② 以：文瑞楼本同，明抄本、乾隆本、日本抄本作“拘”。

③ 二两：日本抄本、文瑞楼本同，明抄本、乾隆本作“一两”。

④ 一两半：日本抄本、文瑞楼本同，明抄本、乾隆本作“一两”。

⑤ 榆白皮傅方：明抄本、乾隆本、文瑞楼本同，日本抄本作“榆白皮傅之方”。

上以铤子熬，当有脚如黑灰。取脚不计多少，更研如粉，用面脂调涂，以故帛贴，数拭患处，有恶汁出，拭却更贴，半月差。内消不作疮，极效。

治小儿瘰癧，连缀如梅李核状，硃砂丸方

硃砂 砒黄各一分<sup>①</sup>

上二味，研如粉，用糯米饭为剂，捻如小麦粒大。有患者，即焙破内一丸，五日一换，后用生肌膏。

治小儿瘰癧，生肌膏方

铅丹半两 杏仁汤浸，去皮尖、双仁，炒<sup>②</sup> 一两 蛇蛻皮炙焦一条 蜡半两 头发如胡桃大一团 菜子油半斤 皂荚去黑皮并子，三寸

上七味，先捣<sup>③</sup>杏仁、蛇皮、皂荚如粉，与诸药于铤子中煎，以柳篦子不住手搅成膏。但有疮，涂、贴日换，无不差者。

治小儿瘰癧结核，久不差，追毒，斑蝥膏方

斑蝥二枚。去翅足及头，炒 巴豆二十枚。去皮、心，浆水煮 松脂三分

上三味，先研二味为粉，次入松脂熔化，搅令匀。更捣一二百杵，作饼，热贴在瘰癧上，药力尽别换<sup>④</sup>，以差为度。

治小儿脑热结，瘰癧连两耳下肿痛，身体寒热，坐卧不安，食饮不下，玄参膏方

玄参 紫葛 黄药子 大黄剉，炒令黄 木香 卷柏 芒消 紫檀香各一两

上八味，捣罗为细末。以鸡子白调和，稀稠得所，涂于疮上。疮肿破时，则去芒消涂之。

治小儿瘰癧结核，寒热，防风丸方

防风去芦头 连翘 桑根白皮炙，剉 牡丹皮 白头翁 黄

① 分：明抄本、乾隆本、文瑞楼本同，日本抄本作“两”。

② 炒：明抄本、乾隆本、文瑞楼本同，日本抄本作“焙”。

③ 先捣：明抄本、乾隆本、文瑞楼本同，日本抄本作“捣”。

④ 别换：日本抄本、文瑞楼本同，明抄本、乾隆本作“换之”。

槩去粗皮，微炙 豉<sup>①</sup>炒令黄 独活去芦头 秦艽去苗、土 各一两 海藻洗去咸，焙。三两

上一十味，捣罗为细末，炼蜜丸如麻子大。每服三丸，米饮下，早晨、日晚各一服，更量儿大小加减。

#### 治小儿瘰癧，麝香散方

麝香研。一分 鸽粪炒三遍。秤一两

上二味，再同研如粉。每服半钱匕，酒调下。日二服，早晨、晚后各一，更量儿大小加减。

#### 治小儿热毒，风肿瘰癧，内消，赤小豆散方

赤小豆炒 猪牙皂荚炙，去黑皮并子 黄药子 消石 大黄剉，炒 木鳖子去壳。各一两

上六味，捣为散。每用量疮大小，以不语津唾调涂，干即易，以差为度。

### 小儿恶疮

论曰：小儿气血纯阳，肌肉柔脆，风毒邪热，易以致伤。若荣气不从，逆于肉理，结成悍毒，疼痛肿焮非常，故名恶疮。其候或痒，或痛，或赤根隐，肉硬不作脓，或穿穴作脓，久不得差。治法随内外证疗之，则疮可愈。

#### 治小儿恶疮，铅丹膏方

铅丹十两 风化石灰 猪脂各一斤

上三味，将二味同研细，以猪脂搜作饼，火烧通赤，如此五度药成，捣罗为末。湿疮干贴，如干疮，即作膏，用猪脂调纸上贴<sup>②</sup>。

#### 治小儿恶疮，大黄汤洗方

大黄生，剉 黄连去须 黄芩去黑心 泽兰 白矾枯 石南各一两 戎盐一分 蛇床子炒。三合<sup>③</sup>

① 豉：日本抄本、文瑞楼本同，明抄本、乾隆本作“香豉”。

② 贴：日本抄本、文瑞楼本同，明抄本、乾隆本作“贴之”。

③ 三合：日本抄本、文瑞楼本同，明抄本、乾隆本作“三分”。



上八味，粗捣筛。每以<sup>①</sup>二两，用水三升，煮取二升，去滓。适寒温，以绵絮内汤中，蘸洗之，日三。

#### 治小儿恶疮，茵芋汤浴方

茵芋一两 甘草剉 苦参各三两 细辛去苗叶 黄连去须 各二两 蕤仁二十枚。去皮

上六味，粗捣筛。每以三两，用水五升浸汁，煮取三升，去滓，浴儿，逐日用。

治小儿恶疮，遍身如麻豆状，包裹脓汁，乍痛乍痒，甘草散方

甘草剉，生用 芍药 黄芩去黑心 白敛剉 黄连去须 黄檗去粗皮，剉。各半两

上六味，捣罗为细散，用白蜜和涂于疮上，日再。亦可作汤浴之。

#### 治小儿恶疮，人所不能识者，胡粉散方

胡粉炒令黄色 五两 黄连去须 黄檗去粗皮，剉。各三两

上三味，捣罗二味为散，与胡粉相和一处研匀，傅疮上，日再，立验<sup>②</sup>。

#### 又方

豆豉炒黄。一合

上一味，捣罗为末，傅疮上。

#### 又方

虾蟆一枚。烧灰

上一味，捣罗为细散，入麝香一分，一处<sup>③</sup>同研匀，干傅疮上。

#### 又方

柳枝叶<sup>④</sup>三握。剉

① 每以：文瑞楼本同，明抄本、乾隆本作“每用”，日本抄本作“每服以”。

② 立验：日本抄本、文瑞楼本同，明抄本、乾隆本作“立效”。

③ 处：明抄本、乾隆本、文瑞楼本同，日本抄本作“所”。

④ 柳枝叶：日本抄本、文瑞楼本同，明抄本、乾隆本作“柳叶”。

上一味，用水五升，煮至三升，去滓，入盐少许，淋洗疮上。

### 治小儿头上恶疮，黄粉膏方

胡粉 黄连末各一两 水银三分 糯米二十二粒。研 赤小豆十四粒。和黄连捣

上五味，先将水银于手掌中唾研化，后即以麻油调药，入水银和匀，涂<sup>①</sup>疮上。

## 小儿冻烂疮

论曰：小儿肌肉柔脆，外邪易侵，故风寒搏于肌肉，凝于气血，则致皴裂。久而生疮，或痒或痛，其状焮肿，破出脓汁，多在两耳或手足间，故谓之冻烂疮。

### 治小儿冻疮，蜀椒汤方

蜀椒去目并闭口，炒出汁<sup>②</sup> 盐各二两

上二味，以清酒五升，煎至二升，数数蘸之，其药可五六日用。

### 治小儿冻足烂疮，附子散方

附子生，剉。二枚 干姜炮。二两

上二味，捣罗为散，入绵中装袜，如有疮脓，即调腊月猪脂涂之。

### 治小儿冻耳成疮，或痒或痛，黄檗散涂方

黄檗去粗皮，炙，剉 白敛各半两

上二味，捣罗为散。先用汤洗疮，后以生麻油调涂之。

### 治小儿冻脚，或痒或痛，小麦汤方

儿麦半升 穰草三握<sup>③</sup>。剉

上二味，用醋一升，水二升，同煮至二升，去滓，放温洗足。

### 治小儿冻手皴坼痛，白敛散方

白敛二分 白及半两 生油麻二合。生捣烂

① 涂：日本抄本、文瑞楼本同，明抄本、乾隆本作“涂傅”。

② 炒出汁：文瑞楼本同，明抄本、乾隆本作“炒出汗”，日本抄本作“炒”。

③ 三握：明抄本、乾隆本、文瑞楼本同，日本抄本作“二握”。

上三味，将白敛、白及同捣罗为散，与油同研匀，更入炊菜菔一枚烂研，以酒调如糊。先以童子小便洗手，后涂手上。

治小儿冻耳，并手面皴痛，獭猪脰膏方

獭猪脰一具

上一味，研如膏，入浆水少许，候稀稠得所。先用童子小便洗手面，后以匙抄少许，匀涂手面上。

治小儿冻疮，手足指欲堕，及耳欲落，柏叶膏方

柏叶炙干，为末。三两 杏仁二十枚。汤浸，去皮尖，别捣如膏 麻油三两 头发一团<sup>①</sup>，如鸡子大 盐研。一分 乳香研。半分<sup>②</sup> 蜡半两

上七味，先煎油蜡沸，即下诸药，以发消为度，搅匀，贮瓷器中。每用，先以小便洗疮，绵缠手指，裹干，厚涂膏，即以软帛裹之。如脚指相淹处，尤须多用膏，裹帛纱，厚以绵裹，勿令寒气得入。每两日一洗疮换药，稍愈后，三四日一换。

## 小儿疥

论曰：小儿疮疥，率<sup>③</sup>因于蛲虫变化而生。小儿多此疾，仍喜生于手足指缝间，浸淫遍体。近暖及衣服<sup>④</sup>过厚，则痒闷不任<sup>⑤</sup>，搔之黄汁出，疼痛不止。盖由风热客于脾肺，散于肌肉，熏发皮肤使然也。

治小儿风热肺疳，皮肤生疥，鼻内疮痒，苦参丸方

苦参末四两 以酒三升熬成膏 胡黄连二分<sup>⑥</sup> 黄连去须。一两 楝实去皮，炒 茺莢炒 蛲螂去皮翅，炙 木香各二两

上七味，捣罗六味为末，入苦参膏内和捣千杵。如硬，入蜜少许，和丸如麻子大。一二岁儿每服五丸，食后温水下，更量儿

① 一团：日本抄本、文瑞楼本同，明抄本、乾隆本作“一握”。

② 半分：明抄本、乾隆本、文瑞楼本同，日本抄本作“半两”。

③ 率：日本抄本、文瑞楼本同，明抄本、乾隆本作“卒”。

④ 近暖及衣服：日本抄本、文瑞楼本同，明抄本、乾隆本作“及暖衣服”。

⑤ 任：日本抄本、文瑞楼本同，明抄本、乾隆本作“住”。

⑥ 分：日本抄本、文瑞楼本同，明抄本、乾隆本作“两”。



大小加减。

### 治小儿疮疥，三黄散涂方

黄连去须 黄檗去粗皮，炙 臭黄研<sup>①</sup> 赤小豆各二两 水银半两。研

上五味，将黄连、黄檗、赤小豆三味捣罗为散，与水银、臭黄同研匀细，旋取油调涂疮上。

### 治小儿疮疥体热，黄连散涂方

黄连去须 黄檗去粗皮，炙 秫米炒 各一两 赤小豆 膩粉研。各一分

上五味，捣研为散，油调涂旧帛上，先洗去疮痂，封之

### 又方

黄连去须，为末 糯米粉各二两 水银一两 研 胡粉炒，研一兩半 吴茱萸汤浸，炒，为末 赤小豆为末。各一分<sup>②</sup>

上六味，先以水银和津于手中研如泥，次以猪脂四两，入瓷器内慢火化去滓，下五味药末，搅匀成膏。先洗疮，拭干涂之。

### 治小儿疮疥，蛇床子散方

蛇床子 吴茱萸汤浸，焙，炒 硫黄研 茺莢仁研，各一分 膩粉少许，研

上五味，捣研为散。用油一合，入葱一茎同煎，候葱黄色，停冷，调药涂之。

### 治小儿头面疮疥癬，大麻子涂方

大麻子五升

上一味捣末，水和，绞汁涂疮上。

## 小儿癬

论曰：小儿体有风热，脾肺不利，或湿邪搏于皮肤，壅滞血气，皮肤顽厚，则变诸癬。或斜或圆，渐渐长大，得寒则稍减，

① 研：日本抄本、文瑞楼本同，明抄本、乾隆本作“研。臭黄详是石黄，不然是雄黄”。

② 分：明抄本、乾隆本、文瑞楼本同，日本抄本作“两”。

暖则痒闷，搔之即黄汁出。又或在面上，皮如甲错干燥，谓之奶癣。此由饮乳，乳汁渍著乃生，复以乳汁洗之，即差。

### 治小儿痼癣风痒，雌黄膏方

雌黄研 黄连去须 莽草 蛇床子炒 黄檗去粗皮，炙 苦参 羌活炒。各半两 藜芦 消石研。各一分 松脂二<sup>①</sup>两半 杏仁汤浸，去皮尖、双仁，别研如膏。一两

上一十一味，除雌黄、松脂、杏仁外，捣罗为末。取腊月猪脂半斤和松脂入铛中，煎令沸，下杏仁，次下诸药末，搅匀凝为膏。每用，先以醋泔洗，拭干涂之，日三。

### 治小儿癣疥赤肿及湿癣久不差，黄连膏方

黄连去须 黄檗去粗皮，炙 蛇床子炒 商茹 礞石火煨，别研 水银手掌内唾研如泥，入膏中。各一两

上六味，捣罗前四味为末，以腊月猪脂四两，同入铫子内煎四五沸，下礞石末，又煎三两沸取下，良久下水银，搅如稀泥，候冷。先以清泔皂荚汤洗，拭干，以火炙痒，涂之，日三。

### 治小儿一切疮癣，痒<sup>②</sup>痛不止，桑螵蛸散方

桑螵蛸十枚。烧存二分性<sup>③</sup> 膩粉一钱 麝香半钱

上三味，研为细散，生油脚调，鸡翎扫。候干，有裂处<sup>④</sup>再扫。

### 治小儿湿癣，附子散方

附子生，去皮脐 雄黄研 白矾烧灰，研 吴茱萸汤浸，炒<sup>⑤</sup> 各一分 米粉半两<sup>⑥</sup>

上五味，捣研罗为散。每日三次，用绵搥扑之。

### 治小儿诸癣及瘙痒，蛇床子散方

① 二：日本抄本、文瑞楼本同，明抄本、乾隆本作“一”。

② 痒：明抄本、乾隆本、文瑞楼本同，日本抄本作“疥”。

③ 烧存二分性：文瑞楼本同，明抄本、乾隆本作“二分。烧存性”，日本抄本作“烧存性。一分”。

④ 处：明抄本、乾隆本、文瑞楼本同，日本抄本作“所”。

⑤ 炒：明抄本、乾隆本、文瑞楼本同，日本抄本作“研”。

⑥ 半两：日本抄本、文瑞楼本同，明抄本、乾隆本作“一合”。

蛇床子炒。二<sup>①</sup>两

上一味，捣罗为散，以猪白膏和傅之<sup>②</sup>。

又方

羊蹄根捣取汁

上一味，以蜜和匀，先刮疮四边，以药涂之。半日许拭去，更以陈米醋和羊蹄根滓傅癣上。

又方

槐白皮五两。剉

上一味，以水一升，煎三五沸，候冷，数洗之。

治小儿干湿癣，雄黄散方

雄黄 麝香各一分

上二味，细研为散，用煎油调涂之，干再上。

治小儿湿癣，枸杞根散方

枸杞根一两

上一味，捣罗为散，和腊月猪脂傅之。

又方

桃枝青皮炙，剉。二两

上一味，捣罗为散，醋和傅之。

### 小儿风瘙癢疹

论曰：小儿风瘙癢疹者，由风邪客于腠理，搏于荣卫，传而为热，熏散肌肉，溢于皮肤，变生癢疹。状如痞瘤，乍差乍发，痒瘙不时，搔之血出，其痒不已，故名风瘙癢疹。赤疹者热，白疹者寒，治法不可不察。

治小儿肺风瘙痒，癢疹疥癣，五参散方

人参 紫参 白附子炮裂，各二分<sup>③</sup> 栝楼根剉 天麻各半

① 二：明抄本、乾隆本、文瑞楼本同。日本抄本作“一”

② 傅之：日本抄本、文瑞楼本同，明抄本、乾隆本此后有“一方用槐白皮数洗”。

③ 二分：文瑞楼本同。明抄本、乾隆本作“二两”，日本抄本作“一分”



两 玄参剉 沙麻<sup>①</sup>剉。各一两 丹参三分

上八味，同捣为散。五十日至百日儿，每服一字；二百日至一岁儿，每服一字半，奶汁调下；二岁至三岁，每服半钱匕，煎薄荷金银汤，或枣汤调下。空心午后各一服。如乳母服，每服一钱匕，温酒调下。

治小儿风疹，壮热心躁，黄耆汤方

黄耆剉 白鲜皮剉 防风去叉 各一分 枳壳去瓤，麸炒 一升<sup>②</sup> 黄芩去黑心 甘草炙。各一分

上六味，粗捣筛。每服一钱匕，水一盏，煎至五分，去滓温服，食后、临卧各一。

治小儿瘾疹风痒，防风汤方

防风去叉 白茯苓去黑皮 升麻 贝母去心 蒺藜子炒，去角 大黄剉，炒 甘草炙，剉。各一分

上七味，粗捣筛。每服一钱匕，水七分，煎至四分，去滓温服，食后，日二。

治小儿风疹，皮肤肿，枳实汤方

枳实去瓤，炒黄。两片<sup>③</sup> 芍药一分

上二味，粗捣筛。每一钱匕，水半盏，煎至三分，去滓，入清酒半合，更煎三五沸，分温二服。空心午间晚后各一，更量大小加减。

治小儿风疹，石南汤方

石南叶一把 蜀椒去目及闭口者，炒出汗。半两

上二味，以水二盏，煎取一盏半，去滓，下消石、白矾各半两搅令消。以绵搥涂于疹处，干即易。

治小儿瘾疹，莽草汤方

莽草 防风去叉 附子炮裂，去皮脐 牡蛎煅过。各一两

上四味，粗捣筛。以水一斗，煮取七升，去滓，适寒温浴，

① 沙麻：文瑞楼本同，明抄本、乾隆本、日本抄本作“沙参”。

② 一升：日本抄本、文瑞楼本同，明抄本、乾隆本作“一两”。

③ 两片：日本抄本、文瑞楼本同，明抄本、乾隆本作“一两”。

避风。

治小儿风疹出不止，涂傅方

白矾熬令汁枯

上一味，研为末，酒调，用鸡翎扫涂疹上。

又方

景天一两一分。慎火草是也 蓝三两<sup>①</sup>

上二味，同捣研，绞取汁，以热手摩涂<sup>②</sup>之，日再

治小儿风疹，壮热心躁，犀角汤方

犀角镑 升麻 麦门冬去心，焙 蒺藜子炒，去角 甘草炙  
各一分

上五味，咬咀如麻豆大。每服二钱匕，水一盞，煎至五分，  
去滓，食后温服，更量岁数加减。

### 小儿癰疽

论曰：小儿阴核气结肿大者，癰疽也。由禀受之初，肝经虚  
弱，因啼怒气，气脉下坠，击于阴器则筋脉缓纵，结聚不散，  
是为癰疽也。若气偏虚，则其肿亦偏。盖足厥阴肝之经，环阴器，  
抵少腹，是动则为癰疽、少腹痛之疾。

治小儿气癰，土瓜根汤方

土瓜根 当归切，焙 芍药各半两

上三味，粗捣筛。一二岁儿，每一钱匕，水半盞，煎至三分，  
去滓，分温二服。空心日晚再服，量儿大小加减。

治小儿癰疽，薏苡仁散方

薏苡仁 芍药 土瓜根 蛇床子微炒 黄芩去黑心 桔梗  
炒 蛇含各三分

上七味，捣罗为散。一二岁儿，每服半钱匕，空心温酒调下  
日午、晚后再服，量大小加减。

① 蓝三两：文瑞楼本同，明抄本、乾隆本、日本抄本无。

② 热手摩涂：文瑞楼本同，明抄本、乾隆本作“热摩涂”，日本抄本作“热手涂”。

## 治小儿阴癰，狐阴丸方

狐阴一具、炙黄 蜚生虫十四枚 微炙 桂去粗皮 附子炮裂，去皮脐 干姜炮 蒺藜子炒，去角 细辛去苗 各三分 桃仁汤浸，去皮尖、双仁，炒，别研 卷柏各一两半<sup>①</sup>

上九味，捣研为末，炼蜜和丸如麻子大。一二岁儿，米饮下五丸，空心日晚各一服，量大小加减。

## 治小儿阴癰气疝，发作有时，芍药丸方

芍药 大黄剉，炒 各半两 赤茯苓去黑皮 半夏汤洗去滑，焙<sup>②</sup> 桂去粗皮 蜀椒去目及闭口，炒出汗。各三分

上六味，捣罗为末，炼蜜和丸如绿豆大 三四岁<sup>③</sup>儿，食前米饮下五丸，日三服，量儿大小加减。

## 治小儿阴疝偏肿，牡丹丸方

牡丹皮 豉炒 防风去叉 黄檗去粗皮，微炙 滑石别研 桂去粗皮。各一分

上六味，捣罗为末，炼蜜和丸如麻子大。一二岁儿，每服五丸，米饮下，早晨、日晚各一服，量儿大小加减。

## 治小儿阴癰，韭子丸方

韭子炒，三两半 附子炮裂，去皮脐，三分 狐阴一具，炙黄

上三味，捣罗为末，炼蜜和丸如麻子大。一二岁儿，每服五丸，米饮下，早晨、夜卧各一服，量儿大小加减。

## 治小儿阴癰肿硬，桂心散方

桂心半两 地肤子一两<sup>④</sup> 白术一两

上三味，捣罗为细末。三岁儿，每服以温酒调下半钱匕，日三服。量儿大小，以意加减。

## 治小儿癰疝，攻注连肾，外囊肿胀，或疼痛偏坠，昆布丸方

① 一两半：明抄本、乾隆本、文瑞楼本同，日本抄本作“二两半”。

② 汤洗去滑焙：文瑞楼本同，明抄本、乾隆本作“汤浸去滑”，日本抄本作“焙，汤浸去滑”。

③ 三四岁：文瑞楼本同，明抄本、乾隆本作“一二岁”，日本抄本作“四三岁”。

④ 一两：明抄本、乾隆本、文瑞楼本同，日本抄本作“二两”。



昆布三分。洗去咸味。藿香子半两。微炒。木香。甘草炙微赤，  
剉。黄檗剉。丁香。烂牡蛎生用。铜青以上各一分。

上八味，捣罗为末，用熟枣肉为丸如麻子大。每一二岁儿，  
煎甘草汤下三丸，量儿大小，以意加减。

### 治小儿癰疽肿痛方

枳壳三两。微炒。

上一味，捣为散。每用柏枝煎浓汁调，厚涂儿囊肿处，妙。

### 治小儿阴癰不消，白蒺藜散方

白蒺藜半两。微炒，去刺。香豉半两。微炒。鼠妇。麝虫微  
炙。川大黄剉，微炒。桂心。细辛以上各一分。

上七味，捣为细散。一二岁儿，每服以<sup>①</sup>温酒调下半钱匕，早  
晨、晚后各一服，量儿大小，以意加减。

### 治小儿阴癰，日夜疼痛，桃仁丸方

桃仁三分。汤浸，去皮尖、双仁，微炒。川大黄半两。剉，微  
炒。赤芍药半两。防葵半两。半夏一分。浸洗七遍，去滑<sup>②</sup>。桂心一  
两。川椒一分。去目、闭口者，微炒去汗。赤茯苓半两。

上八味，捣罗为末，炼蜜和丸如绿豆大。每三岁儿，食前以  
温酒下五丸，看儿大小、虚实，以意加减。

### 又方

猬皮一个。烧存性。

上一味，研细。临卧热酒调下一钱匕。

### 治小儿癰疽，及少阴受邪冷气滞，正气散方

京三棱一枚，紧小者。猛火炮，令中心存三分性，纸裹一重，净  
土埋一宿。

上一味，捣罗为散。每服一字匕，煨葱米饮调下，不拘时候。

### 治小儿癰疽，蓖麻丸方

蓖麻仁三十枚。棘刚子去皮。二十枚。石燕子烧。一枚。滑石

① 每服以：明抄本、乾隆本、文瑞楼本同，日本抄本作“每空心”。

② 浸洗七遍去滑：文瑞楼本同，明抄本、乾隆本作“汤浸七次去滑”，日本抄本作“七遍清洗”。

末。二钱匕 麝香研。半钱匕

上五味，捣研匀，稀面糊和丸如绿豆大 每服十五丸，空心，煎灯心汤下，一服即消。

治小儿癰疽，发作疼痛，木通散方

木通剉 胆矾研。各一分

上二味，捣研为散。每服半钱匕，米饮调下。

治小儿癰疽，肿硬疼痛，滑石丸方

滑石碎 泽兰各二钱 粉霜一钱 续随子去皮。半两

上四味，捣研为末，白面糊和丸如绿豆大 五岁以下，每服五丸，五岁以上七丸，豆蔻酒下，空心临卧服。

治小儿阴癰偏大，白头翁根傅方

上取生白头翁根捣，随偏肿处傅一宿，当作疮，二十日愈。

治小儿阴癰，苋菜根傅方

上取苋菜根，捣碎傅之，立差。马鞭草傅亦佳。

治小儿阴核气结肿大，或偏肿疼痛，漆燕散方

漆燕一枚 入瓦瓶子内，用盐泥固济，阴干，炭火烧，令通赤为度，放冷取出，研令细 续随子去皮。一分<sup>①</sup>

上二味，捣研为细散。每服半钱匕，米饮调下。

治小儿肝经虚弱，筋脉缓纵，气脉下坠，阴器肿大，久成癰疽，三应散<sup>②</sup>方

藿香虫一枚。研汁 膩粉二钱匕 胡黄连末。一分<sup>③</sup>

上三味，同研令干，每服一字匕，陈米饮调下，不拘时。

① 续随子去皮一分：文瑞楼本同，明抄本、乾隆本无，日本抄本作“续随子一分”

② 三应散：明抄本、乾隆本、文瑞楼本同，日本抄本作“三应丸”

③ 分：明抄本、乾隆本、文瑞楼本同，日本抄本作“钱”。

# 卷第一百八十三

## 乳石发动门

乳石发动统论 乳石将适失度 乳石发动寒热 乳石发渴  
乳石发动上冲头面及身体壮热 乳石发动吐血衄血 乳石发目昏赤痛  
乳石发痼疽发背疮肿 乳石发身体生斑 乳石发口舌疮烂

## 乳石发动门

### 乳石发动统论

论曰：《内经》谓石药性悍，非缓心和人不可服。夫圣人垂训深矣。世之服乳石者，至于轻生伤性，恃毫发所得，不戒夫毒烈之过，夭于中道，十有七八。夫岂知大治范形，精全神固，和理均足，初无加损也。能者养以取福，则全生尽年。若乃情窦一开，嗜欲滋甚，方且资刚暴勇猛之剂，以斡<sup>①</sup>补养。积之畎浍，泄之尾闾，果何所赖耶。说者乃以益气补精，安五脏，通百节，利九窍，延年益寿，利人如此其多，谓不可不食。其食也，乃分少稚强壮之先后，又以石精石滓，分上士、下士所服之优劣。夫以其有益于入，必欲资是以祛沉痾痼疾可也。当气体调和，营卫流通，亦何必区区于炼餌哉。胡不考服食之后，将护多端，一失其度，发作异态。饮食之细，则有或热或温之过；衣服坐卧，则有温衣厚衣、久坐久停之患。其它六反、七急、八不可、三无疑，又欲谨畏而力行，倘有不慎，疾不旋踵。与其服食失度，自诒伊戚，曷若清静恬憺，克保冲和。今叙疾疢之由，庶几无轻餌。

### 乳石将适失度

论曰：服餌药剂，皆有常式，戒慎将适，每务周至。矧乳石

① 斡（qi 其）：通“祈”。祈望，祈求。



慄悍，尤当谨畏。炼食之后，宜如何哉？饮食衣服，居处劳佚，温热寒凉之度，所当究图者，无虑数十。一失其度，疾疢之孽，速于影响。盖精明非华佗，审治非仲景，轻信服食，弃是从非，动发急难，不知解救，则有能消息节度，专意候察者，亦庶几免于困毙也。

治乳石发动，咽痛鼻塞，清涕出者，此为衣温近火，方

上宜速脱衣，当风取冷，以冷石熨咽鼻，即差。

治乳石发动，辄安卧不与人语者，此为热盛食少失其性，方

上宜与热酒，冷洗冷食自劳，即差。

治乳石发动，耳鸣如风声，又有汗出者。此为自劳过度，阳事不节，气上，方

上宜数饮食补之，节禁阳事，即差。

治乳石发动，关节强直，不可屈伸者。此为久停息，不自劳曳，药气不散，渐侵筋血，方

上宜出力使温，冷水洗之。即差。

治乳石发动，身体痛楚无常处，如游风者，此为犯热所作，方

上宜冷洗，以冷石熨之，即差。

治乳石发动，服药心闷乱者，此为服温药与疾争力，方

上当大吐。或不吐，病当困毙。若吐不绝者，可冷食饮，即差。若绝不识人，口不开者，亦当琢齿，以热酒灌之。入咽吐出者，更当与之，但得酒气下通，不半日即苏。

治乳石发动，臂脚偏急痛苦者。此为久坐卧温热，不自移转，气入肺脾胃，方

上勤以布巾浸冷水搦之，觉温则易，三日即差。

治乳石发动，似伤寒、温疟者，此为犯热，方

上宜以常治伤寒、温疟药救之，但勿服热药耳。其伤寒药等，皆除热破癖，不与寒食相妨，故通服也。凡服寒食虽已热解而更病者，要先<sup>①</sup>以寒食救之，终不中冷。

① 先：明抄本、乾隆本、文瑞楼本同，日本抄本作“之”。

治乳石发动，脱衣便寒，着衣便热，此为脱着失度，方

上小寒自可着衣，小温便可脱衣，及冷洗之即爽。应洗勿疑，若忍之，则病成矣。

治乳石发动，脉洪实，或断绝不足似死脉，或细数弦快。其所犯非一，热多则弦快，有癖则洪实急痛，方

上宜寒食，自无所苦。盖热药发动，率常如此。

治乳石发动，夜不得睡者，此为食少，热在内，方

上当服大黄黄芩栀子三黄汤，数进冷食，自得睡也。

治乳石发动，眩冒欲倒者，此为衣厚犯热，方

上宜冷水淋头，并洗之，即差。

治乳石发动，脚疼欲折者，此为久坐温处，方

上当单床薄衣，勿怠行役，并以冷水洗浴，即差。

治乳石发动，食患冷不下者，此为久冷食，口中不知味，方

上当作白酒糜，多着酥，热食一两顿。若小闷者，还令冷饮食，即差。

治乳石发动，下部臭烂者，此为所坐荐席厚热，方

上当坐冷水中，即差。

治乳石发动，百节痠疼者，此为卧处太厚，又盖复被，衣温厚，不时脱去，方

上当单床簿被衣，或以冷水洗，勿着故垢衣。虽冬寒亦须散发受风，仍以冷石熨其衣，衣勿系带。若犯此烦闷者，急入冷水浴，勿忍病而畏冷也。

治乳石发动，遗失大便，不自觉者，此为热气入胃，大肠不禁，方

上当冷水洗之，即差。

### 乳石发动寒热

论曰：乳石发动寒热者，以石热壅积，将适失度，阴阳之气，不得和平也。盖阳病发热，阴病发寒。一于热则偏于阳，一于寒则偏于阴，时寒时热，则荣卫交争，阴阳相胜，若伤寒诸症之状。

是也。

治诸石发动，口干，时作寒热，似鬼神病，麦门冬丸方

麦门冬去心，焙。五两 大黄剉，炒 苦参 萎蕤 梔子仁 五加皮剉 黄芩去黑心 犀角镑 芍药 天麻 大青各一两 甘草炙。三分

上一十二味，捣罗为末，炼蜜搜和，更捣匀熟，丸如梧桐子大。每食后，以蜜水下十五丸，渐加至二十丸。

治乳石发动，口干寒热，似鬼神为病，犀角丸方

犀角屑 五加皮剉 黄芩去黑心 各一两 苦参 大黄剉碎，微炒 芍药各一两半 大青 甘草炙。各三分 麦门冬去心，焙

上九味，捣罗为末，炼蜜和丸如梧桐子大 食后，以蜜水下十五丸，渐加至二十丸，早晨、日午、晚后各一服。

治乳石发如伤寒寒热状，兼似疟，前胡汤方

前胡去芦头 黄芩去黑心 甘草炙，剉 知母各二两 牡蛎熬 石膏各三两

上六味，粗捣筛。每服四钱匕，以水一盏半，入生姜一枣大，切，枣二枚，擘破，煎至八分，去滓温服。

治乳石毒，经二三十年，发动为寒热。或栗栗似寒中者，或欲食，或不欲食 若服紫石英发热者，热闷昏昏喜卧，起便无力，皆腑气所生，脏气不知。髻石热燥如战，石硫黄热郁如热极者，身并破裂，华佗芍药汤方

芍药 赤茯苓去黑皮 人参 蓝实 黄芩去黑心 甘草炙赤。各一两 莽莖二两 蔓菁子一升

上八味，除蔓菁子外，捣为粗末 每五钱匕，用水四盏，先煮蔓菁子一合至三盏，去滓，次下药末，煎至一盏半 去滓，分温三服，早晨、日午、晚后各一服。

治乳石发动，兢战恶寒，或发热如温疟，此为失食忍饥失洗所致，宜此方

上宜急食冷食，及冷水洗数遍，即愈。

治乳石发，若得时气，冷热不调，动乳者，皆是寒热所致，



其状似疟，久不疗，损人性命，纵服汤药，必是难差，宜作生熟汤浴之方

上以温汤半浴盆，如过热，投少冷水解之。即于汤中坐，须臾百节开，寒热之气，皆从毛孔中出，变作流汗。若心中热闷者，还服少许热汤即定。久乃出汤，以衣被覆盖睡，豁然平复。如患太重者，不过三两度也。

### 乳石发渴

论曰：石性沉下，服之归肾。若发动，则腑脏生热，津液枯燥。盖肾恶燥，肾燥则渴而引饮，不可为量，久则变为三消之证。

治乳石发动，虚热大渴，**生地黄汤方**

生地黄剉。四两 竹叶切。二握 小麦半升 黄耆剉 黄芩<sup>①</sup>去黑心 木通剉 前胡去芦头 栝楼根 大黄剉，炒 各一两半 芍药 升麻 甘草炙，剉 知母焙 赤茯苓去黑皮 人参 当归切，焙。各一两

上一十六味，剉如麻豆。每服五钱匕，水二盏，同煎至一盏，去滓，不拘时温服。

治乳石发动，热渴口干，**黄耆汤方**

黄耆剉 麦门冬去心，焙 芍药 栝楼根各三两 生干地黄焙。二两半 梔子仁三十枚 升麻二两 黄芩去黑心。一两

上八味，粗捣筛。每服四钱匕，水一盏半，煎至一盏，去滓，不拘时温服。

治乳石发，虚热上冲，口干，头面热赤，大渴，**葛根煎方**

生葛根捣汁 白蜜 生地黄捣汁 各一盏 生姜汁 三分一盏<sup>②</sup> 枣肉研膏。二两 生麦门冬去心，研膏。二两

上六味，同于微火上，以银石器煎成如饴，用瓷合盛。每服半匙头，不拘时含化。

① 黄芩：日本抄本、文瑞楼本本药用量同作“一两半”，明抄本、乾隆本用量作“一两”，并置于方末。

② 汁三分一盏：日本抄本、文瑞楼本同，明抄本、乾隆本作“取汁一盏”。

## 治乳石发热渴，葱白饮方

葱白切。四两 胡叶切 荠苳剉 枸杞碎。各一两

上四味，粗捣筛 每取二两，以水二碗，煎至一碗，去滓，分温三服，空心日午近晚各一。

## 治乳石发热渴，竹叶汤方

淡竹叶切 半斤 赤茯苓去黑皮 石膏碎 各二两 栝楼根一两半 小麦一两

上五味，粗捣筛。每服五钱匕，水一盏半，煎至一盏，去滓，不拘时温服。

治服乳石将适失度，饮食冷热不消，虚胀，吐清水，渴闷，人参汤方

人参 枳壳去瓤，麸炒 甘草炙，剉 栝楼根剉 白术各一两

上五味，粗捣筛。每服四钱匕，水一盏半，枣二枚，擘破，同煎至一盏，去滓温服，不拘时。

## 治乳石发，热盛口干，茯苓汤方

白茯苓去黑皮。四两 泽泻二两 白术 干姜炮 桂去粗皮 甘草炙，剉。各一两半 小麦二两

上七味，粗捣筛。每服三钱匕，水一盏，煎至七分，去滓，不拘时温服。

## 治乳石发，壅热烦闷渴躁，枳实汤方

枳实去瓤，麸炒 赤茯苓去黑皮 石膏研。各半两

上三味，粗捣筛。每服五钱匕，水一盏半，煎至一盏，去滓温服，不拘时。

## 治乳石发，热盛烦躁，口干，桃仁粥丸方

桃仁去皮尖并双仁，研。二两 白米半升

上二味，以水一斗，煎取五升。渴即不拘多少饮之。

## 治乳石发渴，黄连丸方

黄连去须。半斤 麦门冬去心，焙。二两 生地黄取汁。二合 羊乳二合 栝楼根取汁。二合

上五味，先以黄连、麦门冬二味捣罗为末，次以三味汁和，众手丸如梧桐子大。每服二十丸，米饮下，不拘时。

#### 治乳石发动大渴方

生田螺三升。以水洗一二遍。

上一味，又以新汲水一斗，浸一复时，澄取清汁，不拘时饮之。其田螺经宿，放却不用，更取新者，如前法浸之。

#### 治乳石发渴方

竹根洗，剉。五两

上一味，以水五碗，浓煮取汁，渴即饮之。

#### 治乳石发渴方

青粱米三合

上一味，以水煮取汁饮之。

#### 治乳石发渴方

大麻仁研。一升

上一味，每取三合，以水三升，煎取汁二升，时时饮之。

#### 治乳石发渴方

黄檗半斤。去皮，剉

上一味，每服二两，水五盏，煎至三盏，渴即饮之。

### 乳石发动上冲头面及身体壮热

论曰：乳石发动，上冲头面及身体壮热者，由将适过度，脏腑否塞，气不得宣通也。夫<sup>①</sup>服乳石者，以能捍风寒，逐冷湿，导经脉，益饮食也。然在阴则补其不足，在阳则能益其栗悍<sup>②</sup>。若阴盛阳虚，则石气发露，此所以热冲头面身体也。

#### 治乳石发，胸背头中游热，黄耆汤方

黄耆剉 芍药 甘草炙 赤茯苓去黑皮 人参 石膏碎 生地黄切，焙 生姜切，炒 麻黄去根节，汤煮，掠去沫 麦门冬去心，

① 夫：明抄本、乾隆本、文瑞楼本同，日本抄本无

② 栗悍：明抄本、乾隆本、文瑞楼本同，日本抄本作“慄悍”。



焙。各二两 桂去粗皮。一两<sup>①</sup>

上一十一味，粗捣筛 每服四钱匕，水二盏，入竹叶十片、枣二枚，擘破，同煎至八分，去滓温服，早晨、日午、夜卧各一。

治乳石发动，身热如火，黄芩汤方

黄芩去黑心 枳实去瓤，麸炒 各二两 梔子仁十四枚 栝楼根 厚朴去粗皮，生姜汁炙 芍药 甘草炙。各一两<sup>②</sup>

上七味，粗捣筛 每服四钱匕，水二盏，煎至一盏，去滓温服，早晨、日午、食前各一。

治乳石发热如火，头痛烦闷，寒热呕逆，升麻汤方

升麻 前胡去芦头 甘草炙 各二两 黄芩去黑心 生地黄切，焙 各三两 枳壳去瓤，麸炒 黄连去须 栝楼根剉，焙 各一两 梔子仁十四枚

上九味，粗捣筛 每服四钱匕，水二盏，入豉一合，绵裹，同煎至一盏，去滓温服，早晨、日午各一 心烦，加麦门冬一两稍冷，加生姜一两。

治桃花石发，即心噤，身热头痛，宜温清酒，随多少服之，酒行即差。亦可服大麦麸，并此麦奴汤方

大麦奴阴干 麦门冬去心，焙。各二两 桂去粗皮。一两半 人参 甘草炙。各一两

上五味，粗捣筛 每服四钱匕，水二盏，入葱白四寸，同煎至一盏，去滓温服，早晚食前各一。

治乳石发，食讫心烦闷，寒热头眩，胸中不安者，茵陈蒿汤方

茵陈蒿四两 梔子仁二十枚 大黄剉，炒。二两

上三味，粗捣筛 每服三钱匕，水一盏，煎至七分，去滓温服，空心早晚食前各一。

① 桂去粗皮一两：文瑞楼本同。明抄本、乾隆本作“桂心一两”，日本抄本无。

② 芍药甘草炙各一两：日本抄本、文瑞楼本同。明抄本、乾隆本作“芍药 甘草”

治乳石发动，忽大热，多欲就卧冷地，又不得食诸热面、热酒，方

五加木根叶皮剉，暴。二两

上一味，粗捣筛 每服四钱匕，水一盞，煎至七分，去滓温服。

治乳石发热，除热，蜂房汤方

露蜂房炙。三两

上一味剉碎，以水三盞，煎至一盞，去滓顿服。若不定，隔三五日再服。

治金石发热及诸热暴赤目方

冬葵子二合<sup>①</sup> 朴消一合

上二味，以水二升，同煎至一升，去滓，分三服，空心早晚食前各一。

治金石发热及诸热，朴消丸方

朴消炼成。半斤。

上一味，研成粉，炼蜜丸如梧桐子大，每服三十丸，食后蜜水下 服金石经年，觉身中少热，即以此丸压之。每夜卧时，服三十至四十丸，取胸膈凉为度 若有时患及发者，即取朴消粉一匙，空心水调服之，以利为度 凡朴消，取色白而不着风者佳，色黄者伤人。

治乳石心下烦闷，内热不安，冷石汤方

凝水石半两

上一味，以水半盞，磨汁服之，不差再作。

治乳石发，麻黄汤方

麻黄去根节，汤煮，掠去沫，二两 石膏碎，一两 黄芩去黑心。一两半

上三味，粗捣筛，分作两贴 每贴以水三盞，煎至二盞，去滓，内鸡子白二枚、芒消末一钱，热搅令沫出，以涂摩疮上，

① 合：日本抄本、文瑞楼本同，明抄本、乾隆本作“两”

即差。

治石药发动，上冲头面，疼痛浮肿，心神恍惚，防风汤方

防风去叉 当归切，焙 泽泻 威灵仙去土 甘草炙，剉 黄连去须<sup>①</sup> 虎杖各一两半<sup>②</sup> 石韦去毛 天门冬去心，焙 白石脂研 槐实炒 地榆各二两 石膏槌碎 三两 生地黄切，焙 六两 大黄剉，炒 黄芩去黑心 犀角镑 消石研。各一两

上十八味，咀咀 每服五钱匕，以水一盞半，人生姜一分，拍碎，同煎取八分，去滓温服。

### 乳石发动吐血衄血

论曰：乳石发吐血或衄血者，以石气壅遏于心肺生热故也。心主血，血得热则涌溢，复因胃气之逆，故吐血也。肺主气，开窍于鼻，气血调和，相为荣卫，及为热所乘，则血妄行，故为鼻衄也。

治乳石发动，心闷吐血，麦门冬汤方

麦门冬去心，焙。一两 生地黄二两 甘草炙 茅苳 茅根 干姜炮。各一两

上六味，剉如麻豆大。每服三钱匕，水一盞，入豉二七粒，煎至七分，去滓温服，空心日午各一。

治因饵乳石发，心肺中热，鼻中衄血，连翘饮方

连翘茎叶新者 一两 生地黄二两 苍耳茎叶新者 陈橘皮汤浸，去白 鸡苏茎叶新者。各一两

上五味，剉碎 以水少许，都捣令烂，生绢绞取汁。每服三合，不拘时，未止再服。

治乳石发动，鼻衄，头痛壮热，遍身疼痛烦闷，小蓊汤方

小蓊剉 二两 鸡苏剉。一两 青竹茹新竹取 一两半 麦门冬去心，焙 生地黄切碎。各二两

① 黄连去须：日本抄本、文瑞楼本同。明抄本、乾隆本作“黄连半两”。

② 虎杖各一两半：日本抄本、文瑞楼本同。明抄本、乾隆本作“虎杖两半”。



上五味，剉如麻豆大 每服三钱匕，水一盞，入生姜三片，煎至七分，去滓，不拘时温服，日三。

治乳石发动，心肺热甚，鼻中衄血不止，**吹鼻散方**

胡粉研 墨研 干姜为末 发灰研 销墨研 伏龙肝为末，各半钱

上六味同研，以一字许，吹鼻中，一法，六味中但得一味末，用一字吹两鼻中，亦止。

治乳石发，卒吐血一二升，口鼻俱出者，**麦门冬饮方**

生麦门冬去心，绞汁。一盞 生地黄绞汁。一盞 小蓟切碎，绞汁。一盞 伏龙肝末二两

上四味，前三味各入少水，绞取汁相和匀 每服二合，入伏龙肝末二钱匕调下，每日空心一服，日午再服。

治乳石发，热盛吐血、衄血，**生地黄汤方**

生地黄切碎 五两 梔子仁二十枚 小蓟根切 三<sup>①</sup>两 黄芩去黑心。一两

上四味，剉如麻豆大 每服五钱匕，水一盞半，入豉二七粒，煎至一盞，去滓温服，空心日晚各一服。

治乳石发，衄血，**生地黄饮方**

生地黄切，绞汁。三合 小蓟根切，绞汁。三合

上二味，合和令匀，分温作三服，早晨、日晚各一。

### 乳石发目昏赤痛

论曰：乳石发目昏赤痛者，由石势乘虚而上，亦膈内有痰热也 石性归肾，若将适失宜，饮食失度，则其气腾涌，与痰热并蓄，熏蒸于肝，故令目昏赤痛也。

治乳石发，目昏赤痛，不睹物，**大黄汤方**

大黄剉，炒 黄连去须 石膏研 各二两 黄芩去黑心 甘草炙，

① 三：明抄本、乾隆本、文瑞楼本同，日本抄本作“二”

剉 细辛去苗叶 半夏汤洗，去滑尽。各一<sup>1</sup>两 山梔子仁七枚

上八味，粗捣筛。每服五钱匕，水三盏，入生姜一分，拍碎，煎至一盏半，去滓，分温三服，早晚服。

治乳石发，目赤，闭目不开，烦闷热气，胸中澹澹，泻肝前胡汤方

前胡去芦头 山梔子仁 干姜<sup>2</sup>炮 车前叶 淡竹叶各二两 大青 秦皮剉 决明子碎 细辛去苗叶 黄芩去黑心 各三两 石膏研。八两

上一十一味，粗捣筛。每五钱匕，水三盏，煎五六沸，下芒消一钱匕，煎至一盏半，去滓，分温三服，得利即差。

治乳石发，目赤痛，小便赤，大便难，逆冲胸中，口燥，黄芩汤方

黄芩去黑心 大黄剉，炒。各二两 山梔子仁十四枚

上三味，粗捣筛。每服三钱匕，水一盏，煎至七分，入豉一合，更煎三五沸，去滓温服，取利三两行，以浆水粥止之。

治乳石发，腰痛欲折，两目欲脱者，为热上肝膈，腰肾冷极故也，黄连饮方

黄连去须 萎蕤各一两 甘草炙，剉。半两

上三味，粗捣筛。以水三盏，煎至一盏，去滓，内朴消一钱匕，更煎二三沸，分温二服，取微利，差。

治乳石发，目痛如刺者，为热气冲肝上目，小便洗方

上数冷食清，朝温小便洗，三日<sup>③</sup>即差。

治乳石发，目生赤脉息肉，碜痛不开，枣肉黄连点方

枣七枚，去核 黄连去须，碎。一两 绵裹 淡竹叶切。一握

上三味，先以水二盏，煎竹叶至一盏半，去竹叶澄清，内枣、黄连，煎至三合，绵滤去滓。每日临卧点目大眦，即差。

治乳石发，目赤痒，丁香黄连点方

① 一：明抄本、乾隆本、文瑞楼本同。日本抄本作“二”

② 干姜：日本抄本、文瑞楼本用量同，明抄本、乾隆本作“三两”

③ 三日：明抄本、乾隆本、文瑞楼本同。日本抄本作“日三”

丁香二七枚。碎 黄连去须 黄檗皮切。各半两 蕤仁研。二七枚 五铢钱一十文

上五味，以水二盏，煎至六分，绵滤去滓。点目大眦，频点，取差。

### 治乳石发，久风目赤，青盐点方

青盐研。一两 杏仁去皮尖。二两。微炒，研烂，以少汤同研匀，帛裹压油出，用半鸡子壳

上二味，用铜盆一只，面阔一尺者，内油盐。取青柳枝如箸大者一握，紧束之，截头令齐，用研之。候如稠墨，即先剗地作坑，置瓦于坑底上，取熟艾一鹅卵大，安瓦上烧之，即安前药盆，合在坑口上，以烟熏之，火尽药成，收于不津器中。每夜点目大眦，即卧，频点取差。

### 治乳石发，目翳，雄黄散点方

雄黄研 干蓝各半两

上二味，捣研为散。每用一米大，翳上点之，三五度即差。

### 治乳石发，眼肿痛不开，猪肉贴方

上取精猪肉，薄切，贴眼上，热即易之。一方，用子肝，以井华水浸贴之。

## 乳石发痈疽发背疮肿

论曰：乳石性本炎悍，服者苟将适失度，食饮不时，致热毒发泄，不择所出，或瘰疽发背，或肠痈瘦膏，不可胜治。间虽有未尝服乳石，而毒气溃漏如是者，亦以腑脏久蓄热毒，或以胞胎之初，禀受石气，其来有自。治法当先以疏利之剂败其毒，而外施傅贴之术。

### 治乳石发动，痈疽发背，诸肿毒，五香连翘汤方

连翘去梗 木香 沉香 薰陆香研 麝香研 射干 升麻 独活去芦头 桑寄生剉 木通剉 各三两 大黄剉 三两<sup>①</sup> 丁香一两

① 三两：文瑞楼本同。明抄本、乾隆本无。日本抄本作“二两”。



上一十二味，除麝香外，粗捣筛，和匀。每服五钱匕，水二盏，煎至一盏半，去滓，入竹沥二分再煎沸，温服，不拘时。

### 治乳石发动，痈疽发背，热渴，麦门冬汤方

麦门冬去心，焙。赤茯苓去黑皮。生干地黄焙。石膏碎。升麻。人参。知母焙。芎藭。山梔子仁各三分。小麦半升。黄耆炙，剉。甘草炙。枳实麸炒。芍药各一两。黄芩去黑心。前胡去芦头各一两半。

上一十六味，剉如麻豆大。每服五钱匕，水二盏，人生姜五片、枣二枚，擘破，竹叶十片，同煎至一盏，去滓温服，不拘时。

治乳石发动，初觉皮肤有疔毒，恐成痈疽，及腑脏壅涩，寒热，口干心烦，犀角汤方

犀角镑。知母剉。各半两。木通剉。芍药。升麻。莽莛。麦门冬去心，焙。黄芩去黑心。甘草炙，剉。萎蕤各三分。

上一十味，粗捣筛。每服五钱匕，用水二盏，煎至一盏，下竹沥半合，马牙消一钱，更煎数沸，滤去滓，空心温服，快利为度，未利再服。

### 治乳石发动，痈疽，内热大渴，黄耆汤方

黄耆炙，剉。前胡去芦头。大黄剉，炒，各一两半。栝楼根二两。木通剉。黄芩去黑心。芍药。赤茯苓去黑皮。甘草炙，剉。知母焙。人参。当归切，焙。升麻。小麦各一两。生地黄研，取汁。

上一十五味，除地黄外，粗捣筛。每服五钱匕，以水二盏，竹叶二七片，切碎，煎至一盏，去滓，入地黄汁半合，再煎沸，空心日晚各一服。

### 治乳石发动，痈疽虚热，人参汤方

人参。甘草炙，剉。黄耆炙，剉。芍药各一两半。赤茯苓去黑皮。当归切，焙。芎藭。黄耆去黑心。木通剉。各一两。

上九味，粗捣筛。每服五钱匕，以水二盏，竹叶一十片，切碎，生地黄汁少许，煎至一盏，滤去滓，温服，空心日午各一。

### 治乳石发为痈疽，五味子汤方

五味子炒。前胡去芦头。当归切，焙。黄耆炙，剉。生干地黄

焙 人参各一两 小麦一合 黄芩去黑心 麦门冬去心，焙 各一两半 甘草炙，剉。三分<sup>①</sup> 桂去粗皮 升麻各半两

上一十二味，粗捣筛，每服五钱匕，以水二盏，枣一枚，擘破，生姜三片，煎至一盏，去滓温服，空心日午各一。

治乳石发为痈疽，肿痛烦热，增损当归汤方

当归切，焙 赤茯苓去黑皮 人参 前胡去芦头 黄芩去黑心 各一<sup>②</sup>两 桂去粗皮 半两 芍药 甘草炙，剉 各一两 麦门冬去心，焙。二两 小麦一合 竹叶半两

上一十一味，粗捣筛，每服五钱匕，以水二盏，枣二枚，擘破，煎至一盏，去滓温服，空心日午各一。

治乳石发动，痈疽发背，漏芦汤方

漏芦去芦头 白敛剉 黄芩去黑心 枳壳去瓤，麸炒 芍药 甘草炙，剉 麻黄去根节 升麻剉 各一两 大黄剉，炒 一两半

上九味，粗捣筛。每服五钱匕，水一盏半，煎至一盏，去滓温服，空心日午各一。

治乳石发动，痈疽发背，疏利毒气，大黄汤方

大黄剉，炒。一两 梔子仁 犀角屑各半两 栝楼根二两 升麻 黄芩去黑心 甘草炙，剉。各三分

上七味，粗捣筛。每服五钱匕，用水一盏半，煎至一盏，滤去滓，空心日午温服。

治乳石发动，痈疽发背，一切毒气，止痛化脓，犀角丸方

犀角屑一两 大黄切，炒 黄芩去黑心 升麻 防风去叉 当归切，焙 人参 黄耆炙，剉 梔子仁 黄连去须 干蓝 甘草炙。各半两 巴豆十枚。去皮、心，炒，研细

上一十三味，除巴豆外，捣罗为末，入巴豆和令匀，炼蜜丸如梧桐子大。每服五丸，米饮下，快利为效。

① 分：明抄本、乾隆本、文瑞楼本同，日本抄本作“两”

② 一：日本抄本、文瑞楼本同，明抄本、乾隆本作“三”

治乳石发动，痈疽发背，一切热毒及恶疮，黄耆丸方

黄耆炙，剉 犀角屑各一两半 黄连去须 茯神去木 当归切，焙 防风去叉 芍药 升麻 赤茯苓去黑皮 黄芩去黑心 甘草炙。各半两 木通剉。一两 麝香研。半分

上一十三味，除麝香外，捣罗为末。入麝香研和匀，炼蜜为丸如梧桐子大。每服二十丸，生姜汤下，未效加至三十丸。

治乳石发动，痈肿发背，及脏腑涩滞，麻仁丸方

大麻仁研。二两 木香三分 枳壳去瓢，麸炒 大黄剉，炒 恶实炒。各一两 甘草炙。半两

上六味，除麻仁外，捣罗为末，入麻仁研匀，炼蜜为丸如梧桐子大。每服二十丸，温水下，未效加至三十丸。

治乳石药气发热，风热相并，致痈肿疮痍，经年不愈，生地黄煎方

生地黄五斤<sup>①</sup>。洗，切，以木杵臼捣绞汁 黄精十二斤。洗，切，以木杵臼捣绞汁 白蜜五升

上三味汁相和，于银石器中，慢火煎如膏为度，以瓷合盛。每服，生姜汤调下半匙至一匙，日二夜一。

治乳石痈毒发背，无名异膏方

无名异研 没药研 麝香研 檀香剉 丹砂研 沉香剉 麒麟竭研 乳香研 突厥白剉 白敛剉 白及剉 白芷剉 鸡舌香研 鸡骨香研 当归切，焙 芎藭剉 大黄剉，炒 牛膝剉，酒浸，焙 防风去叉，剉 槐枝剉 柳枝剉 桑枝剉。各半两 蜡四两 铅丹十二两 青油二斤

上二十五味，除油、蜡、丹及前八味研末外，并剉碎，先熬油令沸，下檀香等一十四味剉药煎，候白芷赤黑色，绞去滓再煎，入蜡、铅丹，以柳篦搅，候变黑色，滴于水中成珠子，软硬得所后，下无名异八味研末，搅令匀，以瓷合盛。用故帛涂帖疮上，每日一次换，以差为度。

① 斤：日本抄本、文瑞楼本同，明抄本、乾隆本作“升”。



治乳石发痈疽疮，止痛生肌，甜菜膏方

甜菜三两 生地黄 猪脂各二两 大戟炒 一两 当归切，焙 续断 白芷 莽草 芍药 防风去叉 各半两 甘草炙 芍药各三分<sup>①</sup> 蜀椒去目并合口者，炒出汗 细辛去苗叶 大黄剉，炒 杜仲去粗皮，酥炙 黄耆炙，剉 黄芩去黑心。各一分

上一十八味，除猪脂外剉碎，先熬脂令沸，下诸剉药煎，候白芷赤色，绞去滓，瓷合盛。每日三五次涂傅疮上。

治乳石痈疽，发背疮毒，止痛吮脓，必效膏方

油一斤 铅丹研。六两 麝香研。一钱 膩粉研 蜡各三分<sup>②</sup> 枫香脂一两半 丹砂细研 半两 盐半两 白芷剉 乳香研 当归炙，剉 桂去粗皮，剉 芍药剉 藁本去苗、土，剉 细辛去苗叶，剉 密陀僧研。各一两

上一十六味，先将油煎令沸，次下白芷等六味剉药煎，候白芷赤黑色，漉出。下蜡、枫香脂，候熔尽，以绵滤去滓。下铅丹、密陀僧、乳香，以柳篦搅煎，候变黑色，滴水中成珠子，即下盐、丹砂、麝香粉等搅匀，倾于瓷盆内，安净地上一宿，除火毒。用故帛上摊贴，日二，以差为度。

治痈疽发背，热毒气结，肿痛坚硬，止疼痛，神效膏<sup>③</sup>方

木通剉 甘草炙 当归炙，剉 白芷 防风去叉 细辛去苗叶 梔子仁 黄连去须 黄芩去黑心。各一分 垂柳枝剉。二两 铅丹六两 蜡半两 清油一斤

上一十三味，除丹、蜡、油外，剉碎。先以油内浸药一宿，于火上煎，候白芷赤黑色绞去滓，再煎，即下丹、蜡，柳篦搅，候变黑色，滴水中成珠子，软硬得所，瓷合盛。故帛上摊贴，日二次，以差为度。

治发背痈疽疼痛，热毒炊肿，赤硬有脓，即撮令头溃，蛇皮涂贴方

① 三分：文瑞楼本同。明抄本、乾隆本作“二分”，日本抄本作“三两”

② 三分：文瑞楼本同。明抄本、乾隆本作“二两”，日本抄本作“三两”

③ 神效膏：日本抄本、文瑞楼本同。明抄本、乾隆本作“神圣膏”。

蛇皮长五尺。细切，炒黑色 芸薹子一两 鸡子二枚。取白 蔓菁叶切 二两 马齿苋切 三两 窑灶中黄砖三两 为末，不着水者

上六味，先细捣蛇皮、芸薹子，次下蔓菁、苋、砖末，细研令匀，次入鸡子白和，以瓷合盛。涂故帛上贴之，每日三五度换，或疮毒发热，即研生地黄汁三六合饮之。

#### 治黑疮肿焮，因乳石发动，龙葵散方

上取龙葵根一握，净洗，细切，乳香研，三两，杏仁去皮尖、双仁，六十枚，黄连去须，三两，同捣罗为细末。其疮作头未傍攻者，即须作饼厚如三四钱许，可疮大小傅之。疮若觉冷微痒者，即易之。痒不可忍，切不得搔动，直候一炊久，即看疮中，似石榴子戢戢著，然后去药。时时以甘草汤微温洗之，洗了即以蜡帛贴之。疮若傍攻作穴，即内药于穴中，以满为度。疮若赤色者，即是热肉面所为，不用龙葵根，以蔓菁根代之。黑疮愈后，只得食猪、鱼、葱、蒜，终身更不得食羊血，食即再发。

#### 又方

上取甘草一斤二两，剉，大麦三升，黄连去须，二两，同捣筛，以沸汤和作饼，贴疮上，干即易，不过四五度，差。

#### 又方

凡发背，多于背两胛间起如粟米，或痛或痒，不过数日，遂至于死。临困之时，已阔三寸，高一寸，疮有数十孔，以手按之，诸孔皆脓出。初有此候，宜急取净土，水和为泥，捏作饼，厚二分，阔一寸半大。作艾炷，灸泥上百壮，干即易饼。仍服五香连翘汤，及铁浆攻之。又发背未作大脓，可水箭射之，浸石令冷熨之，差。

### 乳石发身体生疮

论曰：服石之法，觉饥则食，坐卧衣服如之，则将适有度，而石势不作。倘将适失度，则其热壅滞，血气涩结，此身体所以

生疮。且屢袜至微，一过乎温，则足指生疮，况身体覆幕周密之至，鲜有不为患者。

治乳石发热，体生细疮，并热不已，黄连汤方

黄连去须 芒消各三两

上二味，以水七盏，先煎黄连至四盏，去滓，内芒消末搅匀，停温，以手巾蘸药搗疮上。

治乳石发热，遍体生疮，兼气力弱，大黄汤方

大黄剉，炒。三两 梔子仁二七粒<sup>①</sup> 黄芩去黑心 麦门冬去心，焙 甘草炙，剉。各一两

上五味，粗捣筛。每五钱匕，水二盏，煎至一盏，去滓，内芒消末一钱匕，更煎三两沸，分温二服，早晨、夜卧各一服。

治乳石发热，身体微肿生疮，升麻汤方

升麻 菱蕤各一两半 黄芩去黑心。二两 犀角镑 甘草炙，剉。各一两 梔子仁一十枚

上六味，粗捣筛。每五钱匕，水三盏，煎至一盏半，去滓，下紫雪一钱匕，分温二服，以利下三两行为度，仍用前黄连汤，涂疮肿上。

治乳石发，体热生疮，麦门冬汤方

麦门冬去心，焙。三两 甘草炙，剉 桂去粗皮。各一两半 人参一两

上四味，粗捣筛。每五钱匕，水三盏，入葱白二茎，煎至一盏半，去滓，内豉二合，更煎三两沸，去滓，分温二服，早晨午时至晚各一。

治乳石发动，表里俱热，身体生疮，或发痈疖，大小便不利，知母芒消汤方

知母焙 甘草炙，剉。各一两 梔子仁二七枚 大黄剉，炒。四两 黄芩去黑心。二两

上五味，粗捣筛。每五钱匕，水三盏，煎至一盏半，去滓，

① 二七粒：日本抄本、文瑞楼本同，明抄本、乾隆本作“二枚”。



入芒消末一钱匕，更煎三两沸，分温二服。

治乳石发，两股生疮热痒，兼头痛，麦门冬汤方

麦门冬去心，焙 知母焙 泽泻 甘草炙，剉。各一两 粳米五合

上五味，粗捣筛。每五钱匕，先以水五盏，煎小麦二合、竹叶二十片至三盏，去滓，下药末，重煎至一盏半，去滓，分温二服，空心日晚各一。

治乳石发动，体上生疮，结气肿痛，香豉饮方

豉半分<sup>①</sup> 葱白一握。切

上二味，以水二盏半，煎至一盏，去滓温服，至三四剂。

治乳石发动，烦热胀满，身体生疮，甘草汤方

甘草炙，剉 麻黄去根节。各一两

上二味，以水二盏，酒半盏，煎取一盏半。先以火遍炙背，令热欲汗出，即热服之，以衣覆卧，须臾大汗出，即差。

治乳石发动生疮，热气冲胸，葱白汤方

葱白三茎。切 梔子仁十四枚。擘碎 豉二合

上三味，以水三盏，煎至二盏，去滓，分作三服，早晨午时至晚服之。

治服乳石患疮肿方

上无问大小，或如粟米，则加意疗之。或井水淋，或盐汤洗，或以指撻破，即以指甲细掐旁边，又以唾数涂之，或以苍耳汤浸洗之，或以冷石恣意熨之，以差为度。

治乳石发动，脚指生疮者，为履袜太温方

上当以脚践冷地，以冷水洗之，即差。

### 乳石发口舌疮烂

论曰：乳石发口舌疮烂者，以食饮不时，谷气不足，石性暴烈，其热乘于心脾也。脾主口，心主舌，热积而疮，疮甚而烂，

① 分：明抄本、乾隆本、文瑞楼本同，日本抄本作“两”。

复不得食，则热极可知。解之之剂，不可缓也。

治乳石发，体热烦闷，口中疮烂，表里如烧，痛不能食，**梔子仁汤方**

梔子仁十枚 黄芩去黑心 大黄剉，炒。各三两 豉二合

上四味，粗捣筛。每服五钱匕，水一盏半，入香豉一合，煎至八分，去滓，食前温服。

治乳石发动，口中伤烂，舌强而燥，不得食味者，为食少谷气不足，药气积在胃脘故也，宜**香豉汤方**

豉半升<sup>①</sup> 萎蕤 甘草炙，剉 各半两<sup>②</sup> 黄檗去粗皮，蜜炙，剉 麦门冬去心，焙。各一两

上五味，粗捣筛。每服五钱匕，水一盏半，煎至八分，去滓温服，日再。

治乳石发，头项烦痛，胸胁胀满，寒热，手足逆冷，或口生疮烂，或干呕恶闻食气，上气欲绝，**前胡汤方**

前胡去芦头 芍药 大黄剉，炒 甘草炙，剉 黄芩去黑心，各二两

上五味，粗捣筛。每服五钱匕，水一盏半，枣五枚，擘破，煎至八分，去滓温服，日再。若气实者，加茯苓去黑皮，二两；胸满塞者，加枳壳，去瓢，麸炒，一两；吐逆胸中冷者，加干姜，炮，二两；口燥者，加麦门冬，去心，焙，二两。增减以意量之。

治乳石发，食饮失度，口中发疮，**漱黄芩汤方**

黄芩去黑心。三两 石膏碎。五两 甘草炙，剉 升麻各二两

上四味，粗捣筛。每服五钱匕，水一盏半，煎至八分，去滓，放冷，用漱口，一日十遍。喉咽有疮，稍稍咽之。

治乳石发动，口舌生疮，**铅霜散方**

铅霜研 白矾烧灰 黄檗去粗皮，蜜炙。各一两 麝香研

① 升：明抄本、乾隆本、文瑞楼本同，日本抄本作“斤”。

② 甘草炙剉各半两：文瑞楼本同，明抄本、乾隆本作“甘草炙 各半两”，日本抄本无。

一钱。

上四味，捣研为散。每用半钱匕掺疮上，有涎即吐之。

### 治乳石发口疮，黄檗汤方

黄檗去粗皮，蜜炙。二两 龙胆一两半 黄连去须 升麻各一两

上四味，粗捣筛。每服五钱匕，水一盏半，煎至八分，去滓，时时含咽。

### 治乳石发动，口舌生疮，龙脑散方

龙脑半钱 铅霜 滑石各一<sup>①</sup>分

上三味，各研为细末和匀。每用一字掺疮上，吐涎，差。

### 治乳石发，腹内胸中悉有疮，升麻汤方

升麻一两半 乌梅十枚。去核，炒 黄芩去黑心 黄连去须 栝楼根 甘草炙。各一两

上六味，粗捣筛。每服五钱匕，水一盏半，煎至一盏，去滓，细细含咽，日三四服。

### 治乳石发动，口舌生疮，连颊肿痛，升麻散方

升麻 防风去叉 甘草炙。各半两 鸡肠草三分 芍药 大青各一分

上六味，捣罗为散。每先于疮肿处针出恶血，盐汤漱后，用药半钱匕贴疮上，日三。

### 治乳石发动，口舌生疮，浮萍丸方

干浮萍草 升麻 黄药<sup>②</sup> 铅丹炒，研。各半两

上四味，捣研为末，炼蜜丸如鸡头实大。每服一丸，含化咽津。

① 一：明抄本、乾隆本、文瑞楼本同，日本抄本作“二”。

② 黄药：明抄本、乾隆本、文瑞楼本同，日本抄本作“黄檗”。



## 卷第一百八十四

### 乳石发动门

乳石发身体肿 乳石发上气喘嗽 乳石发呕逆 乳石发霍乱转筋  
乳石发痞结羸瘦 乳石发心腹胀满 乳石发下利 乳石发淋沥  
乳石发大小便不通 服乳石备饮食常法 乳石发诸药不治者

### 乳石发动门

#### 乳石发身体肿

论曰：石发而身体肿者，以食饮过温，不能劳动，致热气蓄壅于肌肉，不得宣散故也。亦有<sup>①</sup>外感风湿，内有停水，与石势相薄，其气滞塞，致浮肿者。然食饮过温，不自劳动，其为肿也，但体热虚肿而已。若风湿停水而发肿，则必心中烦满，小便涩，不可不辨也。

治乳石发热肿，初觉壅，宜服升麻汤方

升麻 大黄剉碎，微炒 黄芩去黑心 枳实去瓤，麸炒 芍药  
各二两 甘草炙 当归切，焙。各一两

上七味，粗捣筛 每服三钱匕，以水一盏，煎至七分，去滓温服。

治乳石热肿，茯苓汤方

赤茯苓去黑皮 淡竹叶一握，切碎 白术 甘草炙 枳实去瓤，麸炒 人参 梔子仁各一两 大黄剉，炒 二两 黄芩去黑心 三两

上九味，粗捣筛 每服三钱匕，水一盏，煎至七分，去滓温服

治钟乳发寒热，胸中壅塞，面肿，手足烦疼，生麦门冬汤方

① 亦有：元刻本、明抄本、乾隆本、文瑞楼本同。日本抄本作“赤者”

生麦门冬去心，焙。一两<sup>①</sup> 豉微炒。一<sup>②</sup>合

上二味，粗捣筛，每服三钱匕，水一盞，葱白三茎，拍碎，同煎至六分，去滓，空心温服。

### 治乳石发热坚肿，芍药汤方

芍药 枳实去瓤，麸炒 大黄剉，炒 升麻各二两 当归切，焙。一两

上五味，粗捣筛 每服三钱匕，水一大盞，煎至七分，去滓温服，空心食前日午各一服。

### 治服石人水气内积，面目腿膝肿硬，小便涩，木通汤方

木通剉 桑根白皮炙，剉 各半两 桔梗剉，炒 赤芍药各三分 葶苈子隔纸炒 白茅根微炒。各一两

上六味，粗捣筛 每服五钱匕，水一盞半，煎至七分，去滓，空腹温服，日再。

### 治服石人风湿外搏，水饮内停，身面微肿，小便涩，紫苏子丸方

紫苏子微炒。一合半 陈橘皮去白，焙 杏仁去皮尖、双仁，炒 赤茯苓去黑皮 防己各一<sup>③</sup>两 葶苈隔纸炒。三分

上六味，捣罗为末，炼蜜丸如小豆大 每服十五丸，加至三十丸，空心用桑白皮、赤小豆煎汤下，日再。

### 治服石人水气内积，面肿，赤茯苓散方

赤茯苓去黑皮 牵牛子炒 各一两半 枳壳去瓤，麸炒 陈橘皮去白，炒 甘草炙。各三分

上五味，捣罗为散。每服二钱匕，如茶点服，不拘时。

### 治乳石发动，上攻头面浮肿，消石汤方

消石 葶苈 防风去叉 黄连去须，炒 大黄剉，炒 甘草炙，剉 枳壳去瓤，麸炒 各一两 地榆剉 羌活去芦头 龙

① 一两：元刻本、明抄本、乾隆本、文瑞楼本同，日本抄本作“一两半”

② 一：元刻本、明抄本、乾隆本、文瑞楼本同，日本抄本作“二”。

③ 一：元刻本、明抄本、乾隆本、文瑞楼本同，日本抄本作“三”

骨 代赭煨 桑根白皮剉，焙 各一两半<sup>①</sup> 桂去粗皮 黄芩去黑心。各半两 石韦去毛。二两<sup>②</sup>

上一十五味，粗捣筛 每服五钱匕，水一盏半，入生姜三片，同煎至八分，去滓温服。

治乳石发热，初欲作肿，石燕子淋洗方

石燕子七枚

上一味，粗捣筛 以水三升，煮取二升，频淋洗痈肿处，以差为度。

治乳石发动，周体患肿，不能回转者，为久坐不行，又饮酒，药气滞在皮肤之内，血脉不通也

上宜饮酒，冷水洗，自劳即差 若不能行者，遣人扶持强行，使支节调畅乃止。亦不得过度，使反发热。倘反热者，还当洗之。

治乳石发动，四肢面目浮肿者，为饮食温，久不自劳力，药与正气相隔也

上但饮热酒，冷食自劳，及洗浴即差

治乳石发动，腹背热，如手、如杯、如盘<sup>③</sup> 许大者方

上但以冷石，随热处熨之。

### 乳石发上气喘嗽

论曰：乳石之发，如火炎上，热气腾涌，熏蒸胸膈，入于肺中，气壅不散，使人胸满短气，上喘咳嗽，不得安卧。

治乳石发，肺胀气急，呀嗽喘粗，不得安卧，紫菀汤方

紫菀去苗、土。一两半 甘草炙。半两 赤茯苓去黑皮。一两半 槟榔剉。五枚 葶苈子纸上炒。一两

上五味，粗捣筛。每服三钱匕，水一盏，煎至七分，去滓，空心温服。

① 各一两半：元刻本、文瑞楼本同，明抄本、乾隆本作“一两”，日本抄本无。

② 二两：元刻本、日本抄本、文瑞楼本同，明抄本、乾隆本作“一两”

③ 如杯如盘：元刻本、文瑞楼本同，明抄本、乾隆本、日本抄本作“如杯盘”



治乳石发，热冲头面，口干喘嗽，麦门冬汤方

生麦门冬去心，焙 萎蕤去根 石膏碎。各二两 葛根剉。三两

上四味，粗捣筛 每服五钱匕，水一盞半，入葱白三茎，切，同煎至一盞，去滓，入生地黄汁二合，更煎三两沸，食后分温二服，日再。

治乳石发，上气肺热，呀嗽，多涕唾，贝母汤方

贝母去心。一两 麦门冬去心，焙。三两 杏仁汤浸，去皮尖、双仁，炒。二十枚 生姜切，焙 石膏碎。各一两 黄芩去黑心。半两 甘草炙。剉。一两 五味子 白朮剉。各半两 淡竹叶一握<sup>①</sup>。切

上一十味，粗捣筛 每服五钱匕，水一盞半，煎至一盞，去滓，下蜜二钱搅匀，空心温服。若取利，入芒消一字，汤成下

治乳石上气，呀嗽不得卧，卧即气绝，葶苈丸方

葶苈子纸上微炒 半两 芸薹子拣净 马兜铃剉 紫苑去苗、土 人参各一两<sup>②</sup> 杏仁汤去皮尖、双仁，炒 二十枚<sup>③</sup> 皂荚酥炙，去黑皮并子。半两 白前 甘草炙，剉 防己各一两

上一十味，捣罗为末，炼蜜和捣令熟，丸如梧桐子大。空心，米饮下二十丸。

治乳石发，定肺气，止喘嗽，天门冬煎方

天门冬去心，绞汁。二两 生地黄绞汁。四两 生姜去皮，绞汁。二两 杏仁汤去皮尖、双仁，研如膏。二两 白蜜二两 牛酥三<sup>④</sup>两 百部 款冬花 紫苑去苗、土 麻黄去根节，别捣。各二<sup>⑤</sup>两 升麻三两 甘草炙。二两

上一十二味，将后六味各捣为末。先以水五盞，煎麻黄末三

① 一握：元刻本、日本抄本、文瑞楼本同，明抄本、乾隆本作“一两”。

② 各一两：元刻本、明抄本、乾隆本、文瑞楼本同，日本抄本无。

③ 二十枚：元刻本、明抄本、乾隆本、文瑞楼本同，日本抄本无。

④ 三：元刻本、明抄本、乾隆本、文瑞楼本同，日本抄本作“二”。

⑤ 二：元刻本、明抄本、乾隆本、文瑞楼本同，日本抄本作“一”。

钱匕，去沫，下五药末五钱匕，煎至四盏，绞去滓，澄滤于铜器中，以微火煎至三盏。次下天门冬汁、地黄汁各二合，更煎减至二盏，下姜汁二合，更煎减至一盏，下杏仁膏、酥、蜜等各半合，搅令匀稠，置不津器中。每服取半鸡子壳许，含化咽津，日四五服。

### 治乳石发热喘嗽方

豉二合

上以水三盏，渍取汁，分温三服，早晨、日午、晡时各一服，服讫卧少时。

### 乳石发呕逆

论曰：石性勇悍，凡服食过度，将适失宜，而又脾胃不和，谷不能胜，则其气上攻，所以发呕逆也。

治乳石发动，热气上攻，脾胃不和，呕逆食不下，茯苓汤方

赤茯苓去黑皮 陈橘皮汤浸，去白，焙 黄耆剉 枇杷叶拭去毛，微炙 各三分 前胡去芦头 枳壳去瓤，麸炒 大黄剉，炒 芦根剉。各一两<sup>①</sup> 麦门冬去心，焙。一分 甘草炙，剉。半两 上一十味，粗捣筛。每服五钱匕，水一盏半，入生姜五片，青竹茹一分，煎至八分，去滓，食后临卧温服。

治乳石发，结热癖，心下肿，胸中痞塞，呕逆不止，雁肪汤方

雁肪一具。先煮过 当归切，焙 大黄剉，炒 桂去粗皮。各二<sup>②</sup>两 芍药一两半 人参 石膏碎 甘草炙，剉 各一两 桃仁二十枚。汤浸，去皮尖、双仁，炒，研

上九味，除雁肪外，粗捣筛 先将雁肪以水七盏，煎取汁五盏，去雁肪 每服用汁二盏，药末四钱匕，更入桃仁七枚，枣一枚，拍碎，煎至一盏，去滓，入芒消少许，更煎三两沸，空心温服，日午再服。若热盛者，日四服 如无雁，以白鸭代之 如无

① 两：元刻本、明抄本、乾隆本、文瑞楼本同，日本抄本作“分”

② 二：元刻本、明抄本、乾隆本、文瑞楼本同，日本抄本作“一”

白鸭，以乌鸡代之。

### 治乳石发呕，服药不效，三黄汤方

豉三合 新绵裹，线缠作袋子 梔子仁半两 枳实去瓢，麸炒，二两 甘草炙，剉 前胡去芦头 大黄剉，炒。各一<sup>①</sup>两

上六味，除豉外，粗捣筛。每服四钱匕，水二盏，和豉袋子同煮至一盏，后入芒消一钱匕，再煎一二沸，去滓，空心温服。

### 治乳石发动，虚热，痰饮呕逆，饮食不下，栝楼根汤方

栝楼根 麦门冬去心，焙 人参 甘草炙 黄芩去黑心 各半两 半夏汤洗七遍，去滑 芦根剉 各一两 前胡去芦头 三分

上八味，咬咀如麻豆。每服五钱匕，水一<sup>②</sup>盏半，入生姜五片，煎至八分，去滓温服，不拘时候。

### 治乳石发动，烦闷呕逆，人参汤方

人参 白术 栝楼根 甘草炙，剉。各二两 黄芩去黑心。一两

上五味，粗捣筛。每四钱匕，水二盏，煎至一盏，去滓，分温二服，早晚食前各一。

### 治乳石发热，干呕烦热，半夏汤方

半夏汤洗去滑，切，焙。一两 白薇炒。二<sup>②</sup>两 干姜炮 甘草炙，剉。各半两

上四味，粗捣筛。每服三钱匕，苦酒一盏，煎至五分，去滓温服。

### 治乳石发动，烦闷呕逆，人参汤方

人参 甘草炙，剉 麦门冬去心，焙 黄芩去黑心 芦根去土，剉，焙 栝楼剉，炒。各一两

上六味，粗捣筛。每服三钱匕，水一盏，煎至七分，去滓，空心温服。

### 治乳石发，呕不止，食不下，薤白饮方

① 一：元刻本、明抄本、乾隆本、文瑞楼本同，日本抄本作“二”

② 二：元刻本、明抄本、乾隆本、文瑞楼本同，日本抄本作“三”



豉<sup>1)</sup> 微炒。四合<sup>2)</sup> 陈橘皮汤浸，去白，焙。一两 麦门冬去心，焙。二两 粟米半合

上四味，粗捣筛 每服五钱匕，水二盏，入薤白二茎，拍碎，煎至一盏，去滓温服，早晚各一。

#### 治乳石发动，干呕，枳壳汤方

枳壳去瓢，麸炒。五两 梔子仁七枚 豉微炒 二合 大黄剉，炒。二两

上四味，粗捣筛 每服四钱匕，水二盏，煎至一盏，去滓温服，空心晚后各一，强壮者加大黄一两

#### 治乳石发呕不息方

薤白一握

上一味，碎切。以水三<sup>3)</sup> 盏，煎至一盏，去滓温服。

治乳石发，呕逆，咽喉中伤，清血出者，此因卧温及食热所致方

上以冷水饮之，或以冷石熨咽喉，即差。

治乳石发，胸胁满，气上逆，此因失饥不食，药气上冲所致方

上速与冷水洗之，或以冷饭食之，即差。

### 乳石发霍乱转筋

论曰：乳石发霍乱转筋者，以服食失度，阴阳不和，清浊相干也。盖服石之人，腑脏多热，热即引饮；及其饥饱<sup>4)</sup>，食又过多，水谷既伤，肠胃不纳，下为泄利，上为吐逆，又为腹胀。吐利不止，寒气益甚，则为转筋。食饮药剂，当调以温和，使石热平息，气道下降，则病可愈。

#### 治乳石发，霍乱转筋不止，香薷汤方

① 豉：元刻本、日本抄本、文瑞楼本同。明抄本、乾隆本作“香豉”

② 合：元刻本、明抄本、乾隆本、文瑞楼本同。日本抄本作“两”

③ 三：元刻本、明抄本、乾隆本、文瑞楼本同。日本抄本作“二”

④ 饥饱：元刻本、明抄本、乾隆本、文瑞楼本同。日本抄本作“饥”

香薷三分 木瓜干者，去瓢 人参 陈橘皮汤浸，去白，焙 厚朴去粗皮，生姜汁炙熟。各一两 桂去粗皮。半两

上六味，粗捣筛。每服五钱匕，水一盞半，入生姜半分，切，煎取八分，去滓温服，不计时候。

治乳石发，霍乱吐利转筋，木瓜汤方

木瓜大者，一枚。去瓢，薄切 仓粳米一合

上二味，以水二盞，煎取一盞，去滓，时时温服一合。

治乳石发，霍乱吐利不止及转筋，糯米饮方

糯米淘净。三合

上一味，细研，以少许清水，搅如乳状，顿服立止。

治乳石发，霍乱转筋及心腹痛，高良姜汤方

高良姜剉。半两 桂去粗皮。一两 木瓜干者，去瓢。二两

上三味，粗捣筛 每服三钱匕，以水一盞，煎取七分，去滓温服，不计时。

治乳石发，霍乱吐利转筋，棠梨木瓜汤方

棠梨枝一握 木瓜大者，一枚。去瓢

上二味，细剉，分四服。每服以水一盞，入生姜五片，煎取七分，去滓热服，不计时。

治乳石发，转筋，不吐不下，气急，桑叶饮方

桑叶切。二两

上一味，以水五盞，煎至一盞半，去滓，分温二服，早晚各一。

治乳石发，吐利转筋气急，高良姜饮方

高良姜剉。五两

上一味，粗捣筛 每服三钱匕，以酒一盞，煎至六分，去滓温服，早晚食前各一。亦疗暴腹痛，恶血气急。

治乳石发，霍乱转筋气急，木瓜饮方

木瓜一枚。去皮子，切，焙干

上一味，剉如麻豆大 每服三钱匕，以水一盞半，煎至八分，去滓温服，饮尽更作。无木瓜，只以枝、叶并根代之。

治乳石发，吐利不止，转筋入腹欲死方

生姜半两。切

上一味，以酒一盞，煎五七沸，去滓，顿服之。

治乳石发动，霍乱，<sup>①</sup>疔痛不可忍，方

食茱萸淘净，炒香。二两

上一味，以酒三盞，煎至一盞半，分为二服，得下利即差，空腹食前各一。

治乳石发，霍乱转筋入腹方

鸡屎白半两

上一味，捣罗为末。每服二钱匕，空腹以温水半盞调，顿服之良。

### 乳石发痞结羸瘦

论曰：阴气积于下，阳气盛于上，升降不时，则成痞结羸瘦。况服乳石者，饮食不节，将适失度，热气炽于上，阴阳隔而不通，水谷之气不能润养肌体，则肌肉枯燥，胸膈痞塞，肠胃胀满，久则正气衰微，日益羸瘦，固其宜也，治法当升降痞膈，调适阴阳，如此则痞者通，石势<sup>②</sup>息也。

治乳石热盛虚弱，痞结羸瘦，调顺阴阳，去热益气，黄耆汤方

黄耆剉 人参 生干地黄焙 甘草炙，剉 白芍药各二两 桂去粗皮 黄芩去黑心 赤茯苓去黑皮。各一两 升麻三两

上九味，粗捣筛。每服五钱匕，水一盞半，枣三枚，擘破，生姜三片，同煎数沸，次下竹叶七片，更煎三二沸，去滓，取一盞，空心温服，日再。

治乳石发后，虚热羸乏，胸膈痞滞，心腹胀满，或腰脚痛<sup>③</sup>，肾沥，当归汤方

当归切，焙 甘草炙，剉 芍药 远志去心 麦门冬去心，

① 疔痛：元刻本、日本抄本、文瑞楼本同，明抄本、乾隆本作“疼痛”。

② 势：元刻本、日本抄本、文瑞楼本同，明抄本、乾隆本作“热”。

③ 腰脚痛：元刻本、文瑞楼本同，明抄本、乾隆本、日本抄本作“腰痛”。



焙 芍药 赤茯苓去黑皮，各二<sup>①</sup>两 生干地黄焙，四两 黄芩去黑心 桂去粗皮，各一两 五味子三两

上一十一味，粗捣筛。每五钱匕，先以水五盏，入白羊肾一只，去筋膜，切，煎至三盏，去肾下药，入生姜一枣大，拍碎，大枣三枚，擘破，更煎至二盏，去滓，分温二服，空心食前。

治乳石发，体黄瘦，不能饮食，心腹痞结，起居腰背急痛，嗜卧，半夏汤方

半夏汤浸七遍，焙 黄芩去黑心 土瓜根各二两 赤茯苓去黑皮，三<sup>②</sup>两 桂去粗皮 枳壳去瓢，麸炒 白术各一<sup>③</sup>两

上七味，粗捣筛。每服五钱匕，水二盏，生姜一枣大，拍碎，煎至一盏，去滓，空心温服，日再。

治乳石发动，因服冷药太过，致心膈痞满，腹内疼痛，不思饮食，日渐羸瘦，枳实汤方

枳实麸炒 赤芍药 青橘皮汤浸，去白，焙 当归切，炒 大腹皮各三分 前胡去芦头，一两 白术半两

上七味，粗捣筛。每服五钱匕，水一盏，生姜一枣大，拍碎，枣二枚，擘，煎至八分，去滓温服，不拘时。

治乳石发动，心膈痞满，喘息微促，腹胁妨闷疼痛，大腹汤方

大腹皮一两 剉 木香 枳壳去瓢，麸炒 赤芍药 甘草炙，剉，各半两 前胡去芦头 陈橘皮汤浸，去白，焙 赤茯苓去黑皮，各三分

上八味，粗捣筛。每服三钱匕，水一盏，生姜一枣大，拍碎，煎至七分，去滓温服，不拘时。

治乳石发动，心膈痞满，腹内妨痛，不思饮食，桔梗汤方

桔梗剉，炒 枳实麸炒 白术各二两 梔子仁一两 甘草炙，剉，半两

① 二：元刻本、日本抄本、文瑞楼本同。明抄本、乾隆本作“三”

② 三：元刻本、日本抄本、文瑞楼本同。明抄本、乾隆本作“一”

③ 一：元刻本、明抄本、乾隆本、文瑞楼本同。日本抄本作“二”

上五味，粗捣筛。每服五钱匕，水一盏半，生姜一枣大，拍碎，煎至八分，去滓温服，不拘时。

### 乳石发心腹胀满

论曰：乳石发心腹胀满者，以饮食居处，皆犯温燥<sup>①</sup>，石势壅遏，不得宣通，故腑脏之间，热气相搏，而心腹胀满也。又有腹胀欲断衣带者，亦以寝处之温，失食失洗，不时动役之过，但能冷食冷洗，当风而立，则胀满自消。

治乳石发，心腹胀满，导气丸方

牵牛四两

上一味，捣罗为末。用生姜自然汁煮面糊，和丸梧桐子大。每服五十丸，生姜汤下。

治乳石发，大热，心腹满胀，石膏汤方

石膏 大青各三<sup>②</sup>两 黄芩去黑心 升麻 芍药各二两

上五味，粗捣筛。每用五钱匕，水一盏半，煎至一盏，去滓，分温二服。如腹痛，加续断二两。

治乳石发，腹胀头痛，先有癖实不消，或饮酒食肉所致，时苦心急痛者，黄芩汤方

黄芩去黑心 甘草炙，剉 大黄剉，炒。各二两 麦门冬去心，焙。一两 梔子仁四十枚

上五味，粗捣筛。每服五钱匕，水一盏半，煎至七分，去滓，下芒消一钱匕，再煎三两沸，温服，早晨、晚后各一服。

治乳石发动，上气热实，心腹满，小便赤，大便不利，痞逆冲胸，口焦燥，目赤痛，大黄汤方

大黄剉，炒。一两 黄芩去黑心 三<sup>③</sup>两 黄连去须 甘草炙，剉 麦门冬去心，焙。各二<sup>④</sup>两

① 燥：元刻本、明抄本、乾隆本、文瑞楼本同，日本抄本作“燥”

② 三：元刻本、明抄本、乾隆本、文瑞楼本同，日本抄本作“一”

③ 三：元刻本、日本抄本、文瑞楼本同，明抄本、乾隆本作“二”

④ 二：元刻本、文瑞楼本同，明抄本、乾隆本作“三”，日本抄本作“一”

上五味，粗捣筛。每服五钱匕，水一盞半，煎至八分，去滓，内芒消一钱匕，再煎三两沸，温服，早晨、近晚各一，通利即愈。

治乳石发动，心胸痞胀，热毒，**萎蕤汤方**

萎蕤 黄芩去黑心 升麻 干姜炮 柴胡去苗 各一两半 芍药 黄连去须，各一两 石膏四两 梔子仁七枚

上九味，粗捣筛。每服三钱匕，水一盞，入生姜一分，拍碎，并豉少许，同煎至六分。去滓，下芒消半字令沸。温服，如人行十里许再服，日二，快利即止。

治乳石发，内有虚热，胸腹痞满，外风湿不解，肌肉拘急，**香豉汤方**

豉二合 梔子仁十四枚 葱白一握。切 黄芩去黑心。三两

上四味，除葱、豉外，粗捣筛。每服先以水三盞，煮葱、豉至一盞半，下药四钱匕，更煎至八分，去滓温服。

治乳石发，内热结不除。或已饮酒、冷食、澡洗犹不解；或腹胀头痛，眼目疼；或先有癖实不消；或连饮不食；或时作心痛。

**甘草汤方**

甘草炙，剉 黄芩去黑心 大黄剉，炒。各二两

上三味，粗捣筛。每服五钱匕，水一盞半，煎至八分，去滓温服，早晨、晚后各一服。

治乳石发，心腹胀痛，冷热相搏，**桔梗汤方**

桔梗剉，炒 三两 甘草炙，剉 白术 枳实去瓤，麸炒 梔子仁各二两

上五味，粗捣筛。每服五钱匕，水一盞半，煎至八分，去滓温服，早晨、晚后各一服。

治乳石发，心痛胀满，饮热酒不解，**葱豉酒方**

葱一握。切 豉五合。绵裹

上二味，以水三盞，煎至二盞，去滓，分三服热饮之，早晨、日午、近晚各一。

治乳石发动，腹胀欲裂者，为久坐下热，及衣温失食所致方。上宜数冷食、冷饮、洗，当风取冷，须臾即愈。



## 乳石发下利

论曰：乳石之性刚猛，气多炎上，理之伤温，则火转为炽，内煎脾肺，苦热遂成其渴。饮水过多，则浸肠胃。胃得水则吐，肠得水则寒，而肠虽寒，火炎不灭，水渐流下而为行潦，遂变下痢。胃气虚冷，水谷不消，在阳则益热不食，在阴则肠鸣而泄也。

治乳石发动，烦热腹痛，变为下痢，不欲饮食，地榆散方

地榆一两 木香半两 萎蕤三分<sup>①</sup> 当归三分。剉，微炒 黄芩三分

上五味，捣筛为散。每服四钱匕，水一中盏，煎至六分，去滓温服，不计时候。

治乳石发动，解散已经快利，热尚不退，兼痢不断，黄连汤方

黄连一升 白粱米二合

上二味，水五升，煮取二升，分三服，一日尽。

治乳石发，下痢，梔子仁汤<sup>②</sup>方

梔子仁二十一枚 甘草炙令赤色，剉。二两 人参二两 黄连去须。二两

上四味，粗捣筛。每服四钱匕，用水二盏，煎至一盏，去滓温服，早晨、日午、晚后食前各一。

治乳石发，下痢，香豉饮方

豉五合 葱白一握。切 干姜炮裂，捣末。一两 甘草微炙，剉，捣末。一两

上四味，先以水三盏，入甘草、干姜二味末各二钱匕，煎水至二盏，去滓，下碎葱一合，豉一合，更煎至一盏，去滓，分为三服，早晨、午时、日晚各一。

治乳石发，下痢，黄连汤方

① 分：元刻本、明抄本、乾隆本、文瑞楼本同。日本抄本作“两”

② 梔子仁汤：明抄本、乾隆本、文瑞楼本同。元刻本、日本抄本作“梔子人参汤”

黄连去须。一两 豉五合 乌梅取肉。十枚

上三味，剉碎，以水三盏，入童子小便一盞，薤白三茎，拍碎，同煎至二盞，去滓，分温三服，空心日午晚后各一。

治乳石发夹时行，兼有客热，下血痢，止血，破棺起死，黄槩汤方

黄槩微炙，剉碎。二两 黄连去须。二两 干姜炮裂。一两 石榴皮炙，剉碎 二两 阿胶炙令燥匀 半两 芍药二两<sup>①</sup> 梔子仁十五枚

上七味，粗捣筛 每服四钱匕，以水二盞，煎至一盞，去滓温服，日再。

治乳石发散，已经快利，热尚不退，兼痢不断，梁米汤方

梁米一合 黄连去须，剉碎。三两

上二味，粗捣筛 以水四盞，煎至一盞半，分三服，去滓，食前温服，一日令尽。

治乳石发，白痢，黄连汤方

黄连去须，绵裹。一两 蜜一合 童子小便二盞

上三味，以水二盞与小便渍药一宿，煎至一盞半，去滓，分为二服，弱人三服，早晨、日午、晚后温服。

治乳石发，赤白痢，兼热烦闷，梔子汤方

梔子仁十枚 薤白剉。一握 豉一合

上三味，以水三盞，煎至一盞半，去滓，分温二服 弱人即分为三服，食前服

治乳石下痢及常服压石方

豉三两

上一味，炒令黄香，候冷，捣筛为末 每服二钱匕，以冷水调下。

解乳石痢方

紫笋茶二两

① 二两：元刻本、文瑞楼本同，明抄本、乾隆本脱，日本抄本作“一两”。

上一味，捣罗为末。每服三钱匕，以水一盏，煎至七分，和滓服之，早晨、日午、晚后食前各一。

### 解石痢方

上淡煮真好芥浓汁，服二三盏，重者三服，轻者一二服，差

## 乳石发淋沥

论曰：乳石发动，小便淋沥者，石势归肾，热气所致也。盖肾主水而恶燥，水行小肠，入胞为溲便，肾气和平，则溲便顺流，肾气宿虚，复困石热，将温过度，虚热相搏，则溲便数而涩且痛也。数为虚，涩为热，涩甚而痛，故为淋沥。

治乳石发动，患淋积年，或数日辄发，**滑石散方**

滑石二两 冬葵子一两 赤茯苓去黑皮 芍药 黄芩去黑心 蒲黄微炒 芒消各一两半 瞿麦穗。一两 石韦去毛。一两半 陈橘皮汤浸，去白，焙。一两

上一十味，捣罗为散。每服二钱匕，煎后方桑白皮饮调服，空心食前日二服，渐加至三服，取利为度。

**下前药，桑白皮饮方**

桑根白皮剉 一两半 木通剉 二两 白茅根剉 二两半 白合二两 甘草炙 滑石各一两

上六味，细剉如麻豆大。每服五钱匕，水三盏，煎至二盏，去滓，每用半盏调前散。如口干，即食前更服此饮

治乳石发动，淋沥，**滑石木通汤方**

滑石五两 木通剉。三两 石韦去毛 瞿麦穗。各二两 冬葵子五合

上五味，粗捣筛。每五钱匕，水三盏，入茅根少许，剉碎，同煎至一盏半，去滓，更下芒消少许，煎三两沸，分温二服，空心一服，如两食久再服，微利为度。

治乳石发动，热结，小便淋涩，小腹痛，**大黄汤方**

大黄剉，炒 芍药 赤茯苓去黑皮。各一两 大麻仁半升。别研，每服旋入一合



上四味，除麻仁外，粗捣筛。每服五钱匕，水三盏，入麻仁一合，同煎至一盏半，去滓，分温二服，空心一服，日午再服。

治乳石发动，热结，小便淋涩，小腹痛，螻蛸汤方

桑螻蛸炙黄。二十<sup>①</sup>枚 黄芩去黑心。一<sup>②</sup>两

上二味，细剉。每服五钱匕，水二盏，煎至一盏，去滓，分作二服，空心温服，日午再服。

治乳石发动，热淋涩痛，车前汤方

车前草去根，剉 葵根削，洗令净，切片，暴干。各二两 木通剉。一两半

上三味，粗捣筛。每服四钱匕，水一盏半，煎至一盏，去滓，入芒消末半钱匕，更煎一两沸，温服，日再，取利为度。

治乳石发动，血淋不止，鸡苏汤方

鸡苏一握。去根，剉，暴 石膏碎。二两 竹叶一握。切 蜀葵子别为末。一两 葵子为末。每服旋入一钱

上五味，除葵子外，粗捣筛。每服二钱匕，水一盏半，煎至一盏，去滓，下葵子末一钱匕，更煎至八分，温服，日二。

治乳石发，卒患淋方

肛底青苔一块，如鸭子大

上一味，以水三盏，煎至一盏半，去滓，分温二服，空心日午各一。

治乳石发，热淋，茅根汤方

白茅根净洗，剉，暴干。半斤

上一味，粗捣筛。每服五钱匕，水二盏，煎至一盏，去滓温服，食前日二。

治乳石石淋，状如碎砂石下者方

车前子一升。绢囊盛

上一味，以水五盏，煎至二盏，经宿勿食，顿服之，须臾砂

① 二十：元刻本、明抄本、乾隆本、文瑞楼本同，日本抄本作“十”。

② 一：元刻本、明抄本、乾隆本、文瑞楼本同，日本抄本作“二”。

石自下。

治乳石发热，小便数少如淋，葵子汤方

冬葵子拣。五合。如无子，切陈根一两亦得

上一味，粗捣筛。每服四钱匕，水一盏半，煎至八分，去滓，温服日三。

### 乳石发大小便不通

论曰：乳石发，大小便不通，以石势乘于大小肠故也。盖石气慄悍，方其将适得宜，饮食有节，则慄悍之气，沉潜而不作。将适失宜，食饮不节，沉潜者于是腾跃而四达，乘于肠间，则津液内燥，而为结涩，此大小便所以不通也。

治乳石发热，四体烦满，脉至急数，大小便不通，升麻汤方

升麻三两 黄檗微炙，剉碎 黄连去须 芍药各一两 甘草炙令赤 黄芩去黑心 白鸭屎 淡竹叶切 各二两 梔子仁十四枚

上九味，除竹叶、鸭屎外，粗捣筛。先以水三升，煮竹叶、鸭屎，去滓，至一升半。每服取一盏，入药四钱匕，煎至七分，去滓温服，早晨、日午、晚后各一。若上气，加杏仁五合、石膏三两。

治乳石发动，气上不得食，呕逆，大小便不通，气满烦闷，折热下气，前胡汤方

前胡去芦头 黄芩去黑心 甘草炙令微赤 赤茯苓去黑皮 各二两 杏仁汤浸，退皮尖，炒令黄，四十枚 枳壳去瓤，麸炒令黄一两 大黄剉，炒令香。一两半 梔子仁十枚

上八味，粗捣筛。每服五钱匕，水三盏，入生姜一分拍碎，同煎至一盏半，去滓，分温三服，早晨、日午、晚食前各一。服讫如利多，吃酢饭止之，不可频服，隔三两日即更服。

治乳石发动，烦热，身体微肿，不能食饮，小便不利，茯苓饮方

赤茯苓去黑皮。二两 白术炒令香 甘草炙令赤 栝楼根剉碎 人参 桂去粗皮。各一两 黄芩去黑心。二两 枳壳去瓤，麸

炒令黄。一两半

上八味，粗捣筛。每五钱匕，水三盏，煎至一盏半，去滓，分温二服，空心日晚食前各一。

治乳石发动，上气，热实不解，心腹满闷，大小便不通，口燥目赤者，芒消汤方

芒消 黄连去须 黄芩去黑心 甘草炙令赤 各一两 梔子仁 大黄剉，炒。各半两

上六味，粗捣筛。每服三钱匕，水一盏，煎至七分，去滓温服，日二，早晨、日晚各一。

治乳石发动，大小肠壅滞，脐腹妨闷，赤茯苓散方

赤茯苓去黑皮 木通剉 各三分<sup>①</sup> 葵子半两 恶实炒 枳壳去瓤，麸炒 大黄剉碎，微炒。各一两

上六味，捣罗为散。每服二钱匕，煎紫苏汤调下，如人行十里再服，以利为度。

治乳石发动，致人虚劳，下焦有热，骨节烦疼，肌急内痞，小便不利，大便涩难，口干舌燥，气乏少力，折石败热，大麻仁饮方

大麻仁五合。研烂，绞取汁 豉三合。以绵裹作袋子

上二味，以水四盏，将麻仁研烂绞取汁，并豉袋子与水同煎至二盏，去滓，分为四服，早晨、日午、晚食前各一，夜更一服。

治乳石发动，大小肠壅滞不通，枳实汤方

枳实去瓤，麸炒令黄 前胡去芦头 槟榔剉 木通剉 各一两 甘草炙。半两 大黄一两半。剉，炒

上六味，粗捣筛。每服三钱匕，水一盏，入生姜半分，煎取六分，去滓，不计时候温服。

治乳石发热，口干，小便涩方

萎蕤五两

上一味，捣碎，每服三钱匕，水一盏，煎取七分，去滓温服，

① 分：元刻本、明抄本、乾隆本、文瑞楼本同，日本抄本作“两”。



但得微利即差。

### 治乳石发热，口干小便涩方

甘蔗削去皮，寸截

上一味，嚼咽汁。如口痛不能嚼者，取汁饮之。先曾利即勿服。

### 治乳石发热，体生疮，气昏浊，不痛不痒，小便赤涩方

生茅根二斤

上一味，捣令烂，以新布绞汁，细细饮之。

治乳石发，虚劳，下焦虚热，骨节烦疼，肌肉急，小便不利，大便数少，吸吸少气，折石败热方

大麻子三合

上一味，研令极烂，以水三盏，煮至一盏半，分二服，早晨、日午各一。

治乳石发动，大便难，腹中坚胀者，为积久，腹中有干粪不去，方

上宜销酥及蜜，并石膏末和服，令滋润腹中即下。若不下，更服大黄、朴消等下之，便差。

## 服乳石备饮食常法

论曰：服乳石者，莫急于将适。将适之法，莫先于饮食。有所宜者，有所当忌慎者，有不可不预备而防其疾之将然者，今特叙之。

### 服乳石之人所宜饮食方

上取猪脂并猪肉，可一月三五度食之佳。以水牛头、蹄及白羊头、蹄、猪肉作姜豉随意食之。果实宜食梨、柿等。凡欲服热羊肉、面食之类，宜先食三五匙冷饭即不妨。热食讫，仍速以冷饭压之，行步释散乃善。服石人有性喜面嗜酢不能禁慎者，宜食冷淡糠酢、百沸紫面及水模饼即无妨。冷韭羹大补，时时宜食之。又服石人虽可饮酒而不宜多，饮酒多则失食味，失食味则不能食，不能食则令人虚热，虚热则令石数发恶寒。况又损石力，谓酒能压石，令人风虚腰脚弱。若能饮又能食，

大佳。

### 又服石忌慎方

上凡服石，饮食切忌热面、白酒、陈臭酢酱、鸡犬、羖羊牛肉、鲍鱼鲍臭鱼脯、血羹、冷酒、有灰酒、荞麦、小豆、胡麻。动作切忌乘饥炙灼，热汤沐浴。夏月空腹忿恚，及过市廛，入丧家，并哭泣，冲热忍饥，登甚秽厕，亲不洁妇人。蔬菜忌芸薹、胡荽、茺菹、枸杞、芥菜、大蒜，果实忌梅、杏、桃、李，药物忌乌头、附子、天雄、苍耳等。悉宜消息，以取安平。且服石将慎至难，不能将息，不若勿服。盖背折脑裂、发乳体肿之疾，往往因此得之故耳。

### 服乳石后将慎，紫面食方

上取乌豆不拘多少，煮取浓汁代水和面，依常法作面食，还向此豆汁中热煮，干则添豆汁，勿加水。候熟，入猪、羊、绿豆等臠食之，和山芋作面尤佳。

### 又水摸饼方

上作饼，欲上釜时，以水涂摸生饼上，表里燂之，切勿食胡饼、烧饼等，大壅热故也。

### 又宜食面饼方

上取面拌如常饼法，细切如小豆大，以面于簸中拌令如丸，煮极熟，干漉出置冷水中，又漉出置盘中，以粉再拌面丸，内铛中煮令极熟，乘热任以五味汁及诸肉臠食之。大凉，补腰脚，于药无犯。

### 又方

上取新大麦为面，和肉汁及作饼食，甚良。又大麦熟蒸为饼，和黑豆相拌食，良。夏日冒热远行，食晚失饥，石必发动，宜作大麦饼。将行，饥即食之，压石疗饥，甚妙。

治乳石发动，寒慄<sup>①</sup>颤掉，不自支持者，为食少，药气溢于肌肤，五脏失序，百脉摇动，与正气相竞方

① 慄：诸校本同，疑为“慄”之形近而误。慄为“栗”之异体字。



上宜强饮热酒以和其脉，药食以定其脏，强行以调其关节，强洗以宣其壅滞。

### 乳石发诸药不治者

论曰：乳石发动，各有方剂以对病证。固有疾势异常，诸药所不能治者，乃别叙备用之法。

治乳石发动，诸药不效，宜服**萎蕤酒方**

萎蕤 升麻 莽莛 人参各三两 大黄剉，炒。二两 黄芩去黑心 葛根剉 紫草去芦头 犀角镑。各四两 梔子仁 芒消各二两 银屑二两半 猪脂腊月者。三两 露蜂房五两 甘草炙，剉。二两 大豆浸一宿，暴干，炒，去皮。一合

上一十六味，除猪脂、银屑外，捣罗为细末，以无灰酒二升，密封渍经一宿。次将猪脂用好酒一升炼开，以银屑相和研，入前药酒内更浸一宿，每服取酒一二盏饮之。

治乳石发动，诸药不治，单服**豆豉酒方**

醇酒一升 豉五合

上二味，同煮沸热，澄清，旋饮一盏。

治乳石发，诸药疗不差方

消石明白者。一块，如杏子大

上一味，不拘时，逐旋含化咽津。

治一切乳石发，**胡豆汁方**

胡豆半升

上一味，以水五盏，与胡豆同研，生绢绞取汁，每服半盏，不拘时服。

治乳石发，**大麦麸方**

大麦去皮净，以水淘七遍，漉出，蒸令香熟，焙干，令更炒香。一升

上一味，捣罗为细麸。每服三钱匕，化蜜水调服，早晨、日午、晚后各一。

治乳石热气结滞，经年数发，**胡荽饮方**



胡蔓五月五日采，预收，阴干。半斤。春夏采叶，秋冬采根

上一味，以水七升，煮取一升半，去滓。每服一盞，不计时候，日三。

治乳石发动，口干寒热，似鬼为病，诸药不治者，麦门冬丸方

麦门冬八分。去心 五加皮 犀角屑 黄芩各四分 萎蕤四两<sup>①</sup> 梔子四分 升麻四两<sup>②</sup> 大黄五分 芍药四分 大青 甘草炙。各三分 苦参六分

上一十二味，捣为末，炼蜜为丸如梧桐子大。每服十五丸至二十丸，食后蜜水送下，日三，以意加减。

治乳石发，热困，诸药不效者方

猪脂五合。成炼者 芒消四分 葱白五合。切 豉心三合

上四味，以水三升，煮葱、豉取一升半，滤去滓，下猪脂、芒消二味，再煎一沸，分五服，以差为度。

治丹石发方

河中石一两

上一味，烧令通赤，投于童子小便一盞内，候温去石饮之。

治一切丹石发方

寒水石一块

上一味，如杏子许大，含之，以差为度。

治一切丹石发方

黄连去须。二两

上一味，捣罗为细末，以水三盞浸，经一宿，漉去滓。每服半盞，时时饮之。

治一切石发方

生冬瓜去皮，研烂。四两

上一味，以水五升，煮至三升，去滓。分温三服，早晨、日

① 两：元刻本、明抄本、乾隆本、文瑞楼本同，日本抄本作“分”。

② 两：元刻本、明抄本、乾隆本、文瑞楼本同，日本抄本作“分”。

午、近晚各一。

**治乳石发，枸杞煮汁方**

枸杞白皮半斤。剉碎

上一味，以水五升，煮取三升，空心任意饮之。

**治乳石发，煮荠苳汁方**

荠苳半斤。细剉

上一味，以水五升，煮取三升，空心饮之。

**治诸乳石散发，不可忍，欲下之方**

肥猪肉二斤 葱白 薤白各四两

上三味切，一处蒸令熟，空心食尽良。未，少顷再食。





责任编辑 张钢钢 华中健 王晓曼 付颖玥  
封面设计 古 骥  
责任印制 常 悦

## 内容提要


《圣济总录》，又名《政和圣济总录》，宋徽宗赵佶敕编，成书于北宋政和至宣和年间（1111—1125），是北宋朝廷征集民间及医家所献医方，结合内府所藏医方整理编纂而成的一部大型方书。全书200卷，录方近2万首，主要按病证分为86门。卷1—5首列运气、叙例、补遗、治法，属于总论性质；卷5—182为临床各科病证的论治方药，首之以诸风门，终之以乳石发动门；卷183—190为补益门、食治门；卷191—194为针灸门；卷195—197为符禁门；卷198—200为神仙服饵门。本书以病分门，门各有方，据经立论，论皆有统。内容极其丰富，包括运气、叙例、治法及临床各科病证，涉及内、外、妇、儿、五官、针灸诸科及养生之类。

本次整理，以日本文化十一年甲戌（1814）聚珍本为底本，并参合多种版本进行校勘，分为10册出版。



中医古籍

ISBN 978-7-5132-3940-0



9 787513 239400 >

定价：2980.00元

读中医药书，走健康之路

扫一扫 关注中国中医药出版社系列微信



服务号

(zgzyyccbs)



中医出版

(zhongyichuban)



养生正道

(yszhengdao)



悦读中医

(ydzhongyi)